



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

243

U-16

2507

8224

R 27 M.



2010

21

2001

1005 70

220

463-45 ԳԻՐԻՔ

ՍՍ.ՂՄՈՍԱՑ

243

4-16

48.

ԴԱԻԹԻ

ՀԱՅԱՍՏԱՆԻ ԳՐԱԴԱՐԱՆ
ՀԱՅԱՍՏԱՆԻ ԿՈՄՄՈՆԻՍՏԱԿԱՆ ԳՐԱԴԱՐԱՆ
Именная Мясницкая Библиотека
7/XI 1922

ՏՊԱԳՐԵԱԼ

Ի ՀՕ.ՅՐԸ.ՊԵՏՈՒԹԵԱՆ

Տ. Տ. ՓԷՈՐՓԱՅ

ԱԶԳԱՍԷՐ ԵՒ ՎԵՀԱՓԱՌ ԿԱԹՈՒՂԻԿՈՍԻ

ԱՄԵՆԱՅՆ ՀԱՅՈՑ

եի

Ի ՊԱՏՐԻԱՐԳՈՒԹԵԱՆ

Տ. Տ. ԵՍԱՅԵԱՅ

ՎԵՀԱՓԱՌ ԿԱԹՈՒՂԻԿՈՍԻ Ս. ԵՐՈՒՍԱԿՆԻ

եի

Ի ՊԱՏՐԻԱՐԳՈՒԹԵԱՆ

Տ. Տ. ՄԿՐՏՉԻ

ՍՐԲԱԶԱՆ ԱՐՔԵՊԻՍԿՈՊՈՍԻ Կ. ՊՕԼՍՈՑ



Կ. ՊՕԼՍՈ

ՏՊԱԳՐՈՒԹԻՒՆ Յ. ԳԱՆԱՅԵԱՆ

— 1871 —

1004
19394

57317-uh



Ջեւր իմ արարին շատցմոսարան , եւ մատունք
իմ կաշմեցին ջգործի օրհնութեան :



Գ Ի Բ Բ

ՍԱՂՄՈՍԱՑ

ԴԱԻԹԻ



ՍԱՂՄՈՍ Ա.



րանեալ է այր՝ որ ոչ գը
 նաց 'ի խորհուրդս ամբա
 րըշտաց . 'ի ճանապարհի
 մեղաւորաց նա ոչ եկաց , և յա
 թուս ժանտից ոչ նստաւ :

Այլ յօրէնս տեառն են կամք նո
 րա , և յօրէնս նորա խորհեացի նա
 'ի տուէ և 'ի գիշերի . և եղևցի նա
 որպէս ծառ , որ տնկեալ է 'ի գը
 նացս ջուրց :

Ար զպտուղ իւր 'ի ժամու տացէ ,
 և տերեւ նորա մի թափեացի . և
 զամենայն զոր ինչ արացէ , յա-
 ջողեացի նմա :

Ոչ այսպէս են ամբարիշտք , և ոչ
 այնպէս . այլ որպէս զփոշի , զոր
 հոսէ հողմ 'ի վերայ երեսաց երկրի :
 Վասն այսորիկ ոչ յարիցեն ամբա-
 րիշտք 'ի գատաստան , և ոչ մեղա-

ւորք 'ի խորհուրդս արդարոց :
 Քանզի ճանաչէ տէր զճանապարհս
 արդարոց . ճանապարհք ամբարիշ-
 տաց կորիցեն :

Տունք զ :

ՍԱՂՄՈՍ Բ .

Անցերնագիր 'ի յերթայեցւոց . երկուքին սորա ընդ
 մի համար են :

Ընդէր խռովեցան հեթանոսք , և
 ժողովուրդք խորհեցան 'ի սնտախ :
 Յանդ իմանեղեն թագաւորք երկրի ,
 և իշխանք ժողովեցան 'ի միասին
 վասն տեառն և վասն օծելոյ նորա :
 Խղեացո՛ւք զկապանս նոցա , և ըն-

կեսցուք 'ի մէնջ զլուծ նոցա :
 Բնակեալն յերկինս ծիծաղեսցի զնո-
 քօք , և տէր արհամարհեսցէ զնոսա :
 Յայնժամ խօսեսցի ընդ նոսա բար-
 կու թեամբ իւրով , եւ սրամտու-
 թեամբ իւրով խռովեցուսցէ զնոսա :
 Ես կացի թագաւոր 'ի նմանէ , 'ի
 վերայ լերին սիօնի սրբոյ նորա՝ 'ի
 պատմել զհրամանս տեառն :
 Տէր ասաց զիս՝ որդի իմ ես դու ,
 և ես այսօր ճնայ զքեզ :
 Խնդրեա յինէն , և տաց քեզ զհե-
 թանոսս 'ի ժառանգու թիւն , և իշ-
 խանու թիւն քեզ ընդ ամենայն
 ծագս երկրի :
 Հովուեսցես զնոսա գաւազանաւ
 երկաթեաւ , և որպէս զանօթ բլր-
 տի փշրեսցես զնոսա :
 Արդ թագաւորք՝ զայս 'ի միտ ա-
 ուէք . և խրատեցարուք ամենե-
 քեան , ոյք դատէք զերկիր :
 Ծառայեցէք տեառն երկիւղիւ , և
 ցնծացէք առաջի նորա դողու թեամբ :

Ընկալարուք զխրատ նորա, զի մի՛
բարկասցի տէր, և կորնչեցիք ՚ի
ճանապարհացն արդարութեան :
Ի ժամանակի՛ յորժամ բորբոքեսցի
բարկութիւն նորա :

Երանի՛ ամենեցուն՝ ոյք յուսաց
եալ են ՚ի տէր :

Տունք ժոյ :

ՍԱՂՄՈՍ Գ.

Սացմա գաւթի . ՚ի ժամանակի՛ ջի փախուցեալ էր նա յե-
րեսաց արիստոմայ որդւոյ իւրոյ :

Տէր՝ զի՞ բազում եղեն նեղիչք իմ,
և բազումք յարեան ՚ի վերայ իմ :
Բազումք ասէին զանձնէ իմմէ,
Թէ չի՛ք փրկութիւն սորա առ
աստուած իւր :

Այլ դու տէր՝ օգնական իմ ես,
փառք իմ և բարձրացուցիչ գլխոյ
իմոյ :

Զայնիւ իմով ես առ տէր կարգա-
ցի, և լուաւ ինձ ՚ի լեռնէ սրբոյ
իւրմէ :

Ես ննջեցի և ՚ի քուն եղէ, զարթ-

Եայ՝ և տէր ընդունելի իմ է :
Ոչ երկեայց ես 'ի բիւրաւոր զօրաց
նոցա , ոյք շուրջանակի պատեալ
պաշարեալ պահէին զիս :

Արի տէր՝ և փրկեա զիս աստուած
իմ . զի դու հարեր զամենեւեան ,
ոյք էին ընդ իս թշնամութեամբ
'ի տարապարտուց . և զատամունս
մեղաւորաց փշրեսցես :

Տեառնդ է փրկութիւն . 'ի վերայ
ժողովրդեան քոյ օրհնութիւն քո :

Տունք ը : Գորդայս իը :



ՄԱՂՄՈՍ Դ .

Ի կաթարած օրհնութեան . Մացմսերգու. թիւն դու. թի :

Ի կարդալ իմում լուար ինձ աստ
ուած ըստ արդարութեան . 'ի նե
ղութենէ ինձ անդորր արարեր . ու
ղորմեա ինձ և լուր աղօթից իմոց :
Որդիք մարդկան՝ մինչեւ յերբ էք
խստասիրտք . ընդէ՞ր սիրէք զնան
րութիւն , և խնդրէք զաստութիւն :

Ծաներուք զի սքանչելիս արար
տէր սրբոյ իւրում, և տէր լուսիցէ
ինձ 'ի կարգալ իմում առ նա :
Բարկանայք՝ և մի՛ մեղանչէք, զոր
ինչ ասէք 'ի սիրտս ձեր, յանկու
ղինս ձեր զղջացարուք :

Մատուցէք պատարագս արդարու
թեան, և յուսացարուք 'ի տէր :
Բազումք ասէին թէ, ո՞ ցուցցէ մեզ
զբարութիւն տեառն. նշանեցաւ
առ մեզ լոյս երեսաց քոյ, և եւ
տուր ուրախութիւն սրտից մերոյ :
Ի պտղոյ ցորենոյ գինւոյ՝ և ձիթոյ
իւրեանց լցուցեր զնոսա :

Խաղաղութեամբ յայս եւ 'ի սոյն
ննջեացուք և զարթիցուք, զի գու
տէր միայն առանձին յուսով քո
բնակեցուցեր զմեզ :

Տունք ը :

ՍԱԶՄՈՍ Ե .

Ի կաթարս վասն վիճակեչոցն . Սացմոս դաւ. թի :

Բանից իմոյ ունկն դիր տէր, և
'ի միտ առ զաղաղակ իմ :

Նայեա 'ի ձայն աղօթից իմոց, թա-
գաւոր իմ և աստուած իմ:

Ես գքեղ աղաչեմ տէր ընդ առա-
ւօսս լուիցես ձայնի իմում. ընդ
առաւօսս պատրաստ եղէց, յան-
դիման լինիլ առ քեզ:

Ոչ թէ դու աստուած կամիս զա-
նօրէնութիւն. և ոչ բնակին առ
քեզ չարք, և անօրէնք մի բնակես
ցին առաջի աչաց քոց:

Ստեցեր զայնտակ ոյք գործեն զա-
նօրէնութիւն. կորուսանես զամե-
նեսեան ոյք խօսին զսուտ:

Զայր արիւնահեղ և զնենգաւոր
պիղծ առնես դու տէր. այլ ես բառ
բազում ողորմութեան քում մտից
'ի տուն քո, և երկրպագից 'ի տա-
ճար սուրբ քո երկիւղիւ քո:

Տէր՝ առաջնորդես ինձ յարդարու-
թեան քում. վասն թշնամեաց ի-
մոց ուղիղ արա առաջի իմ զճանա-
պարհս քո:

Զի ոչ գոյ 'ի բերանս նոցա ճշմար-

տու թիւն . և սիրտք նոցա նան
րեալք են :

Որպէս գերեզմանք բաց են կոկորդք
նոցա . և լեզուօք իւրեանց նենգա
ւորք եղեն :

Դատեա զնոսա աստուած՝ զի անկ
ցին ՚ի խորհրդոց սրտից իւրեանց .
ըստ բազում ամբարշտու թեան նո
ցա մերժեա զնոսա , զի դառնա
ցուցին զքեզ :

Ուրախ լիցին ամենեքեան՝ ոյք յու
սացեալ են ՚ի քեզ . յաւիտեան ցըն
ծասցեն . և բնակեացիս դու ՚ի նոսա :
Պարծեացին ՚ի քեզ սիրելիք անուան
քո , զի օրհնեացես դու զարդարն .
տէր որպէս զինու հաճու թեամբ
քո պսակեցեր զնոսա :

Տունք ժբ :

ՍԱՂՄՈՍ Զ :

Ի կապրած ընդ օրհնու թեան վասն ու թերօրդաց .
Սացմոս դաւ թի :

Տէր , մի՛ սրտմտու թեամբ քով յան
դիմաներ զիս , և մի՛ բարկու թեամբ

քով խրատեր զիս :

Ողորմեա ինձ տէր, զի հիւանդ եմ
ես. բժշկեա զանձն իմ, զի խռո-
վեցան ոսկերք իմ :

Անձն իմ յոյժ խռովեցաւ և գու-
տէր մինչև յերբ :

Դարձ տէր և փրկեա զանձն իմ.
Կեցո զիս տէր ըստ ողորմութեան
քում :

Ձի ոչ ոք է որ ՚ի մահու յիշէ զքեզ.
Կամ ՚ի դժոխս խոստովան առնիցի
առ քեզ :

Վաստակեցայ ես ՚ի հեծութեան
իմում. լուացի զամենայն գիշեր
զմահիճս իմ, և արտասուօք իմովք
զանկողինս իմ թացի :

Խռովեցաւ ՚ի սրտմտութենէ ակն
իմ. և մաշեցայ ես ՚ի վերայ ամե-
նայն թշնամեաց իմոց :

Իբաց կացէք յինէն ամենեքեան,
ոյք գործէք զանօրէնութիւն :

Լուաւ տէր ձայնի լալոյ իմոյ. լը-
ւաւ տէր աղօթից իմոց, և տէր

զխնդրուածս իմ ընկալաւ :
 Ամաչեացեն և խռովեացին յոյժ ա-
 մենայն թշնամիք իմ. գարձցին յե-
 տրս և ամաչեացեն յոյժ վաղվաղա-
 կի և խռովեացին :
 Տունք ժ : Գորդայս զ :



ՍԱՂՄՈՍ Է .

Սացմոս գաւթի . ջոր ասաց տեառն վասն բանին բուսեաց
 որդւոյ յիմենայ :

Տէր աստուած իմ 'ի քեզ յուսա-
 ցայ , փրկեա զիս , և յամենայն հա-
 լածչաց իմոց ապրեցո զիս :
 Գուցէ երբէք յափշտակիցէ որպէս
 առիւծ զանձն իմ . ո՛չ ոք իցէ որ
 փրկիցէ , և ոչ այն՝ որ ապրեցու-
 ցանիցէ :

Տէր աստուած իմ թէ արարի զայս .
 և թէ իցեն անօրէնու թիւնք 'ի ձե-
 ուրս իմ :

Թէ հատուցի երբէք այնոցիկ , ոյք
 հատուցին ինձ չար . անկեայց և
 ես 'ի թշնամեաց իմոց ընդ ունայն :

Հարածեսցէ ապա թշնամին զանձն
իմ. հասցէ և կոխեսցէ յերկիր ըզ
կեանս իմ, և զփառս իմ 'ի հող
բնակեցուսցէ :

Արի տէր բարկու թեամբ քով, և
բարձր լեր 'ի սպառիլ թշնամեաց
իմոց :

Չարթիր տէր աստուած իմ 'ի հրա
մանս քո՝ զոր պատուիրեցեր. և ժո
ղովք ժողովրդոց շուրջ եղիցին
զքեւ :

Վասն այսորիկ 'ի բարձունս դարձ
տէր. և տէր դատէ զժողովուրդս
իւր :

Դատ արա ինձ տէր ըստ արդարու
թեան իմում, և ըստ ամբժու թեան
իմում՝ որ յիս :

Կատարեսցին չարիք 'ի վերայ մեղա
ւորաց, և յաջողեսցես դու ար
դարոյ :

Որ քննէ զսիրտս և զերիկամունս
աստուած արդար. յիրաւի է ինձ
օգնու թիւն յաստուծոյ՝ որ ապրե

ցուցանէ զայնօսիկ, ոչք ուղիւ են
սրտիւք:

Աստուած դատաւոր արդար՝ հզօր
և երկայնամիտ, որ ոչ անէ զբար-
կու թիւն իւր զօրհանապաղ:

Ապա թէ ոչ դառնայք առ նա, ըզ-
սուր իւր սրեալ է և զաղեղն իւր
լարեալ. և 'ի նմա պատրաստեալ է
զանօթս մահու, և զնետս իւր այ-
րեցելովք է գործեալ:

Ահաւասիկ երկնեաց զանօրէնու-
թիւն. յղացաւ զցաւս, և ճնաւ
զանիրաւու թիւն:

Գուբն՝ զոր փորեաց և պեղեաց,
'ի նոյն անկցի 'ի խորխորատ՝ զոր և
գործեաց:

Գարձցին ցաւք 'ի գլուխ նորա. և
'ի վերայ գաղաթան նորա անօրէ-
նու թիւնք իւր իջցեն:

Խոստովան եղէց տեառն ըստ ար-
դարու թեան նորա. և սաղմոս ա-
սացից անուան տեառն բարձրելոյ:

Տունք թէ:

ՍԱՂՄՈՍ Ը.

Ի կատարած 'ի վերայ հնձանայն . Սացմոս դ.ա.թի :

Տէր տէր մեր , զի սքանչելի է աւ
նուէն քո 'ի վերայ ամենայն երկրի :
Համբարձաւ մեծ վայելչու թիւն քո
'ի վերայ քան զերկինս . 'ի բերանոց
մանկանց տղայոց և ըստնդ եայց հաս
տատեցեր զօրհնու թիւն :

Վասն թշնամեաց քոց տէր , զի
եղծցի թշնամին և հակառակօրդն :
Տեսից զերկինս զգործս մատանց
քոց , զլուսին և զաստեղս՝ զորս
դու հաստատեցեր :

Ո՛վ է մարդ , զի յիշես դու զնա .
կամ որդի մարդոց , թէ այց ինչ ա
րասցես դու նմա :

Փոքր ինչ խոնարհ արարեր զնա
քան զհրեշտակս քո . փառօք և
պատուօք պակեցեր զնա , և կա
ցուցեր զնա 'ի վերայ ամենայն ձե
ռակերտաց քոց :

Չամենայն ինչ հնազանդ արարեր
'ի ներքոյ ոտից նորա , զկաշիւն և

17561



զարջառ՝ և զամենայն ինչ :
 Եւս և զերէ վայրի , զԹռչունս
 երկնից , և զձկունս ծովու՝ որք
 շրջին ընդ շաւիղս ծովու :
 Տէր տէր մեր , զի՞ սքանչելի է ա-
 նուն քո ՚ի վերայ ամենայն երկրի :
 Տունք Թ : Գորդայս իզ :



ՍԱՂՄՈՍ Թ .

Ի կատարած վասն գացանեացն որդւոյ . Մայմու գաւ. Թի .

Գոհացայց զքէն տէր բողոքով
 սրտիւ իմով . պատմեցից զամենայն
 սքանչելիս քո :

Ռւրախ եղէց և ցնծացայց ՚ի քեզ .
 սաղմոս ասացից անուան տեառնդ
 բարձրելոյ :

Ի դառնալ յետս Թշնամեաց իմոց ,
 տկարացին և կորիցեն յերեսաց
 քոց :

Արարեր զդատաստանս իմ և զհրա-
 ւունս . նստար յաթու՝ դատաւոր
 արդարու թեան :

Սաստեցեր ՚ի հեթանոսս , և կոր-

եաւ ամբարիշտն . զանուանս նոցա
ջնջեցեր յաւիտեանս յաւիտենից ,
և թշնամւոյն զէն պակասեաց մինչ
խապառ :

Զքաղաքս աւերեցեր , և կորեաւ
յիշատակ նոցա աղաղակաւ :

Աստուած կայ՝ և մնայ յաւիտեան ,
պատրաստ արար զաթոռ իւր ՚ի
դատաստանի :

Ինքն դատէ զաշխարհս արդարու
թեամբ , և զժողովուրդս իւր ուղ-
ղու թեամբ :

Եղև տէր ապաւէն տնանկի , օգնա-
կան ՚ի նեղու թեան ՚ի դէպ ժամա-
նակի :

Յուսասցին ՚ի քեզ ամենեքեան՝ ոյք
գիտեն զանուէն քո . զի ոչ թողցես
զայնոսիկ , ոյք խնդրեն զքեզ տէր :
Սաղմոս ասացէք տեառն՝ որ բնա-
կեալն է ՚ի սիօն , պատմեցէք ՚ի հե-
թանոսս զգործս նորա :

Ի խնդրել զարիւն նոցա՝ յիշեաց . և
ոչ մոռացաւ տէր զաղաղակս տը-

Նանկաց :

Ողորմեա ինձ տէր՝ և տես զխոնարհ
հու թիւն իմ 'ի թշնամեաց իմոց . ո՛ր
բարձր արարեր զիս 'ի դրանց մահու :
Որպէս պատմեցից զամենայն օրհն
նու թիւնս քո 'ի դրունս դասեր սի-
օնի , և ցնծացայց 'ի վրկու թեան
քում :

Ընկլան հե թանոսք յապականու
թեան իւրեանց՝ զոր արարին , և
որոգայթ՝ զոր թագուցին , առցե
զոտս նոցա :

Ճանաչի տէր յառնել զդատաս
տանս իւր . և 'ի գործս ձեռաց իւր
եանց կապեացին մեղաւորք :

Գարձցին մեղաւորք անդրէն 'ի դը-
ժոխս , և ամենայն հե թանոսք որք
մոռայան զաստուած :

Ոչ իսպառ մոռանայ տէր զաղքա-
տըն . համբերու թիւն տնանկաց մի՛
կորիցէ իսպառ :

Սրի տէր՝ և մի՛ զօրասցի մարդ . դա-
տեացին հե թանոսք առաջի քո :

Կացո տէր օրէնսդիր 'ի վերայնոցա,
եւ ծանխցեն հեթանոսք՝ թէ մար-
դիկ են:

Ընդէր տէր՝ կացեր 'ի հեռաստա-
նէ. անտես արարեր 'ի դէպ նե-
ղութեան ժամանակի:

Յամբարտաւանիլ ամբարշտին, այրի
աղքատն. արգելցին 'ի խորհուրդս
իւրեանց, զոր և խորհեցան:

Ձի գովի մեղաւորն 'ի ցանկութիւն
անձին իւրոյ. որ զրկէն, և նա գովի:

Իսկ ընդէր բարկացոյց մեղաւորն
զաստուած, ըստ բազում բարկու-
թեան իւրում, թէ ոչ խնդրի:

Ոչ է աստուած առաջի աչաց նորա.
պիղծ են ճանապարհք նորա յամե-
նայն ժամ:

Բարձրեալ են իրաւունք յերեսաց
նորա. 'ի վերայ ամենայն թշնամեաց
իւրոց տիրեսցէ:

Ասաց 'ի սրտի իւրում, թէ ոչ սա-
սանեցայց ազգէ յազգ առանց չարի:

Անիծիւք և դառնու թեամբ և նեն-

դու թեամբ լի է բերան նորա, և
'ի ներքոյ լեզուի նորա ցաւք և
վաստակք:

Նստի դարանեալ ընդ մեծամեծս
'ի գաղտնիս՝ սպանանել զանբիծն:

Աչք նորա 'ի տնանկս հային. դա-
րանի 'ի գաղտնիս, որպէս զառիւծ
'ի մորուռ իւրում:

Դարանի յափշտակել զաղքատն. յա-
փրշտակել զաղքատն, և ձգել զնա:

Յորոգայթ իւր խոնարհեցուցէ
զնա. խոնարհեցի և անկցի 'ի տի-
րել իւրում 'ի վերայ տնանկաց:

Զի ասաց 'ի սրտի իւրում՝ թէ մո-
ռացաւ աստուած. դարձոյց զե-
րեսս իւր, զի մի՛ տեսցէ իսպառ:

Արի տէր աստուած իմ. բարձր ե-
զիցի ձեռն քո, և մի՛ մոռանար ըզ-
տնանկս:

Իսկ ընդէ՞ր բարկացոյց ամբարիշտն
զաստուած. զի ասաց 'ի սրտի իւ-
րում թէ ոչ քննի:

Տեսանես դու զնա 'ի ցաւս, և

'ի սրտմտու թիւնս հայիս . 'ի քեզ
թողեալ է աղքատն , և որբոյն դու
ես օգնական :

Խորտակեսցի բազուկ մեղաւորի
և չարի . խնդրեսցին մեղք նորա ,
և նա մի գտցի :

Տէր թագաւոր յաւիտեանս յաւի
տենից . կորիցեն հեթանոսք յերկ
րէ նորա :

Ջցանկու թիւն տնանկաց լուաւ
տէր . 'ի պատրաստու թիւն սրտից
նոցա հայեցաւ ակն քո :

Դատ առնել որբոյն և տնանկի . զի
մի ևս յաւելցի մարդ 'ի մեծաբանել
իւրում 'ի վերայ երեսաց երկրի :
Տունք խ :

ՍԱՂՄՈՍ Ժ.

Ի կառարած . Սաղմոս դ.աւ.թի :

Ի տէր յուսացայ . ո՞րպէս ասիցէք
ցանձն իմ , փոփոխեաց 'ի լերինս
որպէս ճնճղուկ :

Ձի ահա մեղաւորք լարեցին զա
յեղուճնս իւրեանց . պատրաստ ա

լարին զնետա 'ի կապարձս, ձգել
ընդ խաւար այնոցիկ՝ ոյք ուղիղ
են սրտիւք :

Ձի զոր դու շինեցեր, նորա աւել
րեցին. իսկ արդարն զի՞ արար :

Տէր 'ի տաճար սուրբ իւրում, տէր
յերկինս յաթոռ իւրում :

Աչք նորա 'ի տնանկս հային, և ար-
տեւանունք նորա քննեն զորդիս
մարդկան :

Տէր քննէ զարդարն և զամբարիշտն .
որ սիրէ զմեզս, ասէ զանձն իւր :

Տեղասցի 'ի վերայ մեղաւորաց որո-
գայթ՝ հուր և ծծումք. այս մար-
րիկ՝ բաժին բաժակի նոցա :

Արդար է տէր՝ և զարդարումի սիրէ .
և զուղղումի տեսանեն երեսք նորա :

Տունք ը :

ՍԱՂՄՈՍ ԺԱ.

Ի կառարած 'ի վերայ ութերորդին . Սաղմոս դաւ. թի :

Ապրեցո զիս տէր, զի նուաղեաց
սուրբ. նուաղեցան ճշմարտու-

թիւնք յորդուոց 'ի մարդկանէ :

Ի նանիր խօսեցաւ այր ընդ ընկե-
րի իւրում. շրթամբք նենդաւու-

րօք սրտէ 'ի սիրտ խօսեցաւ :

Սատակէ տէր զամենայն շրթունս
նենդաւորս և զլեզուս մեծաբանս :

Ոյք ասացին. զլեզուս մեր մեծս
արասցուք, շրթունք մեր առ մեզ

են, և արդ մեր ուզէ տէր :

Վասն տառապանաց աղքատին և
հեծու թեան տնանկին, այժմ յար-

եացց ասէ տէր. եղից զփրկու թիւն
իմ, և համարձակեցայց 'ի նոսա :

Բանք տեառն են բանք սուրբ, որ
պէս զարծաթ ընտրեալ և փորձ-

եալ յերկրէ, սրբեալ և պարզեալ
եօ թնայատիկ 'ի հողոյ :

Իսկ տէր պահեցեր զմեզ, և ապ-
րեցուցեր զմեզ յազգէ յայսմանէ

մինչեւ յաւիտեան :

Շուրջանակի ամբարիշտք շրջին .
ըստ բարձրու թեան քում մեծս ա-

րասցես դու զորդիս մարդկան :

ՍԱՂՄՈՍ ԺԲ .

Ի կուսարած . Սացմոս գ.աւ.թի :

Մինչեւ յերբ տէր՝ մոռանաս զիս
իսպառ , մինչեւ յերբ դարձուցա
նես զերեսս քո յինէն :

Մինչեւ յերբ դնեմ զխորհուրդս
յանձն իմ . եւ ցաւք սրտի իմոյ
զաւուրս :

Մինչեւ ցերբ բարձրանայ թշնա
մին ՚ի վերայ իմ . նայես եւ լուր ինձ
տէր աստուած իմ :

Լոյս տուր տէր աչաց իմոյ , զի մի
երբէք ննջեցից ՚ի մահ :

Մի ասացէ թշնամին՝ թէ յաղթե
ցի նմա , կամ նեղիչք իմ ցնծաս
ցեն , թէ ես սասանեցայց :

Ես յողորմու թիւնս քո տէր յու
սացայ , ցնծացաւ սիրտ իմ ՚ի վր
կու թեան քում . օրհնեցից զտէր
զբարեբարդ իմ :

Տունք զ՝

ՍԱՂՄՈՍ ԺԳ.

Ի կատարած • Սպանա դ.աւ.թի :

Ասաց անզգամն 'ի սրտի իւրում,
Թէ ոչ գոյ աստուած :

Ապականեցան և պղծեցան յանօրէն
նութեան իւրեանց, և ոչ ոք է՝ որ
առնէ զքաղցրութիւն :

Տէր յերկնից նայեցաւ յամենայն
որդիա մարդկան, տեսանել թէ ի
ցէ՞ ոք իմաստուն, որ խնդրիցէ
զաստուած :

Ամենեքեան խոտորեցան 'ի միասին
և անպիտանացան :

Ոչ ոք է որ առնէ զբարի, և չէ ոք
մինչեւ 'ի մի :

Որպէս ոչ ծանիցեն ամենեքեան,
ոյք գործեն զանօրէնութիւն :

Ոյք ուտէին զժողովուրդ իմ որ
պէս կերակուր հացի, և առ տէր
ոչ կարդացին :

Անդ երկիցեն զերկիւղ՝ ուր ոչ իցէ
երկիւղ, զի տէր է յազգս արդարոց :
Զխորհուրդ աղքատին յամօթ աշ

րարին . զի տէր է յոյս նորա :
 Ո՞ տացէ 'ի սիօնէ զփրկութիւն իա-
 րայէլի . 'ի դարձուցանել տեառն
 զգերութիւն ժողովրդեան իւրոյ ,
 ցնծացէ յակոբ՝ և ուրախ եղիցի
 իարայէլ :

Տունք ժ : Գորդայս լք :



ՍՍ.ՂՄՈՍ ԺԴ .

Ի կուտարած . Սացմոս գ.աւ.թի :

Տէր ո՞վ կացցէ 'ի խորանի քում ,
 կամ ո՞վ բնակեացէ 'ի լեառն սուրբ
 քո :

Ար գնայ անբիծ՝ գործէ զարդարու-
 թիւն , խօսի զճշմարտութիւն 'ի
 սրաի իւրում :

Ար ոչ նենդաւորեաց լեզուաւ իւ-
 րով , և չար ընկերի իւրում ոչ ա-
 րար :

Նախատինս 'ի մերձաւորաց նա ոչ
 առնու . արհամարհեալ է առաջի
 նորա չարագործն :

Զերկիւղաւս տեառն փառաւոր

առնէ . որ երդնու ընդ ընկերի իւրում , և ոչ ստէ :

Զարծաթ իւր 'ի վարձու ոչ տայ , և կաշառս 'ի վերայ իրաւանց ոչ առնու . որ վայս արասցէ , նա մի' սասանեսցի յաւիտեան :

Տունք զ :

ՍԱՂՄՈՍ ԺԷ :

Յարձանագիր . Սացմոս դ.ա.թի :

Պահեա զիս աստուած իմ զի ես 'ի քեզ յուսացայ . ասացի տեառն , տէր իմ ես դու , և բարիք իմ ինձ 'ի քէն են :

Սրբոց քոց՝ որք են յերկրի քում , սքանչելի արարեր զամենայն կամս իմ 'ինոսա :

Յաճախեսցին հիւանդու թիւնք նոցա . յետ այսորիկ ապա վաղվաղեսցին :

Ոչ ժողովեցայց 'ի ժողովս նոցա յարեանց , և ոչ յիշեցից զանուանս նոցա 'ի շրթունս իմ :

Տէր բաժին ժառանգու թեան իմոյ՝

և բաժակի իմոյ դու ես, որ այս
րէն դարձուցանես զժառանգու-

թիւն իմ յիս :

Վիճակք ելին ինձ ընդ ընտիրս, և
ժառանգութիւն իմ հաճոյ եղեւ

ինձ :

Օրհնեցից զտէր՝ որ իմաստուն ա-
րար զիս, մինչ ՚ի գիշերի ևս խը-

րատեցին զիս երիկամունք իմ :

Յառաջագոյն տեսանէի զտէր ա-
ռաջի իմ յամենայն ժամ. զի է ընդ

աջմէ իմմէ, զի մի՛ սասանեցայց :

Վասն այսորիկ ուրախ եղեւ սիրտ
իմ, և ցնծացաւ լեզու իմ, ևս և

մարմին իմ բնակեացի յուսով :

Զի ոչ թողցես զանձն իմ ՚ի դժո-
խըս, և ոչ տացես սրբոյ քում տե-

սանել զապականութիւն :

Յուցեր ինձ զճանապարհս քո կե-
նաց, լցուցեր զիս ուրախութեամբ

երեսաց քոյ ՚ի քաղցրութենէ վա-
յելչութեան աջոյ քոյ մինչ իսպառ :

Տունք ժա :

ՍԱՂՄՈՍ ԺԶ.

Աջօթք . Սացմսս դ.ու.թի :

Լուր տէր արդարու թեան , և նայեա 'ի խնդրուածս իմ . ունկն դիր աղօթից իմոց , զի ոչ շրթամբք նեն

գաւորօք :

Յերեսաց քոց իրաւունք ինձ եւցեն , և աչք իմ տեսցեն զուղղութիւն :

Փորձեցեր զսիրտ իմ , և քննեցեր 'ի գիշերի . փորձեցեր զիս և ոչ գտաւ յիս անիրաւութիւն :

Մի՛ խօսեսցի բերան իմ զգործս որդւոց մարդկան , վասն բանից շրթանց քոց ես պահեցից ճանապարհս խիստս :

Հաստատեա զչաւիղս իմ 'ի ճանապարհի քում , զի մի՛ գայթակղեսցին գնացք իմ :

Ես առ քեզ տէր կարդացի՛ զի լուար ինձ աստուած . խոնարհեցո առ իս զունկն քո և լուր բանից իմոց :

Սքանչելի արարեր զողորմութիւնս

քո . ո՛վ փրկեա զայնոսիկ ոյք յուսաց
եալ են 'ի քեզ , յայնցանէ ոյք հա
կառակ կան աջոյ քո :

Պահեա զիս որպէս բիբ ական . ընդ
հովանեալ թեւոց քոյ ծածկե սցես
զիս յերեսաց ամբարշտաց , ոյք սա
ռապեցուցին զիս :

Թշնամիք զանձն իմ պաշարեցին , և
'ի ճարպս իւրեանց արգելին . և բե
րանք նոցա խօսեցան զամբարտա
ւանու թիւն :

Մերժեցին զիս , և այժմ դարձեալ
պատեցան զինեւ . ուշ եղին խո
նարհեցուցանել զիս յերկիր :

Համարեցան ինձ որպէս առիւծ զի
պատրաստի յորս , և որպէս կորիւն
առիւծու զի նստի դարանեալ :

Արի տէր՝ ժամանեա նոցա և խա
փանեա զնոսա . փրկեա զանձն իմ
յամբարշտաց 'ի սրոյ՝ և 'ի ձեռաց
թշնամւոյն :

Տէր կորո զնոսա յերկրէ . բաժանե
ա և խափանեա զնոսա 'ի կեանս

ԽԼՐԵԱՆԵԿ :

Գաղտնեօք քովք լցան որովայնք նո-
 ցա . յադեցան կերակրովք , և թո-
 դին զմնացուածս տղայոց ԽԼՐԵԱՆԵԿ :
 Ես արդարու թեամք երեւեցայց
 երեսաց քոց . և յադեցայց յերե-
 ւիլ փառաց քոց :

Տունք ժէ : Գորդայս լք :



ՍԱՂՄՈՍ ԺԷ .

Ի կատարած 'ի վերայ դատերացմոց նահատակի ծառայի տեա-
 ոցն Կաւթի . ջոր խօսեցաւ ընդ տեառն ջբանս օրհնութեան .
 յաւուր յորում փրկեաց զնա տէր 'ի ձեռաց ամենայն թշնամ-
 եաց , եւ 'ի ձեռաց ամուռցայ . եւ . տաէ :

Սիրեցից զքեզ՝ տէր զօրու թիւն
 իմ , տէր հաստատիչ իմ , ապաւէն
 իմ և փրկիչ իմ :

Աստուած օգնական իմ և ես յու-
 սամ 'ի նա . ապաւէն իմ , եղջիւր
 փրկութեան իմոյ ընդ ունեւի իմ է :
 Օրհնելով կարդացից առ տէր , և
 'ի թշնամեաց իմոց ապրեցայց :

Շուրջ եղեն զինեւ երկուսնք մա-

Հու . և ուղիսք անօրէնու թեան
խռովեցուցին զիս :

Վիշտք դժոխոց պաշարեցին զիս .
և ժամանեցին ինձ որողայթք մա
Հու :

Ինեղու թեան իմում ես առ տէր
կարդացի , և առ աստուած իմ ա
ղաղակեցի :

Լուա ինձ 'ի տաճարէ սրբոյ իւր
մէ ձայնի աղօթից իմոց . և աղա
ղակ իմ առաջի նորա , մտցէ յա
կանջս նորա :

Խռովեցաւ և դողաց երկիր , և հի
մունք լերանց սասանեցան և խռ
վեցան , զի բարկացաւ 'ի վերայ
նոցա աստուած :

Եւ ծուխ 'ի բարկութենէ նորա , և
հուր յերեսաց նորա բորբոքեցաւ ,
և փայլատակունք հատան 'ի նմանէ :
Խոնարհեցոյց զերկինս և էջ . և
մէզ 'ի ներքոյ ոտից նորա :

Եւ 'ի քրովէս և թռեաւ . ալացաւ
նա 'ի թեւս հողմոց :

Եղ զխաւար 'ի ծածկոյթ իւր, և
ջուրջ զնովաւ են յարկք իւր, և
խաւարային ջուրք մինչեւ յամպս
օդոց :

Ի փայլատակել նորա առաջի նոցա,
ամպք անցուցին զկարկուտ, և ըզ
կայծակունս հուր :

Որոտաց տէր յերկնից, և բարձ
րեալն ետ զձայն իւր 'ի կարկուտ և
'ի կայծակունս հուր :

Առաքեաց զնետս իւր և ցրուեաց
զնտա . յաճախեաց զփայլատա
կունս իւր, և խռովեցոյց զնտա :
Երեւեցան աղբերք ջուրց, և յայտ
նեցան հիմունք աշխարհի :

Ի սաստէ քու մտէ տէր, և 'ի շնչել
հոգւոյ բարկութեան քո :

Առաքեաց 'ի բարձանց և ընկալաւ
զիս . ընկալաւ զիս 'ի ջուրց բազմաց :
Փրկեացէ զիս տէր 'ի թշնամեաց ի
մոց հզօրաց, և յատելեաց խնոց՝ զի
հզօրք եղեն քան զիս :

Ժամանեցին ինձ առաքք շարչաւ

բանաց իմոց . եղեւ տէր հզօրիչ
իմ , և եհան զիս յանդորր . և փրկեաց
զիս տէր՝ զի կամեցաւ զիս :
Հատուցէ ինձ տէր ըստ արդարու
թեան իմում . ըստ ամբօժութեան
իմում հատուցէ ինձ :

Ես պահեցից զճանապարհս տեա
ռին , և ոչ ամբարշտեցայց յաստու
ծոյ իմմէ :

Սմենայն իրաւունք նորա առաջի
իմ են . և զարդարութիւն իւր ոչ
'ի բացեայ արար յինէն :

Եղէց և ես ամբիծ ընդ նմա . և
զգուշացայց յանօրէնութենէ իմ
մէ :

Հատուցէ ինձ տէր ըստ արդա
րութեան իմում , ըստ սրբութեան
ձեռաց իմոց առաջի աչաց իմոց :

Ընդ սրբոյն սուրբ եղիցիս , ընդ
առն ամբժի ամբիծ եղիցիս , ընդ
ընտրեալսն ընտրեալ եղիցիս , և
զթիւրսն կործանեացես :

Դու զժողովուրդս խոնարհս կե

ցուցանես . և զաչս ամբարտաւա
նից դու խոնարհեցուցանես :

Դու լուսաւոր առնես զճրագ իմ
տէր . աստուած իմ , լոյս արա ինձ
'ի խաւարի :

Քեւ փրկեցայց 'ի փորձու թե՛նէ ,
աստուծով իմով անցից ընդ պա
րիսպս :

Աստուած իմ , ամբիժ են ճանա
պարհքքո . և բանք տեառն ընտ
րեալ են , և ապաւէն ամենեցուն
որք յուսան 'ի նա :

Վասն զի ո՞վ է աստուած բաց 'ի
տեառնէ , կամ ո՞վ է աստուած բաց
յաստուծոյ մերմէ :

Աստուած , որ զգեցուցեր ինձ զօ
րութիւն , և եղեր յամբժու թեան
զճանապարհս իմ :

Հաստատեցեր զոտս իմ որպէս զեղ
ջերուի . և 'ի վերայ բարձանց կա
ցուցեր զիս :

Ուսուցեր զձեռս իմ 'ի պատե
րազմ , և արարեր զբազուկ իմ որ

պէս զաղեղն հաստ . և ետուր ինձ
դպաշտպանու թիւն փրկու թեան
քոյ :

Աջ քոյ ընկալաւ զիս , և խրատ քո
կանգնեաց զիս խալառ , և խրատ
քո ուսուցէ զիս :

Ընդարձակեցեր զգնացս իմ 'ի ստու
րէ իմմէ . և ոչ տկարացան շա
ւիղք իմ :

Հալածեցից զթշնամիս իմ և հասից
նոցա . և ոչ դարձայց 'ի նոցանէ՝
մինչեւ սպառեցից զնոսա :

Նեղեցից զնոսա , և այլ մի կարաս
ցեն կեալ . և անկցին 'ի ներքոյ ու
տից իմոց :

Զգեցուցեր ինձ զօրու թիւն 'ի պա
տերազմի . և զյարուցեալան 'ի վե
րայ իմ՝ ներքոյ իմ արարեր :

Զթշնամիս իմ հալածականս արա
րեր , և զատելիս իմ սատակեցեր :

Աղաղակեցին , և ոչ ոք էր որ վրու
կէր զնոսա . կարդացին առ տէր՝ և
ոչ լուաւ նոցա :

Մանրեցից զնոսա որպէս փոշի առաջի հողմոյ . և որպէս կառ դռե-

հաց կոխեցից զնոսա :

Փրկեացէ զիս տէր 'ի հակառակու-
թենէ ժողովրդոց , և կացուացէ զիս

գլուխ հեթանոսաց :

Ժողովուրդ՝ զոր ոչ գիտէի , ծառայեաց ինձ , և 'ի լուր ականջաց լու-

ւաւ ինձ :

Որդիք օտարաց ստեցին ինձ . որդիք օտարաց մաշեցան , և կաղացան 'ի

շաւղաց իւրեանց :

Կենդանի է տէր և օրհնեալ է ասառուած . և բարձր եղիցի աստուած

փրկութեան իմոյ :

Աստուած է որ ինդրէ զվրէժ իմ , և հնազանդ առնէ զժողովուրդս

ւնդ ինեւ :

Փրկիչ իմ 'ի թշնամեաց իմոց բարկացողաց . յայնցանէ որք յարուցեալ են 'ի վերայ իմ՝ բարձր արարե-
րէր զիս , և յառնէ անիրաւէ փրկեցեր զիս :

կեցեր զիս :

Վասն այսորիկ խոստովան եղէց
քեզ 'ի հեթանոսս , և անուան
քում սաղմոս ասացից :

Մեծ արարեր զփրկութիւն թա
գաւորի նորա . առնել ողորմու
թիւն ընդ օծելոյ նորա գաւթի ,
և ընդ զաւակի նորա ազգէ մին
չեւ յազգ :

Տունք ծ :

Կանոնս Գորղայս է : Սաղմոս ժէ :

Տունք մլը :



ՕՐՀՆՈՒԹԻՒՆ ՄՈՎՍԷՍԻ ԵՒ ՈՐԴԻՈՑՆ ԻՍՐԱՅԷԼԻ

Եւից ժէ :

Օրհնեսցուք զտէր , զի փառօք է
փառաւորեալ :

Զհեծեալս և զերիվարս ընկէց 'ի
ծով . օգնական ընդունելի իմ տէր ,
և եղեւ ինձ 'ի փրկութիւն :

Սա է իմ աստուած , և փառաւոր
առնեմ զսա . աստուած հօր իմոյ ,
և բարձր արարից զսա :

Տէր խորտակէ զպատերազմունս,
և տէր է անուն նորա :

Զընտիրս արանց և զընտիրս սպա-
ռազինաց, զկառս և զերիվարս և
զամենայն զօրութիւնս փարաւոնի
ընկէց 'ի ծով :

Ծով ծածկեաց զնոսա . ընկլան յան-
դունդս խորոց իբրեւ զվէմս :

Աջ քո տէր՝ փառաւորեալ է զօ-
րութեամբ իւրով . և աջ քո տէր՝
խորտակեաց զթշնամիս քո :

Եւ մեծութեամբ փառաց քոց ման-
րեցեր զհակառակորդս քո . առա-
քեցեր զբարկութիւն սրամտու-
թեան քոյ, և եկեր զնոսա որպէս
զեղէզն :

Հողւով զօրութեան սրամտութ-
եան քո պատառեցան ջուրք . դի-
զան՝ կացին որպէս պարիսպ քարեայ
ջուրք ծովուն . և պաղեցան դիզան
ալիք ջուրցն 'ի մէջ ծովուն :

Ասաց թշնամին . ասէ , հալածեցից՝
հասից՝ հարից , բաժանեցից զա-

ւարն, և լցուցից 'ի նոցանէ զանձն
իմ:

Ի սուր իմ արկից զնոսա, տիրեացէ
և բարձրացի 'ի վերայ նոցա աջ իմ:

Առաքեցեր զհողմն քո, և ծածկեաց
զնոսա ծով, ընկզմեցան, և իջին որ
պէս կապար 'ի ջուրս սաստիկս:

Ո՞ նմանի քեզ յաստուածս տէր,
կամ ո՞վ նմանիցի քեզ փառաւոր
եալդ 'ի սուրբս:

Սքանչելի փառաւորեալ՝ որ առնես
զնչանս և զարուեստս, ձգեցեր ըզ
ձեռն քո, և եկուլ զնոսա երկիր:

Առաջնորդեցեր արդարու թեամբ
ժողովրդեան քո այսմ, զոր և փրկ
կեցեր:

Մխիթարեցեր զնոսա զօրու թեամբ
քով 'ի բանակեսող սրբու թեան
քո, լուան ազգք և բարկացան, և
երկունք կալան զբնակիչան փղբշ
տացւոց:

Յայնժամ փուլթացան դատաւորք
եղովմայ, և իջխանք մովաբացւոց:

Կալաւ զնոսա դողումն . հալեցան
ամենայն բնակիչք քանանացւոց :
Անկցի 'ի վերայ նոցա ահ և դո-
ղումն . և 'ի զօրութենէ բազկի քո
քարասցին :

Մինչեւ անցցէ ժողովուրդ քո տէր .
մինչեւ անցցէ ժողովուրդ քո այս՝
զոր ստացար :

Տարեալ անկեացես զնոսա 'ի լերին
ժառանգութեան քոյ , 'ի պատրաս-
տութիւն բնակութեան ժառան-
գութեան քոյ :

Զոր ստացար 'ի սկզբանէ տէր , ստա-
ցար սրբութեամբ՝ զոր պատրաս-
տեցին ձեռք քո . տէր թագաւոր
յաւիտեանս յաւիտենից , և ևս :
Զի եմուտ փարաւոնս կառօք և ե-
րկարօք և ընտիր սպառազինօք 'ի
մէջ ծովուն :

Եւ էա՞ծ 'ի վերայ նոցա տէր զընդոս
ծովուն . և որդիքն իօրայելի գնա-
ցին ընդ ցամաք 'ի մէջ ծովուն :
Փառք հօր և որդւոյ և :



ՄԱՂԹԱՆԻՔ

Քրիստոս է իմ աստուած , և վառաւոր առնեմ զսա . աստուած հօր իմոյ , և բարձր արարից զսա :

Բարձր արարից զսա :

Մարդասէր տէր , վասն սրբուհւոյ անարատի մօր քոյ և կուսի , և վասն խաչի քո պատուականի , ընկալ զաղաչանս մեր , և կեցո զմեզ :

Քարոզ և աղօթք Երանեալ և Իբրեւ կանոնացն :

Վասն 'ի վերուստ խաղաղութեան և փրկութեան անձանց մերոց ըզտէր աղաչեսցուք : Տէր ողորմեա :

Վասն լսելի լինելոյ տեառն աստուծոյ ձայնի աղաչանաց մերոց , զտէր աղաչեսցուք :

Վասն քաւիչ և ներող լինելոյ աստուծոյ 'ի վերայ մեղաց մերոց , ըզտէր աղաչեսցուք :

Վասն թողլոյ մեզ զամենայն յան

ցանա մեր զկամայ և զակամայ, ըզ
տէր աղաչեսցուք :

Վասն զի մի ընդ խոտանան գտա
նիցիմք յաւուրն պատասխանա
տուութեան, զտէր աղաչեսցուք :

Վասն հոգւոցն հանգուցելոց՝ որք
ճշմարիտ և ուղիղ հաւատով 'ի
քրիստոս ննջեցին, զտէր աղաչես :

Եւ եւս՝ միաբան վասն ճշմարիտ և
սուրբ հաւատոյս մերոյ, զտէր ա :

Չանձինս մեր և զմիմեանս տեառն
աստուծոյ ամենակալին յանձն ա
րասցուք :

Ողորմեաց մեզ տէր աստուած մեր
ըստ մեծի ողորմութեան քում, ա
սասցուք ամենեքեան միաբանու

թեամք :

Տէր ողորմեա, տէր ողորմեա, տէր
ողորմեա :

Ս. Ղ. ՕԹ. Բ.

Տէր տուրնջեան և գոյացուցիչ գի
շերոյ, որ արարեր զտիւ 'ի զբօսանս

բարեգործութեան 'ի փրկութիւն
անձանց մերոց, և զգիշեր 'ի հան-
գիստ քնոյ տկարացեալ բնութեան
մերոց: Իսկ այժմ զարթուցեալ բա-
ցեր զբերանս մեր յօրհնաբանու-
թիւն՝ ահաւոր և փառաւորեալ
անուանոց քում արբոյ: Ընկալ և
այժմ զաղաչանս մեր, և յաջողեա
մեզ ուղիղ հաւատով և առաքինա-
սէր վարուք 'ի նոյն պաշտօն քո կան-
խել միշտ, և նովին կանոնիւս ան-
դադար փառաւորել զհայր և զորդի
և զսուրբ հոգիդ, այժմ և միշտ և
յաւիտեանս յաւիտենից. ամէն:

Խաղաղութիւն ամենեցուն:

Աստուծոյ երկրպագեսցուք:

Զքեզ, որ յամենայնի գլխած և մար-
դասէր տէրդ ես, աղաչեմք հանա-
պաղ, զի զօրացուսցես զմեզ օր ըստ
օրէ կալ 'ի կարգի կրօնաւորութեան
մերում: Թեթեւացո տէր՝ զքաղցր
լուծ քո՝ զոր եգեր 'ի վերայ մեր:

զի կարասցուք կալ 'ի պատու իրանի
քում, և զհաճոյսն առնել առաջի
քո յամենայն ժամ 'ի տուէ և 'ի գի-
շերի : Հրեշտակային երգակցու-
թեամբ զքեզ օրհնել, զքեզ գովել,
և քեզ գոհու թիւն և փառս մա-
տուցանել ամենազօր տէրու թեանդ
այժմ և միշտ և յաւիտեանս յաւի-
տենից . ամէն :


ՄԱՂԹԱՆՔ

Սաղմոսիւք և օրհնու թեամբ և
երգօք հողեւորօք անդադար փա-
ռաւորեմք զհայր և զորդի և ըզ
առքէ հոգիդ այժմ և միշտ և յա-
ւիտեանս յաւիտենից . ամէն :

Օրհնեալ տէր մեր յիսուս քրիս-
տոս . ամէն :

Հայր մեր որ յերկինս :





Լուր դուռոր եւ. տես . խնարհեցո ցուհին քո :



ՍԱՂՄՈՍ ԺԸ.

Ի կուտարած • Սաղմոս Կ.աւ.թի :

Երկինք պատմեն զփառս աստուծոյ, և զարարածս ձեռաց նորա պատմէ հաստատութիւն :

Օր աւուր բղխէ զբան, և գիշեր գիշերի ցուցանէ զգիտութիւն :

Ոչ են բանք և ոչ են խօսք, որոց ոչ լսին ձայնք նոցա :

Ընդ ամենայն երկիր ել բարբառ նոցա, և մինչեւ 'ի ծագս աշխարհի են խօսք նոցա :

Յարեւու եհար զխորան իւր, և ինքն որպէս փեայ՝ զի ելանէ յաւազաստէ իւրմէ. և ցնծայ նա որպէս հսկայ յընթանալ զճանապարհս իւր :

Ի ծագաց երկնից են ելք նորա. և հանգիատ նորա մինչեւ 'ի ծագս

նորուն . և ոչ ոք իցէ , որ թաքիցէ
'ի տապոյ նորա :

Օրէնք տեառն ամբիժ են , և դարձուցանեն զհոգիս . վկայութիւն տեառն հաւատարիմ է , և իմաստուն առնէ զտղայս :

Արդարութիւն տեառն ուղիղ է , և ուրախ առնէ զսիրտս . պատուիրանք տեառն լոյս են , և լոյս տան աչաց . երկիւղ տեառն սուրբ է , և մնայ յաւիտեան :

Դատաստան տեառն ճշմարիտ է , և արդար է 'ի նոյն :

Ցանկալի է նա քան զոսկի և քան զականս պատուականս բազումս . քաղցր է նա քան զմեղու խորիսիս : Քանզի ծառայ քո պահեացէ զայս . 'ի պահել նմա զհատուցումն բազում :

Զյանցուածս իւր ո՞վ կարէ առնուլ 'ի միտ . 'ի գաղտնեաց իմոց սուրբ արա զիս տէր , և յօտարէն պահեա զծառայս քո :

Ապա թէ ոչ տիրեացեն ինձ, յայն
ժամ ամբիժ եղէց, և սուրբ եղէց
'ի մեղաց մեծաց:

Եղիցին քեզ հաճոյ բանք բերանոյ
իմոյ, և խորհուրդք սրտի իմոյ ա-
ռաջի քո յամենայն ժամ. տէր օգ-
'նական իմ և վրկիչ իմ:

Տունք ժգ:

ՍԱՂՄՈՍ ԺԹ.

Ի կատարած. Սացմոս Գաւթի:

Լուիցէ քեզ տէր յաւուր անձ,
կուժեան. օգնական եղիցի քեզ
անունն աստուծոյ յակորբայ:

Առաքեսցէ քեզ տէր օգնութիւն
'ի սրբութենէ իւրմէ, և 'ի սիօնէ
ընկալցի զքեզ:

Յիշեսցէ տէր զամենայն պատարա-
գրս քո, և զուխտս քո ընդունելի
արասցէ:

Տայէ քեզ տէր ըստ սրտի քում.
և զամենայն խորհուրդս քո նա
կատարեսցէ:

Յնձասցուք մեք 'ի փրկութեան
քում, յանունն աստուծոյ մերոյ
մեք մեծք եղիցուք :

Լցուսցէ տէր զամենայն խնդրուա-
ծրս քո, այժմ ծանեաք, զի կեցոյց
տէր զօճեալ իւր :

Լուաւ սմա յերկնից 'ի սրբութե-
նէ իւրմէ, 'ի զօրութիւնն փրկու-
թեանն աջոյ իւրոյ :

Սոքա կառօք և սոքա երիվարօք,
այլ մեք զանունն տեառն աստու-
ծոյ մերոյ կարդասցուք :

Սոքա խափանեցան և անկան, մեք
յարեաք և ուղիղք եղաք :

Տէր կեցո զթագաւորն, և լուր
մեզ յաւուր յորում կարդաս-
ցուք առ քեզ :

Տունք ժ :

ՍԱՂՄՈՍ Ի.

Ի կառարած . Սացմոս գու.թի :

Տէր 'ի զօրութեանն քում ուրախ
եղիցի թագաւորն, 'ի փրկութեանն

քում ցնծասցէ յոյժ :

Զցանկուծիւն սրտի նորա ետուր
նմա, և զկամս շրթանց նորա ոչ
արգելեր 'ի նմանէ :

Ժաման արարեր զնա յօրհնուծիւն
քաղցրուծեան քոյ, և եղեր 'ի
գլուխ նորա պսակ 'ի քարէ պատ-
ուականէ :

Կեանս խնդրեաց 'ի քէն, և ետուր
նմա ընդ երկայն աւուրս՝ յաւի-
տեանս յաւիտենից :

Մեծ են փառք նորա 'ի փրկու-
ծեան քում. զփառս մեծվայել-
չուծեան քո դիցես 'ի վերայ նորա :
Տացես զնա յօրհնուծիւն յաւի-
տեանս յաւիտենից, և ուրախ ա-
րասցես զնա յուրախուծիւն ե-
րեսաց քոյ :

Թագաւոր յուսացաւ 'ի տէր. յո-
ղորմուծենէ բարձրելոյն նա մի՛
սասանեսցի :

Գտցի ձեռն քո 'ի վերայ թշնամ-
եաց քոյ, և աջ քո գտցէ զամե.

Նայն ատելիս քո :

Դիցես զնոսա որպէս Հնոց 'ի Հուր'
'ի ժամանակի երեսաց քոց :

Տէր բարկու թեամբ իւրով խռովեցուսցէ զնոսա . և Հուր կերիցէ զնոսա :

Պտուղ նոցա յերկրէ կորիցէ , և զաւակ նոցա յորդւոց 'ի մարդկանէ : Խոտորեցան 'ի քէն չարու թեամբ . խորհեցան զխորհուրդ . զոր ոչ կարացեն հաստատել :

Արացես զնոսա հալածեալս . 'ի մնացուածս քո պատրաստեսցես զերեսս նոցա :

Բարձր լեր տէր 'ի զօրութեան քում . օրհնեսցուք , և սաղմոս ասացուք 'ի զօրութեան քում :

Տունք ժդ : Գորդայս լը :



ՍԱՂՄՈՍ ԻԱ .

Ի կատարած . Վասն առա. օտին օգնականու. Թեանց .

Սացմոս գաւ. Թի :

Աստուած աստուած իմ՝ նայեաց առ իս . ընդէր թողեր զիս . հեռի

Եղէ 'ի փրկու թե նէ իմմէ վասն բա-
նից յանցանայ իմոց :

Աստուած իմ, 'ի տուէ կարդացի
առ. քեզ, և ինձ ոչ լուար, 'ի գի-
շերի, և ինձ ոչ անասցեր :

Դու 'ի սուրբս բնակեալ ես. և
գովեալդ խորայելի :

Ի քեզ յուսացան հարքն մեր. յու-
սացան 'ի քեզ, և փրկեցեր զնոսա :

Առ քեզ աղաղակեցին և կեցին, 'ի
քեզ յուսացան, և ոչ ամաչեցին :

Այլ ես որդն եմ, և ոչ եմ մարդ .
նախատինք մարդկան, և արհամար-
հանք ժողովրդոց :

Ամենեքեան որք տեսանէին զիս,
արհամարհէին զինեւ. խօսէին շըր-
թամբք, և շարժէին զգլուխս իւր-
եանց :

Յուսացաւ 'ի տէր, և փրկեացէ ըզ-
նա. կեցուցէ զնա, զի կամի զնա :

Դու ես՝ որ հաներ զիս յարգան-
դէ. յոյս իմ, 'ի ստեանց մօր իմոյ :

Ի քեզ անկայ ես յարգանդէ. յու-

րովայնէ մօր խնոյ դու ես աստ
ուած իմ :

Մի՛ ՚ի բացեայ առնիր յինէն՝ զի
նեղու թիւնք մերձեալ են, և ոչ
ոք է՝ որ օգնէ ինձ :

Շուրջ եղեն զինեւ զուարակք բա
զումք, և ցուլք դէրք պաշարե
ցին զիս :

Բացին ՚ի վերայ իմ զբերանս իւր
եանց, որպէս առիւծ՝ զի մռնչէ
և յափշտակէ :

Ես որպէս զջուր հեղայ, և ցրուե
ցան ամենայն ոսկերք իմ, և եղեւ
սիրտ իմ որպէս մոմ հալեալ ՚ի
մէջ որովայնի խնոյ :

Չորացաւ որպէս խեցի զօրու թիւն
իմ. լեզու իմ ՚ի քիմս իմ կցեցաւ,
և ՚ի հող մահու իջուցին զիս :

Շուրջ եղեն զինեւ շունք բազումք,
և ժողովք չարաց պաշարեցին զիս :

Ծակեցին զձեռս իմ և զոտս իմ,
և թուեցին զամենայն ոսկերս իմ.
Նոքա հայեցան և տեսին զիս :

Բաժանեցին զհանդերձս իմ 'ի մէջ
իւրեանց, և 'ի վերայ պատմուճա-

նի իմոյ վիճակս արկանէին:

Գու տէր՝ մի՛ հեռի առներ զօգ-
նութիւն քո յինէն. և տէր յօգ-

նել ինձ նայեաց:

Փրկեա 'ի սրոյ զանձն իմ, և 'ի ձե-
ռաց շանց զմիամօրութիւն իմ:

Փրկեա զիս 'ի բերանոյ առիւծու,
յեղջերէ միեղջերուի զխոնարհու-
թիւն իմ:

Պատմեցից զանուն քո եղբարց ի-
մոց. և 'ի մէջ եկեղեցւոյ օրհնեցից
զքեզ:

Երկիւղածք տեսան օրհնեցէք ըզ-
տէր. և ամենայն զաւակն յակոբ-
եան փառաւոր արասցեն զնա:

Երկիցէ 'ի տեսանէ ամենայն զա-
ւակն իսրայէլի, զի ոչ արհամարհ-
եաց և ոչ անարգեաց տէր զաղօ-
թրս աղքատի, և ոչ դարձոյց զե-
րեսս իւր յինէն. այլ 'ի կարդալ ի-
մում առնա՝ լուաւ ինձ:

Իքէն է գովութիւն իմ տէր, յե-
կեղեցիս մեծս օրհնեցից զքեզ:
Զուխտս իմ կատարեցից առաջի
ամենայն երկիւղածաց նորա:
Կերիցեն տնանկք և յագեացին,
օրհնեացեն զտէր՝ ոյք խնդրեն զնա:
Կեցցեն սիրտք նոցա յաւիտեանս
յաւիտենից. յիշեացեն, և դարձ-
ցին առ տէր ամենայն ծագք երկրի:
Երկիրպագցեն նմա ամենայն տոհմք
ազանց, զի տեառն է արքայու-
թիւն, և նա տիրէ ՚ի վերայ ամե-
նայն հեթանոսաց:
Կերին և երկիրպագին նմա ամենայն
պարարտք երկրի. առաջի նորա անկ-
ցին ամենեքեան՝ որք իջանեն ՚ի հող:
Անձն իմ նովաւ կեայ, և զաւակ
իմ ծառայեսցէ նմա:
Պատմեսցի տեառն ազգ՝ որ գալոցն
է, պատմեսցեն զարդարութիւն
նորա ժողովրդեան, որ ծնանելոցն
է՝ զոր արար տէր:

ՍԱՂՄՈՍ ԻԲ .

Ի կատարած. Սուցմոս դ.ու.թի .

Տէր հովուեացէ զիս , և ինձ ինչ
ոչ պակասեացի :

Ի վայրի դարարւոջ՝ անդ բնակեցոյց
զիս , և առ ջուրս հանգստեան
անոյց զիս :

Գարձոյց զանձն իմ առիս , և առ
աջնորդեաց ինձ 'ի ճանապարհս
արդարութեան վասն անուան իւ
րոյ :

Թէպէտ և գնացից ես 'ի մէջ ըստ
ուերաց մահու , ոչ երկեայց 'ի չա
րէ , զի դու տէր ընդ իս ես :

Տուպ քո և գաւազան՝ նոքա միսի
թարեացեն զիս :

Պատրաստ արարեր առաջի իմ զսե
զան՝ ակն յանդիման նեղչաց իմոց :

Օճեր իւղով զգլուխ իմ . բաժակ
քո որպէս անապակ արբեցոյց զիս :

Ողորմութիւն քո տէր զհետ իմ
եկեացէ զամենայն աւուրս կենաց

իմոց, բնակել ինձ 'ի տան տեառն
ընդ երկայն աւուրս :

Տունք ը :

ՍԱՂՄՈՍ ԻԳ.

Սացմոս դ.աւ.թի. միաշարաթու.ն :

Տեառն է երկիր լիւ իւրով. աշ-
խարհ և ամենայն բնակիչք նորա :
Նա ինքն 'ի վերայ ծովու հիմունս
էարկ նմա . 'ի վերայ գետոց պատ-
րաստեաց զնա :

Ո՛վ ելցէ 'ի լեառն տեառն, կամ
ո՛վ կացցէ 'ի տեղւոջ սրբութեան
նորա :

Որ սուրբ է ձեռօք և ամբիծ սրբ-
տիւ, որ ոչ էառ զնանրութիւն
յանձն իւր, և ոչ երդուաւ ընդ
ընկերի իւրում նենգութեամբ :

Սա առցէ զօգնութիւն 'ի տեառ-
նէ, զողորմութիւն յաստուծոյ
փրկչէ իւրմէ :

Այս ազգ է՝ որ խնդրէ զտէր .
խնդրէ տեսանել զերեսս աստու-

Տոյ յակոբայ :

Համբարձէք իշխանք զդրունս ձեր
'ի վեր . համբարձցին դրունք յա-
ւիտենից , և մտցէ թագաւոր փա-

ռաց :

Ո՛վ է սա թագաւոր փառաց , տէր
հզօր զօրութեամբ իւրով , տէր

հզօր 'ի պատերազմի :

Համբարձէք իշխանք զդրունս ձեր
'ի վեր . համբարձցին դրունք այ-
ւիտենից , և մտցէ թագաւոր փա-

ռաց :

Ո՛վ է սա թագաւոր փառաց , տէր
զօրութեանց , սա ինքն է թագա-

ւոր փառաց :

Տունք ժ . Գորդայս ծ :



ՍԱՂՄՈՍ ԻԴ .

Ի կատարած . Սացմոս գաւթի :

Առ քեզ տէր համբարձի զանձն
իմ . աստուած իմ 'ի քեզ յուսա-
ցայ , մի՛ ամաչեցից , և մի՛ ծիծա-

դեպիս զինեւ թշնամիք իմ :

Սմենեքեան որք համբերեն քեզ,
մի ամաչեացեն, այլ ամաչեացեն ա-
նօրէնք յունայնու թեան իւրեանց :

Չճանապարհս քո տէր ցոյց ինձ,
և զշաւիղս քո ուսո ինձ :

Առաջնորդեա ինձ 'ի ճշմարտու-
թեան քում և ուսո զիս, զի դու
ես աստուած փրկիչ իմ. և ես քեզ

համբերի զօրհանապաղ :

Յիշեա տէր զգ թու թիւնս քո և զո-
ղորմու թիւնս քո, որք են յաւի-
տենից :

Զմեղս մանկու թեան իմոյ և զան-
գիտու թեան իմոյ մի յիշեր. այլ
յիշեա զիս տէր ըստ ողորմու թեան
քում վասն քաղցրու թեան քոյ,
զի քաղցր և ուղիւ ես :

Վասն այսորիկ օրէնագետ առնես
զմեղաւորս 'ի ճանապարհի. առաջ-
նորդեա հեզոց 'ի դատաստանի, և
ուսուցանես հեզոց զճանապարհս

քո :

Ամենայն ճանապարհք տեառն ու
ղորմութեամբ և ճշմարտութեամբ
են այնոցիկ, ոյք խնդրեն զուխտ
և զվկայութիւն նորա:

Վասն անուան քոյ տէր քաւեա ըզ
մեղս իմ, զի բազում եղեն. ով է
մարդ որ երկնչի 'ի տեառնէ, օրէնքս
գետ առնէ զնա 'ի ճանապարհի
յոր և հաճեցաւ:

Անձն նորա 'ի բարութեան հանդի
ցէ, և զաւակ նորա ժառանգես
ցէ զերկիր:

Զօրութիւն է տէր երկիր զաճաց
իւրոց, և զկտակարանս իւր ուսու
ցանէ նոցա:

Աչք իմ յամենայն ժամ առ տէր
են, և նա հանէ յորոգայթէ զոտս
իմ:

Նայեա առ իս և ողորմեա ինձ, զի
միամօր և աղքատ եմ ես:

Նեղութիւնք սրտի իմոց բազում
եղեն յոյժ, և 'ի վշտաց իմոց հան
զիս:

Տես զխոնարհութիւն իմ և զվաստակ իմ, և թող ինձ զամենայն զմեղս իմ:

Տես զթշնամիսն իմ, զի բազում եղեն, ասելու թեամբ՝ որք ՚ի նանիր ասեցին զիս:

Պահեա զանձն իմ և փրկեա զիս. և մի՛ յամօթ եղէց, զի յուսացայ ՚ի քեզ:

Ամբիճք և ուղիղք կցորդք եղեն ինձ. և ես քեզ համբերի. փրկեա աստուած զիսրայէլ յամենայն նեղութեանց նորա:

Տունք ժը:

ՍԱՂՄՈՍ ԻԵ.

Ի կատարած • Սացմոս դ.աւ.թի •

Դատ արա ինձ տէր՝ զի ես յամբըծութեան իմում գնացի, ՚ի տէր յուսացայ՝ զի մի՛ եղէց հիւանդ: Փորձեա զիս տէր և քննեա զիս. փորձեա զերիկամունս իմ և զսիրտ իմ:

Ողորմու թիւն քո տէր առաջի աչաց
խնայ. և հաճոյ եղէց ճշմարտու
թեան քում:

Ոչ նատայց ես յաթոռս նանրաց,
և ընդ անօրէնս ես ոչ մտից:

Ստեցի ես զժողովս չարաց, և ընդ
ամբարիշտս ես ոչ նատայց:

Լուացից սրբու թեամբ զձեռս իմ,
և շուրջ եղէց զսեղանով քով տէր:

Լսել ինձ զձայն օրհնու թեան քո
և պատմել զամենայն սքանչելիս քո:

Տէր սիրեցի զվայելչու թիւն տան
քո, և զտեղի յարկի փառաց քոց:

Մի կորուսաներ ընդ ամբարիշտս
զանձն իմ, և մի ընդ արս արիւ

նահեղս զկեանս իմ:

Որոց ձեռք իւրեանց յանօրէնու թե
են. և աջ նոցա լի է կաշառօք:

Ես յամբժու թեան իմում գնացի.
փրկեա զիս տէր և ողորմեա ինձ:

Ոտն իմ կացցէ յուղղու թեան,
յեկեղեցիս մեծս օրհնեցից զքեզ:

Տունք ժբ:

ՍԱՂՄՈՍ ԻԶ.

Սացմոս գ.ու.թի. Միշուեռ օծեալ էր :

Տէր լոյս իմ և կեանք իմ՝ ես յուժ
մէ՞ երկեայց, տէր ապաւէն կենաց
իմոց՝ ես յուժմէ՞ դողացայց :

Ի մերձենալ առ իս չարաց ուտել
զմարմին իմ. նեղիչք իմ և թշնա
միք իմ, նոքա տկարացան և անկան :
Թէ պատրաստիցի ՚ի վերայ իմ պա
տերազմ, ոչ երկիցէ սիրտ իմ. և
թէ յարիցէ ՚ի վերայ իմ ճակատա
մարտ, սակայն և այսուիկ ՚ի քեզ
տէր յուսացայ :

Զմի խնդրեցի ՚ի տեառնէ՞ և զսոյն
աղաչեմ, բնակիլ ինձ ՚ի տան տեա
ռըն զամենայն աւուրս կենաց իմոց :
Տեսանել ինձ զվայելչու թիւն տեա
ռըն, և հրաման տալ ՚ի տաճարի
նորա :

Ծածկեաց զիս ՚ի խորանի իւրում
յաւուր չարի. ընդ յարկաւ արար
զիս ՚ի ծածկոյթ խորանի իւրում :

Ի վիմէ բարձր արարեր զիս, եւ
այժմ բարձր արա զգլուխ իմ 'ի
վերայ թշնամեաց իմոց :

Շուրջ եղէց՝ և մատուցից 'ի խո-
րանի նորա պատարագ օրհնու-
թեան. օրհնեցից և սաղմոս ասա-
ցից տեառն :

Լուր տէր ձայնի իմում, զի կար-
գացի առ քեզ. ողորմեա ինձ և
լուր ինձ, զի քեզ ասաց սիրտ իմ.
և խնդրեցին երեսք իմ, զերևաս
քո տէր խնդրեցին :

Մի դարձուցաներ զերեսս քո յի-
նէն, և մի խոտորիր բարկու թեամբ
'ի ծառայէ քումմէ :

Օգնական իմ լեր տէր, մի անար-
գեր զիս, և մի թողուր զիս աստ-
ուած փրկիչ իմ :

Հայր իմ և մայր իմ թողին զիս,
և տէր իմ ընկալաւ զիս :

Օրէնագէտ արա զիս տէր 'ի ճանա-
պարհի քում, և առաջնորդեա ինձ
'ի շաւիղս քո ուղիղս :

Վասն թշնամեաց իմոց, մի՛ մատներ զիս 'ի ձեռս նեղչաց իմոց :

Յարեան 'ի վերայ իմ վկայք մեղաց, և ստեցին ինձ յանօրէնու թեան իւրեանց :

Հաւատացի տեսանել զբարու թիւն տեառն յերկրին կենդանեաց. համբեր տեառն և քաջալերեաց. զօրացի սիրտ քո և համբեր տեառն :

Տունք ժղ : Գորդայս խղ :

ՍԱՂՄՈՍ ԻԷ.

Սացմոս դ.աւ.թի :

Առ քեզ տէր կարդացի աստուած իմ, մի՛ լռեր յինէն, մի՛ երբէք լռեացես յինէն. նմանիցիմ այնոցիկ

ոյք իջանեն 'ի գուք :

Լուր տէր ձայնի խնդրուածաց իմոց յաղաչել ինձ առ քեզ, 'ի համբառնալ ձեռաց իմոց 'ի տաճարս

սուրբ քո :

Մի՛ համարիր ընդ ամբարիշտս զան

ձրն իմ. և մի ընդ այնոսիկ՝ Ե.ք
գործեն զանօրէնութիւն, կորու-
սաներ զիս :

Այք խօսէին զխաղաղութիւն ընդ
ընկերս իւրեանց, և չարութիւն է
'ի սիրտս նոցա :

Տուր նոցա տէր ըստ գործոցնոցա,
և ըստ անօրէնութեան զնացիցնո-
ցա հաստո նոցա :

Ըստ գործոց ձեռաց նոցա հաստո
նոցա՝ զհաստուցումն նոցա նոցին :

Ոչ իմացան նորա զգործս տեառն,
և ոչ 'ի գործս ձեռաց նորա հայե-
ցան. կործանեացես զնոսա, և այլ
մի շինեացին :

Օրհնեալ է տէր՝ զի լուաւ ձայնի
աղօթից իմոց. տէր օգնական իմ
և պաշտպան իմ :

Ինա յուսացաւ սիրտ իմ. օգտե-
ցաւ և զուարճացաւ մարմին իմ.
և ես կամօք իմովք խոստովան է-
ղէց նմա :

Տէր զօրութիւն ժողովրդեան իւ-

րոյ, ապաւէն փրկութեան օծելոյ
իւրոյ :

Փրկեա զժողովուրդս քո, և օրհ-
նեա զժառանգութիւնս քո. հով-
ուեա և բարձրացո զնոսա մինչեւ
յաւիտեան :

Տունք ժա :

ՍԱՂՄՈՍ ԻԸ.

Մօջմու հ.ա.թի. օրհնութեանց հաւանականաց տանորին .

Մատուցէք տեառն՝ որդիք աստու-
ծոյ, մատուցէք տեառն զորդիս
խոյոյ :

Մատուցէք տեառն զփառս և ըզ-
պատիւ. մատուցէք տեառն զփառս
անուան նորա. և երկիրպագէք
տեառն ՚ի սրահ սրբութեան նորա :
Չայն տեառն ՚ի վերայ ջուրց՝ և
աստուած փառաց որոտաց. և տէր
ինքն ՚ի վերայ ջուրց բազմաց :

Չայն տեառն զօրութեանց, և ճայն
տեառն մեծփայելչութեանց :

Չայն տեառն փշրէ զմայրս, և ման-

րէ տէր զմայրան լիբանանու :
Մանրեացէ զնոսա որպէս զմատա
զատունկն լիբանանու . որ սիրելին

է որպէս զորդիս միեղջերուի :
Չայն տեառն հատանէ զբոց 'ի հը
րոյ . ճայն տեառն շարժէ զանա
պատն , և խռովեցուցանէ տէր զա
նապատն կադէս :

Չայն տեառն հաստատէ զեղջե
րուս . և յայտնի առնէ զանտառս :
Ի տաճարի նորա ամենեքեան ա
սացեն զփառս նորա :

Տէր զջրհեղեղս նստուցանէ և ցա
ծուցանէ . թագաւորեացէ տէր յա
ւիտեան :

Տէր զօրու թիւն ժողովրդեան իւ
րոյ տացէ . և օրհնեացէ զժողո
վուրդ իւր 'ի խաղաղու թիւն :
Տունք ժա :

ՍԱՂՄՈՍ ԻԹ .

Սացմոս Կառ. Թի . 'ի նոյն :

Բարձր առնեմ զքեզ տէր , զի ըն

կալար զիս, և ոչ ուրախ արարեր
զթշնամին իմ յիս:

Տէր աստուած իմ՝ կարդացի առ
քեզ, և բժշկեցեր զիս. տէր հա-
ներ՝ ի դժոխոց զանձն իմ. և փրկ-
կեցեր զիս յայնցանէ՝ որք իջանեն
՝ի դուք:

Սաղմոս ասացէք տեառն սուրբք
նորա. և խոստովան եղերուք յի-
շատակի սրբու թեան նորա:

Սրտմտութիւն է ՝ի բարկութեան
նորա. և կեանք են ՝ի կամաց նորա:
Ընդ երեկոյս հանգիցեն լալիք. ա-
ռաւօտու եղիցի ուրախութիւն:
Ես ասացի ՝ի բարեկենդանութեան
իմում, թէ ոչ սասանեցայց յաւի-
տեան:

Տէր ՝ի կամս քո ետուր գեղոյ իմոյ
զօրութիւն. դարձուցեր զերեսս
քո յինէն, և ես եղէ խռովեալ:
Առ քեզ տէր կարդացի, և առ
աստուած իմ աղաղակեցի. զի՞նչ
օգուտ է քեզ յարենէ իմմէ, թէ

Իջանեմ ես յապականութիւն :
Միթէ հող խոստովան առնիցի առ
քեզ . կամ պատմեացէ՞ զճշմարտութեանս

Թիւնս քո :


Լուաւ ինձ տէր և ողորմեցաւ , և
տէր եղեւ ինձ օգնական :

Բարձոյց զսուգ իմ յուրախութեանս
Թիւն . եղերձ յինէն զքուրձ , և
ինձ զգեցոյց զուրախութեանս :

Արպէս սաղմոս ասացեն քեզ
փառք իմ , և այլ մի ևս զղջայայց .
տէր աստուած իմ յաւիտեան խոստովան

եղէց քեզ :

Տունք ժբ . Գորղայս ԼԴ :



ՍԱՂՄՈՍ Լ

Ի կաթարած . նահատակութիւն գոցութեան . Սոցմոս դաւթի :

Ի քեզ տէր յուսացայ , մի ամաչեցից
յաւիտեան . յարդարութեան
քում փրկեա և ապրեցո զիս :

Խոնարհեցո առ իս զունկն քո . վաղ
վաղեա կեցուցանել զիս :

Լեր իմ աստուած պաշտպան և
տուն ապաւինի ապրեցուցանել
զիս . զի հղօրիչ իմ և ապաւէն իմ
դու ես :

Վասն անուան քո տէր առաջնորդ
դեցեր ինձ , և անուցեր զիս . և
հանցես զիս յորոգայթէ յայսմա
նէ՛ որ թագուցաւ ինձ :

Դու ես պաշտպան իմ տէր , և 'ի
ձեռս քո յանձն առնեմ զհոգի իմ :
Փրկեցեր զիս տէր աստուած ճշմարտութեամբ քով . ատեցեր զայն
նոսիկ՝ ոչք պահեն զերկիւղ 'ի անու
տիս :

Ես 'ի տէր յուսացայ , ցնծացայց և
ուրախ եղէց 'ի փրկութեան քում :
Ձի հայեցար 'ի խոնարհութիւն իմ ,
և փրկեցեր 'ի վշտաց զանձն իմ , և
ոչ մասնեցեր զիս 'ի ձեռս նեղչաց
իմոց . եւ կացուցեր յանդորրու
զոսս իմ :

Ողորմեա ինձ տէր , զի նեղեալ եմ
ես . խռովեցաւ 'ի սրտմտութենէ

ակն իմ, անձն իմ և փոր իմ:

Պակասեցան 'ի ցաւոց կեանք իմ, և
ամբ իմ յողոց ելանելոյ:

Աղքատացաւ 'ի տկարութենէ զօ-
րութիւն իմ, և ոսկերք իմ խոռ-
վեցան:

Քան զամենայն թշնամիս իմ եղէ
ես նախատ դրացեաց իմոց, յոյժ
ահ և երկիւղ ծանօթից իմոց:

Ամենեքեան ոյք տեսանէին զիս,
արտաքս փախչէին յինէն:

Մռացեալ եղէ ես որպէս մեռ-
եալ 'ի սրտէ, և եղէ ես որպէս
զանօթ կորուսեալ:

Զի լուայ ես զբամբասանս բազ-
մաց՝ ոյք շուրջ էին զինեւ, 'ի ժող-
ովիլ նոցա 'ի միասին, առնուլ
զանձն իմ խորհեցան, այլ ես 'ի
քեզ տէր յուսացայ:

Ասացի՛ դու եո աստուած իմ, և
'ի ձեռս քո է ժառանգութիւն իմ:

Փրկեա զիս 'ի ձեռաց թշնամեաց
իմոց, և 'ի հալածչաց իմոց:

Երեւեցո զերեսս քո 'ի ծառայս քո .
ապրեցո զիս տէր ըստ ողորմու
թեան քում. տէր՝ մի՛ յամօթ ե

ղէց, զի կարդացի առ քեզ :

Ամաչեսցեն ամբարիշտք, և իջցեն
'ի դժոխս. համբ եղիցին շրթունք
նենգաւորք՝ ոյք խօսէին զարդա
րոյ զանիրաւութիւն, յամբարտա
ւանիլ և յանգոսնել իւրեանց :

Որպէս զի բազում է ողորմութիւն
քաղցրութեան քոյ տէր, զոր պա

հեցեր երկիւղածաց քոյ :

Արարեր դու այնոցիկ՝ ոյք յուսա
ցեալ են 'ի քեզ, առաջի որդւոյ
մարդկան :

Ամբացուցեր զնոսա 'ի ծածկոյթ ե
րեսաց քոյ 'ի խռովութենէ մարդ
կան :

Ծածկեցեր զնոսա 'ի խորանի քում,
'ի հակառակութենէ լեզուաց :

Օրհնեալ է տէր, զի սքանչելիս ա
րար, զողորմութիւն իւր 'ի քաղաք
ամուր :

Ես ասացի 'ի զարմանալ իմում, [Թէ
ընկեցայ ուրեմն յերեսաց աչաց
քոց :

Վասն այսորիկ լուար ձայնի աղօ-
թից իմոց յաղաղակել իմում առ
քեզ :

Միրեցէք զտէր ամենայն սուրբք
նորա, զի ստուգուեթիւն խնդրե-
տէր. և հասուցանէ այնոցիկ որք
առաւել առնեն զամբարտաւա-
նուեթիւն :

Քաջալերացարուք, և զօրասցին
սիրտք ձեր, ամենեքեան՝ ոյք յու-
սացեալ էք 'ի տէր :
Տունք իր :

ՍԱՂՄՈՍ ԼԱ.

Իմաստուեթիւն • Սացմս դաւթի :

Երանի, ում [Թողուեթիւն եղել
մեղաց, և ծածկեցան ամենայն յան-
ցանք նորա :

Երանի առն՝ որում ոչ համարի տէր
զմեղս նորա, և ոչ գոյ նենդու-

Թիւն 'ի բերան նորա :

Լռեցի ես՝ և մաշեցան ամենայն
տակերք իմ, առ աղաղակել ինձ առ
տէր զօրհանապաղ 'ի տուէ և 'ի
գիշերի :

Ծանրացաւ ձեռն քո 'ի վերայ իմ.
դարձայ 'ի թշուառութիւն՝ զի հա-
րան յիս փուշք :

Զմեղս իմ ցուցից քեզ, և զանօրէ-
նութիւնս իմ ոչ ծածկեցից 'ի քէն :
Ասացի՝ թէ պատմեցից ինձէն զմեղս
իմ, և դու թողցես զամենայն ամ-
բարչտութիւնս մեղաց իմոց :

Վասն այսորիկ յաղօթս կացցեն
առ քեզ ամենայն սուրբք 'ի ժամ
ընդունելի :


Բայց միայն 'ի ջուրցն հեղեղաց
բազմաց, որք առ նոսա ինչ ոչ մեր-
ձեացին :

Դու ես ապաւէն իմ 'ի նեղութենէ
յայսմանէ, որ շուրջ եղեն զինեւ :
Ցնծութիւն իմ, փրկեա զիս յայն-
ցանէ՝ ոյք պաշարեցին զիս :

Իմաստուն արարից զքեզ և խելա-
մուտ 'ի ճանապարհ, յոր և գնաս-
ցես. և հաստատեցից 'ի վերայ քո
զաչս իմ:

Մի լինիք որպէս զձիս և զՋորիս,
զի ոչ գոյ 'ի նոսա իմաստութիւն.
'ի անձս և 'ի դանդանաւանդս ճրմ-
լեացես զկզակս 'նոցա՝ որք առ քեզ
ինչ ոչ մերձեացին:

Բազում տանջանք են մեղաւորաց.
Բայց ոյք յուսան 'ի տէր, ողորմու-
թիւն տեսուն շուրջ եղիցի զնոքօք:
Ուրախ եղերուք և ցնծացէք ար-
դարք. 'ի տէր պարծեցարուք ամե-
նեքեան՝ ոյք ուղիղ էք սրտիւք:
Տունք ժդ, Գորդայս խբ:



ՍԱՂՄՈՍ ԼԲ.

Սոցմոս գ.աւ.թի.

Յնծացէք արդարք 'ի տէր, ուղղոց
վայելէ օրհնութիւն. խոստովան
եղերուք տեսուն օրհնութեամբ.

տասնադէակ սաղմոսարանաւ սաղմոս
ասացէք նմա :

Օրհնեցէք զտէր յօրհնու թիւն նոր՝
զի բարի է . սաղմոս ասացէք նմա
օրհնու թեամբ :

Ուղիղ են պատգամք տեառն , և ամենայն
գործք նորա հաւատովք են .
և սիրէ զողորմութիւն և զիրաւունս
տէր :

Ողորմութեամբ տեառն լի եղև
երկիր , և բանիւ տեառն երկինք
հաստատեցան , և հողւով բերանայ
նորա ամենայն զօրութիւնք
նոցա :

Ժողովեաց որպէս ՚ի տիկ զջուրս
ծովու . և դնէ ՚ի խորս զգանձս իւր :
Երկիցէ ՚ի տեառնէ ամենայն երկիր .
և ՚ի նմանէ գողացին ամենայն բընակիչք
աշխարհի :

Զի նա՛ սաց և եղեն . ինքն հրամայեաց
և հաստատեցան :

Տէր ցրուէ զխորհուրդս հեթանոսաց .
անարգէ տէր զխորհուրդս

ժողովրդոց . և արհամարհէ տէր
զխորհուրդս իշխանաց :

Խորհուրդ տեսան յաւիտեան մը
նայ , և խորհուրդ սրտի նորա ազ
գէ մինչեւ յազգ :

Երանի ազգի՝ որոյ տէր աստուած
օգնական է նմա . ժողովուրդ զոր
ընտրեաց 'ի ժառանգութիւն իւր :
Յերկնից նայեցաւ տէր յամենայն
որդիս մարդկան , 'ի պատրաստ բը
նակութենէ իւրմէ հայեցաւ յա
մենայն բնակիչս աշխարհի :

Ո ստեղծ առանձին զսիրտս նոցա ,
'ի միտ առնու զամենայն գործս նոցա :

Ոչ թէ 'ի բազում զօրս իւր ապ
րեացի թագաւոր , և ոչ հսկայ 'ի
բազում զօրութեան իւրում :

Սուտ է ձի 'ի փրկութեան իւրում .
'ի բազում զօրութեան իւրում ոչ
ապրեցուցանէ զհեծեալն :

Աչք տեսան 'ի վերայ երկիւղածաց
իւրոց , և ոչք յուսան յողորմու
թիւն նորա :

Փրկել 'ի մահուանէ զանձինս նոցա . և կերակրել զնոսա 'ի սովու : Անձինք մեր համբերեցեն տեսան , զի օգնական և պաշտպան մեր է : Ինչա ուրախ եղիցին սիրտք մեր , և յանուն սուրբ նորա յուսասցուք : Եղիցի ողորմութիւն քո տէր 'ի վերայ մեր , որպէս յուսացաք 'ի քեզ :

Տունք ԺԹ :

ՍԱՂԾՈՍ ԼԳ :

Սուցնս դաւ.Թի . 'ի ժամանակի ջի այշագու.նեաց ջերեսս իւր սուաջի արիմեչեբայ . եւ այս արձակեաց ջնս , եւ գնաց :

Օրհնեցից զտէր յամենայն ժամ , յամենայն ժամ օրհնութիւն նորա 'ի բերան իմ :

Ի տէր պարծեացի անձն իմ , լուիցեն հեզք , և ուրախ եղիցին :

Մեծ արարէք զտէր ինեւ . և բարձրր արասցուք զանուն նորա 'ի միասին :

Խնդրեցի 'ի տեսանէ և լուաւ ինձ .

յամենայն նեղութենէ խմէ վրեկեաց զիս :

Մատիք առ տէր՝ և առէք զլոյս ,
և երեսք ձեր մի՛ ամաչեացեն :

Այս աղքատ կարդաց առ տէր , և
տէր լուաւ ամա . յամենայն նեղութենէ սորա վրկեաց զսա :

Բանակք հրեշտակաց տեառն շուրջ
են զերկիւղածովք իւրովք , և պահեն
հեն զնոսա :

Ճաշակեցէք և տեսէք՝ զի քաղցր
է տէր . երանեալ է այր՝ որ յուսայ
ի նա :

Երկերուք ՚ի տեառնէ ամենայն
սուրբք նորա . զի ոչինչ է պակաս
սութիւն երկիւղածաց նորա :

Մեծամեծք աղքատացան և քաղցեան ,
բայց ոյք խնդրեն զտէր մի՛
պակասեցի ՚ի նոցանէ ամենայն
բարութիւն :

Եկայք որդեակք իմ լուարուք ինձ ,
և զերկիւղ տեառն ուսուցից ձեզ :
Ո՛վ է մարդ՝ որ կամի զկեանս . սիւ

րէ զաւուրս իւր տեսանել 'ի բա-
րու թեան :

Լուեցո զլեզու քո 'ի չարութեանէ, և
չրթունք քո մի՛ խօսեսցի զնե՛նդու-
թիւն :

Խոտորեա 'ի չարէ և արա զբարի .
խնդրեա զխաղաղութիւն և երթ
զհետ նորա :

Աչք տեառն 'ի վերայ արդարոց, և
ականջք նորա 'ի վերայ ալօթից նո-
ցա :

Երեսք տեառն 'ի վերայ չարագոր-
ծաց, սատակել յերկրէ զյիշա-
տակա նոցա :

Կարդացին արդարքն առ տէր, և
տէր լուաւ նոցա . յամենայն նե-
ղութեանէ նոցա փրկեաց զնոսա :

Մերձ է տէր առ այնոսիկ՝ որք մա-
շեալ են սրտիւք . և զխոնարհս
հոգւով կեցուցանէ :

Բազում նեղութիւնք են արդա-
րոց . յամենայնէ փրկէ զնոսա տէր .
և պահէ զամենայն ոսկերս նոցա ,

և մի 'ի նոցանէ մի՛ փշրեացի :
 Մահ մեղաւորին չար է . բայց ուր
 ատէ զարդարն , զղջացի :
 Փրկէ տէր զանձինս ծառայից իւ-
 րոց . մի՛ զղջացին ամենեքեան՝ ոյք
 յուսացեալ են 'ի նա :
 Տունք իա : Գորդայս իս :



ՍԱՂՄՈՍ ԼԴ.

Ի կառարած . Սացմոս դ.աւ.թի :

Դատեա տէր զայնոսիկ՝ ոյք դա-
 տեն զիս . մարտիր ընդ այնոսիկ՝
 ոյք մարանչին ընդ իս :

Առ զղէն և զասպար քո , և արի
 յօգնել ինձ . հան զսուր քո ընդ-
 դէմ հալածչաց իմոց , արգել զնո-
 սա . և ասա դու ցանձն իմ՝ թէ
 փրկու թիւն քո ես եմ :

Ամաչեացեն և յամօթ լիցին՝ ոյք
 խնդրէին զանձն իմ . դարձցին յետս
 և ամաչեացեն , ոյք խորհէին ինձ
 չար :

Եղիցին նորա որպէս փոշի առաջի
հողմոյ, և հրեշտակ տեառն նե-
ղեացէ զնոսա :

Եղիցին ճանապարհք նոցա 'ի խա-
ւար և 'ի գայթակղութիւն . և հը-
րեշտակ աստուծոյ հալածեացէ ըզ-
նոսա :

Ի նանիր թագուցին ինձ որոգայթ
յապականութեան իւրեանոյ, և 'ի
նանիր նախատեցին զանձն իմ :

Հասցէ 'ի վերայ նոցա որոգայթ
զոր ոչ գիտացին . և որան՝ զոր թա-
գուցին, առցէ զոտս նոցա . և յո-
րոգայթ 'ի նոյն անկցին :

Այլ անձն իմ ցնծացէ 'ի տէր,
ուրախ եղիցի 'ի փրկութեան նորա .
և ամենայն ոսկերք իմ ասացեն,
տէր՝ ո՞ նման է քեզ :

Զի փրկեաց զաղքատն 'ի ձեռաց
հզօրի, զաղքատն և զտնանկն յայն-
ցանէ՝ որք յափշտակեն զնա :

Յարեան 'ի վերայ իմ վկայք չարաց .
և զոր ինչ ոչ գիտէի՝ հարցանէ ին ցիա :

Հասուցին ինձ չար փոխանակ ընդ
բարոյ. անժառանգել զանձն իմ
խորհեցան յորդոց 'ի մարդկանէ :
Ես 'ի նեղել նոցա քուրձ զգե
նուի, խոնարհ առնէի պահօք զան
ձրն իմ. և աղօթք իմ 'ի ծոց իմ
զարձցին :

Որպէս զեղբայր և զլնկեր՝ այսպէս
հաճոյ լինէի. որպէս զպաւոր և
զարտում, այնպէս խոնարհ առնէի :
Ի վերայ իմ ուրախ եղեն՝ և ժողո
վեցան. ժողովեցան յիս տանջանք,
և ես ոչ ծանեայ. ցրուեցան, և
ոչ զզջացան :

Փորձեցին զիս՝ և արհամարհեցին
արհամարհանօք. կրճտեցին 'ի վե
րայ իմ զատամունս իւրեանց. տէր
էրբ տեսցես :

Իբաց արա զանձն իմ 'ի խորաման
կու թե՛նէ նոցա, և յառիւծուց
զմիամօրութիւն իմ :

Խոստովան եղէց քեզ տէր՝ յեկե
զեցիս մեծս, և 'ի ժողովս բաղմայ

օրհնեցից զքեզ :

Մի ուրախ եղիցին յիս թշնամիք
իմ, ոչք ատէին զիս ՚ի տարապար-
տուց, ակնարկի առնէին յիս աչօք
իւրեանց :

Ընդ իս զխաղաղութիւն խօսէին .
և ինքեանք բարկութեամբ զնեն-
գութիւն խորհէին :

Բացին ՚ի վերայ իմ զբերանս իւր-
եանց և ասացին՝ այն՝ այն տեսին
աչք մեր :

Տեսեր տէր՝ և մի լուեր, տէր՝ մի
՚ի բացեայ առնիր յինէն :

Զարթիր և հայեաց տէր՝ յիրա-
ւունս իմ, աստուած իմ և տէր իմ
՚ի դատաստանս իմ, և իրաւ արա-
ինձ ըստ արդարութեան քու՛մ,
տէր աստուած իմ :

Մի ուրախ եղիցին յիս թշնամիք
իմ, և մի ասացեն ՚ի սիրտս իւր-
եանց՝ թէ վաշ վաշ անձանց մե-
րոց, զի ընկլուզաք զնա :

Սմաչեացեն և յամօթ լիցին՝ ոչք

խնդան ընդ չար իմ. զգեցցին զա-
մօթ և զանարդանս՝ ոյք մեծաբա-
նեն 'ի վերայ իմ:

Յնծասցեն և ուրախ լիցին 'ի քեզ
ամենեքեան, ոյք կամին ընդ այ-
դարու թիւն իմ:

Ասացեն յամենայն ժամ, մեծ է
աստուած. և ոյք կամին զխաղա-
ղութիւն ծառայի քո:

Լեզու իմ խօսեացի զարդարու-
թիւնս քո, զօրհանապազ զդուռ-
թիւնս քո:

Տունք ի է:

ՍՍՂՄՈՍ ԼԵ.

Ի կատարած, ծառայի տեան. Սացմոս դ.աւ.թի:

Ասէ անօրէնն 'ի մեղանչել ընդ միտս
իւր, թէ չիք երկիւղ աստուծոյ
առաջի աչաց նորա:

Նենդեաց առաջի նորա, դտանել
զանօրէնութիւն, և ատել զնա:
Բանք բերանոյ նորա անօրէնու-
թիւն և նենդութիւն են:

Ոչ կամեցաւ նա խմանալ զբարի .
զանօրէնու թիւն խորհեցաւ յան
կողնի իւրում :

Եկաց նա յամենայն ճանապարհ ,
որ ոչ է բարի . և ՚ի չարէ նա ոչ
ճանճրացաւ :

Տէր՝ յերկինս է ողորմու թիւն քո .
ճշմարտու թիւն քո մինչեւ յամպս :

Արդարու թիւն քո որպէս լերինք
աստուած . իրաւունք քո որպէս
խորք բազումք , զմարդ իկ և զա
նասուն կեցուցանես զու տէր :

Որպէս զի բազում արարեր զողոր
մու թիւն քո աստուած . այլ որդիք
մարդկան ՚ի հովանի թեւոց քոց
յուսացին :

Արբեցին նորա ՚ի պարարտու թե
նէ տան քո . և զուզես փափկու
թեան քո տացես ըմպել նոցա :

Ի քէն է տէր աղբիւր կենաց . և
լուսով երեսաց քոց տեսանեմք ըզ
լոյս :

Ծաղեա զողորմու թիւնս քո՝ ոյք

Ճանաչեն զքեզ, զարդարու թիւնս
քո՝ այք ուղիղ են սրտիւք :

Մի՛ եկեացեն ՚ի վերայ մեր ոտք ամ
բարտաւանից, և ձեռք մեղաւո
րաց մի՛ դողացուցեն զմեզ :

Անդ անկցին ամենեքեան՝ այք գոր
ծեն զանօրէնու թիւնս. մերժեցին
և այլ մի՛ կարացեն հաստատիլ :

Տունք ժգ : Գորղայս խ :

Կանոնս Գորղայս է : Սաղմոս ժը : Տունք մղ :



ՕՐՀՆՈՒԹԻՒՆ ՄԵԾԻՆ ՄՈՎՍԷՍԻ ԱՍՏՈՒԱԾԱՏԵՍ
ՄԱՐԳԱՐԷԻ :

Բ. Օրինաց լք :

Նայեցարուք երկինք, և խօսեցայց
լուսիցէ երկիր զպատգամս բերանոյ
իմոյ :

Ընդունելի լիցի որպէս անձրեւ
բարբառ իմ, և իջցեն որպէս ցօղ
պատգամք իմ :

Որպէս անձրեւ ՚ի վերայ սիզոյ, որ

պէս տարաւի 'ի վերայ խոտոյ . զի
զանուն տեառն կարդասցուք , և
տուք օրհնութիւն տեառն աստու
ծոյ մերոյ :

Աստուած՝ սրոյ ճշմարտութեամբ
են գործք նորա , և ամենայն ճա
նապարհք նորա իրաւամբք են :

Աստուած հաւատարիմ է , և ոչ
գոյ 'ի նմա անիրաւութիւն . ար
դար և ճշմարիտ է տէր :

Մեղան՝ և ոչ նմա՝ որդիքն արա
տոյ , ճնունդք խոտորեալք և թիւ
րեալք :

Ոչ այդ այն է՝ զոր տեառն հա
տուցանէիք գուք՝ ժողովուրդք
յիմարք և ոչ իմաստունք :

Ոչ սա ինքն է հայր քո՝ որ ստա
ցաւ զքեզ , արար զքեզ , և ստեղծ
զքեզ :

Յուշ լիցին քեզ աւուրքն յաւի
տենից . իմացարուք զամս աղղաց
մինչեւ յազգս :

Հարցնիր գուցհարս քո , և պատ

մեացենք քեզ . ցծերս քո , և ասաս
ցենք քեզ :

Ի ժամանակի՛ յորժամ բաժանեաց
բարձրեալն զազգս ամենայն . որպէս
սփռեաց նա զորդիան ադամայ :

Կացոյց սահմանս հեթանոսաց ըստ
թուոյ հրեշտակաց աստուծոյ :

Եղեւ բաժին տեառն ժողովուրդ
իւր յակոբ , և վիճակ ժառանգու
թեան իւրոյ իսրայէլ :

Բաւական եղեւ նմա յանապատի ,
ի՛ ծարաւ տօթոյ յանջրդւոջ պաշտ
պանեաց զնա :

Խրատեաց զնա , և պահեաց որպէս
բիրական . որպէս զարծուի ՚ի թեւս
իւր ընկալաւ զնա , և որպէս ՚ի վե
րայ ձագուց իւրոյ գթացաւ :

Տարածեաց զթեւս իւր , և ընկա
լաւ զնա . և բարձեալ բերէր զնա
ի՛ վերայ միջնողաց իւրոյ :

Տէր միայն ամէր զնոսա , և ոչ գոյր
ընդ նոսա աստուած օտար :

Էստ և հան զնոսա ՚ի զօրութիւնս

Երկրի, և կերակրեաց զնոսա արդեամբք անդաստանաց :

Գիեցոյց նոցա մեղք ՚ի վիմէ, և իւղ յապառած վիմէ :

Իւղ կոլուց և կաթն մաքեաց, ճարպով հանդերձ խոյոց որթուց՝ ցլուց և նոխազաց :

Զպարարտութիւն երիկամանց ցորենոյ, և զարիւն խաղողոյ էարբ գինի :

Եկեր յակովբ և յազեցաւ, և անդուշեաց զսիրելին :

Գիրացաւ սատարացաւ լայնացաւ . եթող զտէր սատուած զարարիչ իւր, և յետս եկաց յաստուծոյ փրկչէ իւրմէ :

Բարկացուցին զիս օտարտտիւք իւրեանց, և կռովք իւրեանց դառնացուցին զիս :

Զոհեցին զիւայ՝ և ոչ սատուծոյ . գիցն՝ զորս ոչ գիտէին . նորք և առժամայնք, զորս բնաւ ոչ ճանաչէին հարբ նոցա :

Թողին զտէր՝ որ ճնաւ զնոսա . մա-
ւացան զաստուած՝ որ կերակրեաց
զնոսա :

Ետես տէր և նախանձեցաւ , և
սրամտեցաւ ՚ի վերայ ուստերաց և
զստերաց նոցա , և ասէ :

Բարձուցից զերեսս իմ ՚ի նոցանէ ,
և ցուցից նոցա զինչ լինելոց իցէ
յապայ ժամանակի :

Ձի ազգ մի թիւր են նորա՝ և որ
գիբ անհաւանք . նորա նախանձե-
ցուցին զիս ՚ի չաստուածս իւր-
եանց , եւ դառնացուցին զիս ՚ի
կուռս իւրեանց :

Արդ և ես նախանձեցուցից զնոսա
յազգ անպիտան . և անմիտ ազգաւ
զկճեցուցից զնոսա :

Փառք հօր և որդւոյ և :



ՄԱՂԹՅՆԻ

Տուք փառս աստուծոյ , տուք օրհ-
նու թիւն մարդասիրին թագաւո-

րին յաւիտենից, որ փրկէ զճա-
ռայս իւր և կեցուցանէ :

Մարդասէր տէր, վասն սրբուհւոյ
անարատի մօր քոյ և կուսի, և
վասն խաչի քոյ պատուականի, ըն-
կալ զաղաչանա մեր և կեցո զմեզ :

Քարոզ եւ աղօթք՝ երկն + դարձն եւ Տէր առաւելն
կանոնացն :

Վասն 'ի գիշերի և 'ի տուրնջեան և
յամենայն ժամու խօսիլ մեզ զբան
տեառն, զտէր աղաչեսցուք :

Տէր ողորմեա :

Վասն չանկանելոյ մեզ 'ի փորձու-
թիւն, որում ոչ կարեմք հան-
դուրժել, զտէր աղաչեսցուք :

Վասն ամբիժ և անդատապարտ
կալ մեզ առաջի ահեղ ատենին
քրիստոսի, զտէր աղաչեսցուք :

Վասն առաջնորդելոյ մեզ 'ի նա-
ւահանդիսան կենաց անվախճա-
նից, զտէր աղաչեսցուք :

Վասն արժանի լինելոյ մեզ վերին

կոչմանն և երկնից արքայութեան
նրն, զտէր աղաչեսցուք:
Վասն հոգւոցն հան: Եւ եւս միա-
բան: Զանձինս: Ողորմեաց:

ԱՂՕԹՔ

Ի գիշերի և 'ի տուրնջեան և յա-
մենայն ժամու զքեզ աղաչեմք, և
'ի քէն խնդրեմք մարդասէր տէր:
Լուր մեզ աստուած փրկիչ մեր.
խոնարհեսցի ունկն քո 'ի խնդրուա-
ծրս մեր, զի մի՛ ունայն լիցին վաս-
տակք ծառայից քոց. այլ համար-
եա զաշխատութիւնս մեր 'ի գործ-
արդարութեան և 'ի պտուղ աստ-
ուածպաշտութեան: Ընկալ տէր՝
զաղօթս և զերկրպագութիւնս
մեր, և հատո մեզ զողորմութիւն
քո առատապէս. ծածկեա զմեզ
ընդ հովանեալ ամենազօր աջոյ
քո. զօրացո զմեզ տէր՝ զօրու-
թեամբ սուրբ հոգւոյդ. պահեա
զմեզ որպէս բիբ ական, և արա

առ մեզ նշան բարի ՚ի գովեստ և
՚ի փառաբանութիւն անուանող
քում սրբոյ: Ձի ՚ի քո փառս կա
տարի ամենայն արարածոց մշտնջե
նաւոր փառաբանութիւն ՚ի բար
ձունս, հօր և որդւոյ և հոգւոյն
սրբոյ, այժմ և միշտ և յաւիտ
եանս յաւիտենից, ամէն:

Խաղաղութիւն ամենեցուն:

Սատուծոյ երկիրպաղեսցուք:

Հովիւ քաջ՝ հովիւ բարի և յա
ւիտենական, նայեաց և այց արա
բանաւոր հօտի քո, զոր ժողովե
ցեր առ քեզ գթութեամբ քով:
Ձի քո առաջի կամք տէր, և առ
՚ի քէն ողորմութեանցդ և գթու
թեանցդ ակն ունիմք: Չամենեւ
եան օրհնեա, զամենեւեան ի
մաստնացո, զամենեւեան լուսա
ւորեա, և ամենեցուն սպարդեւեա
զերկնից արքայութիւնդ: Վասն
զի դու ես տէր կենաց և աստ

ուած ողորմութեանց . և քեզ վա-
յելէ փառք իշխանութիւն և պա-
տիւ , այժմ եւ միշտ եւ յաւիտ-
եանս յաւիտենից . ամէն :


ՄԱՂԹԱՆԲ

Ի գիշերի և 'ի տուրնջեան և յամե-
նայն ժամու անդադար փառաւո-
րեմք զհայր և զորդի և զսուրբ
հոգիոց , այժմ և միշտ և յաւիտ-
եանս յաւիտենից . ամէն :

Օրհնեալ տէր մեր յիսուս քրիս-
տոս . ամէն :

Հայր մեր որ յերկինս :





Ծագեացի շաւուր նորա արգարու թիւն • բաշում
Խաջացու թիւն մինչեւ կատարեացի շուսին •



ՍԱՂՄՈՍ ԼԶ.

Սացմոս Գ. Թ. Թի :

Մի նախանձիր ընդ չարս , և մի
ընդ այնոսիկ՝ ոյք գործեն զանօրէ-
նութիւն :

Զի որպէս խոտ վաղվաղակի ցամա-
քեացին , որպէս զդալարի խոտոյ
վաղվաղակի անցցեն :

Յուսա 'ի տէր , և արա զքաղցրու-
թիւն . բնակեա յերկրի , և հով-
ուեացիս 'ի մեծութեան նորա :

Ժտեա 'ի տեառնէ , և նա տացէ
քեզ զխնդրուածս սրտի քո . յայտ-
նեա առաջի տեառն զճանապարհս
քո , և յուսա 'ի նա :

Նա արասցէ և հանցէ որպէս զլոյս
զարդարութիւնս քո , եւ զիրա-
ւունս քո որպէս զօրհասարակ :
Հնազանդ լեր տեառն՝ և ծառայ

Եա նմա . և մի նախանձիր ընդ այ-
նոսիկ՝ որոց առակեալ իցեն ճանա-
պարհք իւրեանց ընդ մարդոյ՝ որ
գործէ զանօրէնութիւն :

Լռեա ՚ի բարկութենէ , և հանգիր
՚ի սրտմտութենէ , և մի նախանձիր
ընդ չարս :

Ձի չարք վաղվաղակի սատակեացին .
բայց ոյք համբերեն տեառն , նո-
քա ժառանգեացեն զերկիր :

Փոքր մի և այլ ոչ եւս իցէ ամբա-
րիշտն . խնդրեացես զտեղի նորա ,
և ոչ գտցես :

Այլ որ հեզքն են՝ նոքա ժառան-
գեացեն զերկիր , և փափկացին ՚ի
բազում խաղաղութեան իւրեանց :

Սպասէ մեղաւորն արդարոյ , և կըր-
ճըտէ ՚ի վերայ նորա զատամուճս
իւր . այլ տէր ծիծաղեցի զնովաւ :
Քանզի յառաջագոյն տեսանէ , զի
հասեալ է օր նորա :

Սուր հանին մեղաւորք , և լարե-
ցին զաղեղունս իւրեանց՝ հարկա-

Նել զաղքատն և զտնանկն, սպա-
նանել զայն՝ որ խոնարհն է սրտիւ :

Սուրբ նոցա մտցեն ՚ի սիրտս նոցա,
և աղեղունք նոցա փշրեսցին :

Հաւ է սակաւիկ ինչ արդարոյ,
քան զբազում մեծութիւն մեղա-
ւորաց. և բազուկք ամբարշտաց
խորտակեսցին :

Հաստատէ տէր զարդարս, և ճա-
նաչէ զաւուրս ամբծից. ժառան-
գութիւն նոցա յաւիտեան եղիցի :
Մի՛ ամաչեսցեն նոքա ՚ի ժամանակս
չարութեան. այլ յաւուրս սովու-
յազեսցին :

Ահա՛ մեղաւորք կորիցեն. այլ թրշ-
նամիք տեառն ՚ի փառաւորիլ և ՚ի
բարձրանալ իւրեանց պակասեսցին
որպէս ծուխ՝ զի պակասի :

Փոխ առնու մեղաւորն, և ոչ հա-
տուցանէ. այլ որ արդարն է, ու
զորմի և տայ :

Ոյք օրհնեն զտէր, ժառանգես-
ցեն զերկիր. և ոյք անիծանեն,

սատակեացին 'ի նմանէ :

Ի տեառնէ ուղղին գնացք առն .
ղճանապարհս նորա նա կամի յոյժ :
Թէպէտ և գայթակղեացի , նա մի
կործանեացի , զի տէր ձեռնկալու
է նորա :

Մանուկ էի ես և ծերացայ և ոչ տե-
սի զարդարն արհամարհեալ , և ոչ
զաւակ նորա՝ թէ մուրանայ հայ :
Զօրհանապաղ ողորմի և տայ փոխ .
զաւակ նորա օրհնեալ եղիցի յա-
ւիտեան :

Խոտորեա 'ի չարէ և արա զբարի .
և բնակեացիս յաւիտեանս յաւի-
տենից 'ի նմա :

Տէր սիրէ զիրաւունս , և ոչ ընդ
վայր հարկանէ զսուրբս իւր . այլ
յաւիտեան պահէ զնոսա :

Անօրէնք հալածեացին 'ի միասին ,
և զաւակք ամբարշտաց սատա-
կեացին :

Այլ արդարք ժառանգեացեն զեր-
կիր , և բնակեացին յաւիտեանս

յաւխտենից 'ի նմա :

Քերան արդարոյ խորհի զխմաստու
Թիւն . և լեզու նորա խօսեսցի զի
րաւունս :

Օրէնք աստուծոյ իւրոյ են 'ի սրտի
իւրում , և մի գայթակղեսցին զը
նացք նորա :

Հայի մեղաւորն ընդ արդար , և
խնդրէ սպանանել զնա . այլ տէր
ոչ թողու զնա 'ի ձեռս նորա , և
ոչ դատապարտէ զնա յորժամ
դատէ զնա :

Համբեր տեառն և պահեա զձա
նապարհս նորա . և բարձր արասցէ
զքեզ 'ի ժառանգել զերկիր , և ըզ
սատակումն մեղաւորաց տեսցես :
Տեսի զամբարիշտն վերացեալ և
բարձրացեալ որպէս զմայրսն լիբա
նանու :

Անցի , և ահա ոչ էր . խնդրեցի , և
ոչ գտաւ տեղի նորա :

Պահեա զամբծու թիւն , և տես
զուղղու թիւն . զի գոն մնացուածք

առն խաղաղարարի :

Անօրէնք հալածեացին 'ի միասին , և

զաւակք ամբարշտաց կորիցեն :

Փրկու թիւն արդարոց 'ի տեառնէ

է . վերակացու է նոցա 'ի ժամա

նակս նեղու թեան :


Օգնեսցէ նոցա տէր , և փրկեսցէ

զնոսա . ապրեցուսցէ 'ի մեղաւո

րաց , և կեցուսցէ զնոսա , զի յու

սացան 'ի նա :

Տունք Ը :



ՄԱՂՄՈՍ ԼԷ .

Սացմա գ.ու.թի . առ 'ի յիշատակ շաբաթու . :

Տէր մի՛ սրամտու թեամբ քով յան

դիմաներ զիս , և մի՛ բարկու թեամբ

քով խրատեր զիս :

Զի նետք քո հարան յիս , և յիս

հաստատեցաւ ձեռն քո :

Ոչ գոյ բժշկու թիւն մարմնոյ իմոյ

յերեսաց բարկու թեան քոյ :

Ոչ է խաղաղու թիւն ոսկերաց ի

մոյ յերեսաց մեղաց իմոյ :

Անօրէնութիւնք իմ բարձրացան
քան զգլուխ իմ, որպէս բեռն ծանր

ծանրացան 'ի վերայ իմ :

Նեխեցան և փտեցան վէրք իմ յե-
րեսաց անզգամութեան իմոյ :

Տառապեցայ և խոնարհ եղէ յոյժ ,

զօրհանապազ տրտում գնայի , զի

անձն իմ լի եղեւ չարչարանօք , և

ոչ գոյ բժշկութիւն մարմնոյ ի-

մոյ :

Չարչարեցայ և խոնարհ եղէ մինչեւ

յոյժ . մանչէի առ հեծութեան

սրտի իմոյ :

Տէր առաջի քո է ամենայն ցանկու-

թիւն իմ , և հեծութիւն իմ 'ի

քէն ոչ ծածկեցաւ :

Սիրտ իմ խռովեցաւ յիս , եւ ե-

թող զիս զօրութիւն իմ , լոյս աչաց

իմոյ , և այս ոչ եղեւ ընդ իս :

Բարեկամք իմ և մերձաւորք իմ

առաջի իմ մերձեցան և կացին , և

մերձաւորք իմ հեռի եղեն յինէն :

Բռնագատէին զհա և խնդրէին զան-
ձըն իմ. ոյք խորհէին չար 'ի վե-
րայ իմ, խորհեցան զանօրէնու-
թիւն, և զնենդու թիւն զօրհանա-
պազ խորհեցան :

Այլ ես որպէս խուլ զի ոչ լսէ, որ-
պէս համր՝ որ ոչ բանայ զբերան իւր :
Եղէ ես որպէս մարդ՝ որ ոչ լսէ,
և ոչ գոն խօսք 'ի բերան նորա :

Ես 'ի քեզ տէր յուսացայ, և դու
լուիցես ինձ տէր աստուած իմ :

Ասացի՝ թէ մի՛ ուրախ եղիցին յիս
թշնամիք իմ. 'ի սասանիլ ոտից իմոց՝
'ի վերայ իմ մեծամեծս խօսեցան :

Ես 'ի տանջանս պատրաստ եմ, և
ցաւք իմ առաջի իմ են յամենայն
ժամ :

Զանօրէնու թիւնս իմ պատմեցից,
և հոգացայց վասն մեղաց իմոց :

Իսկ արդ թշնամիք իմ կենդանի
են, և զօրացեալք են քան զհա. և
բազումք էին՝ ոյք ատէին զհա 'ի
տարապարտուց :

Ոյք հատուցին ինձ չար փոխա-
նակ ընդ բարւոյ. չարախօսէին զի-
նէն, զի ես երթայի զհետ արդա-
րութեան :

Մի՛ թողուր զիս տէր աստուած
իմ, և մի՛ ՚ի բացեայ առնիր յինէն.
հայեաց յօգնել ինձ՝ տէր փրկու-
թեան իմոյ :

Տունք իա :

ՍԱՂՄՈՍ ԼԸ :

Ի կատարած . յիդիթոյմայ օրհնու. թիւն. Սոցմոս Գաւթի :

Ասացի՛ թէ պահեցից զճանապարհս
իմ, զի մի՛ մեղայց լեզուաւ իմով :
Եղի պահապան բերանոյ իմոյ՝ ՚ի
հակառակիլ մեղաւորին առաջի իմ :
Խուլ եղէ և խոնարհեցայ . լռեցի
՚ի բարութեանէ, և ցաւք իմ նորո-
գեցան յիս :

Ջեռաւ սիրտ իմ ՚ի փորի իմում,
և ՚ի խորհուրդս իմ վառեցաւ հուր :
Խօսեցայ լեզուաւ իմով և ասա-

ցի . ցոյց ինձ տէր զկատարած իմ ,
և զթիւ աւուրց իմոց՝ քանի՞օն է ,
զի գիտացից թէ ո՞րչափ ինչ պա-
կասեալ է յինէն :

Ահա չափով եղեր զաւուրս իմ ,
և կար զօրութեան իմոյ որպէս ոչ
չինչ է առաջի իմ . սակայն ամենե-
ւին ընդունայն է ամենայն մարդ
մսեղի :

Ապաքէն որպէս ՚ի պատկերի շրջի
մարդ , սակայն ՚ի զուր խռովի . գան-
ձէ՛ և ոչ գիտէ ո՛ւմ ժողովէ :

Իսկ արդ ո՞վ է համբերութիւն իմ ,
թէ ոչ դու տէր . կամ կար զօրու-
թեան իմոյ , թէ ոչ ՚ի քէն :

Յամենայն անօրէնութենէ իմմէ
փրկեցեր զիս , և նախատինս անըզ
գամաց արարեր զիս :

Լուռ եղէ և ոչ բացի զբերան իմ ,
զի դու արարեր :

Ի բաց արա յինէն զտանջանս իմ ,
զի ՚ի զօրութենէ ձեռին քո ես
պակասեցայ :

Կշտամբ ու թեամբ վասն մեղաց խը-
րատեցեր զմարդ . մաշեցեր որպէս
սարդի ոստայն զանձն նորա . սա-
կայն ընդ ունայն է ամենայն մարդ :
Լուր տէր աղօթից իմոց , ունկն
դիր խնդրուածաց իմոց , արտաս-
ուաց իմոց մի լուեր :

Պանդուխտ եմ ես առաջի քո , նրժ-
դեհ և անցաւոր որպէս ամենայն
հարբ իմ :

Թոյլ արա ինձ զի հանգեայց մինչ-
չեւ երթեալ իցեմ , և այլ ոչ ևս
գտանիցիմ :
Տունք ժե :

ՍԱՂՄՈՍ ԼԹ .

Ի կտարած • Սոցմոս գ.աւ.թի :

Համբերելով համբերի տեառն և
նայեցաւ առ իս , և լուաւ աղօ-
թից իմոց :

Եհան զիս 'ի գբոյ տառապանաց ,
'ի կաւոյ և 'ի տղմոյ :

Հաստատեաց 'ի վերայ վիմի զոտա

իմ, և ուղղեաց զգնացս իմ:
Էարկ 'ի բերան իմ օրհնութիւն
նոր, զօրհնութիւն տեառն աս-
տուծոյ մերոյ:

Տեսցեն բազումք և երկիցեն, և
յուսասացին 'ի տէր. երանեալ է այր'
որոյ անուն տեառն յոյս է նորա:
Ոչ հայեցաւ նա 'ի նանրութիւն, և
ոչ 'ի մոլութիւն սուտ:

Բազում արարեր դու տէր աստ-
ուած իմ զսքանչելիս քո. և խոր-
հրդոց քոյ՝ ոչ ոք է որ նմանիցի
քեզ:

Պատմեցի և խօսեցայ, և բազումք
եղեն քան զթիւս. ընդ զոհս և ընդ
պատարագս ոչ հաճեցար, լսելիս
հաստատեցեր ինձ. զողջակէզս և
զվասն մեղացն ոչ խնդրեցեր:
Յայնժամ ասացի՝ թէ ահաւասիկ
զամ ես, 'ի գլուխս զրոյ զրեալ է
վասն իմ:

Առնել զկամս քո աստուած իմ
կամեցայ, և զօրէնս քո 'ի մէջ ու-

լուսայնի խնոյ :

Աւետարանեցից զարդարութիւնս
քո յեկեղեցիս մեծս . ահա զչրթու
նրս իմ ոչ արգելից 'ի քէն :

Տէր դու գիտացեր՝ զի զարդարու
թիւնս քո ոչ ծածկեցի 'ի սրտի ի
մում, զճշմարտութիւնս քո և ըզ
փրկութիւնս քո :

Ասացի և ոչ թագուցի զողորմու
թիւնս քո, և զճշմարտութիւնս քո
'ի ժողովրդենէ մեծէ :

Այլ դու տէր մի հեռի առներ զգլ
թութիւնս քո յինէն . զի ողորմու
թիւն քո և ճշմարտութիւն քո յա
մենայն ժամ ընկալցի զիս :

Շուրջ եղեն զինեւ չարք՝ որոց ոչ գոյր
թիւ . հասին ինձ անօրէնութիւնք
իմ, և ես ոչ կարացի տեսանել :

Բազում եղեն քան զհեր գլխոյ ի
մոյ . և սիրտ իմ եթող զիս :

Կամեաց տէր՝ փրկել զիս, և տէր
յօգնել ինձ նայեաց :

Ամաչեսցեն և յամօթ լիցին՝ ոյք

խնդրէին զանձն իմ բառնալ զսա .
դարձցին յետս և ամաչեցեն՝ ոյք

խորհէին ինձ չար :

Կրեացեն զամօթ առ ժամայն վաղ
վաղակի , ոյք ասէին ինձ վաչ վաչ :
Տնծասցեն և ուրախ լիցին 'ի քեզ ա-

մենեքեան , ոյք խնդրեն զքեզ տէր :
Ասացեն յամենայն ժամ՝ մեծ է

աստուած , և ոյք սիրեն զփրկու-

թիւնս քո :
Ես աղքատ և տնանկ եմ , աստուած
խորհեա զիս . օգնական և պաշտպան
իմ ես . և դու աստուած իմ մի՛

յամենար :

Տունք իք : Գորդայօ ծը :



ՍԱՂՄՈՍ Խ .

Խ կատարած . Սոցմոս գու. թի .

Երանի որ խորհի զաղքատն և զտը-
նանկն . յաւուր չարի փրկէ զնա
տէր :

Տէր փրկէ զնա և կեցուցանէ . երա-

նելի առնէ զնա 'ի վերայ երկրի , և ոչ
մատնէ զնա 'ի ձեռս թշնամեաց
իւրոց :

Տէր օգնական է նմա 'ի մահիճս ցա-
ւոց իւրոց . զամենայն անկողինս նո-
րա դարձուցանէ 'ի հիւանդութե-
նէ նորա :

Ես ասացի տէր ողորմեա ինձ . բը-
ճըշկեա զանձն իմ , ես մեղայ քեզ :
Թշնամիք իմ ասացին ինձ չար . երբ է-
ցէ զի մեռցի , և կորիցէ անուն նորա :
Մտանէր տեսանել զնանրութիւն .
խօսէր 'ի սրտի իւրում , և ժողովէր
զանօրէնութիւն յանձն իւր :

Արտաքս ելանէր և զնոյն խօսէր . զի-
նէն շնչէին ամենայն թշնամիք իմ :
Խորհեցան չար 'ի վերայ իմ , բան ա-
նօրէնութեան եղին 'ի վերայ իմ :
Միթէ որ ննջիցէ , այլ ո՞չ եւս յաւել-
ցի յառնել . քանզի և այրն խաղա-
ղութեան իմոյ , յոր և եսն յու-
սացայ :

Որ ուտէր զհաց իմ , յաճախեաց

առնել ինձ խաբէու թիւն :

Այլ դու տէր ողորմեա ինձ և կանգնեա զիս , և ես հատուցից նոցա :
Յայտմ ճանեայ՝ թէ հաճեցար ընդիս , զի մի՛ ուրախ եղիցին յիս
թշնամիք իմ :

Այլ զիս յամբժու թեան իմուամ ընկալար , և հաստատեցեր զիս առաջի քո յաւիտեան :

Օրհնեալ տէր աստուած իսրայելի յաւիտեանս յաւիտենից . եղիցի եղիցի :

Տունք ժդ :

ՍԱՂՄՈՍ ԽԱ .

Ի կատարած . իմաստութիւն որդւոցն կորիսայ .

Սացմոս դու թի :

Որպէս փափաքի եղջերու յազբերս ջուրց , այնպէս փափաքի անձն իմ առ քեզ աստուած :

Ծարաւի է անձն իմ առ քեզ աստուած , հզօր և կենդանի . երբ եկից երեւեցայց երեսացդ աստուծոյ :

Եզեն ինձ արտասուք իմ կերակուր
'ի տուէ և 'ի գիշերի . և այն զի ա-
սէին ցիս զօրհանապագ թէ ուր է
աստուած քո :

Զայս որպէս յիշէի , տառապէր յիս
անձն իմ . քաջալերէի , զի մտից ընդ
յարկաւ սքանչելեաց տանն աս-
տուծոյ :

Ի ձայն ցնծու թեան խոստովանու-
թեան և 'ի ձայն բարեկենդանու-
թեան :

Արդ ընդէ՞ր տրտում ես անձն իմ ,
կամ ընդէ՞ր խռովեա զիս . յուսա-
առ աստուած , խոստովանեա նմա՝
փրկիչ երեսաց իմոց աստուած է :

Անձն իմ յոյժ խռովեցաւ . վասն
այսորիկ յիշեցի զքեզ յերկրէն յոր-
դանանու , 'ի հերմոնէ լեռնէ փոք-
ուէ :

Խորք խորոց կարդացին առ քեզ ,
'ի ձայն սահանաց քոց :

Ամենայն զբօսանք քո , և ավիք քո
անցին 'ի վերայ իմ :

Ի տուէ պատուիրեաց տէր զողորմութիւն իւր, 'ի գիշերի զօրհնութիւն նոր. և աղօթք իմ առ աստուած վասն կենաց իմոց:

Ասացի աստուծոյ՝ ընդ ունող իմ ես. ընդէ՞ր մերժեցեր զիս. ընդէ՞ր տրտում գնամ ես 'ի նեղել թշնամւոյ իմոյ:

Ի փշրիլ ոսկերաց իմոց նախատեցին զիս թշնամիք իմ, յասել ցիս զօրհանապազ, թէ ո՞ւր է աստուած քո: Արդ ընդէ՞ր տրտում ես անձն իմ, կամ ընդէ՞ր խռովեա զիս. յուսա առ աստուած, խոստովանեա նմա՝ փրկիչ երեսաց իմոց աստուած է:

Տունք ժգ:

ՍԱՂՄՈՍ ԽԲ:

Սոցմոս գ.առ.թի:

Դատ արա ինձ աստուած, և իրաւ արա ինձ 'ի դատաստանի իմում: Յազգէ որ ոչ է սուրբ, 'ի մարդոյ մեղաւորէ նենգաւորէ փրկեա զիս:

Գո՛ւ աստուած հզօրիչ իմ ես . ըն-
դէ՛ր մոռացար զիս , ընդէ՛ր տրտում
գնամ ես 'ի նեղել թշնամւոյ իմոյ :
Առաքեա տէ՛ր զլոյս քո և զճշմար-
տութիւն քո . զի առաջնորդեցեն
ինձ , և հանցեն զիս 'ի լեառն սուրբ
և 'ի յարկս քո :

Մտից առաջի սեղանոյ աստուծոյ
առ աստուած , որ ուրախ առնէ
զմանկութիւն իմ :

Խոստովան եղէց քեզ օրհնութեամբ
աստուած աստուած իմ :

Արդ ընդէ՛ր տրտում ես անձն իմ ,
կամ ընդէ՛ր խռովեա զիս . յուսա
առ աստուած , խոստովանեա նմա՝
փրկիչ երեսաց իմոց աստուած է :
Տունք է : Գորդայս լէ :



ՍԱՂՄՈՍ ԽԳ.

Ի կատարած . իմաստութեան որդւոցն կորխայ ,
Սաղմոս Կ.ա.Թի :

Աստուած՝ ականջօք մերովք լուարք .
զոր հարքն մեր պատմեցին մեզ :
Զգործն զոր գործեցեր յաւուրս

Նոցա , յաւուրսն առաջինս :
Ձեռն քո խլեաց զհեթանոսս , եւ
զնոսա տնկեցեր . չարչարեցեր զժո-
ղովուրդս քո , եւ հաներ զնոսա :
Ձի ոչ թէ սրով իւրեանց ժառան-
գեցին զերկիր , եւ ոչ բազուկ նոցա
փրկեաց զնոսա :

Այլ աջ քո եւ բազուկ քո եւ լոյս
երեսաց քոց , զի հաճեցար դու
ընդ նոսա :

Դու ինքն ես՝ թագաւոր իմ եւ աստ-
ուած իմ , որ հրամայեցեր զփրու-
կու թիւնսն յակոբայ :

Քեւ զթշնամիս մեր հարցուք . եւ
անուամբ քով արհամարհեսցուք
զյարուցեալսն ՚ի վերայ մեր :

Ոչ թէ յաղեղն իմ յուսացեալ եմ ,
եւ ոչ սուր իմ կեցուցանէ զիս :

Այլ դու փրկեցեր զմեզ ՚ի թշնամ-
եաց մերոց եւ զատելիս մեր յամօթ
արարեր :

Աստուծով պարծեսցուք զօրհանա-
պազ , եւ անուան նորա խոստովան

Եղիցուք յաւիտեան :

Բայց արդ մերժեցեր և անարդեցեր զմեզ, և ոչ ելեր աստուած

ընդ զօրս մեր :

Գարձուցեր զմեզ յետս քան ըզթշնամիս մեր, և ասելիք մեր յա-

փրչտակեցին զմեզ :

Ետուր զմեզ որպէս զոչխար 'ի զե-

նումն, և ընդ հեթանոսս ցրուեցեր զմեզ :

Վաճառեցեր զժողովուրդս քո ա-

ռանց գնոյ, և ոչ դոյ թիւ աղաղա-

կի մերոյ :

Արարեր զմեզ նախատինս դրացեաց

մերոց, ծաղր և այսպն կատականաց

այնոցիկ, որք շուրջ էին զմեօք :

Արարեր զմեզ յառակս հեթանո-

սաց 'ի շարժել զգլուխս ժողովուր-

դոց :

Զօր ամենայն նախատինք իմ առա-

ջի իմ են, և ամօթ երեսաց իմոց

ծածկեաց զիս :

Ի ճայնէ նախատորդին և չարախօ-

սի, յերեսաց թշնամւոյն և հաւ
լածչի:

Այս ամենայն եկն 'ի վերայ մեր,
և մեք զքեզ ոչ մոռացաք, և ոչ
ստեցաք ուխտի քում, և ոչ դար-
ձաք յետս սրտիւք մերովք:

Դարձուցեր զչաւիղս մեր 'ի ճանա-
պարհաց քոց, խոնարհ արարեր
զմեզ 'ի տեղի չարչարանաց. և ծած-
կեցին զմեզ ստուերք մահու:

Թէ մոռացեալ իցէ մեր զանունն աս-
տուծոյ մերոյ, կամ ձգեալ իցէ ըզ-
ձեռս մեր յաստուածս օտարս:

Սակայն աստուած խնդրէ զայս. զի
նա քննէ զգաղտնիս սրտից մերոց:
Վասն քո մեռանիմք զօրհանապազ.
Համարեցաք որպէս զոչխար 'ի զե-
նումն:

Զարթիր ընդէ՞ր ննջես տէր. արի
և մի մերժեր զմեզ իսպառ:

Զմէ՞ դարձուցանես զերեսս քո 'ի
մէնջ, մոռանաս զաղքատութիւնն
և զնեղու թիւննս մեր:

Թոնարհ եղեն մինչեւ 'ի հող ան-
ճինք մեր, և յերկիր կցեցան մէջք
մեր:

Արի տէր օգնեա մեզ, և փրկեա ըզ
մեզ վասն անուան քո:

Տունք ին:

ՍԱՂՄՈՍ ԻԴ.

Ի կաւարած, ջառանցեչոց ժամանակաց, որդւոցն Կորիւսյ
խմարտու. թեան. Սաղմոս օրհնու. թեան վասն սիրեչւոցն:

Բղխեսցէ սիրտ իմ զպատգամս քո
բարի, և ասացից զգործս իմ թա-
գաւորի:

Լեզու իմ որպէս գրիչ արագագիր
դպրի, գեղեցիկ տեսլեամք քան զա-
մենայն որդւոց մարդկան:

Ափուեցան շնորհք 'ի շրթանց քոց.
վասն այսորիկ օրհնեաց զքեզ ասա-
ուած յաւիտեան:

Ա՛ճ զսուր ընդ մէջ քո հզօր, վա-
յելչու թեան և գեղոյ քոյ:

Լարեա ուղղեա և թագաւորեա
վասն ճշմարտու թեան հեզու թեան

և արդարու թեան, և առաջնորդես
ցէ քեզ սքանչելապէս աջ քո :

Նետք քո սրեալ են հզօր, և ժողովուրդք 'ի ներքոյ քո անկցին, 'ի սիրտս թշնամեաց թագաւորի :

Աթոռ քո աստուած յաւիտեանս յաւիտենից, դաւազան ուղղու թեան դաւազան արքայու թեան

քո :

Սիրեցեր զարդարու թիւն, և ատեցեր զանօրէնու թիւն :

Վասն այսորիկ էօժ զքեզ աստուած աստուած քո իւղով ուրախու թեան, առաւել քան զընկերս քո :

Զմուռս և ստաշխն և կասիայ 'ի ըզդեստէ քումմէ, 'ի տաճարաց փղոսկրէից, ուստի ուրախ արարին զքեզ դատերք թագաւորաց 'ի պատիւ :

Կացցէ դշխոյ ընդ աջմէ քումմէ, 'ի հանդերձս ոսկեհուռս զարդարեալ և պաճուճեալ :

Էր դուստր և տես, խոնարհեցօ զունկն քո, մոռա զժողովուրդ քո

և զտուն հօր քո, զի ցանկացաւ

Թագաւոր զեղոյ քո :

Սա ինքն է տէր քո՝ երկիրպագցես
ամա, և դուստր ծուրայ երկիրպագ-
ցէ ամա. և պատարագօք զերեսս
սորա պաշտեսցեն մեծամեծք 'ի ժո-

ղովրդոց :

Ամենայն փառք դատեր Թագաւորի
'ի ներքոյ, 'ի վերջաւորս ոսկեհուռս
զարդարեալ և պաճուճեալ :

Տարցին Թագաւորի կուսանք զհետ
նորա, և զընկերս նորա տարցին նմա :

Ածցին ցնծու թեամբ և ուրախու-
թեամբ, և տարցին 'ի տաճար Թա-
գաւորի. և փոխանակ հարց քոց
եղևցին որդիք քո :

Կացուսցես զնոսա իշխանս ընդ ա-
մենայն երկիր, և յիշեսցի անուն
քո ընդ ամենայն ազգս ազգաց :

Վասն այսորիկ ժողովուրդք խոս-
տովան եղևցին առ քեզ յաւիտեան,
և յաւիտեանս յաւիտենից :

Տունք ժը :

ՄԱՂՄՈՍ ԽԵ.

Ի կառարած . որքանց կորիտայ ի վերայ գտցանեաց .

Սոցմոս գու. Թի .

Աստուած մեր ապաւէն և զօրութիւն . օգնական ՚ի վերայ նեղութեանց , որք գտին զմեզ յոյժ :

Վասն այսորիկ ոչ երկիցուք մեք ՚ի խռովիլ երկրի , ՚ի փոփոխիլ լերանց ՚ի սիրտս ծովու :

Գոչեցին և խռովեցան ջուրք նոցա . խռովեցան լերինք ՚ի զօրութենէ նորա :

Գնացք գետոց ուրախ առնեն զքաղաքն աստուծոյ . և սուրբ արար ըզյարկս իւր բարձրեալն :

Աստուած ՚ի մէջ նոցա , և նոքա մի սասանեացին . օգնեացէ նոցա աստուած ՚ի վաղորդայնէ մինչեւ ՚ի վաղորդայն :

Խռովեցան հեթանոսք , և խոնարհեցան թագաւորութիւնք . ետ զձայն իւր բարձրեալն , և խռովեցաւ երկիր :

Տէր զօրութեանց ընդ մեզ. ընդունելի է մեր աստուած յակոբայ, Եկայք և տեսէք զգործս աստուծոյ, որ արար զնշանս և զարուեստս տրս 'ի վերայ երկրի:

Եհար զպատերազմ 'ի ծագաց մինչեւ 'ի ծագս երկրի. զաղեղունս փշրեաց, զզէնս խորտակեաց, և զասպարս այրեաց հրով:

Կանխեցէք և ծաներուք, զի ես եմ աստուած. բարձր եղէց 'ի հեթանոսս, և բարձրացայց 'ի վերայ երկրի:

Տէր զօրութեանց ընդ մեզ. ընդունելի է մեր աստուած յակոբայ:

Տունք ժա : Գորդայս ծգ :

ՍԱՂՄՈՍ ԽԶ.

Ի կուսարսն յտան արհւ.ոցն Կորիւայ. Սաղմոս գաւ.թի:

Ծափս հարէք ամենայն հեթանոսք, աղաղակեցէք առ աստուած 'ի ձայն ցնծութեան:

Տէր բարձրեալ և ահարկու, թա-
գաւոր մեծ 'ի վերայ ամենայն երկրի:
Հնազանդ արար զժողովուրդս ընդ
մեզ, և զհեթանոսս 'ի ներքոյ ոտից
մերոց:

Ընտրեաց զմեզ իւր 'ի ժառանգու-
թիւն, զգեղեցկու թիւն յակոբայ
զոր և սիրեաց:

Համբարձաւ աստուած օրհնու-
թեամբ, և տէր մեր ձայնիւ փողոյ:
Սաղմոս ասացէք աստուծոյ մե-
րում, սաղմոս ասացէք թագաւո-
րին մերում, սաղմոս ասացէք:

Թագաւոր մեծ 'ի վերայ ամենայն
երկրի աստուած է, սաղմոս ասա-
ցէք նմա իմաստութեամբ:

Թագաւորեաց աստուած 'ի վերայ
հեթանոսաց, աստուած նստաւ
յաթոռ սրբութեան իւրոյ:

Իշխանք ժողովրդոց ժողովեցան առ
աստուած արահամու, զի աս-
տուծոյ զօրութիւնք յերկրէ յոյժ
համբարձան:

ՄԱՂՄՈՍ ԻԷ.

Սացմոս օրհնութեան որդւոցն կորիսոյ . երկրորդ շաբաթու :

Մեծ է տէր , և օրհնեալ է յոյժ 'ի
քաղաք աստուծոյ մերոյ , 'ի լեառն
սուրբ նորա :

Հաստարմատ ցնծասցէ ցնծու
թեամբ ամենայն երկիր . լերինք
սիօնի , կողմանք հիւսիսոյ՝ քաղաք
թագաւորին մեծի :

Աստուած 'ի տաճարի իւրում յայտ
նի , 'ի ժամանակի որպէս օգնական
լինէր նոցա :

Ահաւասիկ թագաւորու թիւնք
երկրի ժողովեցան , և անցին 'ի միա
սին :

Ինքեանք տեսին այսպէս և զար
մացան . խռովեցան սասանեցան ,
և դողումն կալաւ զնոսա :

Անդ երկունք որպէս 'ի ծննդեան ,
և հողմն սաստիկ փշրեացէ զնաւս
'ի թարսիս :

Որպէս լուաք , սոյնպէս և տեսաք

'ի քաղաք տեառն զօրութեանց՝ 'ի
քաղաք աստուծոյ մերոյ :

Աստուած հիմունս էարկ նմա յա-
ւիտեան . ընկալաք աստուած զողոր-
մութիւն քո 'ի մէջ ժողովրդեան

քոյ :

Ըստ անուան քում աստուած , սոյն-
պէս և օրհնութիւն քո ընդ ամե-
նայն տիեզերս , և արդարութեամբ

լի է աջ քո :

Ուրախ եղիցի լեառն սիօն , և ցնծաս-
ցեն դասերք յուղայ վասն իրաւանց

քոյ տէր :

Շրջեցարուք զսիօնիւ , պաշարեցէք
զնա և պատեցէք զաշտարակս նորա :

Բիք զսիրտս ձեր 'ի վերայ զօրու-
թեանց նորա . բաժանեցէք զամու-
րրա նորա , զի պատմել կարասջիք

յազգ յայլ :

Սա է աստուած , աստուած մեր յա-
ւիտեանս յաւիտենից . և սա հով-
ուեացէ զմեզ մինչեւ յաւիտեան :

Տունք ժգ :

ՍԱՂՄՈՍ ԽԸ .

Ի կատարած որդւոցն կորխոյ Սաղմոս օրհնու թեան գաւթի :

Լուարուք զայս ամենայն ազգք .
ուենկնդիր լերուք ամենեքեան՝ ոյք
բնակեալ էք յաշխարհի :

Ծնունդք երկրի և որդիք մարդկան ,
ի միասին մեծամեծք և տնանկք :
Բերան իմ խօսեացի զիմաստու
թիւն , և խորհուրդ սրտի իմոյ ըզ
հանճար :

Խոնարհեցուցից յառակումն զուն
կրն իմ . բացից առակաւ զբերան իմ ,
և խօսեցայց զառակս ՚ի սկզբանէ :

Ընդէր բնաւ երկնչիմ ես յաւուր
չարի , զի անօրէնու թիւնք գնացից
իմոց շուրջ եղեն զինեւ :

Յուսացեալք ՚ի զօրութիւն իւր
եանց , ՚ի բազում մեծութեան իւր
եանց պարծեացին :

Եղբայր ոչ փրկէ՝ և ոչ փրկէ մարդ ,
և ոչ տայ աստուծոյ զփրկանս իւր .
և ոչ զգինս փրկանաց անձին իւրոյ :
Վաստակեա յաւխտեան , և կեցցես

մինչ իսպառ , և ոչ տեսցես զապա-
կանու թիւն :

Յորժամ տեսցես՝ թէ իմաստունք
մեռանին , 'ի միասին անզգամք և
անմիտք կորիցեն , և թողցեն օտա-
րաց զմեծու թիւն իւրեանց :

Գերեզմանք նոցա տունք նոցա եղի-
ցին յաւիտեան , և յարկք նոցա
ազգէ մինչեւ յազգ , և կարդասցին
անուանք նոցա 'ի հողս իւրեանց :

Մարդ 'ի պատուի էր և ոչ իմացաւ ,
հաւասարեցաւ անասնոց անբանից
և նմանեցաւ նոցա :

Այս ճանապարհ է դայթակղու-
թեան նոցա նոցին . յետ այսորիկ
բերանօք իւրեանց հաճեսցին :

Որպէս խաշն 'ի դժոխս մատնեսցին ,
և մահ հովուեսցէ զնոսա , և տիրես-
ցեն նոցա ուղիղք ընդ առաւօտս :
Օգնու թիւնք նոցա մաշեսցին 'ի դը-
ժոխս , և 'ի փառաց իւրեանց անկ-
ցին :

Բայց սակայն աստուած փրկեսցէ

զանձն իմ 'ի ձեռաց դժոխոց, յոր-
ժամ ընդունին զիս :

Մի՛ երկնչիւր յորժամ մեծանայ մարդ,
եւ յորժամ բազում լինին փառք
տան նորա :


Զի ոչ թէ 'ի մեռանիլն իւրում առ-
ցէ ընդ իւր զամենայն, և ոչ թէ
իջցեն փառք տան նորա ընդ նմա :

Այլ անձն նորա 'ի կեանս իւրում
օրհնեսցի, և խոստովան եղիցի քեզ
յորժամ բարի արասցես դու նմա :

Մտցէ՛ նա մինչեւ յազգ հարց իւ-
րոց, մինչեւ յաւիտեան զլոյս մի՛
տեսցէ :

Մարդ 'ի պատուի էր և ոչ իմացաւ,
հաւասարեցաւ անասնոց անբանից
եւ նմանեցաւ նոցա :

Տունք ի : Գորդայս խք :



ՄԱՂՄՈՍ ԽԹ.

Մացմոս գաւթի :

Աստուած աստուծոց տէր խօսեց
ցաւ, և կոչեաց զերկիր յարեւե-
լից մինչեւ 'ի մուտս արեւու :
Ի սիօնէ մեծվայելչու թիւն փրկու-
թեան զեղոյ նորա :

Աստուած մեր յայտնապէս եկեա-
ցէ, և աստուած մեր մի՛ դադա-
րեսցէ :

Հուր առաջի նորա բորբոքեսցի,
և շուրջ զնովաւ մրրիկ յոյժ :

Կոչեսցէ զերկինս 'ի վերուստ՝ և
զերկիր 'ի դատել զժողովուրդ իւր,
ժողովել առ ինքն զսուրբ իւր,
և ոյք դնեն զպատարագս ուխտից
'ի վերայ սեղանոյ նորա :

Պատմեսցեն էրկինք զարդարութի
նորա, զի աստուած դատաւոր է :
Լուր ժողովուրդ իմ և խօսեցայց
ընդ քեզ, և խրայել՝ քեզ վկայե-
ցից. զի աստուած աստուած քո
ես եմ :

Ոչ թէ վասն պատարագաց քոց կըշ-
տամբեմ զքեզ. զի ողջակէզք քո
առաջի իմ են յամենայն ժամ:

Ոչ ընդունիմ 'ի տանէ քու մէջ զը-
ւարակս, և ոչ 'ի հօտից քոց նոխա-
զըս:

Իմ է ամենայն գազան անտառի,
երէ լերանց և ամենայն անասուն:
Գիտեմես զամենայն թռչունս երկ-
նից. գեղեցկու թիւն վայրի ըն-
դիս է:

Թէ քաղցեայց, քեզ ինչ ոչ ասա-
ցից. զի իմ է աշխարհ լրիւ իւրով:
Ոչ ուտեմես ըզմիս զուարակաց
քոց, և ոչ զարիւն նոխազաց քոց
ըմպեմ:

Մատո աատուծոյ պատարագ օրհ-
նու թեան. կատարեա բարձրելոյն
զուխտս քո:

Կարդասցես առիս յաւուր նեղու-
թեան քո, ես փրկեցից զքեզ և
զու փառաւոր արասցես զիս:

Սակայն մեղաւորին ասէ աատուած.

Իսկ դու ընդէ՞ր բնաւ պատմես զար-
դարութիւն իմ, կամ առնուս
զուխտ իմ 'ի բերան քո :

Ձի դու ատեցեր զխրատ իմ. մեր-
ժեցեր և յետս ընկեցեր զամենայն
բանս բերանոյ իմոյ :

Թէ տեսանէիր զգողս՝ ընթանայիր
ընդ նոսա, և ընդ շունս դնէիր ըզ-
բաժին քո :

Բերան քո յաճախէր զչարութիւն,
եւ լեզու քո նիւթէր զնենդու-
թիւն :

Նստեալ զեղբօրէ քումմէ չարա-
խօսէիր, և 'ի վերայ որդւոյ մօր քո
դնէիր զգայթակղութիւն :

Ձայս ամենայն արարեր, և լռեցի
քեզ. կարծեցեր անօրէնդ 'ի մտի
քում, թէ և ես քե՞զ նմանիցեմ :

Արդ յանդիմանեցից և կացուցից
զայս ամենայն առաջի քո. իմացա-
րութ ամենեքեան՝ որոյ մուացեալ
իցէ զաստուած :

Գուցէ երբէք յափշտակիցիք, և ոչ

ոք իցէ՝ որ փրկիցէ :

Պատարագ օրհնութեան փառաւոր
արասցէ զիս . և անդ է ճանապարհ ,
ուր ցուցից նմա զփրկութիւն աս-
տուծոյ :

Տունք իգ :

ՍԱՂՄՈՍ Ծ .

Ի կատարած Սուգմոս դ.ա.թի . 'ի ժամանակի ջի Եկի առ նա
Նախան ժարգարե , իբրև ջի մտեաչ էր նա առ բերասրէ :

Ողորմեա ինձ աստուած ըստ մեծի
ողորմութեան քում . ըստ բազում
զթութեան քում քաւեա զանօ-
րէնութիւնս իմ :

Առաւել լուա զիս յանօրէնութեանէ
իմմէ , և 'ի մեղաց իմոց սուրբ
արա զիս :

Զանօրէնութիւնս իմ ես ինձէն զի-
տեմ և մեղք իմ առաջի իմ են յա-
մենայն ժամ :

Քեզ միայն մեղաց տէր , և չար ա-
ռաջի քո արարի :

Որպէս արդար եղիցիս 'ի բանս քո ,

և յաղթող 'ի դատել զաս :

Անօրէնու թեամբ յղացաւ, և 'ի մե-
զրս ծնաւ զիս մայր իմ :

Գու տէր զճշմարտութիւն սիրե-
ցեր, զանյայտս և զճաճկեալս իմաս-
տութեամբ քով յայտնեցեր ինձ :
Ցօղեա յիս մշտկաւ, և սուրբ եղէց-
լուա, և քան զձիւն սպիտակ եղէց :
Լսելի արա ինձ զցնծու թիւն և զու-
րախութիւն, և ցնծասցեն ոսկերք
իմ տառապեալք :

Գարձո զերեսս քո 'ի մեղաց իմոց,
և զամենայն անօրէնութիւնս իմ
քաւեա յինէն :

Սիրտ սուրբ հաստատեա յիս աստ-
ուած, և հոգի ուղիղ նորոգեա
'ի փորի իմում :

Մի՛ ընկենուր զիս տէր յերեսաց
քոց, և զհոգի քո սուրբ մի՛ հաներ
յինէն :

Տուր ինձ ցնծութիւն փրկութեան
քոյ, և հոգւով պետութեան քոյ
հաստատեա զիս :

Ուսուցից անօրինաց զճանապարհս
քո, և ամբարիշտք առ քեզ դարձ-
ցին :

Փրկեա զիս յարե՛նէ աստուած՝ աստ-
ուած փրկու թեան իմոյ . ցնծասցէ
լեզու իմ յարդարութեան քում :
Տէր եթէ զշրթունս իմ բանաս, բե-
րան իմ երգեսցէ զօրհնութիւնս քո :
Թէ կամեցեալ էիր, պատարագս
մատուցանէաք . բայց դու ընդ ող-
ջակէզս իսկ ոչ հաճեցար :

Պատարագ աստուծոյ հոգի խո-
նարհ . զսիրտ սուրբ և զհոգի խո-
նարհ աստուած ոչ արհամարհէ :
Բարի արա տէր կամօք քովք սիօնի .
և շինեսցին պարիսպքն երուսա-
ղէմի :

Յայնժամ հաճեացիս ընդ պատարա-
գըս արդարութեան . յորժամ ուխ-
տից պատարագս հանցեն 'ի սեղան
քո զուարակս :

Տունք ի :

ՍԱՂՄՈՍ ԾԱ.

Ի կտարածի իմաստութեան, Սացմոս գաւթի • Ի ծամամակի
քի եկն գոյեկ եգոյմոյ, դատմեաց սաւուցոյ • Թէ ահաւասիկ
գաւթի ի տանն տքիմեչեքոյ է :

Ձի՞ պարծի ՚ի չարութեան հզօր զա-
նօրէնութիւն. զօրհանապաղ զա-
նիրաւութիւն խորհեցաւ ՚ի լեզուի
իւրում :

Որպէս զածելի սուր՝ սրեաց զնեն-
գութիւն, սիրեաց զչարութիւն
քան զբարութիւն, զանօրէնու-
թիւն քան զխօսս արդարութեան :
Սիրեաց նա զամենայն խօսս կործան-
ման, և զլեզուս նենդաւորս :


Վասն այսորիկ աստուած կործա-
նեացէ զնա իսպառ. խլեացէ և հան-
ցէ զնա յարկաց իւրոց, և զարմա-
տըս նորա յերկրէն կենդանեաց :
Տեսցեն արդարք և երկիցեն. զնու-
վաւ ծիծաղեացին և ասացեն :

Այս այր է, որ ոչ արար զաստուած
իւր օգնական. այլ յուսացաւ սա
՚ի բազում մեծութիւն իւր, և զօ-

բացաւ 'ի նանրութեան իւրում :
 Այլ ես որպէս ձիթենի պտղալից 'ի
 տան աստուծոյ . յուսացայ յողոր-
 մութիւն աստուծոյ յաւիտեան՝ և
 յաւիտեանս յաւիտենից :

Թոստովան եղէց քեզ տէր յաւիտեան,
 զի արարեր . և համբերից ան-
 ուան քում, զի քաղցր ես առաջի
 սրբոց քոց :

Տունք ը : Գորդայս ծբ :



ՍԱՂՄՈՍ ԾԲ .

Ի կատարած • վասն մացառեթոյ • իմաստութիւն գաւթի :

Ասաց անդգամն 'ի սրտի իւրում թէ
 ոչ գոյ աստուած . ապականեցան և
 պղծեցան յանօրէնութեան իւրեանց .
 և ոչ ոք է որ առնէ զքաղց-
 րութիւն :

Աստուած յերկնից նայեցաւ յամե-
 նայն որդիս մարդկան , տեսանել
 թէ իցէ՞ ոք իմաստուն՝ որ խնդրիցէ
 զաստուած :

Ամենեքեան խոտորեցան 'ի միասին ,
և անպիտանացան :

Ոչ ոք է որ առնէ զբարի , և չէ ոք
մինչև 'ի մի :

Որպէս ոչ ծանկցեն ամենեքեան ,
ոյք գործեն զանօրէնութիւն :

Ոյք ուտէին զժողովուրդ իմ որ-
պէս կերակուր հացի , և առ աստ-
ուած ոչ կարգացին :

Անդ երկիցեն զերկիւղ՝ ուր ոչ իցէ
երկիւղ . զի աստուած ցրուեացէ
զոսկերս մարդահաճոյից :

Ամաչեացեն և յամօթ լիցին , զի
աստուած անարգեաց զնոսա :

Ո՞տացէ 'ի սիօնէ զփրկութիւն իս-
րայէլի . 'ի դարձուցանել տեառն
զգերութիւն ժողովրդեան իւրոյ ,
ցնծացէ յակօբ , և ուրախ եղիցի
իսրայէլ :

Տունք թ :

ՍԱՂՄՈՍ ԾԳ.

Ի կատարած • ընդ օրհնութիւնս իմաստութիւն գաւթի • 'ի ծա-
մանակի ջի եկին ջիփացիքն եւ ասեն ցՍաւուք • ոհաւապիկ
գաւթիթ թագուցեալ նստի առ մեզ :

Աստուած յանուան քում կեցո զիս ,
և 'ի զօրութեան քում իրաւ արա ինձ :

Աստուած լուր աղօթից իմոց , ուն-
կըն դիր բանից բերանոյ իմոյ :

Օտարք յարեան 'ի վերայ իմ , և հը-
զօրք խնդրեցին զանձն իմ , և ոչ հա-
մարեցան զքեզ աստուած առաջի
իւրեանց :

Ահա աստուած օղնական իմ , եւ
տէր ընդունող հոգւոյ իմոյ :

Ի դարձուցանել զչարն 'ի թշնամիս
իմ , ճշմարտութեամբ քով սատակ
եա զնոսա :

Ես կամօք իմովք պատարագս մա-
տուցից քեզ , և խոստովան եղէց
անուան քում տէր , զի բարի է :

Յամենայն նեղութեան իմմէ փրկե-
ցեր զիս , և 'ի թշնամիս իմ ետես
ակն իմ :

Տունք է :

ՍԱՂՄՈՍ ԾԴ .

Ի կատարած ընդ օրհնութիւնս իմաստութեան , Սացմա
դաւթի օ

Ունկնդիր աստուած աղօթից իմոց ,
և մի անտես առներ զխնդրուածս
իմ :

Նայեա առիս և լուր ինձ զի տրտ
մեցայ ես 'ի ձանձրանալ իմում , և
խռովեցայ :

Ի ձայնէ թշնամւոյն և 'ի նեղել մե
ղաւորին խոտորեցան յիս անիրա
ւութեամբ , բարկութեամբ ոխս
պահէին ինձ :

Սիրտ իմ խռովեցաւ յիս , և եր
կիւղ մահու անկաւ 'ի վերայ իմ :
Ահ և դողումն եկն 'ի վերայ իմ , և
ծածկեաց զիս խաւար :

Ասացի տայր ոք ինձ զթեւս որպէս
զաղաւնւոյ . զի թռչէի վերանայի ,
եւ հեռացեալ դադարէի յանա
պատի :

Ակն ունէի աստուծոյ՝ որ փրկէր
զիս 'ի կարճատու թե՛նէ, 'ի զայրանա-
լոյ, և 'ի մրրկեալ նեղսրտու թե՛նէ :
Ընկրտ տէր և բաժանեա զլեզուս
նոցա . զի տեսի զանօրէ՛նու թիւն և

զհակառակու թիւն 'ի քաղաքի :
Ի տուէ և 'ի գիշերի շուրջ եղէն
զպարսպօք նորա անօրէ՛նու թիւնք .
չարիք և մեղք են 'ի մէջ նոցա . և
ոչ պակասեաց 'ի հրապարակաց նո-
ցա վաշխ և նենգու թիւն :

Զի թէ թշնամւոյն նախատեալէր,
համբերէի արդեօք . կամ ատելւոյն
մեծաբանեալ էր 'ի վերայ իմ, թաղ-
չի արդեօք 'ի նմանէ :

Իսկ դու մարդ հաւասար իմ, ա-
ռաջնորդ իմ և ծանօթ իմ :

Ապաքէն 'ի նոյն քաղցրացուցեր
ինձ և քեզ կերակուր . զի գնայաք
միաբանու թեամբ 'ի տան աստու-
ծոյ :

Եկեսցէ մահ 'ի վերայ նոցա, և կեն-
դանւոյն իջցեն 'ի դժոխս . զի չա-

լուծիւն է 'ի բնակուծեան նոցա
և 'ի մէջ նոցա :

Ես առ աստուած կարդացի, և նա
լուաւ ինձ յերեկոյս, 'ի վաղորդայն
և 'ի հասարակ աւուր :

Պատմեցի և ասացի, լուսիցէ ձայնի
իմում. փրկեսցէ խաղաղու-
ծեամբ զանձն իմ 'ի մերձաւորաց
իմոց, զի կարեօք հասին 'ի վերայ իմ :
Լուսիցէ աստուած՝ և խոնարհ ա-
րասցէ զնոսա, որ յառաջն է քան
զյաւիտեանս :

Զի ոչ գոյր նոցա փոխանակ. և ոչ
երկեան յաստուծոյ :

Զգեաց զձեռն իւր 'ի հաստուցանել
նոցա. և նոքա պղծեցին զօրէնս
նորա :


Բաժանեցան 'ի սրտմտուծենէ երե-
սաց նորա. և եհաս 'ի սիրտս նոցա :
Կակուղ էին բանք նոցա քան ըզ
ձէթ, և ինքեանք որպէս սլաք :

Ընկեա 'ի տէր զհոգս քո, և նա
կերակրէ զքեզ. և ոչ ապայ յաւիտ.

Եան սասանու թիւն արդարոյ :
Դու աստուած իջուսցես զնոսա
'ի գուբ ապականու թեան . արք
արիւնահեղք և նենգաւորք մի հա
սարակեացեն զաւուրս իւրեանց .
այլ ես 'ի քեզ տէր յուսացայ :

Տունք իբ : Գորդայս լը :

Կանոնս Գորդայս է : Սաղմոս ժթ : Տունք յի :



ՕՐՃՆՈՒԹԻՒՆ ՄԵԾԻՆ ՄՈՎՍԷՍԻ ԱՍՏՈՒԱԾԱՏԵՍ

ՄԱՐԳԱՐԷԻ :

Բ. Օրինաց . լբ :

Ձի հուր բորբոքեցաւ 'ի բարկու
թենէ իմմէ . այրեացէ և իջցէ մինչ
'ի դժոխս ներքինս :

Կերիցէ զերկիր և զամենայն բոյսս
երկրի նոցա . վառեացին հրով, եւ
բորբոքեցին հիմունք լերանց նոցա :
Կուտեցից զչարիս ամենայն 'ի վե

րայ նոցա , և նետիւք իմովք սպա-
ռեցից զնոսա :

Մաշեալք եւ հիւժեալք 'ի սովոյ ,
գազանաբեկ գէշ անկեալ ամենայն
Թռչնոց երկնից :

Լարս առանց բժշկու թեան արձա-
կեցից 'ի վերայ նոցա՝ զգազանս անա-
պատի , որք այսր և անդր քարչեա-
ցեն զնոսա ընդ երկիր :

Արտաքուստ մանկակոտորս արասցէ
զնոսա սուր , և 'ի ներքուստ շտե-
մարանաց նոցա անտի արհաւիրք
ահից :

Ջերիտասարդս նոցա կուսանօք հան-
դերձ , և զտղայս հաստատելովք
ծերովք հանդերձ :

Ասացի թէ ցրեցից զնոսա . և դադա-
րեցուցից զյիշատակս նոցա յաղ-
գաց :

Թէ ոչ վասն բարկու թեան սրբու
մրտու թեան թշնամւոյն . զի մի՛ եր-
կայնակեացք եղիցին , և մի՛ բարձ-
րասցին հպարտացեալ թշնամիքն ,

Եւ ասացեն :

Թէ ձեռն մեր բարձր է , և բազում
մեր հզօր . և ոչ տէր աստուած ա

րար զայս ամենայն :

Ձի ազգ մի խորհրդակորոյսք են նո
քա . եւ ոչ գոյ 'ի նոսա իմաստու
թիւն , և ոչ խորհեցան 'ի միտ առ
նուլ զայս ամենայն . և արդ ընկալ

ցին զամօթ յանձինս իւրեանց :

Չարմանք մի մեծ այս են . զիարդ մին
զհազարս հալածեացէ , կամ երկուք

զբիւրս շարժեացեն :

Թէ ոչ տեառն աստուծոյ մատնեալ
էր զնոսա , և տուեալ իցէ զնոսա

'ի ձեռս թշնամեաց նոցա :

Ձի ոչ են դիք նոցա որպէս զաստ
ուած մեր . այլ թշնամիք մեր վատա

խորհուրդք :

Յայգւոյն սողոմայ էր որթ նոցա ,

և տունկ նոցա 'ի գոմորայ :

Խաղող նոցա խաղող դառնու թեան ,

եւ ողկոյզ նոցա 'ի դառնու թեան

լեղւոյ :

Սրտմտութիւն բարկութեան վի-
շապայ գինի նոցա . սրտմտութիւն
իժից՝ անհնարին առանց բժշկու-
թեան :

Ո՛չ այս ամենայն ժողովեալ է առ իս,
և կնքեալ պահի 'ի գանձի իմում :
Յաւուր վրիժուց հատուցման հա-
տուցից նոցա , 'ի ժամանակի յորում
հարցի զքարի ոտն նոցա :

Մերձ է օր կորստեան նոցա . հաս-
եալ է պատրաստութեամբ տէր 'ի
վերայ նոցա :

Գատէ տէր զժողովուրդ իւր , եւ
'ի ծառայս իւր մխիթարի :

Զի ետես զնոսա լքեալս , լուծեալս
և մատնեալս 'ի գերութիւն :

Եւ ասիցէ տէր , ո՞ւր են գիքն ձեր՝
յորս յուսացեալ էիք դուք 'ի նոսա ,
զորոց զճարպս սպանդիցն ուտէիք ,
և ըմպէիք զգինի զոհիցն :

Արդ յարիցեն օգնեսցեն , եւ եղի-
ցին ձեզ թիկունք :

ՆՈՐԻՆ ՄՈՎՍԷՍԻ

Ծաներուք և տեսէք՝ զի ես եմ,
և ոչ գոյ այլ աստուած բաց յինէն :
Ես սպանանեմ, և ես կեցուցա-
նեմ. հարկանեմ, և ես բժշկեմ.
և ոչ ոք իցէ՝ որ հանիցէ զձեզ 'ի
ձեռաց իմոց :

Համբարձի յերկինս զձեռս իմ. երդ-
ուայ աջով իմով և ասացի՝ թէ կեն-
դանի եմ ես յաւիտեան :

Սրեցից որպէս փայլակն զսուտեր
իմ, և 'ի խնդիր վրիժուց արձակե-
ցից զաջ իմ :

Հատուցից զհատուցումն թշնամ-
եաց իմոց. և ատելեաց իմոց հա-
տուցից զհատուցումն նոցա նոցին :

Արբեցուցից զնետս իմ յարենէ նո-
ցա. և սուր իմ կերիցէ միս, յա-
րենէ վիրաւորելոց գերելոց զլիսոց
իշխանաց՝ թշնամեաց նոցա :

Ուրախ եղիցին երկինք նովաւ. և
երկիրպագցեն նմա ամենայն որ-

դիք աստուծոյ :

Ուրախ եղերուք հեթանոսք ընդ
ժողովրդեան նորա . և զօրացուս-
ցեն զնա ամենայն հրեշտակք աս-
տուծոյ :

Խնդրելով խնդրեցաւ վրէժ արեան
որդւոց նոցա . և հաստուցումն թրշ-
նամեաց նոցա հաստուցաւ նոցա :
Հաստուցումն ատելեաց նոցա հա-
տուցաւ նոցա . և սրբեսցէ տէր
զերկիր ժողովրդեան իւրոյ :
Փառք հօր և որդւոյ և :



ՄԱՂԹԱՆՔ

Դու ես տէր մեր , դու ես քրիստոս
փրկիչ մեր , զքեզ օրհնեն անձինք
մեր :

Մարդասէր տէր , վասն սրբուհւոյ
անարատի մօր քո և կուսի , և վա-
սըն խաչի քո պատուականի , տէր
ընկալ զաղաչանս մեր , և կեցո զմեզ :

Քարոզ և աղօթք՝ Մէ՛ նախանձիք և խոստովան
կանոնացն ։

Վասն ուղղելոյ զգնացս մեր 'ի ճա-
նապարհս խաղաղութեան, զտէր
աղաչեսցուք ։ Տէր ողորմեա ։

Վասն ցրելոյ 'ի մէնջ զամենայն խոր-
հուրդս չարին, զտէր աղաչեսցուք ։
Տէր ողորմեա ։

Վասն պարգեւելոյ մեզ առողջ խոր-
հուրդս և առաքինի վարս, զտէր
աղաչեսցուք ։

Վասն պահելոյ զմեզ ընդ հովան-
եաւ ամենազօր աջոյն իւրոյ, զտէր
աղաչեսցուք ։

Վասն խորտակելոյ զհակառակոր-
դըն վաղվաղակի ընդ ոտիւք մե-
րովք, զտէր աղաչեսցուք ։

Վասն հոգւոցն հանգուցելոց՝ որք
ճշմարիտ և ուղիղ հաւատով 'ի
քրիստոս ննջեցին, զտէր աղաչես ։
Եւ ևս միաբան վասն ճշմարիտ և ։
Զանձինս մեր ։ Ողորմեաց ։

Տէր երկնի և երկրի՝ արարիչ ամենայն արարածոց երեւելեաց և աներեւու թից : Առ քեզ կարդամք յամենայն ժամ, զի ընդ ամենայն տեղիս է տէրու թիւն քո, և արքայու թիքո ամենեցուն տիրէ : Շնորհեա մեզ երկիւղիւ 'ի պաշտօն քո կանխել հանապազ, տիրել զքեզ 'ի բոլոր սրտէ և 'ի բովանդակ մտաց, և յամենայն զօրութեանէ մերմէ պահել զպատուիրանս քո : Համբառնալ առ քեզ զձեռս մեր 'ի սրբութիւն առանց բարկութեան և երկմտութեան, և գտանել 'ի քէն զչնորհս և զողորմութիւն, և զառաքինասէր գործոցն յաջողութիւն : Վասն զի գուեսս տէր կենաց և աստուած ողորմութեանց, և քեզ վայելէ փառք իշխանութիւն և պատիւ այժմ և միշտ, և յաւիտեանս յաւիտենից՝ ամէն :

Խաղաղութիւն ամենեցուն :

Աստուծոյ երկիրպագեսցուք :


Քու՛մ ամենազօր և յաղթող տե-
րութեանդ կրկնի ամենայն ծունր
յերկրպագութիւն, և փառաւորի
յամենեցունց թագաւորութիւն
քո : Նայեա յերկրպագութիւնս
մեր, և ուստ մեզ առնել զարդա-
րութիւն ճշմարտութեան : Ասան
զի դու ես աստուած խաղաղու-
թեան, որ բարձեր զթշնամութիւն
'ի միջոյ, և արարեր զխաղաղութիւն
յերկինս և յերկրի. հեռաւորաց և
մերձաւորաց աւետարանեցեր զնոր
պարգեւս քոյին բարեացդ :

Որում և զմեզ մեծի շնորհացդ ար-
ժանաւորս արասցես՝ դասելով ընդ
ճշմարիտ երկրպագուս քո, աստ-
ուած մեր և տէր մեր և փրկիչ
Յիսուս քրիստոս : Որ ես օրհնեալ
ընդ հօր և ընդ սուրբ հոգւոյդ,
այժմ և միշտ և յաւիտեանս յաւի-
տենից, ամէն :

ՄԱՂԹԱՆԻ

Յերգս օրհնութեան և 'ի ճայն
սաղմոսաց անդադար փառաւորեմք
զհայր և զորդի և զսուրբ հոգիդ,
այժմ և միշտ և յաւիտեանս յաւի-
տենից. ամէն :

Օրհնեալ տէր մեր յիսուս :
Հայր մեր որ յերկինս :





Զույն սեռուն 'ի վերայ ջուրց եւ. աստուած փառաց
որոտաց եւ. տէր ինքն 'ի վերայ ջուրց բազմաց:



ՄԱՂՄՈՍ ԾԵ.

Ի կատարած . ջանս ժոշոյրդեանս , որ 'ի սրբոյն հեռացեալ է .
ին , 'ի ժամանակի զի կաշան ցնա աշխարհիքն 'ի Գեթ :

Յարձանագիր . Սացմոս [գ.ա.թի :

Ողորմեա ինձ աստուած , զի կոխեաց զիս մարդ . զօրհանապազ պատերազմունք նեղեցին զիս :

Կոխեցին զիս թշնամիք իմ զօրհանապազ . բազումք էին՝ ոյք մարտընչէին ընդիս 'ի բարձանց :

Իտուէ ես ոչ երկեայց , զի 'ի տէր յուսացայ , աստուծով գովեցից ըզբանս իմ , յաստուած յուսացայ՝ և ոչ երկեայց . զի՞ արասցէ ինձ մարդ :
Զօրհանապազ զբանս իմ անարգեցին . զինէն էին խորհուրդք նոցա 'ի չարութեան :

Պանդուխտք եղիցին , եւ թաքթաքուրք շրջեցին . նոքա գարշապարի իմում սպասեցեն , որպէս և սպասէին անձին իմոյ :

Որպէս առ ոչնչէ մերժեսցես զնո-
սա . բարկութեամբ զժողովուրդս
հնազանդեցուսցես :

Աստուած զկեանս իմ պատմեցից
քեզ . եղից զարտասուս իմ առաջի
քո , որպէս խոստացար դու ինձ :
Դարձցին թշնամիք իմ յետս իւր-
եանց , յաւուր յորում կարդացից
առ քեզ :

Ահա ծանեայ զի աստուած իմ ես
դու . զաստուած օրհնեցից 'ի բա-
նրս իմ , և զտէր գովեցից 'ի խօսս
իմ . յաստուած յուսացայ և ոչ եր-
կեայց , զի՞ արասցէ ինձ մարդ :
Յինէն են ուխտք իմ , զոր տաց քեզ
օրհնութեամբ աստուած աստ-
ուած իմ :

Փրկեցեր զանձն իմ 'ի մահուանէ .
զաչս իմ յարտասուաց , և զոտս իմ
'ի գայթակղութենէ . հաճոյ ե,
զէց առաջի տեառն յերկրին կեն-
դանեաց :

Տունք ժա :

ՍԱՂՄՈՍ ԾԶ .

Ի կատարած մի տղականեր . Սացմոս գաւթի յարձանագիր .
'ի ժամանակի ջի փախուցեալ էւ . Թագուցեալ էր նա
յերեւաց Սուուցայ յայրի անդ :

Ողորմեա ինձ աստուած՝ ողորմեա
ինձ , զի 'ի քեզ յուսացաւ անձն իմ :
Ի հովանի թեւոց քոց յուսացայց ,
մինչեւ անցցէ անօրէնութիւն :
Աղաղակեցի առ աստուած բարձ-
րեալ , առ աստուած բարերար իմ :
Առաքեաց յերկնից և կեցոյց զիս .
եղ 'ի նախատինս , որք կոխէին զիս :
Առաքեաց աստուած զողորմու-
թիւն և զճշմարտութիւն իւր . և
փրկեաց զանձն իմ 'ի միջոց գաղա-
նաց , զի ննջէի ես խռովեալ :
Որդւոց մարդկան ատամունք իւր-
եանց զէն և նետք են , և լեզուք
նոցա որպէս զսուր սուսերի :
Բարձրեալ ես դու յերկինս աստ-

ուլած, և յամենայն երկրի են
փառք քո :

Որոգայժ պատրաստեցին ոտից ի
մոց, խոնարհ արարին զանձն իմ.
փորեցին առաջի իմ խորխորատ,
և անկան ինքեանք 'ի նոյն :

Պատրաստ է սիրտ իմ աստուած,
պատրաստ է սիրտ իմ օրհնել և սաղ-
մոս ասել քեզ փառօք իմովք :

Զարթիք փառք իմ, զարթիք սաղ-
մոսիւք և օրհնութեամբ, և ես
զարթեայց առաւօտուց :

Խոստովան եղէց քեզ 'ի ժողո-
վուրդս տէր, և սաղմոս ասացից
քեզ յազինս :

Մեծ եղեւ մինչեւ յերկինս ողոր-
մութիւն քո, մինչեւ յամպս ճրջ-
մարտութիւն քո :

Բարձրեալ ես դու յերկինս աստ-
ուած, և յամենայն երկրի են
փառք քո :

Տունք ժգ :

ՍԱՂՄՈՍ ԾԷ .

Ի կատարած • մի տղականեր • յարձանագիր •

Սաղմոս դ.աւ.թի •

Թէ արդարեւ զարդարու թիւն խօս
սէիք , և ուղիղս դատէիք որդիք
մարդկան :

Քանզի և արդ իսկ 'ի սրտի ձերում
զանօրէնու թիւն գործէք յերկրի •
զանիրաւու թիւն ձեռք ձեր նիւ
թեն :

Օտար եղեն մեղաւորք 'ի մօրէ , խա
բեցան յարգանդէ , և խօսեցան
զսուտ :

Սրտմտու թիւն նոցա ըստ նմանու
թեան օձի . որպէս իժի և քարբի ,
զի խցեալ է զականջս իւր :

Զի մի լուիցէ նա զձայն թովչի ճար
տարի , և մի առցէ զդեղ 'ի դեղա
տուէ իմաստնոյ :

Աստուած փշրեացէ զատամունս
նոցա 'ի բերանս իւրեանց , և զժա
նիս առիւծուց խորտակեաց տէր :

Անարդ եղիցին նոքա որպէս ջուր

զի հեղանի . 'ի լարել աղեղան նորա
տկարասցին որպէս մոմ զի հալի ,
և սպառեսցին :

Անկաւ հուր՝ և ոչ տեսին զարեւ ,
մինչչեւ 'ի միտ առեալ էր զփուշս
իւրեանց . որպէս դժնիկ բարկու
թեամբ կենդանւոյն կիզցէ զնոսա :
Ուրախ եղիցի արդարն՝ յորժամ
տեսցէ զհասողցումն . և զձեռս
իւր լուսացէ յարեան մեղաւորի :
Եւ ասացէ մարդ . թէ արդարեւ
գուցէ պտուղ արդարոյ , և է աստ
ուած որ դատի զնոսա յերկրի :

Տունք ժ : Գորդայս լի :



ՍԱՂՄՈՍ ԾԸ .

Ի կատարած՝ մի՛ աղականեր . յարձանագիր . Սացմոս դաւ. թի .
'ի ժամանակի ջի առաքեաց սաւ. ու. ց , եւ . դաշտրեաց ջառ. ն
նորա , ջի սղանցէ ջնա :

Փրկեա զիս 'ի թշնամեաց իմոց
աստուած , յայնցանէ ոյք յարուց
եալ են 'ի վերայ իմ , ասպրեցո զիս :
Փրկեա զիս յայնցանէ , ոյք գործեն

զանօրէնութիւն . յարանց արիւ-

նահեղաց ապրեցո զիս :

Որսալ զանձն իմ կամեցան , և հա-

սին 'ի վերայ իմ հզօրք :

Ոչ մեղք իմ և ոչ յանցանք . առանց

մեղաց ընթացայ և ուղիղ եղէ :

Զարթիր ընդ առաջ իմ , և տես դու

տէր զօրութեանց աստուած իս-

րայելի :

Նայեաց և այց արա ամենայն հե-

թանոսաց . մի՛ ողորմիր ամենեցուն ,

ոյք գործեն զանօրէնութիւն :

Իարձցին ընդ երեկոյս . սովեսցին

որպէս շունք , և շրջեսցին զքաղա-

քաւ :

Նոքա զօղանջեսցեն բերանօք իւր-

եանց , և սուր է 'ի շրթունս նոցա :

Իսկ արդ ո՞վ լուաւ զայս . զի դու

տէր ծիծաղեսցիս զնոքօք , և արհա-

մարհեսցես զամենայն հեթանոսս :

Զզօրութիւն իմ առ քեզ պահե-

ցից , զի աստուած օգնական իմ է :

Աստուած իմ , ողորմութիւն նորա

կանխեսցէ առիս, և աստուած իմ
ցուցցէ ինձ 'ի թշնամիս իմ:

Մի՛ սպանաներ զնոսա, զի մի՛ մո-
ռացին զժողովուրդս քո:

Ցրուեա զնոսա զօրութեամբ քով,
և ընկճեա զնոսա, զի դու ես պաշտ-
պան իմ տէր:

Մեղք բերանոյ նոցա և բանք շր-
թանց նոցա, ընկլցին նոքա յամ-
բարտաւանութեան իւրեանց:

Յանէծս և 'ի ստութիւնս մատնես-
ցին, 'ի կատարածի բարկութեան
սպառեացին, և մի՛ գացին:

Գիտասցեն՝ զի աստուած տիրէ յա-
կոբայ և ամենայն ծագաց երկրի:

Դարձցին ընդ երեկոյս. սովեացին
որպէս շունք, և շրջեացին զքաղա-
քաւ:

Նոքա սփռեացին յուտել. ապա
թէ ոչ յագեացին, տրտնջեացեն:

Ես օրհնեցից զօրհնութիւնս տեա-
ռին, և ցնծացայց առաւօտուց յո-
ղորմութեան քում:

Ձի եղեր իմ պաշտպան և տուն
ապաւինի, յաւուր նեղութեան
իմոյ օգնական իմ:

Քեզ սաղմոս ասացից՝ աստուած ա-
պաւէն իմ, աստուած ողորմու-
թեան իմոյ:

Տունք իա:

ՍԱՂՄՈՍ ԾԹ.

Սացմոս գաւթի. արձանագիր. 'ի կատարած՝ շառանցեչոց
ժամանակաց առ ուսմանե. 'ի ժամանակի ջի հրձիգ արար նա
ջմիջագետս եւ զասորեւտանն Ափոցայ, եւ 'ի քարձին հար-
կաներ յոյսք ջձորն ոցտից յերկոտաւան հոջարս:

Աստուած մերժեցեր և աւերեցեր
զմեզ. բարկացար, և գթասցիս 'ի մեզ:
Շարժեցեր զերկիր, և խռովեցու-
ցեր զսա. բժշկեա զհարուածս
սորա, զի սասանեցաւ:

Ցուցեր ժողովրդեան քում խըս-
տութիւն. և ետուր ըմպել մեզ
գինի յիմարութեան:

Ետուր երկիւղածաց քոց նշան, զի
ապրեսցին յերեսաց աղեղան:

Որպէս փրկեցան սիրելիք քո. կեցո
աջով քով, և լուր մեզ:

Աստուած խօսեցաւ 'ի սրբու թե՛նէ
իւրմէ . ցնծացայց՝ բարձր եղէց ,
բաժանեցից զսիւքէմ , և հովիտան
յարկաց չափեցից :

Իմ է գաղայադ , և իմ է մանասէ .
եփրեմ հզօրիչ գլխոյ իմոյ :

Յուդա թագաւոր իմ . մովաբ աւա
զան յուսոյ իմոյ :

Յեդովմէ ուղղեցից զգնացս իմ , և
ինձ այլազգիք հնազանդ եղե՛ն :

Ո՞տարցէ զիս 'ի քաղաք ամուր , կամ
ո՞վ առաջնորդեացէ ինձ մինչեւ
ցեդոմ :

Եթէ ոչ դու աստուած , որ մեր
ժեցեր զմեզ , և ոչ ելեր աստուած
ընդ զօրս մեր :

Տուր մեզ օգնութիւն 'ի նեղու
թեան , զի ընդունայն է փրկու
թիւն մարդոյ :

Աստուծով արասցուք զօրութիւն ,
և նա արհամարհեացէ զայնոսիկ
ոյք նեղե՛ն զմեզ :

Տունք ժգ :

ՍԱՂՄՈՍ Կ.

Ի կատարած • ընդ օրհնութիւն • Սացմոս դաւթի :

Լուր աստուած աղօթից իմոց , և
նայեա տէր յաղօթս իմ :

Ի ծագաց երկրի կարդացի առ քեզ ,
մինչ 'ի վաստակիլ սրտի իմոյ :

Ի վիմէ բարձր արարեր զիս . առ
աջնորդեցեր ինձ , և իմ եղեր
յոյս , և աշտարակ հզօր եղեր ինձ
յերեսաց թշնամւոյն :

Բնակեցայց ես 'ի յարկս քո յաւիտեան ,
և ծածկեցայց ընդ հովանեալ
եալ թեւոց քոց :


Գու աստուած լուար աղօթից իմոյ .
ետուր ժառանգութիւն , ոյք
երկնչին յանուանէ քումմէ :

Աւուրս յաւուրս յաւելեր թագաւորի
ամաց նորա , աւուրս ազգաց
մինչեւ յազգս :

Կայ և մնայ յաւիտեան առաջի
աստուծոյ ողորմութիւն և ճշմարտութիւն ,
ոյք խնդրեն 'ի նմանէ :

Այսպէս սաղմոս ասացից անուան
քում յաւիտեանս յաւիտենից, և
տաց քեզ զաղօթս իմ օր ըստ օրէ :

Տունք ը : Գորդայս խք :



ՍԱՂՄՈՍ ԿԱ .

Ի կատարած . 'ի վերայ իբիդ.ոչմայ . Սացմոս դաւթի :

Բայց միայն աստուծոյ հնազանդ
լեր անձն իմ, զի 'ի նմանէ է ինձ
փրկութիւն :

Նա է աստուած իմ և փրկիչ իմ,
ապաւէն իմ՝ զի մի՛ սասանեցայց
առաւել :

Մինչեւ յե՛րբ յառնէք 'ի վերայ
մարդոյ՝ սպանանել ամենեքեան,
որպէս յորմոյ թիւրեւոյ և 'ի ցան-
կոյ մերժեւոյ :

Բայց միայն զպատիւ իմ խորհե-
ցան մերժել յինէն, և ընթացան
'ի ծարաւս իւրեանց :

Բերանօք իւրեանց օրհնէին, և
սրտիւք անիծանէին :

Բայց սակայն աստուծոյ Հնազանդ
լեր անձն իմ, զի 'ի նմանէ է ինձ
Համբերութիւն :

Նա է աստուած իմ և փրկիչ իմ,
ապաւէն իմ, զի մի սասանեցայց :
Յաստուծոյ է զօրութիւն իմ և
փառք իմ. աստուած օգնութեան
իմոյ, յոյս իմ առ աստուած է :
Յուսացարուք 'ի նա ամենայն ժո-
ղովք ժողովրդոց. սփռեցէք առա-
ջի նորա զսիրտս ձեր, զի աստուած
օգնական է մեր յաւիտեանս ժա-
մանակաց :

Սակայն ընդունայն են որդիք մարդ-
կան, սուտ են որդիք մարդկան .
'ի կշիռս իւրեանց մեղանչեն, և
ինքեանք յունայնութեան են 'ի
միասին :

Մի՛ յուսայք յանիրաւութիւն,
յափշտակութեան մի՛ ցանկայք,
և մեծութիւն թէ առուիւ գայ-
ցէ, մի՛ յօժարեացին սիրտք ձեր :
Միանգամ խօսեցաւ աստուած, և

Երկուս զայս լուար :
 Յասուածոյ է զօրութիւն, և քո
 տէր ողորմութիւն. և դու հա-
 տուցանես իւրաքանչիւր ըստ գոր-
 ծոց նոցա :

Տունք ժգ :

ՍԱՂՄՈՍ ԿԲ .

Սացմոս դաւ.թի . մինչդեռ նստէր նա յանտղասի անդ
 հրեաստանի .

Աստուած աստուած իմ, ես առ
 քեզ առաւօտ առնեմ. ծարաւեաց
 առ քեզ հոգի իմ, քանի՞պատիկ և ս
 և մարմին իմ :

Որպէս երկիր անապատ և անջուր,
 ուր ոչ գոյ 'ի նմա ճանապարհ :

Այսպէս 'ի սուրբս երեւեցայց
 քեզ, տեսանել ինձ զզօրութիւն
 քո և զփառս քո :

Վասն զի լաւ է ինձ ողորմութիւն
 քո քան զկեանս իմ. և շրթունք
 իմ գովեսցեն զքեզ :

Այսպէս օրհնեցից զքեզ 'ի կեանս

իմ, և յանուան քո համբարձից ըզ
ձեռս իմ:

Որպէս 'ի ճարպոյ պարարտութե
նէ լցցի անձն իմ, շրթամբք ցըն
ծութեան օրհնեսցէ զքեզ բե
րան իմ:

Ձի թէ յիշէի զքեզ յանկողնի ի
մում, ընդ առաւօտս կանխեալ
խօսէի ընդ քեզ:

Ձի եղեր իմ օգնական, 'ի հովանի
թեւոց քոց ցնծացայց:

Եկն զկնի քո անձն իմ, և զիս ըն
կալաւ աջ քո, և նորա 'ի նանիր
խնդրեցին զանձն իմ:

Մտցեն 'ի ներքոյ անդնդոց երկրի .
մատնեցին 'ի ձեռս սրոյ, և բա
ժինք աղուխուց եղեցին:

Թագաւոր յուսացաւ 'ի տէր . զո
վեսցին ամենեքեան՝ ոյք երդնուն
նովաւ . խցցին բերանք այնո
ցիկ՝ ոյք խօսէին զանիրաւու
թիւն:

Տունք ժա:

ՍԱՂՄՈՍ 49.

Ի կտաարամ , Սոցմոս Գաւթի :

Լուր աստուած աղօթից իմոց յա-
զաչել ինձ առ քեզ , յերկիւղէ
թշնամւոյն փրկեա զանձն իմ :
Ծածկեսցես զիս 'ի ժողովոց չարաց ,
'ի բազմութենէ՝ ոյք զործեն զա-
նօրէնութիւն :

Ոյք սրեցին որպէս սուսեր զլե-
զուս իւրեանց . լարեցին զաղե-
ղունա իւրեանց յիրս դառնու-
թեան :

Զգել 'ի գաղտնիս այնոցիկ՝ ոյք ու-
ղիղ են սրտիւք . յանկարծակի ձը-
գեսցեն 'ի նոսա , և մի՛ երկիցեն :

Ոյք զօրացուցին յանձինս իւր-
եանց զբանս չարութեան . խորհե-
ցան թագուցանել ինձ որոգայթ ,
և ասացին ոչ տեսանէ զայս տէր :
Քննեցին զանօրէնութիւն , պատ-
րաստեցան 'ի քննել զքննութիւն :
Մատիցէ այր 'ի խորութիւն սրտի

իւրոյ, և բարձր եղիցի աստուած :
Նետք տղայոց եղեն վերք նոցա .
տկարացան 'ի նոսա լեզուք նոցա,
և խռովեցան ամենեքեան՝ ոյք հա-
յէին ընդ նոսա :

Երկեաւ ամենայն մարդ 'ի պատմել
զգործս աստուծոյ, և զարարածս
նորա 'ի միտ առին :

Ուրախ եղիցի արդար 'ի տէր, և
յուսասացի 'ի նա . նովաւ գովեսցին
ամենեքեան, ոյք ուղիղ են սրտիւք :

Տունք ժ : Գորդայս լդ :



ՍԱՂՄՈՍ ԿԳ .

Ի կատարած . Սացմոս դաւթի : Օրհնութիւն երեմիայի՝ եջե-
կիէզի եւ ժոցոյրդեանս . յորժամ 'ի պանդխտութենէն կամէին
եշանեչ :

Քեզ վայելէ օրհնութիւն աստ-
ուած 'ի սիօն, և քեզ տացին ա-
ղօթք յերուսաղէմ :

Լուր աղօթից իմոց, զի առ քեզ
ամենայն մարմին եկեսցէ :

Բանք անօրինաց զօրացան 'ի վերայ

մեր, և զամբարշտութիւնս մեր
դու քաւեսցես :

Երանի զոր ընտրեցեր և ընկալար,
և բնակեացին 'ի գաւիթս քո :

Լցցուք մեք 'ի բարութենէ տան
քո, սուրբ է տաճար քո սքանչելի
արդարութեամբ :

Լուր մեզ աստուած փրկիչ մեր,
յոյս ամենայն ծագաց երկրի, և
որ 'ի ծով հեռի :

Ո պատրաստէ զլերինս զօրութեամբ
իւրով, և զգեցեալ է զօրութիւն :

Ո խռովեցուցանէ զմեծութիւն
ծովու, և զձայն ալեաց նորա ցա-
ծուցանէ :

Խռովեցին հեթանոսք, և երկի-
ցեն բնակիչք երկրի 'ինչանաց քոց :

Յելս առաւօտու և ընդ երեկոյս
զուարճացին . հայեցար յերկիր՝
արբեցուցեր զնա, և բազում ա-
րարեր զմեծութիւն նորա :

Քետն աստուծոյ լի եղեւ ջուրք .
պատրաստ արարեր զկերակուր նո-

րա , զի այսպէս է պարարտու թիւն :
 Զակօս նորա արբեցուցեր , և բա-
 զում արարեր զարմտիս նորա :
 Ի ցօղել նորա զուարթ եղևցի բոյս
 նորա . օրհնեսցի պսակ տարւոյ
 քաղցրութեան քոյ :

Դաշտք քո լցցին պարարտութեամբ ,
 պարարտասցին գեղեցկութիւնք
 անապատի :

Բլուրք զցնծութիւն զգեցցին , և
 զգեցցին խոյք մաքեաց :

Հովիտք բազում արասցեն զցոր-
 եան աղաղակեսցեն և օրհնեսցեն :

Տունք ժղ :

ՍԱՂՄՈՍ ԿԵ .

Ի կատարած . Սացմոս դ.աւ.թի , յարու.թեան :

Աղաղակեցէք առ աստուած ամե-
 նայն երկիր . սաղմոս ասացէք ան-
 ուան նորա , և տուք զփառս օրհ-
 նութեան նորա :

Ասացէք աստուծոյ , իրպէս զի ա-
 հեղ են գործք քո . ՚ի բազում զօ-

բուժեան քում ստեցին քեզ
Թշնամիք քո :

Ամենայն երկիր երկիրսպագցեն քեզ
սաղմոս ասացեն քեզ, և սաղմոս
ասացեն անուան քում :

Եկայք և տեսէք զգործս աստու-
ծոյ . որպէս զի ահեղ են խորհրդով
քան զամենայն որդւոց մարդկան :
Ո դարձոյց զծովն 'ի ցամաք, և ընդ
գետս անցին ոտանաւորք :

Անդ ուրախ եղիցուք մեք 'ինա,
որ տիրէն զօրութեամբ իւրով
յաւիտենից :

Աչք նորա 'ի հեթանոսս հային .
ոյք դառնացուցին զնա, մի բարձ-
րացին յանձինս իւրեանց :

Օրհնեցէք հեթանոսք զաստուած
մեր, լսելի արարէք զձայն օրհնու-
թեան նորա :

Այն որ ետ զանձն իմ 'ի կեանս,
և ոչ ետ դողութիւն ոտից իմոց :
Փորձեցեր զմեզ աստուած և քրն-
նեցեր, որպէս և քննի արծաթ :

Իջուցեր զմեզ յորոգայթ, եղեր
զնեղութիւն 'ի թիկունս մեր. և
անցուցեր զմարդիկ 'ի վերայ գլխ
խոց մերոց:

Անցաք մեք ընդ հուր և ընդ ջուր,
և հաներ զմեզ 'ի հանգիստ:

Մտից 'ի տուն քոյ պատարագօք.
տաց քեզ զուխտ իմ, զոր խոս
տացան քեզ շրթունք իմ, զոր բե
րան իմ խօսեցաւ 'ի նեղութեան:

Զողջակէզս ուղղալիցս մատուցից
քեզ խոյովք և խնկովք, և քեզ
մատուցից զուարակս և նոխազս:

Եկայք լուարուք ինձ՝ և պատմե
ցից ձեզ ամենեքեան՝ ոյք երկնչիք
յաստուծոյ, զոր ինչ արար անձին
իմոյ:

Առ նա բերանով իմով կարդացի,
և բարձր արարի զնա լեզուաւ ի
մով:

Զմեզս թէ տեսանէի 'ի սրտի ի
մում, միթէ լսէ՞ր ինձ տէր:

Վասն այսորիկ լուաւ ինձ աստ

ուած և նայեցաւ 'ի ձայն խնդրու
ուածոց իմոց :

Օրհնեալ է աստուած՝ որ ոչ 'ի
բացեայ արար զաղօթս իմ, և ոչ
զողորմութիւն իւր յինէն :

Տունք ժթ :

ՍԱՂՄՈՍ 42.

Ի կատարած • ընդ օրհնութիւնս • Սաղմոս երգոց :

Աստուած ողորմեա մեզ և օրհնեա
մեզ, և ողորմեա մեզ :

Ճանաչել յերկրի զճանապարհս
քո, յազինս ամենայն զփրկու
թիւնս քո :

Խոստովան եղիցին առ քեզ ժողովուրդք
աստուած, խոստովան եղիցին առ քեզ
ժողովուրդք ամենայն :

Ուրախ եղիցին և ցնծասցեն ազինք,
զի դու դատեսս զժողովուրդս ուղղութեամբ,
և ազգաց երկրի դու առաջնորդես :

Խոստովան եղիցին առ քեզ ժողովուրդք աստուած . գոհացին ըզքէն ժողովուրդք ամենայն :

Երկիր ետ զպտուղ իւր , և օրհնեաց զմեզ աստուած աստուած մեր :

Աստուած մեր օրհնեսցէ զմեզ , և ի նմանէ երկիցեն ամենայն ծագք երկրի :

Տունք է : Գորդայս խք :



ՍԱՂՄՈՍ ԿԷ .

Ի կատարած . Սացմոս գու.թի :

Յարիցէ աստուած և ցրուեսցին ամենայն թշնամիք նորա , փախիցեն ատելիք նորա յերեսաց նորա :

Որպէս պակասի ծուխ՝ պակասեսցին . որպէս հալի մոմ առաջի հըրոյ , այնպէս կորիցեն մեղաւորք յերեսաց աստուծոյ :

Արդարք ուրախ եղիցին և ցնծացեն առաջի նորա , և զուարճացին յուրախու թեան իւրեանց :

Օրհնեցէք զաստուած մեր և սաղ-
մոս ասացէք անուան նորա . ճա-
նապարհ արարէք այնմիկ՝ որ նստի
ընդ արեւմուտս , և տէր է անուն
նորա :

Յնծասցեն առաջի նորա , և խոռ-
վեսցին յերեսաց նորա :

Որ հայրն է որբոց և դատաւոր
այրեաց , աստուած 'ի տեղւոջ սրբ-
բուժեան իւրոյ :

Աստուած բնակեցուցանէ զմիա-
կրօնս 'ի տան , և հանէ զկապեալս
քաջութեամբ իւրով , սոյնպէս և
զդառնացողս՝ որք բնակեալ են 'ի
գերեզմանս :

Աստուած ընդ ելանելն քո առաջի
ժողովրդեան քո , ընդ անցանելն
քո ընդ անապատ՝ երկիր շարժե-
ցաւ :

Քանզի և երկինք ցօղեսցին յերե-
սաց աստուծոյ 'ի սինայէ առաջի
աստուծոյ իսրայէլի :

Անձրև կամաց պատրաստեցեր աստ-

ոււած ժառանգու թեան քում, թէ
պէտ և հիւանդացաւ, սակայն դու
հաստատեցեր զնա, և գաղանք քո
բնակեցին 'ի նմա :

Պատրաստ արարեր քաղցրու թեամբ
քով աղքատի աստուած, տէր
տացէ զբան, ոյք աւետարանեն
զօրու թեամբ բազմաւ :

Թագաւոր զօրու թեանց սիրելոյ,
գեղեցկու թիւն տան քո բաժան
եալ յաւարի, թէպէտ և ննջես
ջիք 'ի մէջ վիճակաց :

Թեւք աղաւնոյ արծաթապատ,
և թիկնամէջ նորա 'ի գոյն ոսկոյ :
Ի գումարել երկնաւորին զթագա
ւորա 'ի վերայ նորա, ձիւնասցին
'ի սաղմոն :

Լեառն աստուծոյ լեառն պարարտ,
լեառն մածեալ լեառն պարարտ,
և զի՞նչ կարծէք լերինք հպարտա
ցեալք :

Լեառն, ընդ որ հաճեցաւ աստ
ուած բնակել 'ի նմա, քանզի և

տէր իսկ բնակեացի 'ի նմա իսպառ :
Կառք աստուծոյ բիւրասպատիկք ,
հաղարք ուղղիչք , և տէր 'ի նոսա
'ի սինէ սրբու թեան իւրոյ :

Եւ 'ի բարձունա և գերեաց զգե-
րութիւն . էառ աւար՝ բաշխեաց
պարգեւս և էտ որդւոց մարդ-
կան . քանզի թերահաւատից ևս
բնակեալ եղիցին 'ի նմա :

Տէր աստուած օրհնեալ՝ օրհնեալ
տէր զօրհանապաղ , առաջնորդես-
ցէ մեզ աստուած փրկիչ մեր :

Աստուած մեր աստուած կենարար ,
և 'ի տեառնէ են ելք մահու :

Բայց սակայն աստուած փշրեացէ
զգլուխս թշնամեաց մերոց , և ըզ-
հերն կարճնովին , ոյք գնան յանօ-
րէնութեան իւրեանց :

Ասաց տէր՝ 'ի խորոց անդնդոց դար-
ձուցից , և 'ի միջոյ ժանեաց զայն
'ի դուրս կորզեցից :

Արպէս թացցի ոտն քո յարեան ,
և լեզուք շանց քոց յարենէ թրշ-

Նամեաց քոյ :

Երեւեցան գնացք քո աստուած ,
գնացք աստուծոյ թագաւորին մե-

լոյ սրբոյ :

Կանխեցին իշխանք հանել զօրհ-
նու թիւն 'ի մէջ կուսանաց և գով-

չաց :

Յեկեղեցիս օրհնեցէք զաստուած ,
և զտէր յաղբերացն իսրայէլի :

Անդ բենիամին 'ի տղայու թեան
զարմանալի , իշխանք յուգայ ա-
ռաջնորդք նորա՝ իշխանք զարու-
ղոնի , և իշխանք նեփթաղիմայ :

Հրամայեա աստուած զօրու թեամբ
քով . զօրացո զայս , զոր հաստա-
տեցեր 'ի մեզ :

Ի տաճարէ քումմէ յերուսաղեմէ
քեզ մատուցեն թագաւորք ըզ-

պատարագս :

Սաստեա 'ի գազան եղեգան , 'ի ժո-
ղովս զուարակաց և 'ի գասս ե-

լրնջոց :

Խոտեացին այնոքիկ՝ ոյք ընտրեալ

են արծաթով. ցրուեա զհեթա-
նոսա, ոյք կամին ընդ պատերազմ:
Եկեսցեն հրեշտակք յեզիպտոսէ,
հնդիկք յառաջագոյն ձեռնառու
լիցին առ աստուած:


Թագաւորութիւնք երկրի օրհնե-
ցէք զաստուած, և սաղմոս ասա-
ցէք տեառն:

Ճանապարհ արարէք այնմիկ, որ
նաոր յերկինս երկնից ընդ արեւելս:
Ահա տացէ զձայն իւր 'ի ձայն զօ-
րութեան, և սուք զփառս աս-
տուծոյ:

Ի վերայ իսրայէլի մեծվայելչու-
թիւն նորա, և զօրութիւն նորա
մինչեւ յամպս երկնից:

Աքանչելի է աստուած 'ի վերայ
սրբոց իւրոց, աստուած իսրայէլի:
Նա տացէ զօրութիւն հաստա-
տութեան ժողովրդեան իւրոյ.
օրհնեալ է աստուած:

Տունք լը:



ՍԱՂՄՈՍ ԿԸ .

Ի կառարած . Սաղմոս դ.աւ.թի . Չասն ջառանցեչոցն :

Կեցո զիս աստուած , զի հասին
ջուրք յանձն իմ , ընկլայ ես 'ի
խորս անդնդոց , ուր ոչ գոյ ինձ
հանգիստ :

Եկի ես 'ի խորս ծովու , և շրջանք
ընկղմեցին զիս :

Վաստակեցայ ես առ աղաղակել ,
և կերկերեցաւ կոկորդ իմ :

Նուաղեցան աչք իմ առ յուսալ
ինձ առ տէր աստուած իմ :

Բազումք եղեն քան զհեր գլխոյ
իմոյ , ոչք ատէին զիս 'ի տարապար
տուց :

Զօրացան յիս թշնամիք իմ և ատե
լէք իմ 'ինանիր . ինչ զոր ոչ յա
փրչտակեալ էի , տուծէի նոցա :

Աստուած դու ծանեար զանդգա
մութիւն իմ , և յանցանք իմ 'ի
քէն ոչ ծածկեցան :

Մի ամաչեացեն վասն իմ , ոչք համ

բերենք քեզ տէր տէր զօրու թեանց .
մի պատկառեսցին վասն իմ, ոչք
խնդրեն զքեզ աստուած խորայելի :
Վասն քո համբերի նախատանայ ,
և ծածկեաց ամօթ զերեսս իմ :

Օտար եղէ ես յեղբարց իմոց , և
հիւր որդւոց մօր իմոց :

Նախանձ տան քո եկեր զիս , և
նախատինք նախատչաց քոց անկան
'ի վերայ իմ :

Թոնարհեցուցի պահօք զանձն իմ ,
և եղեն ինձ այս նախատինք . ա-
րարի զհանդերձս իմ քուրձ , և ե-
ղէ առակ նոցա :

Ձինէն խորհէին , ոչք նատէին առ
զրունս . զիս այսն առնէին , ոչք
լմայէին զգինի :

Ես յաղօթս կայի առ քեզ տէր 'ի
ժամանակ ընդունելի :

Աստուած 'ի բազում ողորմու-
թեան քում լուր ինձ , 'ի ճշմար-
տութիւն փրկութեան քո :

Ապրեցո զիս 'ի կաւոյ , զի մի ընկ-

լայց . ապրեցայց ես յասելեաց ի
մոց , և 'ի խորոց ջուրց բազմաց :

Մի՛ ընկլցեն զիս պտոյտք ջուրց , և
մի՛ ընկղմեսցեն զիս անդուենդք խո
րոց . և ջրհոր մի՛ կափուսցէ զքե
րան իւր 'ի վերայ իմ :

Լուր ինձ տէր , զի քաղցր է ողոր
մու թիւն քո . ըստ բազում գթու
թեան քում հայեա յիս , և մի՛
գարձուցաներ զերեսս քո 'ի ծա
ռայէ քումմէ . զի նեղեալ եմ ես ,
վաղվաղակի լուր ինձ :

Հայեա յանձն իմ և վրկեա զիս ,
և վասն թշնամեաց իմոց ապրեցո
զիս :

Զի գու գիտես զնախատինս իմ ,
զամօթ իմ և զպատկառանս իմ :

Սուաջի քո են ամենայն նեղիչք ան
ձին իմոյ . նախատանաց համբեր
սիրտ իմ և թշուառութեան :

Ակն ունէի՝ թէ ոք տրտմեսցի ընդ
իս , և ոչ ոք էր , և մխիթարիչ
ինձ ոք ոչ գտաւ :

Ետունն 'ի կերակուր ինձ լեղի, և
'ի ծարաւ իմ արբուցին ինձ քացախ :
Եղիցին սեղանք նոցա առաջի նոցա
յորոգայթ, 'ի հատուցումն և 'ի
գայթակղութիւն :

Խաւարեացին աչք նոցա, զի մի
տեսցեն. և զթիկունս նոցա հա
նապազ կորացո :

Արկցես 'ի վերայ նոցա զբարկու
թիւն քո. և սրտմտութիւն բար
կութեան քոյ հասցէ 'ի վերայ նոցա :
Եղիցին բնակութիւնք նոցա աւե
րակ. և 'ի յարկս նոցա մի ոք իցէ
որ բնակիցէ :

Զի զոր դու հարեր՝ հալածեցին,
և 'ի վերս ցաւոց իմոց յաւելին :
Դիր զմեղս 'ի վերայ մեղաց նոցա,
զի մի մտցեն յարդարութիւն քո :
Զնջեացին նոքա 'ի դպրութենէ
քումմէ կենաց, և ընդ արդարս
քո մի գրեացին :

Աղքատ և ցաւած եմես, փրկու
թիւն քո աստուած ընկալցի զիս :

Օրհնեցից զանունն աստուծոյ իմոյ
օրհնութեամբ, և բարձր արարից
զնա գովութեամբ :

Հաճոյ եղիցի աստուծոյ քան զորթ
մատաղ, որ բերէ զեղջիւրս և ըզ
կճղակս :

Տեսցեն աղքատք և ուրախ եղի
ցին, խնդրեցէք զաստուած, և
կեցցեն անձինք ձեր :

Զի լուաւ տէր տնանկաց, և զկապ
եալս իւր ոչ արհամարհեաց :

Օրհնեսցեն զնա երկինք և երկիր,
ծով և ամենայն որ զեռայ 'ի նոսա :

Աստուած փրկէ զսիօն. և շինես
ցին քաղաքք հրէաստանի. շինես
ցեն բնակեսցեն և ժառանգես
ցեն 'ի նմա :

Զաւակ ծառայից քոց հաստատես
ցի անդ. և ոյք սիրեն զանունն քո.
բնակեսցեն 'ի նմա :

Տունք ԼԸ :

ՄԱՂՄՈՍ ԿԹ.

Ի կատարած • Սաղմոս դաւթի • առ ՚ի յիշատակ փրկեցոյ ջնա
տեառն :

Աստուած օգնել ինձ նայեաց , և
տէր յընկերել ինձ փութա :

Ամաչեացեն՝ և յամօթ լիցին՝ ոյք
խնդրէին զանձն իմ . դարձցին յետս
և ամաչեացեն՝ ոյք խորհէին ինձ
չար :

Դարձցին առ ժամայն ամաչեցեալք ,
ոյք ասէին ինձ վաչ վաչ :

Ցնծասցեն և ուրախ լիցին ՚ի քեզ
ամենեքեան , ոյք խնդրեն զքեզ
տէր :

Ասացեն յամենայն ժամ մեծ է
աստուած , և ոյք սիրեն զփրկու
թիւնս քո :

Ես աղքատ և տնանկ եմ , աստ
ուած օգնեա ինձ . օգնական և
փրկիչ իմ ես , և դու տէր իմ
մի՛ յամենար :

Տունք զ : Գորղայս խղ :



ՄԱՂՄՈՍ Հ.

Ի կատարած . որդւոցն յոյնագարայ , յեւ առաջնոյ գերու .
Թեանն . Սացմոս գաւթի :

Ի քեզ տէր յուսացայ , մի՛ ամաչեցից
յաւիտեան , յարդարու թեան քում
փրկեա և ապրեցո զիս :

Խոնարհեցո առ իս զուսկն քո և
կեցո զիս :

Ըեր իմ աստուած ապաւէն , և տե
զի ամուր կեցուցանել զիս . զի հաս
տատութիւն իմ և ապաւէն իմ
դու ես :

Աստուած իմ , փրկեա զիս 'ի ձեռաց
մեղաւորի , 'ի ձեռաց անօրինի և
անիրաւի :

Գու ես համբերութիւն իմ տէր ,
տէր յոյս իմ 'ի մանկութենէ իմմէ :
Ի քեզ հաստատեցայ ես յարգան
դէ . յորովայնէ մօր իմոյ դու ես ա
պաւէն իմ , և առ 'ի քէնէ օգնու
թիւն իմ յամենայն ժամ :

Որպէս զի նշաւակ եղէ ես բազմաց .

և դու օգնական իմ և հզօրիչ իմ :
Լցցի բերան իմ գովու թեամբ . որ
պէս օրհնեցից զփառս քո , զօրհա
նապագ զմեծփայելչու թիւնս քո :
Մի՛ ընկենուր զիս սէր 'ի ժամանա
կրս ծերու թեան . 'ի պակասիլ զօ
րու թեան իմոյ մի՛ թողուր զիս :
Ասացին թշնամիք իմ ինձ , և ուրք
պաշարեցին զանձն իմ , խորհեցան
'ի միասին և ասացին :

Աստուած եթող զնա , հալածես
ցուք և հասցուք նմա . զի ոչ ոք է
որ փրկէ զնա :

Աստուած իմ , մի՛ հեռի առնիր յի
նէն , և աստուած յօգնել ինձ նայ
եաց :

Ամաչեսցեն և պակասեսցին՝ ոյք չա
րախօս կային զանձնէ իմմէ . զգեց
ցին զամօթ և զպատկառանս՝ ոյք
խնդրէին ինձ չար :

Ես յամենայն ժամ յուսացայց , և
յաւելից յօրհնու թիւնս քո :
Բերան իմ պատմեսցէ զարդարու

Թիւնս քո, զօրհանապազ զգովու
Թիւնս քո :

Որպէս ոչ թէ խարդախու թիւն
ինչ գիտէի դպրու թեան, այլ մտից
'ի զօրու թիւնս տեառն, և տէր յի
չեցի զարդարու թիւնս քո միայն :
Աստուած իմ ուսուցեր զիս 'ի ման
կու թենէ իմմէ, և ցարդ եւս պատ
մեցից զարդարու թիւնս քո :

Մինչեւ յալեւորիլ և 'ի ծերանալ,
աստուած իմ մի՛ թողուր զիս :

Մինչեւ պատմեսցի բազուկ քո ազ
գի ամենայնի որ գալոցն է :

Զզօրու թիւնս քո և զարդարու
թիւնս քո մինչեւ 'ի բարձունս
զոր արարեր մեծամեծս, աստուած
ո՞ նման է քեզ :

Որչափ ցուցեր ինձ նեղու թիւն բա
զում և չարչարանս, դարձեալ միսի
թարեցեր զիս, և 'ի խորոց անդնդոց
երկրի հաներ զիս :

Յաճախեցեր զզօրու թիւնս քո,
դարձար և միսի թարեցեր զիս, և 'ի

խորոց երկրի միւսանդամ հաներ
զիս :

Արդ և ես խոստովան եղէց քեզ 'ի
պատրաստութիւն սաղմոսաց ճշմա-
րիտդ աստուած . սաղմոս ասացից
քեզ օրհնութեամբ սուրբդ խորա-
յելի :

Յնծասցեն շրթունք իմ յորժամ
սաղմոս ասիցեմ քեզ , և անձն իմ
զոր փրկեցեր :

Եւս և լեզու իմ զօրհանապազ խօ-
սեացի զարդարութիւնս քո :

Ի ժամանակի որպէս յամօթ լիցին
և ամաչեացեն , ոյք խնդրէին ինձ
չար :

Տունք իդ :

ՍԱՂՄՈՍ ՀԱ .

Ի սոցմոն սացմոս :

Աստուած զիրաւունս քո արքայի
տուր , և զարդարութիւնս քո որդ-
ւոյ թագաւորի :

Դատել զժողովուրդս քո արդա-

րու թեամբ , և զաղքատս քո իրա-
ւամբք :

Առցեն լերինք զխաղաղութիւն
ժողովրդեան , և բլուրք զարդա-
րութիւն :

Իրաւ արասցէ աղքատաց ժողո-
վըրդեան , և կեցուսցէ զորդիս տը-
նանկաց , և խոնարհեցուսցէ զամ-
բարտաւանս :

Կացցէ և մնասցէ ընդ արեւու
յառաջ քան զլուսին ազգէ մին-
չեւ յազգ :

Իջցէ որպէս զանձրեւ 'ի վերայ գեղ-
ման , որպէս ցօղ զի ցօղէ յերկիր :
Ծագեսցի յաւուրս նորա արդա-
րութիւն , բազում խաղաղութիւն՝
մինչեւ կատարեսցի լուսին :

Տիրեսցէ նա 'ի ծովէ մինչեւ 'ի ծով ,
'ի գետոց մինչեւ 'ի ծագս աշխարհի :
Առաջի նորա նախ հնդիկք անկ-
ցին , և թշնամիք նորա հող կերի-
ցեն :

Թագաւորք թարսսի և կղզեաց

պատարագս մատուցեն նմա . թա-
գաւորք արաբայ և սաբայ պատա-
րագս բերցեն նմա :

Երկիրպագցեն նմա ամենայն թա-
գաւորք երկրի , և ամենայն ազգք
ճառայեացեն նմա :

Ձի փրկեաց զաղքատն 'ի ձեռաց
հզօրի . զաղքատն և զտնանկն , ու
րոյ ոչ է իւր օգնական :

Անխայեացէ նա յաղքատն և 'ի
տնանկն , և զանձինս տնանկաց կե-
ցուսցէ . 'ի վաշխից չարաց փրկեա-
ցէ զանձինս նոցա :

Պատուական է անուն նորա առա-
ջի նոցա . կեցցէ , և տացի նմա
յոսկւոյն արաբացւոց :

Յազօթս կացցեն առ նա յամենայն
ժամ , և զօրհանապազ օրհնեացեն
զնա :

Եղիցի հաստատութիւն ընդ ամե-
նայն երկիր , և 'ի վերայ գլխոց լե-
րանց :

Բարձրացի քան զլիբանան պտուղ

նորա . և ծաղկեսցի 'ի քաղաքի
տեառն որպէս խոտ երկրի :

Եղիցի անուն տեառն օրհնեալ յա-
ւիտեան . զի յառաջ քան զարեւ
է անուն նորա :

Ի նա օրհնեսցին ամենայն ազգք
երկրի , և ամենայն ազինք երանի-
ցեն նմա :

Օրհնեալ տէր աստուած իսրայէլի
որ առնէ սքանչելիս միայն . և օրհ-
նեալ է անուն սուրբ փառաց նո-
րա յաւիտեան . լըցի փառօք նորա
ամենայն երկիր . եղիցի եղիցի :

Տունք ի : Գորդայս խզ :

Կանոնս Գորդայս է : Սաղմոս ժէ : Տունք մձ :



ԱՂՕԹՔ ԱՆՆԱՅԻ ՄՕՐՆ ՍԱՄՈՒԷԼԻ

Ա . Թ ա գ . Բ :

Հաստատեցաւ սիրտ իմ 'ի տէր ,
և բարձրացաւ եղջիւր իմ յաստ-
ուած փրկիչ իմ :

Ընդարձակեցաւ բերան իմ 'ի վե-
րայ թշնամեաց իմոց . ուրախ եղէց
'ի փրկու թեան քում :

Ձի ոչ գոյ սուրբ որպէս զտէր , և ոչ
արդար որպէս զաստուած մեր , և
չիք սուրբ բաց յաստուծոյ մերմէ :
Մի պարծիք և մի խօսիք զամբար-
տաւանս , և մի ելցէ ընդ բերա-
նս ձեր բան հպարտ մեծաբա-
նու թեան :

Աստուած գիտու թեանց՝ տէր աստ-
ուած պատրաստէ իւրով իմաս-
տու թեամբ զգիտու թիւն յարա-
րածս իւր :

Հզօրաց հաստ աղեղունք թուլա-
ցան , և տկարք վառեցան զօրու-
թեամբ :

Յագք և լիք հացիւ նուաղեցան ,
և քաղցեալք լցին զերկիր :

Ամուլն ծնաւ եօթն , և բազմա-
ծինն նուաղեցաւ 'ի ծննդոց :

Տէր մեռուցանէ և տէր կեցուցա-
նէ , իջուցանէ 'ի դժոխս և հանէ :

Տէր աղքատացուցանէ և տէր մեծացուցանէ . խոնարհ առնէ զամբարտաւանս մինչեւ յերկիր , և բարձր առնէ զտառապետս յաղբեւաց :

Նստուցանէ զնոսա իշխանս ընդ իշխանս ժողովրդեան , և զաթոռ փառաց ժառանգեցուցանէ նոցա :
Կատարէ զուխտս ուխտաւորաց ,
և օրհնեաց զամս արդարոց :

Զի ոչ թէ իւրով զօրութեամբ զօրանայ հզօր . այլ տէր տկար առնէ զհակառակորդս իւր , տէր սուրբ է :

Մի պարծեսցի խորհրդականն 'ի խորհուրդս իւր . և մի պարծեսցի հզօրն 'ի զօրութիւն իւր . և մի պարծեսցի մեծն 'ի մեծութեան իւրում :

Այլ որ պարծին 'ի տէր պարծեսցի . 'ի խորհուրդս գիտութեան զտէր ճանաչել :


Առնել զիրաւունս և գործել զար-

դարու թիւն 'ի վերայ երեսաց երկ-
րի :

Տէր ել յերկինս և որոտաց . և ինքն
դատէ առանց բարբառելոյ :

Տայ զօրութիւն թագաւորաց մե-
րոց . և բարձր առնէ զեղջիւր օ-
ճելոյ իւրոյ :

Փառք հօր և որդւոյ և :



ՄԱՂԹԱՆՔ

Բարձրացաւ եղջիւր իմ յաստուած
փրկիչ իմ . հաստատեցաւ սիրտ իմ
'ի տէր տերամբ և հաւատով :

Մարդասէր տէր , վասն սրբուհւոյ
անարատի մօր քոյ և կուսի , և
վասն խաչի քո պատուականի , ըն-
կալ զաղաչանս մեր և կեցո զմեզ :

Քարող և աղօթք՝ Ողորձա և ի նեղութեան կանոնացն :

Վասն գտանելոյ մեզ զչնորհս և
զողորմութիւն 'ի բարերար տեառ .

նէ մերմէ, զտէր աղաչեսցուք :

Տէր ողորմեա :

Վասն փրկելոյ զմեզ 'ի զրպարտու
թենէ մարդկան և յորոգայթից

սատանայի, զտէր աղա :

Վասն ամենայն անձանց քրիստո
նէից և տանց հաւատացելոց, ըզ

տէր աղա :

Վասն որք 'ի լերինս յայրս և 'ի
փապարս բնակեալ են սուրբ հարբն

մեր, զտէր աղա :

Վասն որք սաղմոսիւք և օրհնու
թեամբ կատարեն զամենայն ժա

մանակս կենաց իւրեանց, զտէր ա :

Վասն հոգւոցն հանդուցելոց՝ որք
ճշմարիտ և ուղիղ հաւատով 'ի

քրիստոս ննջեցին, զտէր աղա :

Եւ եւս միաբան վասն : Զանձինս :

Ողորմեաց :

ԱՂՕԹՔ

Գոհանամք զքէն տէր աստուած
մեր, որ զարթուցեր զմեզ 'ի հան

գրատենէ քնոյ շնորհիւ ողորմու-
թեան քո : Չարթո զմիտս մեր ար-
դարու թեամբ առ քեզ տէր աստ-
ուած մեր , զի տեսցեն աչք մեր ըզ
փրկու թիւն քո : Եկեսցէ և բնակես-
ցէ առ մեզ աստուածու թիւն քո ,
և ողորմու թիւն քո հովանի և պա-
հապան լիցի 'ի վերայ պաշտօնէից
քոց : Եւ զմեզ զճառայքս քո ար-
ժանի արա 'ի տուէ և 'ի գիշերի և
յամենայն ժամու միշտ խորհիւ 'ի
սէր պատուիրանաց քոց : Եւ գո-
հանալով փառաւորել զհայր և
զորդի և զսուրբ հոգիդ այժմ և
միշտ և յաւիտեանս յաւիտենից ,
ամէն :

Խաղաղութիւն ամենեցուն :
Աստուծոյ երկիրպագեսցուք :

Սենդանարար զօրու թիւն և աղ-
բիւր անմահու թեան , դու ես քրիս-
տոս աստուած փրկիչ մեր : Որ շնոր-
հեցեր մեզ 'ի մէջ գիշերի յառնել

և խոստովան լինիլ առ քեզ վասն
իրաւանց և արդարութեան քո : Եւ
այժմ աղաչեմք զքեզ տէր աստու
ած մեր, արա զմեզ արթունս և
պատրաստս 'ի ժամ առաւօտու ընդ
սուրբս քո : Եւ ընդ նոսին գոհա
նալով փառաւորել զքեզ ընդ հօր
և ընդ հոգւոյդ սրբոյ այժմ և միշտ
և յաւիտեանս յաւիտենից . ամէն :


ՄԱՂԹԱՆԲ

Գոհութեամբ և ճշմարիտ խոստով
անութեամբ անդադար փառաւոր
րեմք զհայր և զորդի և զսուրբ հո
գիդ այժմ և միշտ և յաւիտեանս
յաւիտենից . ամէն :


Օրհնեալ տէր մեր :

Հայր մեր որ յերկինս :





Ծակեցին զձեռս իմ եւ զոտս իմ . եւ թուեցին ջամբ
 և սաշն ոսկերս իմ . նոքա հաշեցան եւ տեսին զիս :



ՍԱՂՄՈՍ ՀԲ.

Սացմոս յասափ . օրհնութեան :

Իբրեւ զի բարի է խորայելի աստուած , և ոյք ուղիղ են սրտիւք :
Բայց զի իմ փոքր մի եւս սասանեալ էին ոտք . սակաւիկ մի և դայթակ զեալ էին գնացք իմ :

Նախանձեցայ ես ընդ անօրէնս . ըզխաղաղութիւն մեղաւորաց որպէս տեսանէի , զի ոչ գոյր վրէպ մահու նոցա :

Հաստատուն են տանջանք նոցա . ՚ի վաստակս մարդկան չեն նոքա , և ըստ մարդկան ոչ տանջեացին :

Վասն այսորիկ կալաւ զնոսա ամբարտաւանութիւն . արկին զիւրեամբք զամբարշտութիւն և զանիրաւութիւն իւրեանց :

Եւցէ որպէս ՚ի ճարպոյ անիրաւու-

Թիւն նոցա . զի գնացին նոքա ըստ
խորհրդոց սրտից իւրեանց :
Խորհեցան և խօսեցան չարու-
թեամբ . և զապիրատու թիւն 'ի
բարձունս խորհեցան :

Եդին յերկինս զբերանս իւրեանց ,
և զլեզուս իւրեանց ածէին զերկ-
րաւ :

Վասն այսորիկ ժողովուրդ իմ
դարձցի այսրէն . և աւուրք իմ լի
կատարեալ գտցին 'ի նոսա :

Ասացին՝ զիա՛րդ գիտաց աստուած .
կամ գուցէ՞ արդեօք գիտու թիւն
առ 'ի բարձրելոյն :

Ահա մեղաւորք են և յաջողեալ
է նոցա . կան և ունին զմեծու թիւն
աշխարհի :

Ասացի՝ 'ի զուր ուրեմն արդարա-
ցուցի զսիրտ իմ , լուացից սրբու-
թեամբ զձեռս իմ . և եղէ ես խոշ-
տանկեալ զօրհանապաղ . և կշտամ
բանք իմ ընդ առաւօտս :

Թէպէտ և ասէի՝ Թէ այսպէս պատ-

անցից՝ ահաւասիկ յազգ որդւոց
քոց՝ որոց և ուխտեցից :

Ի մտի եղի, թէ սակայն և այս
ջան է առաջի իմ, մինչեւ մտից 'ի
սրբու թիւնն աստուծոյ և 'ի միտ
առից զկատարած նոցա :

Սակայն վասն նենգութեան նոցա
տարագիր արասցես զնոսա, և կոր
ծանեցես զնոսա յամբարտաւա
նութեան իւրեանց :

Իսկ զիմորդ եղեն յաւեր յանկար
ծակի, սատակեցան պակասեցան
կորեան վասն անօրէնութեան իւր
եանց, և եղեն որպէս երազք զար
թուցելոց :

Տէր 'ի քաղաքի քում զպատկերս
նոցա անարգեսցես, զի հուր բոր
բոքեցաւ 'ի սրտի իմում, և երի
կամուք իմ այլագունեցան :

Ես արհամարհեալ եղէ, և ոչ գի
տացի, որպէս զանասուն համա
րեցայ առաջի քո, և ես յամենայն
ժամ ընդ քեզ եմ :

Կալար զաջոյ ձեռանէ իմմէ, 'ի խոր-
հուրդս քո առաջնորդեցեր ինձ, և
փառօք ընկալար զիս :

Ձի՞նչ կայ իմ բնաւ յերկինս, կամ
'ի քէն զի՞նչ եւս խնդրեցից յերկրի :
Նուաղեցաւ սիրտ իմ և մարմին
իմ. աստուած սրտի իմոյ, բաժին
իմ աստուած յաւիտեան :

Ահաւասիկ ոյք հեռի արարին զան-
ձինս իւրեանց 'ի քէն՝ կորիցեն. սա-
տակեցես զամենեւեան՝ ոյք ա-
պրատամբ եղեն 'ի քէն :

Ինձ մերձենալ առ աստուած բա-
րի է, և դնել առ տէր զյոյս իմ :
Պատմել զամենայն օրհնութիւնս
քո, 'ի դրունս դատեր սիօնի :

Տունք իդ :

ՍԱՂՄՈՍ ՀԳ .

Իմաստութիւն յաւաքի :

Ընդէր մերժեցեր աստուած իս-
պառ. բարկացաւ սրտմտութիւն
քո 'ի վերայ խաշին արօտի քո :

Յիշեա զժողովուրդ քո՝ զոր ստա-
ցար 'ի սկզբանէ . փրկեցեր զվիճակ
ժառանգութեան քո :

Լեառն սիօն այս՝ ուր բնակեցար
դու 'ի սմա . համբարձ զձեռն քո
'ի վերայ ամբարտաւանութեան նո-
ցա իսպառ :

Որ ինչ անիրաւեցաւ թշնամին 'ի
սրբութեան քում . պարծեցան ա-
տելիք քո 'ի մէջ բարեկենդանու-
թեան իւրեանց :

Եդին զնշանս իւրեանց 'ինշանս , և
ինքեանք ոչ ծանեան զելս 'ի վե-
րուստ :

Որպէս յանտառի փայտատօք կո-
տորեցին զդրունս նորա , 'ի միա-
սին փայտատօք և մրձօք կործանե-
ցին զնա :

Այրեցին 'ի հուր զսրբութիւն քո
յերկրի . պղծեցին զխորան ան-
ուան քո :

Ասացին 'ի սիրտս իւրեանց ազգք
նոցա 'ի միասին , եկայք լռեցուս .

ցուք զամենայն տօնս աստուծոյ
յերկրէ :

Նշանս մեք ինչ ոչ տեսաք , և ոչ
ևս գուցէ մարգարէ , և զմեզ ոք
ոչ ճանաչիցէ :

Մինչեւ յերբ աստուած՝ նախատէ
Թշնամին , բարկացուցանէ հակա-
ռակորդն զանուն սուրբ քո :

Ընդէր դարձուցանես զձեռն քո ,
և զաջ քո ՚ի միջոյ ծոցոյ քումմէ
իսպառ :

Աստուած Թագաւոր մեր յառաջ
քան զյաւիտեանս , որ արարեր ըզ
փրկութիւնն ՚ի մէջ երկրի :

Դու հաստատեցեր զօրութեամբ
քով զձով , դու խորտակեցեր ըզ
գլուխ վիշապին ՚ի վերայ ջուրց :

Դու փշրեցեր զգլուխ վիշապին ,
և ետուր զնա կերակուր զօրացն
հնդկաց :

Դու բղխեցուցեր զաղբիւրս և ըզ
վտակս , դու ցամաքեցուցեր ըզ
գետս սաստիկս :

Քո է տիւ և քո է գիշեր . զլոյս և
զարեւ դու արարեր . և դու հաս-
տատեցեր զամենայն սահմանս երկ-
րի . զգարուն և զամառն դու ըս-
տեղծեր :

Այս յուշ լեցի քեզ՝ զի թշնամին
նախատեաց զտէրդ . ժողովուրդ
անզգամ բարկացոյց զանուն սուրբ
քո :

Մի՛ մատներ գազանաց զանձն՝ որ
խոստովան առնի առ քեզ . և զան-
ձինս տնանկաց քոց մի՛ մոռանար
խապառ :


Հայեաց յուխտ քո , զի լցան տու-
նըք ապշելոց յերկրի անիրաւու-
թեամբ :

Մի՛ դարձցի տնանկն ամաչեցեալ .
այլ աղքատք և տնանկք օրհնես-
ցեն զանուն սուրբ քո :

Արի աստուած և դատեա զդա-
տաստանս քո , յիշեա զնախատինս՝
որ յանզգամէն զօրհանապազ :

Մի՛ մոռանար զձայն պաշտօնէից

քոց . ամբարտաւանութիւն աստել
եաց քոց վերացի հանապազ :
Տունք իբ : Գորդայս խղ :



ՍԱՂՄՈՍ ՀԴ.

Ի կտարած . մի՛ արտահաներ . ընդ օրհնութիւնս . Սացմոս
յասաի . երգ առ ասորեացեանեայս :

Խոստովան եղիցուք առ քեզ աստ
ուած , խոստովան եղիցուք և կար
դասցուք զանուն սուրբ քո :

Պատմեցից զամենայն սքանչելիս քո .
յորժամ ժամ առից , ես ուղիղ
դատեցից :

Մաշեցաւ երկիր և ամենայն բնա
կիչք նորա , ես հաստատեցի զսիւնս
նորա :

Ասացի անօրինաց , թէ մի՛ անօրի
նիք . և մեղաւորաց , թէ մի՛ բարձ
րացուցանէք զեղջիւրս ձեր :

Մի՛ համբառնայք ՚ի բարձունս զեղ
ջիւրս ձեր , և մի՛ խօսիք զաստու
ծոյ անիրաւութիւն :

Ձի ոչ յարեւելից և ոչ յարեւմը
տից և ոչ յանապատէ լերանց . այլ
աստուած դատաւոր է :

Չայս խոնարհ առնէ , և զսոյն բարձ
րացուցանէ . բաժակ 'ի ձեռին
տեառն գինի լի անապակ արկեալ .
և խոնարհեցուցանէ յայսմանէ
յայս :

Սակայն մրուր նորա ոչ սպառեացի .
և արբցեն զնա ամենայն մեղաւորք
երկրի :

Ես ցնծացայց յաւիտեան . սաղմոս
ասացից աստուծոյ յակորբայ :

Չամենայն եղջիւրս մեղաւորաց
փշրեացես . և բարձր եղիցի եղ
ջիւր արդարոյ :

Տունք ժ :

ՍԱՂՄՈՍ ՀԵ .

Ի կատարած . ընդ օրհնութիւնս . մի' աղակներ . Սացմոս
յասափ . երգ. առ ասորեստանեայս :

Յայտնի է 'ի հրէաստանի աստուած .
և յիսրայէլ մեծ է անուն նորա :
Եղեւ 'ի խաղաղութեան տեղի նո

րա . և բնակու թիւն նորա 'ի սիօն :
Անդ խորտակեաց տէր զզօրու
թիւն աղեղան , զզէն զսուր և ըզ
ճակատամարտ :

Լուսատու ես դու սքանչելապէս
լերանցն յաւիտենից . խռովեցին
ամենեքեան որք անմիտք են սրբ
տիւք . ննջեցին զքունս իւրեանց ,
և ինչ ոչ գտին :

Ամենայն արք 'ի մեծութեան ձե
ռաց իւրեանց . 'ի սաստէ քումմէ
աստուած յակոբայ ննջեցին , և ոչք
հեծեալ էին 'ի ձիս :

Գու ահաւոր ես , և ո՞վ կարէ կալ
առաջի քո . որպէս երեւեցար դու
յերկնից , յայտնի եղել բարկու
թիւն քո :

Երկիր երկեալ և սարսեցալ ընդ
յառնեղն աստուծոյ 'ի դատաստան ,
ընդ ապրեցուցանել զամենայն հեզս
երկրի :

Խորհուրդ մարդկան խոտովան
առնին առ քեզ , և ծածկեալք ի

մաստու թեամբ օրհնեացեն զքեզ :
Ռւխտա դիք՝ և կատարեցէք տեառն
աստուծոյ մերոյ , ամենեքեան որք
չուրջ էք զնովաւ :

Մասուցէք պատարագս ահաւո-
րին . ոքաղէ զհոգիս իշխանաց , ա-
հաւոր է նա քան զամենայն թա-
ղաւորս երկրի :

Տունք ժ :

ՍԱՂՄՈՍ ՀԶ.

Ի կատարած • ջասն իգոգոցմայ • Սաղմոս յաւաի :

Չայնիւ իմով ես առ տէր կարգա-
ցի . ճայնիւ իմով առ աստուած ,
և նայեցաւ առ իս :

Յաւուր նեղու թեան իմոյ զաստ-
ուած խնդրեցի ձեռօք իմովք . և
ի գիշերի առաջի նորա ոչ խաբեցայ :
Ոչ կամէր մխիթարել անձն իմ .
յիշեցի զաստուած՝ և ուրախ ե-
ղէ . հոգայի , և նուազիւր յիս
հոգի իմ :

Ժամանեցին պահուց աչք իմ . խը-

ուովեցայ և ոչ խօսեցայ. խորհեցայ
զաւուրան զառաջինս, և
զաման յաւիտենից յիշեցի:

Խօսեցայ ՚ի գիշերի ընդ սրտի իմ
մում. հոգայի՛ և տառապէր յիս
հոգի իմ:

Միթէ յաւիտենից մերժեացէ՞ զիս
տէր, և ո՞չ եւս յաւելցի ՚ի հաւ
ճիլ և եւս:

Կամ իսպառ արգելցէ՞ զողորմու
թիւն իւր յինէն. կամ կատարեանց
զբան իւր ազգէ մինչեւ յազգ:

Կամ մոռասցի՞ գթալ աստուած
իմ և եւս, կամ արգելցէ՞ զգթու
թիւն իւր բարկութեամբ իւրով:

Ասացի՛ թէ այժմ սկսայ. այս է
նորոգումն աջոյն բարձրելոյ:

Յիշեցի զգործս տեառն ՚ի սկզբա
նէ. յիշեցի զսքանչելիս նորա:

Խորհեցայ յամենայն գործս քո,
և ՚ի ձեռագործս քո խորհեցայ:

Աստուած՝ ՚ի սրբութեան են ճա
նապարհք քո. ո՞վ է աստուած մեծ՝

որպէս զաստուած մեր . դու ես
աստուած , որ առնես զսքանչելիս :
Յուցեր ժողովրդեան քում զզօ-
րութիւն քո . փրկեցեր բազկաւ
քով զժողովուրդս քո , զորդիան
յակորբայ և յովսէփու :


Տեսին զքեզ ջուրք աստուած , տե-
սին զքեզ ջուրք՝ և երկեան . և
խորք խռովեցան 'ի ձայնէ ջուրց
բազմաց :

Չայն ետուն ամպք . քանզի և նետք
քո գնան 'ի ձայնէ որոտալոյ քո ան-
ուի :

Երեւեցան փայլատակունք քո տիե-
զերաց . խռովեցաւ և դողաց երկիր :
Ի ծովու են ճանապարհք քո , և
շաւիղք քո 'ի ջուրս բազումս . և
հետք քո ոչ երեւին :

Առաջնորդեցեր որպէս խաչին ժո-
ղովրդեան քո , 'ի ձեռն մովսէսի և
ահարօնի :

Տունք ժը : Գորդայս լը :



ՍՍԱՂՄՈՍ ՀԷ.

Իմաստութիւն յաստի :

Նայեցարուք ժողովուրդք յօրէնս
իմ. խոնարհեցուցէք զունկն ձեր
'ի բանս բերանոյ իմոյ :

Բացից առակաւ զբերան իմ, և խօսեցայց զառակս 'ի սկզբանէ :

Որպէս լուար՝ և ծանեար զայս, և հարբն մեր պատմեցին մեզ :

Ոչինչ ծածկեցաւ յորդւոց նոցա յազգ յայլ, պատմել զօրհնու թիւնս տեառն, զզօրութիւն և զսքանչելիս իւր զոր արար :

Հաստատեաց զվկայութիւն իւր առ յակօք, և օրէնս եղ 'ի վերայ իսրայելի :

Որ ինչ միանգամ պատուիրեաց հարցն մերոց, ցուցանել զայս որդւոց իւրեանց, զի ծանիցեն յազգ յայլ :

Որդիք որք ճնանին յարիցեն, և պատմեսցեն զայս որդւոց իւրեանց. զի

դիցեն առ աստուած զյոյսս իւրեանց, և մի՛ մոռացին զգործս աստուծոյ :

Զպատուիրանս նորա խնդրելով խնդրեսցեն, և մի՛ եղիցին որպէս և հարբն իւրեանց :

Ազգ չար և դառնացող, ազգ որ ոչ ուղղեաց զսիրտ իւր, և ոչ հաստատեաց առ աստուած զհոգի իւր :

Որդիք եփրէմի լիաճիգք և պնդածիգք, յաւուր պատերազմի կապարճս դարձուցին :

Ոչ կացին նոքա յուխտի տեառն, և ըստ իրաւանց նորա ոչ կամեցան գնալ :

Մոռացան զերախտիս նորա, և զըսքանչելիան՝ զոր եցոյց նոցա :

Առաջի հարց նոցա զոր արար զսքանչելիս իւր, յերկրին եգիպտացւոց և ՚ի դաշտին տայանու :

Էհերձ զծովն՝ և անցոյց զնոսա, և կացոյց զջուրան որպէս ՚ի տիկս :

Առաջնորդեաց նոցա ամպով ՚ի

տուէ, և զամենայն գիշեր 'ի լոյս
հրոյ :

Էհերձ զվէմն յանապատին, և ետ
լմպել նոցա որպէս 'ի խորոյ մեծէ :
Եհան զջուրսն 'ի վիմէն, և հոսեաց
որպէս զգետս զջուրսն :

Սակայն յաւելին 'ի մեղանչել. և
ևս բարկացուցին զբարձրեալն յան-
ջըրդի :

Փորձեցին զաստուած 'ի սիրտս իւր-
եանց, 'ի խնդրել զկերակուր ան-
ձանց իւրեանց :

Տրտնջեցին զաստուծոյ և ասա-
ցին. մի՞թէ կարո՞ղ իցէ աստուած
պատրաստել սեղան յանապատի :
Քանզի հարկանէր զվէմն՝ և հո-
սէին ջուրք, և վտակք խաղային
'ի նմանէ :

Աղէ՛ հա՞ց եւս կարացէ տալ նա
մեզ. կամ պատրաստեցէ՞ սեղան
ժողովրդեան իւրոյ :

Վասն այսորիկ լուաւ զայս տէր, և
յապաղեաց. հուր բորբոքեցաւ 'ի

յակովք , և բարկութիւն ել 'ի վե-
րայ իսրայէլի :

Ձի ոչ հաւատացին յաստուած , և
ոչ յուսացան 'ի փրկութիւն նորա :
Հրաման ետ ամպոց 'ի վերուստ , և
զդրունա երկնից եբաց , և տեղեաց
'ի նոսա զմանանայ 'ի կերակուր :

Ձհաց երկնից ետ նոցա , զհաց հը-
րեշտակաց կերան մարդիկ , և իջոց
'ի նոսա զկերակուր 'ի լիութիւն :

Եհան զհողմն հարաւոյ , և էած զօ-
րութեամբ իւրով զհիւսիսիւ :

Տեղեաց 'ի նոսա միս որպէս զհող .
որպէս զաւազ ծովու զթռչունս
թեւաւորս :

Էարկ 'ի մէջ բանակի նոցա , և շուրջ
զվրանօք նոցա :

Կերան և յագեցան յոյժ . և զցան-
կութիւն նոցա ետ նոցա . և ոչինչ
կարօտ եղեն 'ի ցանկութենէ իւր-
եանց :

Մինչդեռ կերակուրք 'ի բերանս
իւրեանց էին , բարկութիւն յաս-

տուճոյ ել 'ի վերայ նոցա :

Սպան զբազումս 'ի նոցանէ , և զըն-
տիր ընտիրս խրայելի սատակեաց :
Յայսմ ամենայնի մեղան և եւս , և
ոչ հաւատացին սքանչելեաց նորա :
Պակասեցան յունայնու թեան ա-
ւուրք նոցա , և ամք նոցա փութա-
պէս անցին :

Յորժամ սպանանէր զնոսա՝ խընդ-
րէին զնա . դառնային և առաւօտ
առնէին առ աստուած :

Յիշեցին՝ զի աստուած օգնական էր
նոցա . աստուած բարձրեալ փրկիչ
էր նոցա :

Սիրեցին զնա բերանօք իւրեանց ,
և լեզուօք իւրեանց ստեցին նմա .
և սիրտք նոցա ոչ էին ուղիղք ընդ
նմա , և ոչ հաւատացին ուխտի
նորա :

Այլ նա ինքն գթած էր . քաւէր
զմեղս նոցա , և ոչ ապականէր :
Յաճախէր դարձուցանել զբարկու-
թիւն իւր . և ոչ բորբոքէր զա-

մենայն սրտմտու թիւն իւր :
Յիշեաց՝ թէ մարմին են նորա . հո-
գի որ ելանէ , այլ ոչ եւս դառ-
նայ :

Քանիցս անգամ դառնացուցին զնա
յանապատի . և բարկացուցին ըզ
բարձրեալն յանջրդի :

Բարձան և փորձեցին զաստուած ,
և զսուրբն իսրայէլի զայրացուցին :
Ոչ յիշեցին զձեռն նորա , յաւուր
յորում փրկեաց զնոսա 'ի ձեռաց
նեղչաց նոցա :

Որպէս արար զնշանս և զարուեստս
իւր յերկրին եգիպտացւոց . և 'ի
դաշտին տայանու :

Բարձոյց յարիւն զգետս նոցա . և
զանձրեւս նոցա՝ զի մի՛ արբցեն :
Առաքեաց 'ի նոսա շանաճանձ և ե-
կեր զնոսա . և գորտիւ ապական-
եաց զնոսա :

Ետ ժանկոյ զպտուղս նոցա , և ըզ
վաստակս նոցա մարախոյ :

Եհար կարկտիւ զայգիս նոցա , և

զթղենիս նոցա եղեմամբ :
Մատնեաց ՚ի կարկուտ զանասունս
նոցա . և զստացուածս նոցա հրով
դատեաց :

Առաքեաց ՚ի նոսա զսրտմտու թիւն
բարկութեան իւրոյ , զսրտմտու
թիւն զբարկութիւն և զնեղութի :
Առաքեաց ՚ի նոսա տանջանս ՚ի ձեռն
հրեշտակի չարի . և դիմեցոյց ՚ի
նոսա զսրտմտութիւն բարկու
թեան իւրոյ :

Ոչ անխայեաց ՚ի մահուանէ զան
ձինս նոցա . և զանասունս նոցա ՚ի
մահ մատնեաց :

Եհար զամենայն անդրանիկս եգիպ
տացւոց , զսկիզբն ամենայն վաս
տակոց նոցա ՚ի յարկս քամայ :
Հորդան ետ որպէս խաչին ժողո
վըրդեան իւրոյ . և եհան զնոսա
որպէս զհօտ յանապատ :

Առաջնորդեաց նոցա յուսով , և
ոչ երկեան , և զթշնամիս նոցա
ծով ծածկեաց :

Եհան զնոսա 'ի լեառն սրբու թեան
իւրոյ, 'ի լեառն այն՝ զոր ստացաւ
աջ նորա :

Մերժեաց յերեսաց նոցա զհեթա-
նոսա, և վիճակեցոյց 'ի նոսա զվի-
ճակ ժառանգութեան իւրոյ, և
բնակեցոյց 'ի յարկս նոցա զազգն
իսրայելի :

Փորձեցին դառնացուցին զաստ-
ուած բարձրեալն, և զվկայութիւն
նորա ոչ պահեցին :

Դարձան խոտորեցան որպէս և
հարքն իւրեանց. դարձան և եղեն
որպէս զաղեղն թիւր :

Դարձեալ բարկացուցին զնա 'ի բա-
զինս իւրեանց, և դրօշելովք իւր-
եանց նախանձ արկին նմա :

Լուաւ աստուած, և արհամարհ-
եաց զնոսա, և անարգեաց յոյժ
զիսրայել :

Մերժեաց յիւրմէ զխորանն 'ի սե-
լով, զխորանն՝ զոր բնակեցոյց 'ի
մէջ մարդկան :

Մատնեաց 'ի գերութիւն զգորութիւնս նոցա, և զգեղս նոցա 'ի ձեռս թշնամեաց նոցա :

Արգել 'ի սուր զժողովուրդ իւր և զժառանգութիւն իւր անտես արար :

Զերիտասարդս նոցա եկեր հուր և վասն կուսանաց նոցա ոչ ոք սրգացաւ :

Քահանայք նոցա անկան 'ի սուր և զայրիս նոցա ոչ ոք էր որ լայր : Զարթեալ որպէս 'ի քնոյ տէր, որպէս հզօր զի թափէ զգինի :

Եհար յետս զթշնամիս իւր, և նախատինս յաւիտենից արար ըզնոսա :

Մերժեաց նա զխորանն յովսէփու, և զազգն եփրէմի նա ոչ ընտրեաց : Այլ ընտրեաց նա զազգն յուգայ զլեառն սիօն, զոր և սիրեաց :

Շինեաց որպէս միեզերուի զսրբութիւն նորա, յերկրի հաստատեաց զնա յաւիտեան :

Ընտրեաց զդաւիթ ծառայ իւր, և
ընկալաւ զնա 'ի հօտէ խաշանց. 'ի
վերջին ճնելոցն ընկալաւ զնա :
Հովուել զյակոբ ծառայ իւր, և
զխարայել ժառանգու թիւն իւր :
Արածէր զնոսա իմաստու թեամբ
սրտի իւրոյ. յանմեղու թիւն ձե-
ռաց իւրոց առաջնորդէր նոցա :

Տունք հդ :

ՍԱՂՄՈՍ ՀԸ .

Սացմս յստի :

Աստուած մտին հեթանոսք 'ի ժա-
ռանգու թիւն քո. պղծեցին զտա-
ճար սուրբ քո :

Արարին զերուսաղէմ որպէս ըզ
հիւզս մրգապահաց. արկին զդիա-
կունս ծառայից քոց գէշ թռչնոց
երկնից, և զմարմինս սրբոց քոց
գազանաց երկրի :

Հեղին զարիւն նոցա որպէս ջուր

Հուրջ զերուսաղէմաւ . և ոչ ոք
էր որ թաղէր զնոսա :

Եղաք մեք նախատինք դրացեաց
մերոց . ծաղր և այսն կատականաց
այնոցիկ , որք Հուրջ էին զմեօք :

Մինչեւ յերբ տէր՝ բարկանաս դու
խապառ . բորբոքեսցի որպէս հուր
նախանձ քո :

Հեղ զբարկութիւն քո 'ի վերայ
ազգաց՝ որք զքեզ ոչ ճանաչեցին .
'ի վերայ թագաւորաց՝ որք զանուն
քո ոչ կարդացին . զի կերին զյա-
կոբ և զտեղի նորա աւերեցին :

Մի՛ յիշեր զմեզս մեր զառաջինս .
վաղվաղ եկեսցէ առ մեզ ողորմու-
թիւն քո տէր , զի աղքատացաք
յոյժ :

Օգնեա մեզ աստուած փրկիչ մեր
վասն փառաց անուան քո :

Տէր փրկեա՛ զմեզ և քաւեա՛ զմեզս
մեր վասն անուան քոյ :

Մի՛ երբէք ասացեն 'ի հեթանոսս ,
թէ ո՛ւր է աստուած նոցա :

Այլ յայտնի ինչ լեցի 'ի վերայ հե-
թանոսաց առաջի աչաց մերոց, առ
'ի խնդրել զվրէժ արեան ծառայից
քոց՝ որ և հեղաւ :

Մտցէ առաջի քո հեծու թիւն կա-
պելոց . ըստ մեծու թեան բազկի քո
չահեա դու զորդիս սպանելոց :

Հատո դրացեաց մերոց եօթնալա-
տիկ 'ի ծոց նոցա, զնախատինս իւր-
եանց զոր նախատեցին զքեզ տէր :

Մեք ժողովուրդք և խաչն արօտի
քոյ՝ խոստովան եղիցուք առ քեզ
յաւիտեան . ազգէ յազգ պատ-
մեսցուք զօրհնու թիւնս քո :

Տունք ժդ :

ՍԱՂՄՈՍ ՀԹ.

Ի կատարած . 'ի վերայ ջառանցեչոցն վկայութիւնս :

Սացմսս առափայ . 'ի վերայ եթովդացւոցն :

Որ հովուեաղ խորայելի՝ նայեաց,
որ առաջնորդեա որպէս խաչին յով-
սեփու :

Որ նատիս 'ի քրովբէս՝ յայտնեաց

առաջի եփրէմի, բենիամինի և մա-
նասէի :

Զարթո զզօրութիւնս քո, և եկ
'ի կեցուցանել զմեզ :

Աստուած զօրութեանց, դարձո
զմեզ, երեւեցո զերեսս քո 'ի մեզ,
և կեցցուք :

Տէր աստուած զօրութեանց, մին-
չեւ յերբ բարկանաս յաղօթս ծա-
ռայից քոց :

Զամբեցեր մեզ հաց արտասուաց,
և արբուցեր մեզ արտասուս չափով :

Արարեր զմեզ նախատինս դրաց-
եաց մերոց, այսին կատականաց
թշնամեաց մերոց :

Աստուած զօրութեանց, դարձո
զմեզ, երեւեցո զերեսս քո 'ի մեզ
և կեցցուք :

Այգի յեգիպտոսէ փոխեցեր . հա-
ներ զհեթանոսս՝ և զնոսա տնկե-
ցեր, և առաջնորդեցեր նմա :

Հաստատեցեր զարմատս նորա՝ և
ելից զերկիր . ծածկեաց զլերինս հո-

վանի նորա , և բարունակ նորա ըզ
մայրս աստուծոյ :

Զգեաց զորթ իւր մինչեւ 'ի ծով ,
մինչեւ 'ի գետս են շառաւիղք նո
րա :

Ընդէր քակեցեր զցանկ նորա , և
կթեն զնա անցաւորք ճանապարհի :

Ապականեաց զնա խող անտառի ,
և երէվայրի արածեցաւ 'ի նմա :

Աստուած զօրութեանց , դարձ հայ
եաց յերկնից և տես . այց արա
այգւոյս այսմիկ , և դարման տար
ամա՛ զոր տնկեաց աջ քո :

Ի վերայ որդւոյ մարդոյ՝ զոր զօ
րացուցեր զնա 'ի քեզ . այրեցեալ
'ի հուր և աւերեալ ; 'ի սաստե
քումմէ կորիցէ :

Եղիցի ձեռն քո 'ի վերայ առն , աջ
քո 'ի վերայ որդւոյ մարդոյ , զոր
զօրացուցեր զնա 'ի քեզ :

Ոչ եւս 'ի բացեայ եղիցուք մեք 'ի
քէն . կեցուսցես դու զմեզ , և
զանուն քո տէր կարդասցուք :

Աստուած զօրութեանց, դարձո
զմեզ, երեւեցո զերեսս քո 'ի մեզ,
և կեցցուք:

Տունք ժր:

ՍԱՂՄՈՍ 2.

Ի կառարած . ջասն հնձանաց . Սացմոս յասափ . հինգերորդ
շարաթու. 9 :

Ցնծացէք առ աստուած, օգնական
է մեր . աղաղակեցէք առ աստուած
յակոբայ:

Առէք սաղմոս, և տուք օրհնու
թիւն . սաղմոս ասացէք նմա 'ի ձայն
քաղցրութեան:

Փող հարէք 'ի գլուխս ամսոց, յա
ւուր նշանաւորի տարեկանաց մե
րոց:

Հրաման է այս խորայելի, և իրա
ւունք են աստուծոյ յակոբայ:

Վկայութիւնն յովսէփու՝ զոր եզ
րնդ նմա . որպէս ելանէր նա յերկ
րէն եգիպտացւոց, լեզու զոր ոչ
գիտէր՝ լուաւ:

Ի բաց արար ՚ի բեռանց զթիկունս
նորա . և զձեռս նորա յորթ և ՚ի
թի ծառայելոյ :

Ի նեղութեան կարգացեր առ իս՝ և
փրկեցի զքեզ . լուայ քեզ ՚ի գաղտ
նութեան մրրկին, և փորձեցի զքեզ
՚ի վերայ ջուրցն հակառակութեան :
Լուր ժողովուրդ իմ՝ և վկայեմ
քեզ, և իսրայէլ՝ թէ լուիցես ինձ :
Մի՛ եւս եղիցին քեզ աստուածք
առ ժամայնք . և մի՛ երկիրպագանի
ցես դու աստուծոյ օտարի :

Ես եմ տէր աստուած քո՝ որ հանի
զքեզ յերկրէն եգիպտացւոց . բաց
զբերան քո՝ և լցից զդա :

Ժողովուրդ իմ ոչ լուաւ ձայնի ի
մում, և իսրայէլ յիս ինչ ոչ նայե
ցաւ :

Բարձի թողի զնոսա երթալ զհետ
կամաց սրտից իւրեանց . զի գնացին
նոքա ըստ կամս անձանց իւրեանց :
Ձի թէ ժողովրդեան իմոյ լուեալ
էր ինձ, կամ իսրայէլի զճանապարհ

հըս իմ գնացեալ էր :

Արպէս ոչինչ խոնարհ արարեալ էր
 իմ զթշնամիս նորա , և 'ի վերայ նեղ-
 չաց նորա արկեալ էր զձեռն իմ :
 Թշնամիք տեառն ստեցին նմա , և ե-
 ղիցին ժամանակք նոցա յաշխարհի :
 Կերակրեաց զնոսա 'ի պարարտու-
 թենէ ցորենոյ , և 'ի վիմէ մեղր յա-
 գեցոյց նոցա :

Տունք ժգ :

ՍԱՂՄՈՍ ԶԱ .

Սոցմոս յաստի :

Աստուած եկաց 'ի ժողովս աստու-
 ծոց , և 'ի միջի նոցա դատէր զնոսա :
 Մինչեւ յե՞րբ դատէք անիրաւու-
 թեամբ , և ակն առնուք մեղաւո-
 րաց :

Դատ արարէք որբոյն և այրւոյ . իրա-
 ւունս արարէք տնանկին և խոնարհի :
 Ապրեցուցէք զազքատն և զտնան-
 կրն , 'ի ձեռաց մեղաւորի վրկեցէք
 զնոսա :

Ոչ խմացան և ոչ 'ի միտ առին, 'ի
խաւարի գնացին, և շարժեցան ա-
մենայն հիմունք երկրի :

Ես ասացի թէ աստուածք իցէք,
կամ որդիք բարձրելոյն ամենեք-
եան :

Գու ահաւաղիկ որպէս զմարդիկ
մեռանիք, և որպէս զմի յիշխա-
նաց անկանիք :

Արի աստուած և դատեա զերկիր,
զի դու ժառանգեսցես զամենայն
հեթանոսս :

Տունք ը : Գորդայս ծք :



ՍԱՂՄՈՍ ԶԲ .

Օրհնութիւն • Սացմոս յաստի :

Աստուած ո՞քեզ նմանիցի . մի՛ լռեր
և մի՛ դադարիր աստուած :

Զի ահա թշնամիք քո գոչեցին, և
ատելիք քո համբարձին զգլուխս
իւրեանց :

Ի վերայ ժողովրդեան քո խորաման-

կեցին զգիտութիւն. խորհեցան 'ի
վերայ սրբոց քոց և ասացին :
Եկայք սատակեսցուք զնոսա յազ-
գաց, և մի յիշեսցի անուն իսրա-
յելի և ևս :

Խորհեցան միաբանութեամբ 'ի մի-
ասին, և վասն քո ուխտ արարին :
Բանակք եղովմայեցւոց և իամայե-
լացիք, մովաբ և հագարացիք :
Գեբաղ՝ ամօն՝ ամաղէկ, և այլազ-
գիքն ամենայն բնակչօքն հանդերձ
ծուրայ :

Նա և ասուր եկեալ էր ընդ նոսա .
ամենեքեան սոքա զօրավիզն էին
որդւոցն զովտայ :

Արա զնոսա որպէս զմաղիամ, որ-
պէս զսիսարայ, և որպէս զաբին 'ի
ծործորսն կիսօնի :

Սատակեցան նոքա յականս դովրայ,
և եղեն որպէս զաղբ երկրի :

Արա զիշխանս նոցա որպէս զօրէբն,
զէբն, զզէբէէ, և զսաղմանս, և
զամենայն իշխանս նոցա :

Ոյք ասացին՝ ժառանգեսցուք ՚ի
մեզ զսրբութիւնն աստուծոյ :
Աստուած իմ՝ արա զնոսա որպէս
զանիւ , և որպէս զեղէզն առաջի
Հոզմոյ :

Որպէս հուր՝ զի այրէ զանտառս .
որպէս բոց՝ զի կիզու զլերինս :
Այսպէս հալածեսցես զնոսա մրրը,
կաւ քով , և բարկութեամբ քով
խռովեսցուսցես զնոսա :

Լից զերեսս նոցա անարգանօք , և
խնդրեսցեն զանուն քո տէր :
Ամաչեսցեն և խռովեսցին յաւիտեանս
յաւիտենից , և ամօթալից
կորիցեն :

Ծանիցեն զի անուն քո տէր է , և
դու միայն բարձրեալ ես ՚ի վերայ
ամենայն երկրի :

Տունք ժր :

ՍԱՂՄՈՍ 29 .

Ի կառարած . ջանս հնձանացն . որիւոցն կորիայ ,
Սացմոս դաւթի :

Ո՛րպէս սիրելիք են յարկք քո տէր

զօրութեանց . ցանկաց և փափաքի
անձն իմ 'ի գաւիթս քո :

Սիրտ իմ և մարմին իմ ցնծասցեն
առ աստուած կենդանի :

Քանզի ճնճղուկ եգիտ իւր տուն ,
և տատրակ զբոյն՝ ուր դիցէ ըզ
ձագս իւր :

Սեղան քո տէր զօրութեանց , թա
գաւոր իմ և աստուած իմ :

Երանի ամենեցուն՝ որ բնակեալ
են 'ի տան տեառն , յաւիտեանս
յաւիտենից օրհնեսցեն զքեզ :

Երանեալ է այր՝ որոյ օգնութիւն
իւր 'ի քէն է . ելս եղ 'ի մտի իւ
րում 'ի հովտէս տրտմութեան 'ի
տեղւոջ՝ յորում ուխտեաց :

Զօրհնութիւն ստասցի՝ որ զօրէնս
դնէ . դնասցէ նա 'ի զօրութենէ
'ի զօրութիւն . և երեւեսցի աստ
ուած հրեշտակաց 'ի սիօն :

Տէր աստուած զօրութեանց՝ լուր
աղօթից իմոց . ունկն դիր աստուած
յակորբայ :

Ընդունող ես դու մեր, տես աստ-
ուած և նայեաց յերեսս օծելոյ քոյ :
Վասն զի լաւ է ինձ մի օր 'ի գաւիթս
քո, քան զհազարս :

Ընտրեցի ես ընդ աղբ գալ 'ի տան
աստուծոյ առաւել, քան բնակա-
նալ 'ի յարկս մեղաւորաց :

Չողորմու թիւն և զճշմարտու թիւն
սիրէ տէր աստուած մեր, զչնորհս
և զփառս տացէ :

Տէր ոչ պակաս առնէ զողորմու-
թիւն իւր յայնցանէ, որ գնան յամ-
բրձու թեան :

Տէր աստուած զօրու թեանց, երան-
եալ է այր՝ որ յուսայ 'ի քեզ :
Տունք ժդ :

ՍԱՂՄՈՍ 27.

Ի կառարած . որդւոցն կորիտոյ . Սաղմոս գաւ. թի :

Հաճեցար տէր ընդ երկիր քո, և
դարձուցեր զգերու թիւն յակոբայ :
Թողեր զանիրաւու թիւն ժողովըր-
դեան քոյ, և ծածկեցեր զամենայն
մեղս նոցա :

Լուեցուցեր զամենայն սրտմտու-
թիւնս քո . և դարձար 'ի բարկու-
թենէ սրտմտութեան քո :

Դարձ առ մեզ աստուած փրկիչ մեր ,
և դարձո զսրտմտութիւնս քո 'ի
մէնջ :

Մի՛ յաւիտեան բարկանար մեզ
տէր , և մի՛ ձգեր զբարկութիւն քո
ազգէ մինչեւ յազգ :

Աստուած դու դարձեալ կեցուս-
ցես զմեզ . և ժողովուրդ քո ու-
րախ եղիցի 'ի քեզ :

Ցոյց մեզ տէր զողորմութիւնս քո ,
և զփրկութիւնս քո տուր մեզ :


Լուաք զի՛նչ խօսի տէր աստուած
մեր . խօսեցի զխաղաղութիւն ժո-
ղովրդեան իւրոյ առ սուրբս իւր ,
և առ այնոսիկ՝ ոյք դարձեալ են
առ նա սրտիւք :

Սակայն մերձ է առ երկիւղածս իւր
փրկութիւն նորա . բնակիլ փառաց
նորա յերկրի մերում :

Ողորմութիւն և ճշմարտութիւն

պատահեցին . արդարութիւն և
 խաղաղութիւն համբուրեցին :
 Ճշմարտութիւն յերկրէ բուսաւ .
 արդարութիւն յերկնից երեւե-
 ցաւ :

Տէր տացէ զքաղցրութիւն , և եր-
 կիր մեր տացէ զպտուղ իւր . արդա-
 րութիւն առաջի նորա գնացէ ,
 դիցէ 'ի ճանապարհի զգնացս իւր :
 Տունք ժբ : Գորդայս խղ :



ՍԱՂՄՈՍ 26 .

Սացմոս դաւթի . արթիք երեկոյի :

Խոնարհեցո տէր զունկն քո և լուր
 ինձ , զի աղքատ և տնանկ եմ ես :
 Պահեա զանձն իմ սուրբ տէր . և
 փրկեա զճառայս քո աստուած իմ ,
 որ 'ի քեզ յուսացայ :

Ողորմեա ինձ տէր , զի առ քեզ աղա-
 զակեցի զօրհանապազ . ուրախ արա
 զանձն ճառայի քո , զի առ քեզ տէր
 համբարձի զանձն իմ :

Ձի դու տէր քաղցր և ուղիղ ես .
բազումողորմ առ ամենեւեան , որք
կարդան առ քեզ :

Ունկն դիր տէր աղօթից իմոց , և
նայեա 'ի ճայն խնդրուածաց իմոց :
Յաւուրնեղու թեան իմոյ կարդացի
առ քեզ , և լուար ինձ :

Ոչ ոք է նման քեզ յաստուածս տէր ,
և ոչ ոք է որպէս զդործս քո :

Ձամենայն ազգս զոր արարեր՝ եկես
ցեն և երկիրպագցեն առաջի քո ,
և փառաւոր արասցեն զանուն քո
յաւիտեան :

Մեծ ես դու տէր , և առնես սքան
չելիս . և դու միայն ես աստուած :

Առաջնորդեա ինձ 'ի ճանապարհի
քում , և գնացից 'ի ճշմարտութեան
քում , և ուրախ եղիցի սիրտ իմ յեր
կրնչիլ յանուանէ քումմէ :

Խոստովան եղէց առ քեզ տէր աստ
ուած իմ բոլորով սրտիւ իմով , փա
ռաւոր արարից զանուն քո յաւիտ
եան :

Մեծ եղեւ 'ի վերայ իմ ողորմու-
թիւն քո տէր, և փրկեցեր զանձն
իմ 'ի դժոխոց ներքնոց:

Աստուած, անօրէնք յարեան 'ի վե-
րայ իմ, և ժողովք հզօրաց խնդրե-
ցին զանձն իմ, և ոչ համարեցան ըզ-
քեզ աստուած առաջի իւրեանց:

Այլ դու տէր աստուած իմ, գթած
ես և ողորմած, երկայնամիտ բա-
զում ողորմ և ճշմարիտ, նայեա առ
իս և ողորմեա ինձ:

Տուր զօրութիւն ծառայի քո. կե-
ցո զորդի աղախնոյ քո, և արա առ
իս նշան բարութեան:

Տեսցեն ատելիք իմ և ամաչեսցեն,
զի դու տէր օգնեցեր ինձ և մխի-
թարեցեր զիս:

Տունք ժգ:

ՍԱՂՄՈՍ 22.

Սացմա օրհնութեան • որդւոցն կորիւնց •

Հիմունք նորա 'ի լեառն սուրբ նորա •
սիրէ տէր զդրունս սիօնի առաւել

քան զամենայն յարկան յակոբայ :
Փառաւորեալն խօսեցաւ վասն քո .
ահաւադիկ քաղաքդ աստուծոյ :
Յիշեցի զուահաբ և զբաբելոն՝ ոյք
ճանաչեն զիս . ահա այլազգիք և
ծուր և ժողովուրդք հնդկաց , սոքա
եղեն անդ :

Միօնի ասի մայր , և մարդ ճնաւ 'ի
նմա . և ինքն հիմունս էարկ 'ի նմա
բարձրեալն :

Տէր պատմեացէ զբովք ժողովուրդ-
եան , իշխանացս այսոցիկ՝ ոյք եղեն
անդ :

Որպէս զի ուրախ լիցին 'ի քեզ ամե-
նեքեան , որոց բնակու թիւն 'ի քէն է :
Տունք զ :

ՍԱՂՄՈՍ 21.

Ի կատարած . ջանն մտցացեթայ իմաստութիւն . զի ետ
դատաւիանի եման իմաստութեամբ իսրայէլի :

Տէր աստուած փրկու թեան իմոյ ,
'ի տուէ կարդացի և գիշերի ա-
ռաջի քո :

Մտցեն աղօթք իմ առաջի քո տէր ,
խոնարհեցի ունկն քո 'ի խնդրք .
ուածս իմ :

Ձի լցաւ չարչարանօք անձն իմ , և
կեանք իմ 'ի դժոխս մերձեցան , և
համարեցայ ես ընդ այնօսիկ , որք
իջանեն 'ի գուբ :

Եղէ ես որպէս մարդ առանց օգ-
նականի , և 'ի մեռեալս ազատ :
Որպէս զվիրաւորս , որք ննջեն 'ի
գերեզմանս :

Զորս գու ոչ յիշեցեր , նորա 'ի ձե-
ռանէ քու մէ մերժեցան :

Եղին զիս 'ի գբի ներքնու մն 'ի խա-
ւարի և 'ի ստուերս մահու :

Յիս հաստատեցաւ սրտմտութիւն
քո . զամենայն զբօսանս քո ածեր
'ի վերայ իմ :

Հեռի արարեր յինէն զճանօթս իմ .
և եղին զիս նշաւակ իւրեանց :

Մատնեցայ և ոչ ելանէի , աչք իմ
տկարացան յաղքատութենէ :

Աղաղակեցի առ տէր զօրհանապաղ ,

և համբարձի առ քեզ զձեռս իմ :
Միթէ մեռելոց առնիցես զսքան
չելիս քո . կամ բժիշկք յարուցեալ
խոստովան առնիցին առ քեզ :

Միթէ պատմեսցէ ոք երբէք 'ի դե
րեզմանի զողորմութիւնս քո . կամ
զճշմարտութիւնս քո 'ի կորստեան :

Միթէ ճանաչիցին 'ի խաւարի ըս
քանչելիք քո , կամ արդարութիւն
քո յերկիր մոռացեալ :

Ես առ քեզ տէր աղաղակեցի . ա
ռաւօտու աղօթք իմ ժամանեսցեն
առ քեզ :

Ընդէր տէր մերժես զանձն իմ , կամ
դարձուցանես զերեսս քո յինէն :

Տնանկ և վաստակաւոր եմ ես 'ի
մանկութենէ իմմէ . 'ի բարձրու
թենէ խոնարհեցայ և ապշեցայ :

Յիս հաստատեցաւ բարկութիւն
քո . արհաւիրք քո խռովեցուցին
զիս :

Շրջեցան զինեւ որպէս ջուր , զօր
ամենայն պաշարեցին զիս 'ի միասին :

Հեռի արարեր յինէն զբարեկամս
իմ և զճանօթս իմ վասն թշուա-

ռու թեան իմոյ :

Տունք ի : Գորղայս խբ :



ՍԱՂԾՈՍ ԶԸ .

Իմաստութիւն եմանայ յեջրայեչացւոց :

Զողորմութիւնս քո տէր յաւիտեան
օրհնեցից . ազգէ յազգ պատմեցից
զճմարտութիւնս քո բերանով
իմով :

Ասացեր՝ թէ աշխարհս ողորմութեամբ
չինեցի . յերկինս պատրաստ
եղիցի ճմարտութիւն քո :
Եղի ուխտ ընտրելոց իմոց . երդուայ
դաւթի ծառայի իմոյ :

Յաւիտեան հաստատեցից զզաւակ
քո , և շինեցից ազգէ յազգ զաւթոռ
քո :

Խոստովան եղիցին երկինք սքանչելեաց
քոց տէր , և ճմարտութիւն քո
յեկեղեցիս սրբոց :

Ո՞վ է յամպս որ հաւասարի քեզ,
կամ ո՞վ նմանիցի տեառն յորդիս
աստուծոյ :

Աստուած փառաւորեալ է 'ի խոր
հուրդս սրբոց իւրոց. մեծ և ա
հաւոր 'ի վերայ այնոցիկ ուրք շուրջ
են զնովաւ :

Տէր աստուած զօրութեանց, ո՞
նմանի քեզ. հզօր ես դու տէր, և
ճշմարտութիւն քո շուրջ է զքեւ :
Գու տիրես զօրութեանց ծովու,
և զխոովութիւն այլեաց նորա դու
ցածուցանես :

Գու խոնարհեցուցանես որպէս վի
րաւորս զամբարտաւանս. 'ի զօրու
թիւն բազկի քո ցրուեցեր զթշնա
միս քո :

Քո են երկինք և քո է երկիր, զաշ
խարհս լրիւ իւրով դու հաստա
տեցեր. զհիւսիս և զհարաւ դու
արարեր. թափօր և հերմօն յա
նուն քո ցնծասցեն :

Քո է բազուկ և քո է զօրութիւն,

զօրասցի աջ քո, և բարձր եղիցի
ձեռն քո :

Յարդարութիւն և յիրաւունս
հաստատեալ է աստու քո. ողոր-
մութիւն և ճշմարտութիւն գնաս-
ցեն առաջի երեսաց քոց :

Երանի ժողովրդեան, որ գիտեն
զօրհնութիւնս քո տէր. 'ի լոյս ե-
րեսաց քոց գնասցեն, և յանուն
քո ցնծասցեն զօրհանապաղ, և
յարդարութեան քում բարձր ե-
ղիցին :

Պարծանք զօրութեանց մերոց դու
ես տէր, և 'ի կամս քո բարձր ե-
ղիցի եղջիւր մեր :

Ի տեառնէ է օգնութիւն սրբոյն
խորայէլի՝ թագաւորին մերոյ :

Յայնժամ խօսեցար տեսեամբ ընդ
որդիս քո և ասացեր. եղից զօգ-
նութիւն իմ 'ի վերայ հզօրին, և
բարձր արարից զընտրեալն 'ի ժողո-
վըրդենէ իմմէ :

Գտի զդաւիթ ծառայ իմ, և իւ-

դով սրբով իմով օծի զնա :

Չեռն իմ ընկալցի զնա , և բազումկ
իմ զօրացուսցէ զնա :

Մի՛ մեղիցէ նմա թշնամի , և որդի
անօրէնու թեան մի՛ չարչարեացէ
զնա :

Հարից առաջի նորա զթշնամիս նո-
րա , և զատելիս նորա 'ի պարտու-
թիւն մատնեցից :

Ճշմարտութիւն իմ և ողորմու-
թիւն իմ ընդ նմա , և յանուն իմ
բարձր եղիցի եղջիւր նորա :

Եղից 'ի ծովու զձեռն նորա , և 'ի
վերայ գետոց զաջ նորա :

Նա կարդասցէ առ իս՝ հայր իմ ես
դու , աստուած ընդունող փրկու-
թեան իմոյ :

Ես անդրանիկ արարից զնա , և
բարձր քան զամենայն թագաւորս
երկրի :

Յաւիտեան պահեցից նմա զողոր-
մութիւն իմ , և ուխտ իմ հաւա-
տարիմ ընդ նմա :

Հաստատեցից յաւիտեանս յաւիտենից զգաւակ նորա, և զաթոռ

նորա որպէս զաւուրս երկնից :

Թէ թողցեն որդիք նոցա զօրէնս իմ, և յիրաւունս իմ ոչ կամեսցին գնալ :

Թէ զարդարութիւնս իմ անարգեացեն, և զպատուիրանս իմ ոչ պահեացեն :

Հարից զաւազանաւ զանօրէնութիւնս նոցա, և տանջանօք զանիրաւութիւնս նոցա :

Բայց ողորմութիւն իմ ոչ արգելից 'ի նոցանէ, և ոչ նենգեցից ճշմարտութեան իմում, և ոչ անարգեցից զուխտ իմ, և ինչ որ ելանէ ընդ շրթունս իմ, զայն ոչ արհամարհեցից :

Միանգամ երգուայ 'ի սրբութիւնս իմ, թէ դաւթի ես ոչ ստեցից :

Զաւակ նորա յաւիտեան կայցէ, և աթոռ նորա որպէս զարեգակն առաջի իմ, և որպէս զլուսին զի հաս

նա զի իմ, և որպէս զլուսին զի հաս

տատեալ է յաւիտեան վկայ հաւա-
տարիմ յերկինս :

Իսկ արդ դու մերժեցեր և անար-
գեցեր, և ընդ վայր հարեր զօժ-
եալ քո :

Գարձուցեր զուխտ 'ի ծառայէ
քու մէջ, պղծեցեր յերկրի զսրբու-
թիւն նորա :

Քակեցեր զամենայն պարիսպս նո-
րա, և եղեր զամուրս նորա 'ի դո-
ղումն :

Յափշտակեցին զնա անցաւորք ճա-
նապարհի, և եղեւ նա նախամո գը-
րացեաց իւրոց :

Բարձր արարեր զաջ նեղչաց նորա,
և ուրախ արարեր զամենայն թշնա-
միս նորա :

Գարձուցեր զօգնութիւն 'ի սրոյ
նորա, և ոչ ընկալար զնա 'ի պա-
տերազմի :

Անարգեցեր զսրբութիւն նորա, և
զաթոռ նորա յերկիր կործանեցեր :
Կուազ արարեր զաւուրս ժամանա-

կացնորա, և հեղեր զնովաւ զամօթ :
Մինչեւ յերբ դարձուցանես զերեւ
սրս քո իապառ . բորբոքեսցի որպէս

հուր բարկութիւն քո :

Իսկ արդ յիշեա և տես՝ թէ ո՞վ է իմ
հանգիստ . միթէ՞ ՚ի զո՞ւր ինչ ստեղ
ծեր զամենայն որդիս մարդկան :

Ո՞վ է մարդ՝ որ կեցցէ և ոչ տեսցէ
զմահ, կամ փրկեսցէ զանձն իւր ՚ի
ձեռաց դժոխոց :

Ո՞ւր են ողորմութիւնք քո տէր աւ
ռաջինք, զոր երդուար դաւթի
ճշմարտութեամբ քով :

Յիշեա զնախատինս ծառայի քոյ,
զոր ընկալայ ՚ի ծոց իմ յազգաց բազ
մաց :

Չոր նախատեցին թշնամիք քո տէր .
նախատեցին փոխանակ օժելոյ քոյ :
Օրհնեալ տէր աստուած յաւիտ
եանս յաւիտենից . եղիցի եղիցի :

Տունք խը :

Կանոնս Գորդայս է : Սաղմոս ժզ : Տունք յխը :



ՕՐՀՆՈՒԹԻՒՆ ԵՍԱՅԵԱՅ ՈՐԴԻՈՅՆ ԱՄՈՎՍԱՅ

Եսայեայ իզ :

Ի գիշերաց կանխէ հոգի իմ առա-
ւօտ առնել առ քեզ աստուած :
Վասն զի լոյս են հրամանք քո 'ի վե-
րայ երկրի . ուսարուք զարդարու-
թիւն բնակիչք երկրի :
Կարկեսցի ամբարիշտն , և այլ ոչ և ս-
ուսցի առնել յերկրի զարդարու-
թիւն ճշմարտութեան :
Բարձցի ամբարիշտն յերկրէ , և մի-
տեսցէ զփառս աստուծոյ :
Տէր բարձրես և բազուկ քո հզօր ,
և նոքա ոչ գիտացին :
Ծանիցեն՝ ամաչեսցեն , և նախանձ-
անկցի անխրատ ժողովրդեան . և
արդ հուր զթշնամիս քո կերիցէ :
Տէր աստուած մեր՝ սասցիլ զմեզ ,
զի բաց 'ի քէն զայլ ոք ոչ գիտեմք ,
և զանուն քո անուանեմք զօրհա-
նապաղ :

Իսկ արդ մեռեալք զկենդանու
թիւն այլ ոչ տեսանիցեն. և ոչ

բժիշկք յարուցանիցեն :

Վասն այսորիկ ածեր հարեր սա-
տակեցեր և ջնջեցեր զամենայն ա-
րու մանուկ նոցա :

Յաւել տէր զչար 'ի վերայ չարի
նոցա. և ած զչար 'ի վերայ անօրի-
նաց երկրի :

Տէր 'ի նեղութեան յիշեցաք ըզ-
քեզ. զի փոքր մի նեղութիւն է
խրատ քո 'ի վերայ մեր :

Որպէս երկունք յղւոյ՝ զի հասեալ
իցէ ժամանակ ծննդեան, և առ
ցաւս իւր ճչիցէ :

Այնպէս եղաք սիրելւոյ քում տէր.
յահ և յերկիւղ քո յղացեալ երկնե-
ցաք, և ծնաք զհոգի փրկութե քո :

Ոչ եւս կործանեսցուք մեք, այլ
կործանեսցին անօրէնք երկրի :

Յարիցեն մեռեալք և կենդանաս-
ցին ամենեքեան, որք եղեալ են
'ի գերեզմանս :

Զարթիցեն ցնծասցեն, և ուրախ
եղիցին դադարեալք յերկրի :
Վասն զի ցօղդ որ ցօղէ 'ի քէն, այդ
բժշկու թիւն է նոցա. բայց երկիրն
ամբարշտեալ սատակե սցի :

Խոյս տուր ժողովուրդ իմ. զնա
մուտ 'ի շտեմարանս քո. և փակեա
զդրունս քո առաջի երեսաց քոց :
Փախիր և թագիր առ ժամանակ
մի, մինչեւ անցցէ բարկու թիւն
տեառն :

Փառք հօր և որդւոյ և :


ՄԱՂԹԱՆՔ

Խաղաղութեանց տուող քրիստոս,
զխաղաղութիւն և զերկնային ու
ղորմութիւն քո պարգեւեա յա
րարածս քո :

Մարդասէր տէր, վասն սրբուհւոյ
անարատի մօր քոյ և կուսի, և

վանն խաչի քոյ պատուականի , ընկալ զաղաչանս մեր , և կեցո զմեզ :

զՔարողն և զաղօթս 'ի վերջն երանեալ կանոնին
զտցես 'ի 44 երեսն :



Յարեաւ Աստուած եւ ցրուեցան ամենայն
Թշնամիք հորա :



ՍԱՂՄՈՍ ԶԹ.

Աջօթք մոջսեսի առն աստուծոյ :

Տէր ապաւեն եղեր մեր ազգէ մինչեւ յազգ . մինչեւ լերինք հաստատեալ էին , և մինչեւ ստեղծեալ էիր զերկիր և զամենայն տիեզերս :

Յաւիտենից մինչեւ յաւիտեանս դու ես . մի դարձուցաներ զմարդ 'ի տառապանս . և ասացեր , դարձարուք առ իս որդիք մարդկան :

Հազար ամ յաչս տեառն որպէս օր երեկի՝ զի էանց . որպէս պահ մի գիշերոյ , և ամք նոցա անարգու թեամբ եղիցին :

Ընդ առաւօտս որպէս դալարի բուսցին , ընդ առաւօտս որպէս դալարի զուարճասցին և ծաղկեսցին . ընդ երեկոյս թարչամեսցին՝ չորասցին և անկցին :

Նուաղեցաք մեք 'ի բարկութենէ
քուամէ, և 'ի սրտամտութենէ քում
մէ խռովեցաք :

Եդեր զմեղս մեր առաջի քո, և
զկեանս մեր 'ի լոյս երեսաց քոց :

Ամենայն աւուրք մեր նուաղեցան,
և 'ի բարկութենէ քուամէ խռու
վեցաք :

Ժամանակ ամաց մերոց անդադար
որպէս սարդի, և թիւ աւուրց ա
մաց մերոց 'ի նոսա եօթանասուն
ամ :

Ապա թէ առաւել եւս՝ ութսուն
ամ, և որ ինչ աւելի է քան զայն,
ցաւօք և հեծու թեամք :

Եկն 'ի վերայ մեր հեծու թիւն, և
խրատեցաք, իսկ արդ ո՞ն զխտասցէ
զզօրութիւն բարկութեան քո, և
կամ յահէ քուամէ զսրտամտու
թիւն քո համարեցի :

Այսպէս ցոյց ինձ զաջ քո, և որ
խոնարհ են սրտիւք, զիմաստու
թիւնս քո :

Գարձ տէր՝ մինչեւ յերբ . միսի

Թարեաց 'ի ծառայս քո :

Լցաք առաւօտու ողորմութեամբ
քով . ցնծացաք և ուրախ եղաք զա-
մենայն աւուրս կենաց մերոց :

Ուրախ եղաք փոխանակ աւուրցն՝
յորս խոնարհ արարեր զմեզ , և
ամացն՝ յորս տեսաք զչարչարանս :

Հայեա տէր 'ի ծառայս քո և 'ի
զործս ձեռաց քոց , և առաջնորդ
դեա որդւոց նոցա . եղիցի լոյս
տեառն աստուծոյ 'ի վերայ մեր :

Զզործս ձեռաց մերոց ուղիւ արա
'ի մեզ տէր . և զզործս ձեռաց մե-
րոց յաջողեա մեզ :

Տունք ժղ :

ՄԱՂՄՈՍ Գ .

Օրհնու թիւն գայու թեան գաւթի :

Ո բնակեալն է յօգնութիւն բարձ-
րելոյն , ընդ հովանեաւ աստուծոյ
յերկինս հանգիցէ :

Ասասցէ տեառն՝ ընդ ունող իմ ես,
ապաւէն իմ աստուած, և ես
յուսամ 'ի նա :

Նա փրկեացէ զիս յորոգայթէ որ
սողին, և 'ի բանիցն 'ի խռովութենէ :
Ի թիկնամէջս իւր ընկալցի զքեզ
'ի հովանի թեւոց նորա յուսասցիս :
Որպէս զէն շուրջ եղիցի զքեւ
ճշմարտութիւն նորա :

Ոչ երկիցես դու յերկիւղէ գիշե
րի, և ոչ 'ի նետէ՝ որ թռչի 'ի տուէ :
Յիրէ որ շրջի 'ի խաւարի, 'ի գայ
թակղութենէ գիւին 'ի հասարակ
աւուր :

Անկցին 'ի կողմանէ քումմէ հա
ղարք, և բիւրք ընդ աջմէ քումմէ,
և առ քեզ ինչ ոչ մերձեացին :
Բայց միայն աչօք քովք հայեացիս
դու, և զհաստուցումն մեղաւորաց
տեսցես, զի դու տէր յոյս իմ ես :
Զբարձրեալն արարեր քեզ ապաւէն.
զի ոչ հասցեն առ քեզ չարք, և
տանջանք մի՛ մերձեացին 'ի յարկս քո :

Հրեշտակաց իւրոց պատուիրեալ է
վասն քո, 'ի պահել զքեզ յամե-

նայն ճանապարհս քո:

Ի բազուկս իւրեանց ընկալցին ըզ
քեզ, զի մի երբէք հարցես զքարի
զոտն քո:

Ի վերայ իժից և քարբից գնասցես
դու, և առ ոտն կոխեսցես զառ-
իւծն և զվիշապն:

Քանզի յիս յուսացաւ, և փրկե-
ցից զնա. հովանի եղէց նմա, զի
ճանեաւ զանուէն իմ:

Կարդասցէ առ իս, և ես լուայց նմա.
և առ նմա եղէց 'ի նեղութեան:

Փրկեցից և փառաւոր արարից զնա.
Երկայն աւուրք լցուցից, և ցու-
ցից նմա զփրկութիւն իմ:

Տունք ժղ:

ՍԱՂՄՈՍ ԴԱ.

Սացմոս օրհնութեան աւուր շարաթուց 'ի դաւիթ:

Բարի է խոստովան լինիլ տեառն, և
սաղմոս ասել անուան քում բարձ-
րեալ:

Պատմել առաւօտու զողորմու
Թիւնս քո, և զճճմարտու Թիւնս
քո 'ի գիշերի:

Տանադեաւ սաղմոսարանաւ, 'ի
ձայն օրհնութեան գովել:

Ուրախ արարեր զիս տէր յարարա-
ծրս քո, և 'ի գործս ձեռաց քոց
ցնծացայց:

Ո՛րպէս զի մեծ են գործք քո տէր, և
յոյժ խոր են խորհուրդք քո:

Այր անզգամ զայս ոչ ծանիցէ, և
անմիտն զայս ոչ առնու 'ի միտ:

Ի բուսանիլ մեղաւորաց որպէս
խոտ, 'ի ծաղկիլ այնոցիկ՝ ոյք գոր-
ծեն զանօրէնութիւն:

Սատակեսցին յաւիտեանս յաւի-
տենից, և դու բարձրեալ ես յա-
ւիտեանս տէր:

Զի ահա Թշնամիք քո տէր, զի ահա
Թշնամիք քո կորիցեն, ցրուեսցին
ամենեքեան՝ ոյք գործեն զանօրէ-
նութիւն:

Բարձր եղիցի որպէս միեղջերուի

Եղջիւր իմ, և ծերութիւն իմ 'ի
ձէթ պարարտութեան:

Ետես ակն իմ 'ի թշնամիս իմ, ոյք
յարուցեալ են 'ի վերայ իմ չարու
թեամբ, 'ի նոսա լուիցէ ունկն իմ:

Արդարքն որպէս զարմաւենիս ծաղ
կեացին. որպէս զմայրսն լիբանանու
բազումք եղիցին:

Տնկեալք եղիցին 'ի տան տեառն,
և 'ի գաւիթս աստուծոյ մերոյ
ծաղկեացին:

Եւս և բազումք եղիցին 'ի ծերու
թիւն պարարտութեան. գիրգք և
փափուկք եղիցին 'ի պատմել. ու
զիղ է տէր աստուած մեր, և ոչ
գոյ 'ի նմա անիրաւութիւն:

Տունք ժդ: Գորդայս խղ:



ՍԱՂՄՈՍ ԶԲ.

Յու.ու.րն առաջին շարաթու. յոր հաստատեցաւ. երկիր.
օրհնութիւն գոյութեան գաւ. թի:

Տէր թագաւորեաց վայելչութիւն
զգեցաւ, զգեցաւ տէր զօրութիւն
ընդ մէջ իւր էած:

Հաստատեաց զաշխարհ՝ զի մի սա-
 սանեացի. պատրաստ է ակթող քո,
 'ի սկզբանէ յաւ.իտեանս դու ես:
 Ամբարձան գետք տէր, և ամբարձին
 գետք զձայնս իւրեանց և յարիցեն
 գետք 'ի գնացս իւրեանց:

Ի ձայնէ ջուրց բազմաց, սքանչելի
 և զեն զբօսանք ծովու:

Սքանչելի ես դու տէր 'ի բարձունս.
 վկայութեանց քոց մեք յոյժ հա-
 ւատացաք:

Տան քում վայելէ սրբութիւն տէր
 ընդ երկայն աւուրս:
 Տունք զ:

ՍԱՂԾՈՍ ԶԳ.

Սացմոս դ.աւ.թի. չորեքշաբաթու.:

Աստուած վրէժխնդիր, տէր աստ-
 ուած վրէժխնդիր յայտնեցար:

Բարձր լեր որ դատես զերկիր. հա-
 տո զհասուցումն ամբարտաւանից:

Մինչեւ յե՞րբ մեղաւորք տէր, մին-
 չեւ յե՞րբ մեղաւորք պարծեսցին:
 Բարբառեալ խօսէին զանիրաւու-

Թիւն . խօսեացին ամենեքեան՝ ոյք
զործեն զանօրէնու թիւն :

Զժողովուրդս քո տէր խոնարհ ա-
րարին , և զժառանգու թիւն քո
չարչարեցին :

Զայրին և զպանդուխտն սպանին ,
զորքսն կոտորեցին և աացին , ոչ
տեսանէ զայս տէր , և ոչ 'ի միտ
առնու աատուած յակոբայ :

Իմացարուք անզգամք ժողովրդոց ,
և անմիտք՝ մինչեւ յերբ առնուք
'ի միտ :

Որպէս զի թէ որ տնկեաց զունկն՝
ինքն ոչ լուիցէ , կամ որ ստեղծ
զակն՝ ինքն ոչ տեսանիցէ :

Որ խրատէ զազինս , որպէս թէ ոչ
յանդիմանեացէ . որ ուսուցանէ
մարդոյ զգիտու թիւն . տէր ճանա-
չէ զխորհուրդս մարդկան , զի են
ընդունայնք :

Երանի մարդոյ՝ զոր խրատես դու
տէր , և յօրինաց քոց ուսուցանես
դու նմա :

Ցածուցանես դու նմա զաւուրս
չարութեան, մինչեւ փորեացի խոր,
խորատ մեղաւորի :

Ոչ մերժէ տէր զժողովուրդ իւր,
և զժառանգութիւն իւր ոչ առնէ
անտես :

Մինչեւ դարձցին իրաւունք յար-
դարութիւն. ընկալցին զնա ամե-
նեքեան ոյք ուղիղ են սրտիւք :

Ո՛վ յարիցէ ընդիս 'ի վերայ չարաց .
կամ ո՛վ հաւասարեացի ինձ 'ի վե-
րայ այնոցիկ՝ ոյք գործեն զանօրէ-
նութիւն :

Եթէ ոչ տեսան օգնեալ էր ինձ,
փոքր մի ևս բնակեալ էր անձն իմ
'ի դժոխս :

Թէ ասէի՝ թէ ահա սասանեցան
ոտք իմ, ողորմութիւն քո տէր օգ-
նէր ինձ :

Ըստ բազում ցաւոց սրտի իմոյ՝
մխիթարութիւն քո ուրախ առնէր
զանձն իմ :

Մի՛ հաւասարեացի քեզ ակտու ա.

նօրէնու թեան, ո պատճառէ ըզ
վաստակս ընդդէմ հրամանի :
Որացին զանձն արդարոյ, և զա
րիւն ամբիծ պարտաւոր առնէին :
Եղեւ տէր ապաւէն իմ. աստուած
օգնական յուսոյ իմոյ :
Հաստուսցէ նոցա տէր ըստ անօրէ
նու թեան նոցա. և ըստ չարու
թեան նոցա կործանեացէ զնոսա
տէք աստուած մեր :

Տունք իա :

ՍԱՂՄՈՍ ԶԳ.

Օրհնութիւն գոցութեան դաւթի :

Եկայք ցնծացուք 'ի տէր. աղաղա
կեացուք առ աստուած փրկիչ մեր :
Կանխեացուք առաջի նորա խոստո
վանու թեամբ. և սաղմոսիւք ա
ղաղակեացուք առ նա :

Աստուած մեծ է, տէր թագաւոր
մեծ 'ի վերայ ամենայն երկրի :
Ի ձեռս նորա են ամենայն տիեզերք

Երկրի, և բարձրութիւնք լերանց
նորա են:

Նորա է ծով և նա արար զնա, և
զցամաք ձեռք նորա ստեղծին:

Եկայք երկիրպագցուք նմա. անկ-
ցուք և լացցուք առաջի տեառն ա-
րարչին մերոյ:

Նա ինքն է տէր աստուած մեր.
մեք ժողովուրդք ձեռին նորա, և
խաշն արօտի նորա:

Այսօր եթէ ձայնի նորա լսիցէք,
մի խստացուցանէք զսիրտս ձեր
որպէս ՚ի դառնութեան:

Յաւուրն փորձութեան յանապա-
տին՝ ուր փորձեցին զիս հարքն ձեր,
քննեցին զիս և տեսին զգործս իմ
զքառասուն ամ:

Ջանացի ընդ ազգին ընդ այնմիկ և
ասացի՝ միշտ մոլորեալ են սրտիւք.

և նոքա ոչ ծանեան զճանապարհս իմ:

Որպէս երդուայ ՚ի բարկութեան ի-
մում թէ մտցեն ՚ի հանգիստ իմ:

Տունք ժա: Գորդայս լը:

ՍԱՂՄՈՍ ԴԵ .

Սացմոս դ.աւ.թի . 'ի ժամանակի ջի տաճարն շինեցու . :

Օրհնեցէք զտէր յօրհնութիւն
նոր , օրհնեցէք զտէր ամենայն եր-
կիր :

Օրհնեցէք զտէր և օրհնեցէք զա-
նուն նորա , աւետարանեցէք օր-
լաստ օրէ զփրկութիւն նորա :

Պատմեցէք 'ի հեթանոսս զփառս
նորա , յամենայն ժողովուրդս զըս-
քանչեւիս նորա :

Մեծ է տէր և օրհնեալ է յոյժ ,
ահարկու է նա 'ի վերայ ամենայն
կռոց :

Խոստովանութիւն և վայելչութիւն
է առաջի նորա , սրբութիւն և
մեծվայելչութիւն 'ի սրբութեան
նորա :

Մատուցէք տեառն տոհմք ազանց ,
մատուցէք տեառն զփառս և զպա-
տիւ , մատուցէք տեառն զփառս
անուան նորա :

Առէք պատարագս և մտէք 'ի սրահս
նորա, երկիրպագէք տեառն 'ի դա-
ւիթս սրբու թեան նորա, և խոռ-
վեացի յերեսաց նորա ամենայն եր-
կիր:

Ասացէք 'ի հեթանոսս՝ թէ տէր թա-
գաւորեաց, հաստատեաց զաշ-
խարհ զի մի՛ սասանեացի, և դատե-
զժողովուրդս իւր ուղղութեամբ:
Ուրախ եղիցին երկինք՝ և ցնծացէ
երկիր. զուարճացի ծով լիւ իւ-
րով. ցնծացեն դաշտք, և ամենայն
որ է 'ի նոսա:

Յայնժամ ցնծացեն ամենայն ծառք
անտառի յերեսաց տեառն՝ զի գայ,
և գայ նա 'ի դատել զերկիր:

Գատէ զտիեզերս իրաւամբք, և
զժողովուրդս ամենայն ճշմարտու-
թեամբ իւրով:

Տունք ժբ:

ՍԱՂՄՈՍ ԶԶ.

Սացմոս դաւ. թի. 'ի ժամանակի ջի երկիրն հաստատեցաւ:

Տէր թագաւորեաց՝ ցնծացէ եր-

կիր, ուրախ եղիցին կողքիք բազումք:
Ամպ և մեզ շուրջ են զնովաւ, յի-
րաւունս և յարդարութիւն ուղ-
ղեալ է ամբողջ նորա:

Հուր առաջի նորա գնասցէ, և այ-
րեսցէ շուրջ զթշնամիս նորա:

Երեւեցան փայլատակունք նորա
տիեզերաց, ետես և սասանեցաւ
Երկիր:

Լերինք որպէս մոմ հալեացին յերե-
սաց տեսուն, յերեսաց տեսուն ա-
մենայն Երկիր:

Պատմեացեն Երկինք զարդարու-
թիւն նորա, և տեսցեն ամենայն
ժողովուրդք զփառս նորա:

Ամաչեացեն ամենեքեան ոյք պար-
ծին ՚ի դրօշեալս իւրեանց:

Երկիրպագցեն նմա ամենայն հրեշ-
տակք նորա, զի լուաւ և ուրախ
եղեւ սիօն, և ցնծացցեն դատե-
լըք յուղայ վասն իրաւանց քոց
տէր:

Զի դու բարձրեալ ես ՚ի վերայ ա-

մենայն երկրի, յոյժ բարձրացար
'ի վերայ ամենայն կռոց :

Ոյք սիրէք զտէր, ատեցէք զչարու-
թիւն. պահէ տէր զանձինս սրբոց
իւրոց, 'ի ձեռաց մեղաւորի փրկես-
ցէ զնոսա :

Լոյս ծագեաց արդարոց, ուղղոց
սրտից եղեւ ուրախութիւն :

Ուրախ եղերուք արդարք 'ի տէր,
և խոստովան եղերուք յիշատակի
սրբութեան նորա :

Տունք ժբ :

ՍԱՂՄՈՍ ԶԷ.

Սոցմոս դ.ա. թի օրհնութեան :

Օրհնեցէք զտէր յօրհնութիւն նոր,
զի սքանչելիս արար :

Փրկեաց զնա աջ իւր, և բազուկ
սուրբ իւր :

Եցոյց տէր զփրկութիւն իւր, և
ուաջի ազգաց յայտնեաց զարդա-
րութիւն իւր :

Յիշեաց ողորմութեամբ իւրով ըզ
յակոբ, ճշմարտութեամբ իւրով ըզ

տուռնն իսրայելի, և տեսին ամե-
նայն ծագք երկրի զփրկութիւն
աստուծոյ մերոյ :

Աղաղակեցէք առ տէր ամենայն եր-
կիր, օրհնեցէք ցնծացէք և սաղ-
մոս ասացէք :

Սաղմոս ասացէք աստուծոյ մերոյ
օրհնութեամբ, օրհնութեամբ և
'ի ձայն սաղմոսաց :

Ի ձայն օրհնութեան կուածոյ փո-
ղոյ, օրհնութեամբ ցնծութեամբ
և 'ի ձայն եղջեր փողոյ, աղաղակե-
ցէք առաջի թագաւորին տեառն :
Խռովեսցի ծով լրիւ իւրով, տիե-
զերք և ամենայն բնակիչք նորա,
և գետք ծափս հարցեն 'ի միասին
ձեռամբ :

Լերինք ցնծասցեն առաջի տեառն,
զի գայ զի հասեալ է տէր 'ի դա-
տել զերկիր :

Գատէ զաշխարհս արդարութեամբ,
և զժողովուրդս իւր ուղղութեամբ :

Տունք ժ : Գորդայս լի :

ՍԱՂՄՈՍ ԶԸ.

Սացմոս դաւթի :

Տէր թագաւորեաց , բարկացան ժողովուրդք , որ նստիս 'ի քրովբէս ,
սասանեցաւ երկիր :

Տէր 'ի սիօն մեծ է և բարձր է 'ի վերայ ամենայն ժողովրդոց :

Խոստովան եղիցուք անուան քում մեծի , զի ահաւոր և սուրբ է , և պատիւ թագաւորի զիրաւունս սիրէ :

Դու պատրաստեցեր զուղղու թիւն , զիրաւունս և զարդարու թիւն յակոբայ դու արարեր :

Բարձր արարէք զտէր աստուած մեր . երկիրպագէք պատուանդանի ոտից նորա զի սուրբ է :

Մովսէս և ահարօն երիցունք նորա . սամուէլ ընդ այնոսիկ , ոյք կարգան զանուն նորա :

Կարդային առ տէր և նա լսէր նոցա ,

և 'ի սիւն ամպոյ խօսէր ընդ նոսա :
Պահէին զվկայու թիւն նորա և զհը-
րամանս զոր ետ նոցա :

Տէր աստուած մեր՝ դու լսէիր
նոցա , աստուած՝ դու քաւիչ լե-
նէիր նոցա , և վրէժխնդիր 'ի վերայ
ամենայն գործոց նոցա :

Բարձր արարէք զտէր աստուած
մեր . երկիրպագէք 'ի լեառն սուրբ
նորա , զի սուրբ է տէր աստուած
մեր :

Տունք ժ :

ՍԱՂՄՈՍ ԶԹ .

Սաղմոս խոստովանութեան գաւթի :

Աղաղակեցէք առ տէր ամենայն եր-
կիր , ծառայեցէք տեառն ուրա-
խու թեամբ :

Մտէք առաջի նորա ցնծու թեամբ ,
ծաներուք զի նա է տէր աստուած
մեր :

Նա արար զմեզ , և ոչ մէք էաք . մէք

Ժողովուրդք և խաչն արօտինորա :
Մտէք ընդ դրունս նորա խոստո
վանու թեամբ , և օրհնու թեամբ

’ի յարկս նորա :

Խոստովան եղերուք տեառն , և
օրհնեցէք զանուն նորա :

Քաղցր է տէր , յաւիտեան է ողոր
մու թիւն նորա . ազգէ մինչեւ յազգ
է ճշմարտութիւն նորա :

Տունք զ :

ՍԱՂՄՈՍ Ժ .

Սոցմոս դաւ. թի :

Յողորմութիւն և յիրաւունս օրհ
նեցից զքեզ տէր . սաղմոս ասացից
և ’ի միտ առից :

Ճանապարհ ամբիծ մինչեւ եկեսցէ
առիս . զի գնայի ես յամբժու
թեան սրտի իմոյ ’ի մէջ տան իմոյ :
Ոչ եղի առաջի աչաց իմոց զիդս
անիրաւութեան , ոյք առնէին զա
նօրէնութիւն , ատեցի :

Ոչ մերձեցաւ առիս որ թիւրն էր
սրտիւ . խոտորեալ յինէն անզգա
մին , և ես ինչ ոչ փոյթ առնէի :

Որ խօսէր գաղտ զընկերէ իւրմէ ,
զնա բացէ 'ի բաց հալածէի :

Որ ամբարտաւան էր աչօք և ա
գահ սրտիւ , ընդ նմա և հաց ոչ
ուտէի :


Աչք իմ 'ի հաւատացեալս երկրի ,
զի նստցին նոքա ընդ իս :

Որ գնայր 'ի ճանապարհ ամբիծ ,
նա պաշտէր զիս :

Ոչ բնակէր 'ի մէջ տան իմոյ՝ որ
առնէր զամբարտաւանութիւն , որ
խօսէր զանիրաւութիւն , չէր յա
ջողեալ նմա առաջի աչաց իմոց :

Ընդ առաւօտս սպանանէի զամե
նայն մեղաւորս երկրի . զի սատա
կեցից 'ի քաղաքի տեառն զամենե
սեան՝ ոյք գործեն զանօրէնութիւն :

Տունք ժ : Գորդայս իզ :



ՍԱՂՄՈՍ ՃԱ.

Ացօթք ուրիւ • իբրեւ ձանձրացի՝ առաջի տեսան սիռեցի
ջինգրուածս իւր :

* Տէր՝ լուր աղօթից իմոց, աղաղակ
իմ առ քեզ եկեացէ, և մի դար
ձուցաներ զերեսս քո յինէն :

Յաւուր նեղութեան իմոց խոնար
հեցո առ իս զունկն քո. յորում
աւուր կարդամ առ քեզ, վաղվա
ղակի լուր ինձ :

Սպառեցան որպէս ծուխ աւուրք
իմ, և ոսկերք իմ որպէս խռիւ
չորացան :

Հարայ ես որպէս խոտ՝ և ցամա
քեցաւ սիրտ իմ. մոռացայ ուտել
զհաց իմ՝ ի ձայնէ հեծութեան իմոյ :
Կցեցաւ ոսկր իմ ՝ ի մարմին իմ.
Նմանեցայ ես հաւաղասան անա
պատի :

Եղէ ես որպէս բու յաւերակի,
տքնեցայ և եղէ ես որպէս ճրնձ
զուկ միայն ՝ ի տանիս :

Նախատեցին զիս թշնամիք իմ զօր-
հանապազ, և գովիչք իմ ինեւ
երգնուին :

Չմոխիր որպէս զհաց կերի, և զըմ-
պելին իմ արտասուօք խառնեցի :
Յերեսաց բարկու թեան սրամտու-
թեան քո, զի դու բարձրացուցեր
և խոնարհեցուցեր զիս :

Աւուրք իմ որպէս հովանի անցին,
և ես որպէս խոտ ցամաքեցայ :

Դու տէր յաւիտեան կաս, և յի-
շատակ քո ազգէ մինչեւ յազգ :

Դու յարուցեալ զթասցիս 'ի վերայ
սիօնի, ժամանակ զթալոյ նորա
հասեալ է ժամ :

Հաճեցան ծառայք քո ընդ քարինս
նորա, և 'ի հողս նորա զթասցին :

Երկիցեն հեթանոսք յանուանէ
քումմէ, և ամենայն թաղաւորք
երկրի 'ի փառաց քոց :

Շինէ տէր զսիօն, և երեւեսցի
փառօք 'ի նմա :

Հայեցաւ նա յաղօթս խոնարհաց,

և ոչ արհամարհեաց զխնդրուածս
նոցա :

Գրեացի այս յազգ յայլ, ժողովուրդ զոր ստացեալ է, օրհնեացէ
զսէր :

Հայեցաւ նա ՚ի բարձանց ՚ի սրբութեանէ իւրմէ, տէր յերկնից յերկիր հայեցաւ :

Լսել զհեծութիւն կապելոց, և արձակել զորդիս մահապարտաց : Պատմել ՚ի սիօն զանուն տեառն, և զօրհնութիւնս նորա յերուսաղէմ :

Ժողովիլ ժողովրդոց ՚ի միասին, և թագաւորաց ծառայել տեառն :

Պատասխանի ետ նմա ՚ի ճանապարհի զօրութեան իւրոյ. զնուազուցութիւն աւուրց իմոց ասա ինձ, և մի հաներ զիս ՚ի կէս աւուրց իմոց. զի ազգէ յազգ են ամբ քո : Ի սկզբանէ տէր զհիմունս երկրի հաստատեցեր, և գործք ձեռաց քոց երկինք են :

Նորա անցանեն, և դու կաս և
մնաս յաւիտեան:

Ամենեքեան որպէս զճորձս մաշես,
ցին, և որպէս զվերարկուս փո-
խեսցես զնոսա, և փոխեսցին:

Բայց դու նոյն ինքն ես, և ամբ
ոչ անցանեն. որդիք ծառայից քոյ
բնակեսցին 'ի նմա, և զաւակի նո-
ցա յաւիտեան յաջողեսցի:

Տունք իդ:

ՍԱՂՄՈՍ ՃԲ.

Սացմոս դաւթի:

Օրհնեա անձն իմ զտէր, և ամե-
նայն ոսկերք իմ զանուէն սուրբ նորա:

Օրհնեա անձն իմ զտէր, և մի՛ մո-
ռանար զամենայն սուրս նորա:

Ո քաւէ զմեղս քո, բժշկէ զամե-
նայն հիւանդու թիւնս քո:

Ո փրկէ յապականու թենէ զկեանս
քո պսակէ զքեզ ողորմու թեամբ
և զթու թեամբ:

Ո լնու 'ի բարութենէ զցանկու
թիւն քո, նորոգեսցի որպէս արծ-
ուոյ մանկութիւն քո:

Առնէ ողորմութիւնս տէր, և իրա-
ւունս ամենայն զրկելոց:

Եցոյց տէր զճանապարհս իւր մովսէ-
սի, և որդւոցն իսրայէլի զկամս
իւր:

Գթած ողորմած է տէր, երկայնա-
միտ և բազումողորմ:

Ոչ իսպառ բարկանայ մեզ տէր, և
ոչ յաւիտեան պահէ ռիս:

Ոչ ըստ մեղաց մերոց արար մեզ
տէր, և ոչ ըստ անօրէնութեան
մերում հատոյց մեզ:

Այլ որպէս բարձր են երկինք
յերկրէ, այնպէս զօրացոյց տէր
զողորմութիւն իւր 'ի վերայ եր-
կիւղածաց իւրոց:

Որչափ հեռի են արեւելք յարեւ-
մրտից, այնչափ հեռի արար 'ի մէնջ
զանօրէնութիւնս մեր:

Որպէս զթայ հայր 'ի վերայ որդ-

Լոց իւրոց, այնպէս գթացի տէր
յերկիւղածս իւր :

Ձի նա գիտաց զատեղծուածս մեր,
և յիշեաց թէ հող եմք :

Մարդոց որպէս խոտոց են աւուրք
իւր. որպէս ծաղիկ վայրի այնպէս
ծաղկի :

Շնչէ 'ի նմա հողմ, և ոչ է՝ և ոչ
եւս երեւի տեղի նորա :

Բայց ողորմութիւն տեսուն մնայ
յաւիտեանս յաւիտենից 'ի վերայ
երկիւղածաց իւրոց, և արդարու
թիւն նորա յորդւոց մինչեւ յոր
գիս :

Ոյք պահեն զուխտս նորա, յիշեն
զպատուիրանս նորա և առնեն զնա :

Տէր յերկինս պատրաստեաց զա
թոռ իւր, արքայութիւն նորա ա
մենեցուն տիրէ :

Օրհնեցէք զտէրամենայն հրեշտակք
նորա՝ հզօրք զօրութեամբ ոյք առ
նէք զքան նորա 'ի լսել ձայնի պատ
գամաց նորա :

Օրհնեցէք զտէր ամենայն զօրու-
թիւնք նորա, պաշտօնեայք և ա-
րարողք կամաց նորա :

Օրհնեցէք զտէր ամենայն գործք
նորա, զի ընդ ամենայն տեղիս է
տէրութիւն նորա. օրհնեա անձն
իմ զտէր :

Տունք իբ : Գորդայս խը :



ՍԱՂՄՈՍ ԺԴ.

Ստցմա դաւթի . 'ի վերայ աշխարհագործ արարածոց :

Օրհնեա անձն իմ զտէր, տէր աստ-
ուած իմ մեծ եղեր յոյժ :

Խոստովանութիւն և մեծվայել
չութիւն զգեցար, արկեալ զլոյս
որպէս զօթոց, ձգեցեր զերկինս
որպէս զխորան, և արկեր 'ի վերայ
ջուրց զվերնայարկս նորա :

Ո գնէ յամպս զգնացս իւր, և շըր-
ջի նա 'ի վերայ թեւոց հողմոց :

Ո արար զհրեշտակս իւր հոգիս, և

զպաշտօնեայս իւր 'ի հուր կիզելոյ :
Հաստատեաց զերկիր 'ի վերայ հաս-
տատութեան իւրոյ, զի մի սա-
սանեսցի յաւիտեան :

Խորք որպէս զգեստ վերարկու է
նորա . 'ի վերայ լերանց կացցեն
ջուրք :

Ի սաստէ քուձմէ փախիցեն, և 'ի
ձայնէ որոտալոյ քուձմէ սարսիցեն :
Ելանեն լեռնանան՝ և իջանեն դաշ-
տանան, 'ի տեղի յոր հաստատե-
ցեր զնոսա :

Սահման եղեր՝ և ոչ անցանեն, և
ոչ եւս դառնան 'ի ծածկել զերկիր :
Առաքեցեր զաղբիւրս ընդ ծործորս .
'ի միջոյ լերանց գնասցեն ջուրք :

Արբուցանել զամենայն գազանս
վայրի . յազեսցին ցիւք 'ի ծարաւս
իւրեանց :

Անդ թռչունք երկնից բոյնս դի-
ցեն . և 'ի միջոյ վիճաց տացեն ըզ-
ձայնս իւրեանց :

Արբուցանէ զլերինս 'ի շտեմարա-

Նաց իւրոց . 'ի պտղոց գործոց իւրոց լցցի երկիր :

Բուսուցեր զխոտ 'ի լերինս , զդաւարի 'ի ծառայութիւն մարդկան :
Հաներ զհաց յերկրէ . գինի ուրախ առնէ՝ իւղ զուարթ , և հաց հաստատէ զսիրտ մարդոց :

Յագեացին ծառքն անտառի , և մայրքն լիբանանու՝ զորս դու տրնկեցեր :

Անդ թռչունք երկնից ձագս հանցեն , և բոյն արագլի ապաւէն է նոցա :

Լերինք բարձունք են եղջերուաց , և վէճք ապաւէնք նապաստակաց :

Արարեր զլուսին վասն ժամանակի . արեգակն ծանեալ զժամ մտանելոյ իւրոյ :

Արարեր զխաւար՝ և եղեւ գիշեր . 'ի նմա գնան ամենայն գազանք անտառի :

Կորիւնք առ իւծուց մռնչեն և յա-

փրշտակեն, և խնդրեն յաստու-

ծոյ զկերակուրս իւրեանց :

Ի ծագել արեւու ժողովին, և 'ի

մօրիս իւրեանց դադարին :

Ելանէ մարդ 'ի գործս իւր, և 'ի

վաստակս ձեռաց իւրոց մինչեւ

յերեկոյ :

Ո՛րպէս զի մեծ են գործք քո տէր .

զամենայն ինչ իմաստու թեամբ ա-

րարեր . և լցաւ երկիր ստեղծուա-

ծովք քովք :

Այս ծով մեծ և անդորր . 'ի ամա

են սողունք՝ որոց ոչ գոյ թիւ ,

գազանք մեծամեծք և մանուկք , 'ի

ամա և նաւք գնան . վիշապն զոր

ստեղծեր խաղալ նովաւ :

Ամենեքեան քեզ սպասեն, և դու

տաս զկերակուր նոցա 'ի ժամու :

Տաս դու նոցա՝ և կերակրին, բա-

նաս զձեռն քո, և կերակրես զա-

մենեսեան կամօք քովք :

Դարձուցանես զերեսս քո 'ի նոցա-

նէ՝ և խռովին, հանես զոգի 'ի նո-

ցանկէ , պակասին և 'ի հող դառնան :
Առաքես զողի քո և ստանաա զնո-
սա , և նորոգես զերեսս երկրի :
Եղիցին փառք տեառն յաւիտեան .
և տէր ուրախ եղիցի յարարածս
իւր :

Ո հայի յերկիր , և տայ դողալ սմա .
մերձեսցի 'ի լերինս , և ծխեսցին :
Օրհնեսցից զտէր 'ի կեանս իմ . սաղ-
մոս ասացից աստուծոյ իմոյ մին-
չեւ եմ ես :

Քաղցր եղիցի նմա օրհնութիւն
իմ . և ես ուրախ եղէց 'ի տէր :
Պակասեսցին մեղաւորք յերկրէ ,
և ամբարիշտք մի՛ եւս գտցին 'ի
նմա . օրհնեսա անձն իմ զտէր :

Տունք լի :

ՍԱՂՄՈՍ ԺԴ .

Աշիշու իս :

Խոստովան եղերուք տեառն և
կարդացէք զանունն նորա , և պատ-

մեցէք ՚ի հեթանոսս զգործս նորա :
Օրհնեցէք և սաղմոս ասացէք նմա .
պատմեցէք զամենայն սքանչելիս
նորա . և գովեցարուք յանուն սուրբ
նորա :

Ուրախ եղիցին սիրտք այնոցիկ՝ ոյք
խնդրեն զտէր . խնդրեցէք զտէր՝
և հզօրք եղերուք . և խնդրեցէք
զերեսս նորա յամենայն ժամ :

Յիշեցէք զսքանչելիս նորա զորս աւ
րար . զարուեստս և զիրաւունս բե
րանոյ նորա :

Զաւակք արահամեան ծառայք
նորա , որդիք յակօբայ ընտրեալք
նորա :

Նա ինքն է տէր աստուած մեր .
յամենայն երկրի են իրաւունք
նորա :

Յիշեաց յաւիտենից զուխտ իւր ,
և զբանն՝ զոր պատուիրեաց մինչ
ի հազար ամ :

Զուխտն զոր եղ ընդ արահամու .
և զերդումն իւր ընդ սահակայ :

Հաստատեաց առ յակոբ զհրաման
իւր, և առ իսրայէլ զուխտ իւր
յաւիտենից :

Ասէ, ձեզ տաց զերկիրն քանանու,
զվիճակ ժառանգութեան ձերոյ :

Զի էին նորա թուով սակաւք նը
ւազք և պանդուխտք 'ի նմա :

Անկցին նորա ազգէ յազգ, 'ի թա
գաւորութենէ 'ի ժողովուրդ յայլ :

Ոչ եթող մարդկան մեղանչել նո
ցա, և կշտամբեաց զթագաւորս
վասն նոցա :

Մի՛ մերձենայք ասէ՛ յօժեալս իմ,
և 'ի մարգարէս իմ մի՛ մեղանչէք :

Կոչեաց սով յերկիր նոցա, և զա
մենայն զօրութիւն հացի եբեկ :

Առաքեաց առաջի նոցա այր, 'ի ծա
ռայութիւն վաճառեցաւ յովսէփ :

Թոնարհ արարին 'ի կապանս զոտս
նորա, և էանց ընդ երկաթ անձն
նորա :

Մինչեւ եկեսցէ բան նորա, և բան
տեառն փորձեաց զնա :

Առաքեաց թագաւորն և ելոյժ ըզ
նա . իշխան ժողովրդեան եթող
զնա :

Կացոյց զնա տէր տան իւրոյ . իշ
խան 'ի վերայ ամենայն ստացուա
ծոց իւրոց :

Խրատել զիշխանս նոցա որպէս զին
քրն . և զծերս նոցա իմաստունս
արասցէ :

Եմուտ իսրայէլ յեգիպտոս . և յա
կոբ պանդխտեցաւ յերկիր քամայ :
Աճեցոյց զժողովուրդ իւր յոյժ , և
զօրացոյց զնոսա քան զթշնամիս իւր :
Բարձոյց զսիրտս նոցա ատել զժո
ղովուրդ իւր , և 'ի նենգել զճա
ռայս իւր :

Առաքեաց զմովսէս ծառայ իւր , և
զահարօն ընտրեալ իւր :

Ետ նոցա զքան նշանաց իւրոց , և
զարուեստս իւր յերկիր քամայ :

Առաքեաց զխաւար և խաւարե
ցոյց զնոսա , զի դառնացուցին ըզ
քան նորա :

Գարձոյց յարիւն զգետս նոցա, և
սպան զամենայն ձկունս նոցա:

Եռաց յերկիր նոցա գորտ, և ՚ի
չտեմարանս թագաւորաց նոցա:

Ասաց՝ և եկն շանաճանձ և մթեխ
ընդ ամենայն սահմանս նոցա:

Գարձոյց զանձրեւս նոցա ՚ի կար-
կուտ. և հուր յերկիր նոցա բոր-
բորեցաւ:

Եհար զայգիս և զթղենիս նոցա,
և փշրեաց զամենայն ծառս սահ-
մանաց նոցա:

Ասաց՝ և եկն մարախ, և խառնիճ՝
զի ոչ գոյր նոցա թիւ:

Եկեր զամենայն խոտ երկրի նոցա.
և սպառեաց զամենայն պտուղ
անդոյ նոցա:

Եհար զամենայն անդրանիկս եզիպ-
տացւոյ, զսկիզբն ամենայն վաս-
տակոց նոցա:

Եհան զնոսա ոսկւով և արծա-
թով. և ոչ գոյր յազգի նոցա
հիւանդ:

Ուրախ եղեւ եգիպտոս ընդ երա-
նել նոցա . զի անկաւ ահ տեառն
'ի վերայ նոցա :

Սփռեաց ամայ՝ հովանի առնել նո-
ցա 'ի տուէ , և հրով լոյս տայր
նոցա 'ի գիշերի :

Խնդրեցին՝ և եկն լորամարդի . և
հացիւ երկնից լցոյց զնոսա :

Եհար զվէմն՝ և բղխեցին ջուրք ,
և գնացին ջուրք ընդ անջրդիս :

Յիշեաց զբան իւր տուրք , որ ընդ
աբրահամու ծառայի իւրոյ :

Եհան զժողովուրդ իւր ցնծու-
թեամբ , և զընտրեալս իւր ուրա-
խութեամբ :

Ետ նոցա զգաւառս հեթանոսաց .
'ի վաստակս ժողովրդոց ժառանգե-
ցոյց զնոսա :

Զի պահեսցեն զվկայութիւնս նո-
րա , և զօրէնս նորա խնդրեսցեն :

Տունք խղ : Գորղայս հր :



ՄԱՂՄՈՍ ՃԵ՛

Ահիշուիա :

Խոստովան եղերուք տեառն՝ զի
քաղցր է . զի յաւիտեան է ողոր-
մութիւն նորա :

Ո՞խօսեսցի զզօրութիւնս տեառն .
լսելի արասցէ զամենայն օրհնու-
թիւնս նորա :

Երանի ոյք պահեն զիրաւունս , և
առնեն զարդարութիւն յամենայն
ժամ :

Յիշեա զմեզ տէր ընդ հաճոյս ժո-
ղովրդեան քոյ . և այց արա մեզ 'ի
փրկութեան քում :

Տեսցուք մեք զքաղցրութիւն ընտ-
րելոց քոց . ուրախ եղիցուք մեք
յուրախութիւն ազգի քոյ . և գո-
վեսցուք մեք 'ի ժառանգութեան
քում :

Մեղաք մեք ընդ հարսն մեր , անօ-
րինեցաք և յանցեաք :

Հարբն մեր յեզիպտոս ոչ իմացան

զսքանչելիս քո, և ոչ յիշեցին ըզ
բազում ողորմութիւնս քո:

Բարկացուցին զքեզ յանցանելն
իւրեանց ընդ ծով կարմիր. փրկեաց
զնոսա վասն անուան իւրոյ,
Զի ծանիցեն զզօրութիւնս նորա:
Սաստեաց 'ի ծով կարմիր՝ և ցամաքեցաւ,
առաջնորդեաց նոցա ընդ
անդունդս որպէս ընդ անապատս:
Կեցոյց զնոսա 'ի ձեռաց ատելեաց
նոցա, և փրկեաց զնոսա 'ի ձեռաց
Թշնամեաց նոցա:

Ծածկեաց ծով զնեղիչս նոցա, և
մի 'ի նոցանէ ոչ ապրեցաւ:

Հաւատացին բանի նորա, և օրհնեցին
զօրհնութիւնս նորա:

Վաղվաղեցին և մոռացան զգործս
նորա, և ոչ անսացին խորհրդոց
նորա:

Ցանկացան զցանկութիւն յանապատի,
և փորձեցին զաստուած
յանջրդի:

Ետ նոցա զխնդրուածս նոցա. աւ

ուաքեաց զլիու թիւն յանձինս նոցա :
Բարկացուցին զմովսէս 'ի բանակի ,
և զահարօն սուրբ տեառն :

Բացաւ երկիր և եկուլ զդադան .
և ծածկեաց զբանական զաբիրօնի :
Հուր վառեցաւ 'ի ժողովս նոցա , և
բոց մաշեաց զմեղաւորս :

Արարին զորթն 'ի քորեք , և երկիր
պագին պատկերի , և փոխեցին ըզ
փառս իւրեանց 'ի նմանու թիւն որ
թու խոտակերի :

Մուացան զաստուած կենարարն
իւրեանց , որ արար զմեծամեծս
իւր յեզիպտոս , և զսքանչելիս իւր
յերկիր քամայ , և զահ իւր 'ի վե
րայ կարմիր ծովուն :

Առաց սատակել զնոսա , եթէ ոչ
մովսէս ընտրեալն կայր առաջի նոցա :
Գարձաւ առ տէր և անցոյց զբար
կու թիւն նորա , զի մի՛ սատակես
ցին նոքա :

Անարգեցին զերկիրն ցանկալի , և
ոչ հաւատացին բանի նորա :

Տրտնջեցին 'ի բանակս իւրեանց , և
ոչ լուան ճայնի տեառն :

Համբարձ զձեռն իւր 'ի վերայ նո-
ցա , հարկանել զնոսա յանապատի :
Ցրուեսցի զաւակ նոցա ընդ հե-
թանոսս , ցրուեսցի զաւակ նոցա
ընդ զաւառս :

Պղծեցան նորա 'ի փելիեգովր , զի
կերին զզոհեալ և զմեռելոտի :

Բարկացուցին զնա 'ի գործս իւր-
եանց , և յաճախեաց 'ի վերայ նո-
ցա բեկումն :

Ապա եկաց 'ի մէջ փենեհէս , քաւ-
եաց և արգելաւ մահ . համարե-
ցաւ նմա յարդարութիւն ազգի
յազգ մինչեւ յաւիտեան :

Բարկացուցին զնա 'ի վերայ ջուրցն
հակառակութեան . չարչարեցաւ
մովսէս վասն նոցա , զի դառնացու-
ցին զհոգի նորա :

Հրամայեաց շրթամբք իւրովք , և
ոչ սատակեցին զազգն՝ զոր ասաց
նոցա տէր :

Խառնակեցան ընդ հեթանոսս , և
ուսան զգործս նոցա . ծառայեցին
կռոց նոցա , և եղև նոցա ՚ի գայ-
թակղու թիւն :

Զոհեցին զուստերս և զդաստերս
իւրեանց դիւաց , և հեղին զա-
րիւն ամբիծ :

Արիւն ուստերաց և դաստերաց
իւրեանց՝ զոր զոհեցին կռոցն քա-
նանու :

Շաղախեցաւ երկիր յարենէ նոցա ,
և պղծեցաւ ՚ի գործոց նորա , զի
պոռնկեցան ՚ի գնացս իւրեանց :
Բարկացաւ սրտմտութեամբ տէր
՚ի վերայ ժողովրդեան իւրոյ , և
գարշեցոյց զժառանգութիւն իւր
յոյժ :

Մատնեաց զնոսա ՚ի ձեռս հեթա-
նոսագ . տիրեցին նոցա ասելիք իւր-
եանց , և թշնամիք իւրեանց նե-
ղեցին զնոսա . և խոնարհ եղեն ՚ի
ներքոյ ձեռաց նոցա :

Բազում անգամ փրկեաց զնոսա ,

և նորա դառնացուցին զնա 'ի խոր-
հուրդս իւրեանց, և կորացան յա-
նօրէնութեան իւրեանց:

Հայեցաւ տէր 'ի նեղութիւնս նո-
ցա, 'ի լսել ձայնի աղօթից նոցա:
Յիշեաց զուխտ իւր, և զղջացաւ
լստ բազում ողորմութեան իւ-
րում. և ետ զնոսա 'ի գթութիւնս
առաջի ամենայն գերչաց նոցա:

Փրկեա զմեզ տէր աստուած մեր.
և ժողովեա զմեզ 'ի հեթանոսաց:
Խոստովան եղիցուք անուան քում
սրբոյ, և պարծեսցուք յօրհնու-
թիւնս քո:


Օրհնեալ տէր աստուած իսրայէլի,
յաւիտեանս յաւիտենից:

Եւ ասացէ ամենայն ժողովուրդն.
Եղիցի եղիցի:

Տունք խգ:

Կանոնս Գորդայս է: Սաղմոս ժէ: Տունք յժդ:





ԱՂՕԹՔ ԵԶԵԿԻԱՅԻ ԱՐՔԱՅԻ ՀՐԷԱՍՏԱՆԻ ,
Ի ԺԱՄԱՆԱԿԻ ՅՈՐՈՒՄ ՀԻՒԱՆԴԱՅԱԻ ,
ԵՒ ՅԱՐԵԱԻ Ի ՀԻՒԱՆԴՈՒԹԵՆԷ ԻԻՐՄԷ :

Եսայեայ ԼԸ :

Ես ասացի 'ի վերանալ յինէն աւ
ւուրց իմոց , թէ գնացի ես 'ի դը
րունս դժոխոց :

Թողի զամենայն յետին իմ , և ա
սացի' թէ այլ ոչ եւս տեսից ըզ
փրկու թիւն տեառն յերկրին կեն
դանեաց , և ոչ եւս տեսից զմարդ
բնակչօք իւրովք հանդերձ :

Պակասեցայ ես յազգատոհմէ իմ
մէ . այսուհետեւ թողի լքի զա
մենայն զկեանս իմ :

Եւ գնաց մեկնեցաւ յինէն հողի
իմ , որպէս զայն՝ որ քակէ զտաղա
ւար , և եղէ ես որպէս զոստայն
սատարաց մերձ 'ի հատանիլ :

Յաւուր յայնմիկ մատնեցայ ես յա
ւաւօտէ որպէս 'ի ձեռս առիւծու .

այնպէս խորտակեաց մանրեաց զոս-
կերս իմ, զի յառաւօտէ մինչ 'ի
գիշեր մատնեցայ :

Որպէս ծիծառն՝ այնպէս ճչեցի,
որպէս զաղաւնի՝ այնպէս մնչեցի,
զի նուաղեցան աչք իմ 'ի տեսա-
նելոյ :

Հայեցայ 'ի բարձունս առ տէր աստ-
ուած իմ՝ որ փրկեաց զիս, և փա-
րատեցոյց յինէն զցաւս անձին
իմոյ :

Տէր, վասն այսորիկ պատմեցաւ
քեզ, զարթուցեր զանձն իմ, դար-
ձուցեր զհոգի իմ. մխիթարեցայ
և կեցի :


Ահա 'ի խաղաղութիւն դարձաւ
դառնութիւն իմ. փրկեցեր զանձն
իմ, զի մի կորեայց. և ընկեցեր
յետոյ զամենայն զմեղս իմ :

Զի ոչ թէ որք 'ի դժոխս են՝ խոս-
տովան առնին առ քեզ, և ոչ մե-
ռեալք օրհնեացեն զքեզ, և ոչ
յուսասացին 'ի ճշմարտութիւնս քո

ամենեքեան , ոյք իջանեն 'ի դժոխս :
 Այլ կենդանիքս օրհնեսցուք զքեզ
 տէր . որպէս և ես այսուհետեւ
 մանկուհս ծնայց , որք պատմեսցեն
 զարդարութիւնս քո՝ տէր փրկու-
 թեան իմոյ :

Ես ոչ եւս գաղարեցայց օրհնել
 զքեզ յօրհնութիւն նոր զամենայն
 աւուրս կենաց իմոց յանդիման
 տաճարիդ աստուծոյ :


Փառք հօր և որդւոյ և :



ՄԱՂԹԱՆՔ

Յոյս կենդանութեան , յոյս և ա-
 պաւեն փրկութեան տէր յիսուս
 փրկիչ , փրկեա և փարատեցո զցաւս
 անձին իմոյ : Մարդասէր տէր , վասն
 սրբուհւոյ անարատի մօր քոյ և
 կուսի , և վասն խաչի քոյ պատուա-
 կանի , ընկալ զաղաչանս մեր , և
 կեցո զմեզ :

զՔարողն և զաղօթս 'ի վերջն Երկն + դարձն կանոնին
 զայցես յ' 96 երեսն :



Եւ 'ի քրոջքիս եւ թաւաւ. ոչ աղաւ. նա
'ի թեւս հոգւոց :



ՍԱՂՄՈՍ ԺԶ.

Աշխուիտ :

Խոստովաք եղերուք տեառն զի քաղ-
ցրբ է, զի յաւիտեան է ողորմու-
թիւն նորա :

Ասասցեն փրկեալք տեառն, զորս
փրկեաց 'ի ձեռաց թշնամւոյն :

Յամենայն գաւառաց ժողովեաց
զնոսա, յարեւելից և յարեւմտից,
'ի հիւսիսոյ և 'ի ծովէ :

Մոլորեցան նոքա յանապատի յան-
ջրոյի ճանապարհի, և քաղաք բը-
նակու թեան ոչ գտին :

Քաղցեան և ծարաւեցան, և ան-
ձինք նոցա 'ի նոսին նուաղեցան :

Աղաղակեցին առ տէր 'ի նեղու-
թեան իւրեանց և 'ի վշտաց նոցա
փրկեաց զնոսա :

Առաջնորդեաց նոցա 'ի ճանապարհ

ուղիղ, զի երթիցեն 'ի քաղաք բը
նակու թեան իւրեանց :

Խոստովան եղիցին տեառն ողորմու
թեանց նորա, և սքանչելեաց նո
րա որդիք մարդկան :

Զի յագեցոյց զանձինս քաղցեալս,
և զանձինս կարօտեալս լի արար
բարու թեամբ :

Ոյք նատէին 'ի խաւարի և 'ի ըստ
ուերս մահու, կապեալ էին յաղ
քատու թեան որպէս յերկաթս :

Զի դառնացուցին զբանն աստու
ծոյ, և զխորհուրդս բարձրելոյն
բարկացուցին :

Խոնարհ եղեն 'ի ցաւոց սիրտք նո
ցա, տկարացան և ոչ ոք էր՝ որ օգ
ներ նոցա :

Աղաղակեցին առ տէր 'ի նեղու
թեան իւրեանց՝ 'ի վշտաց նոցա ե
հան զնոսա :

Փրկեաց զնոսա 'ի խաւարէ եւ 'ի
ստուերաց մահու, և խղեաց ըզ
կապանս նոցա :

Խոստովան եղիցին տեառն ողոր-
մութեանց նորա, և սքանչելեաց
նորա որդիք մարդկան :

Ջի փշրեաց զգրունս պղնձիս, և
զնիգս երկաթիս խորտակեաց :

Օգնեաց նոցա ՚ի ճանապարհի անօ-
րէնութեան իւրեանց՝ զի վասն
մեղաց իւրեանց խոնարհ եղեն յոյժ :
Յամենայն կերակրոց գարշէին սիրտք
նոցա, մերձեցան մինչեւ ՚ի դրունս
մահու :

Աղաղակեցին առ տէր ՚ի նեղու-
թեան իւրեանց, ՚ի վշտաց նոցա
ապրեցոյց զնոսա :

Առաքեաց զբան իւր և բժշկեաց
զնոսա, և փրկեաց զնոսա յապա-
կանութենէ իւրեանց :

Խոստովան եղիցին տեառն ողոր-
մութեանց նորա, և սքանչելեաց
նորա որդիք մարդկան :

Մատուցեն նմա պատարագ օրհ-
նութեան, և պատմեցեն զգործս
նորա ցնծութեամբ :

Ոյք իջանէին 'ի ծով նաւուք , և
առնէին զգործս 'ի ջուրս բազումս :
Նոքա տեսին զգործս տեսուն և
զսքանչելիս նորա 'ի խորս անդնդոց :
Ասաց' և յարեաւ հողմ և մրրիկ ,
և բարձրացան ալիք նորա :

Ելանէին յերկինս և իջանէին յան-
դունդս , և անձինք նոցա յանձինս
իւրեանց մաշեցան :

Խռովեցան սասանեցան որպէս ար-
բեալք , և ամենայն իմաստու թիւն
նոցա ընկաւ :

Ազաղակեցին առ տէր 'ի նեղու-
թեան իւրեանց . 'ի վշտաց նոցա
կեցոյց զնոսա :

Գարձոյց զմրրիկն յօդս' և դադա-
րեցան ալիք նորա . ուրախ եղեն զի
դադարեցան . և առաջնորդեաց
նոցա 'ի նաւահանդիստ կամաց իւր-
եանց :

Խոստովան եղիցին տեսուն ողոր-
մութեանց նորա , և սքանչելեաց
նորա որդիք մարդկան :

Բարձր արասցեն զնա 'ի ժողովս ժողովրդոց, և յաթոռս ծերոց օրհնեսցեն զնա :

Զի դարձոյց զգետն 'ի ցամաք, և զգնացս ջուրց յերկիր ծարաւուտ : Արար զերկիրն պտղաբեր յաղտաղտուկս, վասն չարութեան բնակչաց նոցա :

Արար զանապատն 'ի ճահիճս ջուրց, և զերկիրն ծարաւուտ 'ի գնացս ջուրց :

Բնակեցոյց 'ի նմա քաղցեալս . և շինեցին քաղաք բնակութեան իւրեանց :

Վարեցին արտս և տնկեցին այգիս, և արարին պտուղ արմտեաց իւրեանց :

Օրհնեաց զնոսա՝ և բազմացան յոյժ . և անասունք նոցա ոչ նուաղեցան : Նուաղեցան նոքա և չարչարեցան 'ի նեղութենէ չարեաց և 'ի վշտաց : Եկն անարգութիւն 'ի վերայ իշխանաց նոցա . մոլորեցոյց զնոսա յա-

Նապատի և ոչ ճանապարհի :
Օգնեաց տնանկին յաղքատութեան .
և առաջնորդեաց որպէս խաչին ազ-
գի նոցա :

Տեսցեն ուղիղք և ուրախ եղիցին .
և ամենայն անօրէն խցցէ զբերան
իւր :

Ո՛վ է իմաստուն՝ որ պահեացէ զայս .
և ՚ի միտ առցէ զողորմութիւնս
տեառն :

Տունք խք :

ՍԱՂՄՈՍ ՃԷ .

Օրհնութիւն սացմոսաց դաւթի :

Պատրաստ է սիրտ իմ աստուած ,
պատրաստ է սիրտ իմ օրհնել և
սաղմոս ասել քեզ փառօք իմովք :

Զարթիք փառք իմ , զարթիք սաղ-
մոսիւք և օրհնութեամբ , եւ ես
զարթեայց առաւօտուց :

Խոստովան եղէց քեզ ՚ի ժողովուր-
դըս տէր . և սաղմոս ասացից քեզ
յազինս :

Մեծ եղեւ մինչեւ յերկինս ողոր-

մուժիւն քո, մինչեւ յամպս ճըշ
մարտուժիւն քո :

Բարձրեալ ես դու յերկինս աստ
ուած, և յամենայն երկրի են փառք
քո :

Որպէս փրկեցան սիրելիք քո. կեցո
աջով քով և լուր մեզ :

Աստուած խօսեցաւ 'ի սրբուժենէ
իւրմէ, բարձր եղէց՝ բաժանեցից
զսիւքեմ, և զհովիտսն յարկաց
չափեցից :

Իմ է գաղայադ և իմ է մանասէ.
Եփրեմ հզօրիչ գլխոյ իմոյ :

Յուդա թագաւոր իմ, մովաբ ա
ւազան յուսոյ իմոյ :

Յեդովմէ ուղղեցից զգնացս իմ. և
ինձ այլադգիք հնազանդ եղեն :

Ո՞ տարցէ զիս 'ի քաղաք ամուր,
կամ ո՞ առաջնորդեսցէ ինձ մինչեւ
յեդովմէ :

Եթէ ոչ դու աստուած, որ մեր
ժեցեր զմեզ, և ոչ ելեր աստուած
լնդ զօրս մեր :

Տուր մեզ օգնութիւն 'ի նեղութեան, զի սուտ է փրկութիւն մարդոյ :

Աստուծով արասցուք զօրութիւն .
և նա յամօթ արասցէ զթշնամիս մեր :

Տունք ժդ :

ՍԱՂՄՈՍ ՃԸ .

Ի կատարած . Սացմոս դաւթի :

Աստուած օրհնութեան իմոյ մի լռեր, զի բերան մեղաւորի՝ բերան նենգաւորի բացաւ 'ի վերայ իմ :
Թօսեցան զինէն լեզուաւ նենգաւորաւ, և բանիւ ատելութեան պաշարեցին զիս :

Մարտեան ընդ իս 'ի տարապարտուց . փոխանակ սիրոյ իմոյ մատնէին զիս, այլ ես յաղօթս կայի :
Հատուցին ինձ չար փոխանակ ընդ բարւոյ, ատելութիւն փոխանակ սիրոյ իմոյ :

Կացո 'ի վերայ նորա մեղաւոր .
սատանայ կացցէ ընդ աջմէ նորա :
Ի դատաստանէ իւրմէ ելցէ դա-
տապարտեալ , և աղօթք նորա 'ի
մեղս դարձցին :

Եղիցին աւուրք նորա նուազ , և
զայցելութիւն նորա զայն այլ
տարցէ :

Եղիցին որդիք նորա որք , և կին
նորա այրի . սահեացին փոփոխես-
ցին . որդիք նորա մուրողք եղիցին ,
և ելցեն 'ի բնակութենէ իւրեանց :
Քննեացէ փոխատու զամենայն ինչս
նորա . և յափշտակեացեն օտարք
զվաստակս նորա :

Մի գտցի օգնական նմա . և մի ոք
ողորմեսցի 'ի վերայ որքոց նորա :
Եղիցին որդիք նորա 'ի սատակումն ,
և յազգէ ջնջեսցի անուն նորա :
Յիշեսցին մեղք հօր նորա առաջի
տեառն , և մեղք մօր նորա մի ջնջես-
ցին , և եղիցին առաջի տեառն
յամենայն ժամ :

Սատակեսցի յերկրէ յիշատակ նորա,
փոխանակ զի ոչ յիշեաց առ
նել զողորմութիւնն:

Հարածեաց զայր աղքատ և զտը
նանկ. սպանանել զայն՝ որ խոնարհ
է սրտիւ:

Սիրեաց զանէծս՝ և ելցէ նմա. ոչ
կամեցաւ զօրհնութիւն, հեռի ե
ղիցի ՚ի նմանէ:

Զգեցաւ զանէծս որպէս հանդերձ.
մտցէ որպէս ջուր ՚ի փոր նորա. և
որպէս ձէթ ընդ թակերս նորա:

Եղիցի նմա որպէս հանդերձ՝ զի ա
գանի, որպէս գօտի՝ որ ամի հանա
պազ ընդ մէջ:

Այս գործ է այնոցիկ՝ ոյք չարախօս
կային զինէն առ տէր, և ոյք խօ
սէին չար զանձնէ իմմէ:

Այլ գու տէր տէր՝ արա ընդ իս
րատ անուան քում, զի քաղցր է ու
ղորմութիւն քո. և փրկեա զիս,
զի աղքատ և տնանկ եմ ես:

Սիրտ իմ խռովեցաւ ՚ի փորի իմում.

և ես որպէս ստուեր ՚ի խուսափիլ
իմում պակասեցայ, և թօթափե-
ցայ որպէս մարախ:

Ծունկք իմ տկարացան ՚ի պահոց, և
մարմին իմ այլազունեցաւ յիւղոյ:

Եղէ ես նախատնոցա, տեսին զիս՝ և
չարժեցին զգլուխս իւրեանց:

Օգնեա ինձ տէր աստուած իմ, և
փրկեա զիս ըստ ողորմութեան
քում:

Ծանիցեն զի ձեռն քո այս է, և
դու տէր արարեր զայս:

Նոքա անիծանեն և դու օրհնես
ցես. ոյք յարուցեալ են ՚ի վերայ
իմ, զամօթ կրեսցեն, այլ ծառայ
քո ուրախ եղիցի ՚ի քեզ:

Զգեցցին զամօթ ոյք չարախօս
կային զանձնէ իմմէ, և արկցեն
որպէս կրկնոց զամօթ իւրեանց
զիւրեամբք:

Այլ ես խոստովան եղէց առ տէր
յոյժ բերանով իմով, և ՚ի մէջ բազ-
մաց օրհնեցից զքեզ:

Ձի եկաց՛նա ընդ աջմէ տնանկին, 'ի
փրկել զիս յայնցանէ՝ ոյք հալածեն
զանձն իմ:

Տունք իր:

ՍՍՂՄՈՍ ճԹ.

Ի կատարած. Ստցմոս դ.ու.Թի:

Ասաց տէր ցտէր իմ, նիստ ընդ
աջմէ իմմէ, մինչեւ եդից զթշնա
միս քո պատուանդան ոտից քոց:

Գաւազան զօրութեան առաքեսցէ
քեզ տէր 'ի սիօնէ, և տիրեսցես
դու 'ի մէջ թշնամեաց քոց:

Ընդ քեզ է սկիզբն աւուր զօրու
թեան. 'ի վայելչութիւն սրբոց քոց
յարդանդէ յառաջ քան զարուս
եակ ծնայ զքեզ:

Երդուաւ տէր և ոչ եւս զղջասցի,
թէ դու ես քահանայ յաւիտեան
ըստ կարգին մելքիսեդեկի, և տէր
ընդ աջմէ քումմէ:

Խորտակեսցէ յաւուր բարկու
թեան զթագաւորս. դատէ զհե.

Թանոսս , և բաղում առնէ զհար-
ուածս , և խորտակեսցէ զգլուխս
բազմաց յերկրի :

Զուղիսս 'ի ճանապարհի արբուսցէ ,
վասն այսորիկ և բարձր արասցէ
զգլուխս :

Տունք զ : Գորդայս խը :



ՍՍԱՄՈՍ ճԺ .

Աշխուիս :

Խոստովան եղէց քեզ տէր բոլո-
րով սրտիւ իմով , 'ի խորհուրդս
ուղղոց 'ի ժողովուրդս մեծ են գործք
տեառն , և քննեալ են յամենայնի
կամք նորա :

Խոստովանութիւն և վայելչու-
թիւն են գործք նորա . արդարու-
թիւն նորա մնայ յաւիտեանս յա-
ւիտենից :

Յիշատակ արար սքանչելեաց իւրոց
ուղղոց , ողորմած գթած է տէր ,
կերակուր տայ երկիւղածաց իւրոց :

Յիշեաց յաւիտենից զուխտ իւր .
զգորութիւն գործոց իւրոց պատ-
ուիրեաց ժողովրդեան իւրում :
Տալ նոցա զժառանգութիւն հե-
թանոսաց . և գործք ձեռաց նորա
արդարութիւն և իրաւունք են :
Հաւատարիմ են յամենայնի պա-
տուիրանք նորա . հաստատեալ են
յաւիտեանս յաւիտենից . արար-
եալ են ճշմարտութեամբ և ուղ-
ղութեամբ :

Փրկութիւն առաքեաց տէր ժողո-
վրդեան իւրում . պատուիրեաց
յաւիտենից զուխտ իւր . սուրբ և
ահեղ է անուն նորա :

Սկիզբն զգօնութեան երկիւղ
տեառն . իմաստութիւն բարի ա-
մենեցուն՝ ոյք առնեն զնա . և
օրհնութիւն նորա մնայ յաւիտ-
եանս յաւիտենից :

Տունք ը :

ՍԱՂՄՈՍ ՃԺԱ.

Աչեշու.իա . 'ի վերայ աղաչխարու.թեան անգեայ եւ. ջութարիայ :

Երանեալ է այր՝ որ երկնչի 'ի տեառ
նէ , զպատուիրանս նորա նա կամի

յոյժ :

Հզօր եղևցի յերկրի զաւակ նորա ,
և ազգ ուղղոց օրհնեսցի :

Փառք և մեծութիւն են 'ի տան
նորա . արդարութիւն նորա մնայ

յաւիտեանս յաւիտենից :

Ծագեաց 'ի խաւարի լոյս ուղղոց ,
ողորմած գթած և արդար է տէր :

Քաղցր այր ողորմի և տայ փոխ .
յօրինէ զբան իւր 'ի դատաստանի ,

զի յաւիտեանս նա մի՛ սասանեսցի :
Յիշատակ յաւիտենից եղևցի ար-

դարն . 'ի համբաւէ չարէ նա մի՛
երկիցէ :

Պատրաստ է սիրտ նորա յուսալ
առ աստուած :

Հաստատեալ է սիրտ նորա . և նա
մի՛ երկիցէ՝ մինչեւ տեսցէ 'ի թրշ-

նամիս իւր :

Սփռեաց՝ և ետ աղքատաց, արդա-
րութիւն նորա մնայ յաւիտեանս
յաւիտենից, և եղջիւր նորա բար-
ձրը եղիցի փառօք:

Մեղաւորն տեսցէ և բարկացի.
զատամունս իւր կրճտեսցէ և հա-
լեսցի. և ցանկութիւն մեղաւո-
րաց կորիցէ:

Տունք ժ:

ՍՍ.ՂՄՈՍ ՃԺԲ.

Աշխուիս:

Օրհնեցէք մանկունք զտէր, և օրհ-
նեցէք զանուն տեառն:

Եղիցի անուն տեառն օրհնեալ,
յայսմ հետէ մինչեւ յաւիտեանս:
Յարեւելից մինչեւ ՚ի մուտս արե-
ւու, օրհնեալ է անուն տեառն:

Բարձր է ՚ի վերայ ամենայն ազգաց
տէր, և յերկինս են փառք նորա:

Ո՛վ է որպէս տէր աստուած մեր
՚ի բարձունս բնակեալ, և զխոնար-

հրս տեսանէ յերկինս և յերկրի :
Յարուցանէ զաղքատս յերկրէ , և
բարձր առնէ զտառապեալս յաղ-
բեւաց :

Նստուցանէ զնոսա իշխանս ընդ
իշխանս ժողովրդեան իւրոյ :
Բնակեցուցանէ զամուլն 'ի տան ու-
րախամիտ որպէս մայր որդւովք
բերկրեալ :
Տունք ը :

ՍԱՂՄՈՍ ՃԺԳ .

Աշէշուիտ :

Յեւանեւն իսրայէլի յեզիպտոսէ ,
տանն յակովբայ 'ի ժողովրդեանէ
այլազգեաց :

Եղեւ հրէաստան սրբութիւն նո-
րա , և իսրայէլ իշխանութիւն նորա :
Ծով ետես և փախեաւ , և յոր-
դանան անդրէն դարձաւ :

Լերինք ցնծասցեն որպէս խոյք , և
բլուրք որպէս դառինք մաքեաց :
Չի՞ է քեզ ծով , զո՞ տեսեր և փա-

խեար . կամ դու յորդանան՝ զի՞
դարձար անդրէն :

Լերինք՝ ցնծացէք որպէս խոյք , և
բլուրք որպէս գառինք մաքեաց :

Յերեսաց տեառն սասանեցաւ եր-
կիր , յերեսաց աստուծոյ յակոբայ :

Ո դարձոյց զվէմն ՚ի վտակս ջուրց ,
և զապառաժն յաղբերակունս :

Մի՛ մեզ տէր՝ մի՛ մեզ , այլ անուան
քում տուր զփառս վասն ողոր-

մութեան և ճշմարտութեան քոյ :

Մի՛ երբէք ասացեն ՚ի հեթանոսս ,
թէ ո՛ւր է աստուած նոցա :

Աստուած մեր յերկինս և յերկ-
րի , զամենայն զոր ինչ կամեցաւ՝
և արար :

Կուռք հեթանոսաց ոսկի և ար-
ծաթ են , ձեռագործ են որդւոց
մարդկան :

Բերան ունին , և ոչ խօսին . աչս
ունին , և ոչ տեսանեն :

Ականջս ունին , և ոչ լսեն . ունչս
ունին , և ոչ հոտոտեն :

Չեռս ունին , և ոչ շօշափեն . ոտս
ունին , և ոչ գնան . և ոչ գոյքար-
բառ 'ի կոկորդս նոցա :

Նման նոցա եղիցին՝ ոյք արարին
զնոսա , ամենեքեան ոյք յուսաց
եալ են 'ի նոսա :

Տուենն իսրայելի յուսացաւ 'ի տէր .
օգնական և ընդուենող է նոցա :

Տուենն ահարօնի յուսացաւ 'ի տէր .
օգնական և ընկերող է նոցա :

Երկիւղածք տեառն յուսացան 'ի
տէր , օգնական և փրկիչ է նոցա :

Յիշեաց զմեզ տէր և օրհնեաց ըզ
մեզ . օրհնեաց տէր զտուենն իսրա-
յելի . օրհնեաց տէր զտուենն ա-
հարօնի :

Օրհնեաց տէր զերկիւղածս իւր ,
զփոքրկուենս և զմեծամեծս :

Յաւելցէ 'ի ձեզ տէր , 'ի ձեզ և
յորդիս ձեր :


Օրհնեալ էք դուք 'ի տեառնէ , որ
արար զերկինս և զերկիր :

Երկինք երկնից տեառն են . և զեր-

Կիրա ետ որդւոց մարդկան :
Ոչ թէ մեռեալք օրհնեսցեն զքեզ
տէր , և ոչ ամենքեան՝ ոյք իջա
նեն 'ի դժոխս :

Այլ կենդանիքս օրհնեսցուք ըզ
քեզ տէր , յայսմհետէ մինչեւ յա
ւիտեան :

Տունք իզ : Գորդայս ծբ :



ՍԱՂՄՈՍ ՃԺԴ :

Աշիշուիս :

Սիրեցի զի լուսիցէ տէր զձայն աղօ
թից իմոց , զի խոնարհեցոյց զունկն
իւր առ իս , և ես յաւուրս իմ կար
դացի առնս :

Շրջեցան զինեւ երկունք մահու ,
և վիշտք դժոխոց գտին զիս :

Զնեղու թիւն և զանձկու թիւն զը
տի , և զանուէն տեառն կարդացի :

Ո՞ տէր՝ փրկեա զանձն իմ . ողորմած
աստուած մեր , ողորմի և պահէ ըզ
տղայս տէր :

Ես խոնարհ եղէ՝ և տէր կեցոյց զիս .
դարձ անձն իմ 'ի հանգիստ քո , զի
տէր օգնեաց քեզ :

Փրկեաց զանձն իմ 'ի մահուանէ ,
զաչս իմ յարտասուաց , և զոտս իմ
'ի գայթակղութենէ , հաճոյ եղէց
առաջի տեառն յերկրին կենդան
եաց :

Տունք զ :

ՍԱՂՄՈՍ ձԺԵ .

Աղեշուիտ :

Հաւատացի զոր և խօսեցայ , և ես
խոնարհ եղէ յոյժ :

Ես ասացի 'ի զարմանալ իմում , թէ
ամենայն մարդ սուտ է :

Զի՞նչ տաց տրիտուր տեառն ընդ
ամենայնի զոր և ետ ինձ :

Զբաժակ փրկութեան ընկալայց ,
և զանուն տեառն կարգացից :

Զաղօթս իմ տեառն տաց առաջի
ամենայն ժողովրդեան նորա :

Պատուական է առաջի տեառն

մահ սրբոց իւրոց . ո՛ տէր ես ծառայ
քո եմ , ծառայ և որդի աղախնոց քո :
Հատեր զկապանս իմ . քեզ մատու
ցից պատարագ օրհնութեան . և
զանուն տեառն կարդացից :

Չաղօթս իմ տեառն տաց առաջի
ամենայն ժողովրդեան նորա , 'ի գա
ւիթս տան տեառն , և 'ի մէջ քո
երուսաղէմ :

Տունք ը :

ՍԱՂՄՈՍ ՃԺԶ .

Աղեղու իս :

Օրհնեցէք զտէր ամենայն ազինք .
գովեցէք զնա ամենայն ժողովուրդք :
Զօրասցի ողորմութիւն նորա 'ի վե
րայ մեր , և ճշմարտութիւն տեա
ռն մնացէ յաւիտեան :

Տունք բ :

ՍԱՂՄՈՍ ՃԺԻ .

Աղեղու իս :

Խոստովան եղերուք տեառն , զի բա
րի է , զի յաւիտեան է ողորմու
թիւն նորա :

Ասասցէ տունն իսրայէլի՝ զի յաւ-
լիտեան է ողորմութիւն նորա :

Ասասցէ տունն ահարօնի՝ զի յաւ-
լիտեան է ողորմութիւն նորա :

Ասասցեն երկիւղածք տեառն՝ զի
յաւիտեան է ողորմութիւն նորա :

Ինեղութեան իմում ես առ տէր
կարդացի, և լուաւ ինձ յանդորր :

Տէր է իմ օգնական, և ես ոչ երկե-
կայց, զի՞ արասցէ ինձ մարդ :

Տէր է իմ օգնական, և ես տեսից
'իջնամիս իմ :

Բարի է յուսալ 'ի տէր քան յու-
սալ 'ի մարդիկ. բարի է յուսալ 'ի
տէր՝ քան յուսալ յիշխանս :

Ամենայն ազինք շրջեցան զինեւ, և
անուամբ տեառն յաղթեցի նոցա :

Շրջելով շրջեցան զինեւ, և պաշա-
րեցին զիս 'ի միասին, և անուամբ
տեառն վանեցի զնոսա :

Շուրջ եղեն զինեւ որպէս մեղուք,
վառեցան բորբոքեցան որպէս
փուշք 'ի հուր, և անուամբ տեաւ

ուրն մերժեցի զնոսա :

Ի մերժելն դրդուեցայ , և եղէ
մերձ 'ի գլորիլ . և տէր ընկալաւ զիս :
Զօրութիւն իմ և օգնութիւն իմ
տէր , և եղեւ ինձ 'ի վրկութիւն :
Զայն ցնծութեան վրկութեան 'ի

յարկս արդարոց :

Աջ տեառն արար զօրութիւն , աջ
տեառն բարձր արար զիս , և աջ
տեառն արար զօրութիւն :

Ոչ մեռայց , այլ կեցից և պատմե-
ցից զգործս տեառն :

Խրատելով խրատեաց զիս տէր , և
'ի մահ ոչ մատնեաց :

Բացէք ինձ զգրունս արդարու-
թեան , զի մտից ընդ այն , և խոս-
տովան եղէց տեառն :

Այս դուռն տեառն է , և արդարք
մտանեն ընդ սա :

Խոստովան եղէց քեզ տէր , զի լը-
ւար ինձ , և եղեր ինձ 'ի վրկու-
թիւն :

Վէմն զոր անարդեցին շինողքն ,

Նա եղեւ գլուխ անկեան :
Ի տեառնէ եղեւ այս , և է սքան-
չելի առաջի աչաց մերոց :

Այսօր է զոր արար տէր . եկայք
ցնծասցուք և ուրախ եղիցուք 'ի
ամա :

Ո՞ տէր փրկեա , ո՞ տէր առաջնոր-
դեա . օրհնեալ որ գալոց ես յա-
նուն տեառն , և օրհնեցաք զքեզ
'ի տանէ տեառն :

Տէր աստուած մեր երեւեցաւ մեզ .
արարէք տօնս ուրախութեան կան-
խաւ , մինչեւ յանկիւնս սեղանոց :

Աստուած իմ ես դու՝ և խոստո-
վան եղէց քեզ . աստուած իմ ես
դու՝ և բարձր արարից զքեզ :

Խոստովան եղէց քեզ տէր՝ զի լը-
ւար ինձ , և եղեր ինձ 'ի փրկու-
թիւն :

Խոստովան եղերուք տեառն զի
բարի է , զի յաւիտեան է ողորմու-
թիւն նորա :

Տունք իր : Գորդայս խղ :

ՍԱՂՄՈՍ ՃԺԸ.

Աղեղուիտ :

Երանեալ են ամբիօք 'ի ճանապարհի,
և ոյք գնան յօրէնս տեառն :
Երանի ոյք քննեն զվկայու թիւնս
նորա , բողբով սրտիւ իւրեանց
խնդրեացեն զնա :

Ոչ թէ ոյք գործեն զանօրէնու
թիւն , 'ի ճանապարհս նորա զնաս
ցեն :

Դու պատուիրեցեր զպատուիրանս
քո 'ի պահել ինձ յոյժ :

Երանի թէ յաջողեալ էին ինձ ճա
նապարհք իմ 'ի պահել ինձ զար
դարու թիւնս քո :

Յայնժամ ես ոչ ամաչէի 'ի զգու
շանալ ինձ 'ի պատուիրանս քո :

Խոստովան եղէց քեզ տէր յուղ
ղու թիւն խրտի իմոյ , որպէս ու
սայց զիրաւունս արդարու թեան քո :

Զիրաւունս քո պահեցի , մի՛ թո
ղուր զիս մինչ իսպառ :

Ի՞նչ ուղղեացէ երիտասարդ զճա-
նապարհս իւր, այլ 'ի պահել ըզ-
բանս քո :

Բոլորով սրտիւ իմով խնդրեցի ըզ-
քեզ, մի՛ մերժեր զիս 'ի պատուի-
րանաց քոց :

Ի սրտի իմում թագուցի զբանս
քո, որպէս զի մի՛ մեղայց քեզ :
Օրհնեալ ես դու տէր, ուսո ինձ
զարդարու թիւնս քո :

Նրթամբք իմովք պատմեցից զա-
մենայն իրաւունս բերանոյ քո :
Ի ճանապարհս վկայութեանց քոց
զուարճացայ, որպէս յամենայն 'ի
մեծութեան :

Ի պատուիրանս քո հոգացայ, և
զգուշացայ 'ի ճանապարհս քո :
Զիրաւունս քո խօսեցայ, և ոչ մո-
ռացայ զբանս քո :

Հատո ծառայի քում, զի կեցից և
պահեցից զբանս քո :

Զարթո զաչս իմ, և նայեցայց 'ի
սքանչելիս օրինաց քոց :

Պանդուխտ եմ ես յերկրի, մի՛
թագուցաներ յինէն զպատուի-
րանս քո :

Փափագեաց անձն իմ 'ի ցանկալ
ինձ յիրաւունս քո յամենայն ժամ :
Սաստեցեր ամբարտաւանից . անիծ-
եալ՝ ոյք խոտորեցան 'ի պատուի-
րանաց քոց :

Իբաց արա յինէն զնախատինս և
զարհամարհանս, զի զվկայու թիւ-
նրս քո խնդրեցի :

Քանզի նստան իշխանք և չարախօ-
սէին զինէն . այլ ծառայ քո խոր-
հէր յիրաւունս քո :

Զի վկայու թիւնք քո խօսք իմ էին,
և խորհուրդք իմ արդարու թիւն
քո :

Մերձեցաւ անձն իմ 'ի հող, տէր
կեցո զիս ըստ բանի քում :

Զճանապարհս իմ պատմեցի քեզ
և լուար ինձ, ուսո ինձ զարդա-
րու թիւնս քո :

Ի ճանապարհս արդարու թեանց

քոյ իմաստուն արա զիս , և քննեցից զսքանչելիս քո :

Տ. քնեցաւ անձն իմ առ 'ի ճանճրանայ . հաստատեա զիս 'ի բանս քո :
Չճանապարհս մեզաց 'ի բաց արա յինէն , և յօրէնս քո ողորմեա ինձ :
Չճանապարհս ճշմարտութեան քո ընտրեցի , և զիրաւունս քո ես ոչ մոռացայ :

Մերձեցայ ես 'ի վկայութիւնս քո , տէր մի՛ յամօթ առնէր զիս :
'ի ճանապարհս պատուիրանաց քոյ ընթացայ , զի անդորր արարէր սրտի իմոյ :

Օրէնագետ արա զիս տէր 'ի ճանապարհս իրաւանց քոյ , և խնդրեցից զնա յամենայն ժամ :
Իմաստուն արա զիս . և քննեցից զօրէնս քո , և պահեցից զնա բոլորով սրտիւ իմով :

Առաջնորդեա ինձ 'ի շաւիղս պատուիրանաց քոյ , զի ընդ նոսա հաճեցայ :

Խոնարհեցո զսիրտ իմ 'ի վկայու-
թիւնս քո, և մի՛ յագահու թիւն :
Գարձո զաչս իմ, զի մի՛ տեսից ըզ-
նանրու թիւն . 'ի ճանապարհս քո
կեցո զիս :

Հաստատեա ծառայի քում զբան
քո յերկիւղ քո :
Հան յինէն զնախատինս, զոր և
կարծեցի . զի դատաստանք քո քաղ-
ցրր են :

Ահա ցանկացայ պատու իրանաց քոց .
յարդարու թեան քում կեցո զիս :
Եկեացէ 'ի վերայ իմ ողորմու թիւն
քո տէր, և վրկու թիւն քո ըստ
բանի քում :

Տաց պատասխանի ոյք նախատեն
զիս բանիւք, զի ես 'ի բանս քո
յուսացայ :

Մի՛ 'ի բացեայ առներ 'ի բերանոյ
իմմէ զբան ճշմարտութեան մին-
չեւ յոյժ, զի յիրաւունս քո յու-
սացայ :

Պահեցի զօրէնս քո յամենայն ժամ,

յաւիտեան և յաւիտեանս յաւի-
տենից :

Գնայի ես յանդորրու , զի զպատ-
ուիրանս քո խնդրեցի :

Խօսէի զվկայութիւնս քո առաջի
թագաւորաց , և ոչ ամաչէի :

Խորհէի 'ի պատուիրանս քո , զոր
սիրեցի :

Համբարձի զձեռս իմ 'ի պատուի-
րանս քո զոր սիրեցի , և խորհէի
յարդարութեան քում :

Յիշեա զբան ծառայի քո , յոր և
յուսացուցեր զիս :

Սա մխիթարեացէ զիս 'ի խոնար-
հութեան իմում . զի բան քո կե-
ցոյց զիս :

Ամբարտաւանք անիրաւեցան յիս
յոյժ . այլ յօրինաց քոց ես ոչ խո-
տորեցայ :


Յիշեցի զիրաւունս քո յաւիտենից
տէր , և մխիթարեցայ :

Տրամութիւն կալաւ զիս 'ի մեղա-
ւորաց , և ոյք թողին զօրէնս քո :

Գովելի են ինձ իրաւունք քո 'ի
տեղւոջ պանդխտութեան խնոյ :

Յիշեցի 'ի գիշերի զանուն քո տէր ,
և պահեցի զօրէնս քո :

Սա եղև ինձ ճանապարհ 'ի կեանս ,
զի զարդարութիւնս քո խնդրեցի :
Տունք ծղ :



Աղիչուիս :

Բաժին իմ ես դու տէր , ասացի
պահել ինձ զօրէնս քո :

Աղաչեցի զերեսս քո բոլորով սրբ-
տիւ խնով . ողորմեա ինձ ըստ բա-
նի քում :

Խորհեցայ 'ի ճանապարհս իմ , և
դարձուցի զոտս իմ 'ի վկայութիւ-
նքս քո :

Պատրաստեցայ և ոչ խռովեցայ ,
զի պահեցի զպատուիրանս քո :

Տունունք մեղաց պատեցան զինեւ ,
այլ զօրէնս քո ես ոչ մոռացայ :

Ի մէջ գիշերի յառնէի խոստովան

լինիլ առ քեզ վասն իրաւանց և
արդարութեան քո :

Հաղորդ էի ես ամենայն երկիւղա-
ծաց քոց, որոց պահեալ էին ըզ
պատուիրանս քո :

Ողորմութեամբ տեսուն լի եղեւ
երկիր, զարդարութիւնս քո ուսո
ինձ :

Քաղցրութիւն արարեր ընդ ծա-
ռայի քում տէր ըստ բանի քում :
Զքաղցրութիւն, զխրատ և զգի-
տութիւն ուսո ինձ, զի ՚ի պատ-
ուիրանս քո ես հաւատացի :

Մինչեւ խոնարհեալ էի ես՝ մե-
ղայ. վասն այսորիկ զբանս քո պա-
հեցի յոյժ :

Քաղցր ես դու տէր, և քաղցրու-
թեամբ քով ուսո ինձ զարդարու-
թիւնս քո :

Բազմացան յիս անիրաւութիւնք
ամբարտաւանից, այլ ես բոլորով
սրտիւ խմով քննեցի զպատուի-
րանս քո :

Մաճան որպէս կաթն սիրտք նոցա .

այլ ես զօրէնս քո խօսեցայ :

Բարի է ինձ զի խոնարհ արարեր
զիս , որպէս ուսայց զարդարու
թիւնս քո :

Բարի են ինձ օրէնք բերանոյ քո ,
քան զհազարս ոսկւոյ և արծաթոյ :

Չեռք քո արարին և ստեղծին զիս .
իմաստուն արա զիս , և ուսայց ըզ
պատուիրանս քո :

Երկիւղածք քո տեսցեն զիս և ու
րախ եղիցին , զի ես ՚ի բանս քո
յուսացայ :

Ծանեայ տէր զի արդարութեամբ
են դատաստանք քո . յիրաւի խո
նարհեցուցեր զիս :

Եղիցի ողորմութիւն քո ՚ի մխիթա
րել զիս , ըստ բանի քում զճա
ռայս քո :

Եկեսցեն յիս գթութիւնք քո՝ և
կեցից , զի օրէնք քո խօսք իմ էին :
Ամաչեսցեն ամբարտաւանք՝ որք ՚ի
տարապարտուց անիրաւեցան յիս .

այլ ես հոգացայ 'ի պատուիրա-
նրս քո :

Խրատեսցեն զիս երկիւղածք քո , և
ոյք ճանաչեն զվկայութիւնս քո :

Եղիցի սիրտ իմ ամբիժ յարդարու-
թեան քում , զի մի' ամաչեցից :

Կարօտացաւ անձն իմ 'ի փրկու-
թիւնս քո , զի ես 'ի բանս քո յու-
սացայ :

Սպասեցին աչք իմ բանի քում .
սասցի երբ մխիթարեսցէ զիս :

Եղէ ես որպէս տիկ 'ի պարզի , զի
զարդարութիւնս քո ես ոչ մոռա-
ցայ :

Բանի' ինչ են աւուրք ծառայի քո .
երբ արասցես ինձ իրաւունս 'ի
հալածչաց իմոց :

Պատմեցին ինձ անօրէնք զխորհուր-
դրս , այլ ոչ որպէս զօրէնս քո :

Ամենայն պատուիրանք քո ճշմա-
րիտ են . 'ի նանիր հալածեցին զիս ,
օգնեա ինձ :

Փոքր մի ևս և կորուսանէին զիս

յերկրի . այլ ես ոչ թողի զպատ,
ուիրանս քո :

Ըստ ողորմու թեան քում կեցո զիս ,
և պահեցից զվկայու թիւնս բերա,
նոյ քոյ :

Յաւիտեան տէր բան քոյ կայ յերկինս ,
ազգէ մինչեւ յազգէ և ճրջ
մարտու թիւն քո :

Հաստատեցեր զերկիր՝ և կայ :
Հրամանի քում մնայ տիւ , զի ամէն
նեքեան ծառայք քո են :

Եթէ ոչ օրէնք քո խօսք իմ էին ,
կանխաւ ևս արդեօք կորուսեալ
էի ՚ի խոնարհու թեան իմում :

Յաւիտեան ոչ մոռացայց զարդա-
րու թիւնս քո , զի նորօք կեցու-
ցեր զիս :

Քո եմ ես և կեցո զիս , զի զար-
դարու թիւնս քո խնդրեցի :

Ինձ սպասեցին մեղաւորք ՚ի կորու-
սանել , զի զվկայու թիւնս քո ես
՚ի միտ առի :

Յամենայն կատարածի տեսի զվախ-

Ճանն . յոյժ անդորր էին ինձ պատ-
ուիրանք քո :

Որպէս սիրեցի զօրէնս քո , զօրհա-
նապաղ խօսք իմ էին :

Քան զժշնամիս իմ իմաստունն ա-
րարեր զիս 'ի պատուիրանս քո , զի
յաւխտեան իմ էին :

Քան զամենայն ուսուցիչս իմ 'ի-
մաստունն եղէ , զի վկայութիւնք
քո խօսք իմ էին :

Քան զծերան իմաստունն եղէ , զի
զպատուիրանս քո քննեցի :

Յամենայն ճանապարհաց չարաց
արդելի զոտս իմ , որպէս զի պահե-
ցից զբանս քո :

Յիրաւանց քոց ես ոչ խոտորեցայ ,
զի դու օրէնագէտ արարեր զիս :

Որպէս զի քաղցր են 'ի բիմս իմ
բանք քո՝ քան զմեզր բերանոյ իմոյ :

Ի պատուիրանաց քոց իմացեալ ա-
տեցի զամենայն ճանապարհս չա-
րաց , զի դու օրէնագէտ արարեր

զիս :

Ճրագ են բանք քո ոտից իմոց, և
լոյս տան շաւղաց իմոց :

Երդուայ և հաստատեցի, զի պա-
հեցից զամենայն իրաւունս ար-
դարութեան քո :

Խոնարհ եղէ մինչեւ յոյժ. տէր
կեցո զիս ըստ բանի քում :

Ընդ կամս բերանոյ իմոյ հաճեա
տէր, և զիրաւունս քո ուսո ինձ :

Անձն իմ 'ի ձեռս քո է յամենայն
ժամ, և զօրէնս քո ես ոչ մոռացայ :

Եղին ինձ մեղաւորք որոգայժ. 'ի
պատու իրանաց քոց ես ոչ մոլորեցայ :

Ժառանգեցի զվկայութիւնս քո
յաւիտեան, զի ցնծութիւն է սրբ-
տի իմոյ :

Խոնարհեցուցի զսիրտ իմ առնել
զարդարութիւնս քո յաւիտեան
վասն հատուցման :

Զանօրէնս ատեցի, և զօրէնս քո
սիրեցի :

Օգնական և փրկիչ իմ ես դու, և
ես 'ի բանս քո յուսացայ :

Ի բաց եղերուք յինէն չարք, և
քննեցից զպատուիրանս աստուծոյ
իմոյ :

Օգնեա ինձ ըստ բանի քում և կե-
ցո զիս, և մի՛ յամօթ առներ զիս
'ի յուսոյ իմմէ :

Օգնեա ինձ և ապրեցո զիս, և
խորհեցայց յիրաւունս քո յամե-
նայն ժամ :

Անարգեցեր զամենեւեան՝ որք ա-
պրստամբք եղեն յարդարութեանց
քոց. զի անիրաւութեամբ էին
խորհուրդք նոցա :

Յանցաւորս համարեցայ զամենայն
մեղաւորս երկրի. վասն այսորիկ
սիրեցի զպատուիրանս քո :

Բեւեռեա ընդ երկիւղ քո զմար-
մին իմ, զի 'ի դատաստանաց քոց
երկեայց յոյժ :

Տունք կդ :



Աշեղու իտ :

Արարի իրաւունս և արդարու-

Թիւն. մի մասներ զիս 'ի ձեռս
նեղչաց իմոց :

Ընկալ զճառայս քո 'ի բարի. զի մի
ամբարտաւանք զզուեացեն զիս :
Սպասեցին աչք իմ փրկութեան
քում տէր, և բանից արդարու
թեան քո :

Արա ընդ ճառայի քում տէր ըստ
ողորմութեան քում. զարդարու
թիւնս քո ուստ ինձ :

Ծառայ քո եմ ես, իմաստունս արա
զիս, և ծանեացց զվկայութիւնս քո :
Ժամ է պաշտել զտէր. խափանե
ցին զօրէնս քո :

Վասն այսորիկ սիրեցի զպատուի
րանս քո քան զամենայն ոսկի և ըզ
տպազիօն :

Ամենայն պատուիրանք քո յաջո
ղեցան ինձ, զի ատեցի ես զճանա
պարհս չարաց :

Սքանչելի են վկայութիւնք քո, վա
սըն այսորիկ սիրեաց զնոսա անձն իմ :
Յայտնութիւն բանից քոց լուսա

Լոր և իմաստուն առնէ զտղայս :
Զբերան իմ բացի , և առի զհողի .
'ի պատուիրանս քո փափաքեաց
անձն իմ :

Նայեա առ իս և ողորմեա ինձ . ըստ
իրաւունս սիրողաց անուան քո :
Զճանապարհս իմ ուղիղ արա ինձ
ըստ բանի քում , և մի' տիրեացեն
ինձ ամենայն մեղք :

Փրկեա զիս 'ի զրպարտութենէ մարդ-
կան , և պահեցից զպատուիրանս քո :
Երեւեցո զերեսս քո 'ի ծառայս քո ,
և ուստ ինձ զարդարութիւնս քո :
Վտակք ջուրց իջին յաչաց իմոց ,
զի ոչ պահեցին զօրէնս քո :

Արդար ես դու տէր , և ուղիղ են
դատաստանք քո :

Պատուիրեցեր զարդարութի' վկա-
յութեանց քոց , և ճշմարիտ են յոյժ :

Մաշեաց զիս նախանձ քո , զի մո-
ռացան զբանս քո թշնամիք իմ :

Ընտրեալ է բան քո յոյժ , և ծա-
ռայ քո սիրեաց զսա :

Մանուկ եմ ես և արհամարհեալ,
և զարդարու թիւնս քո ես ոչ մո-
ռացայ :

Արդարու թիւն քո արդարու թիւն
յաւիտենից, և օրէնք քո ճշմարիտ
են :

Նեղու թիւնք և վիշտք գտին զիս,
և պատուիրանք քո խօսք իմ էին :
Արդարու թեամբ են վկայու թիւնք
քո յաւիտեան, իմաստուն արա և
կեցո զիս :

Կարգացի առ քեզ բոլորով սրտիւ
իմով, լուր ինձ տէր, զի զարդա-
րու թիւնս քո խնդրեցի :

Աղաղակեցի առ քեզ և փրկեա զիս,
և պահեցից զվկայու թիւնս քո :

Կանխեցի տարածամու, աղաղակե-
ցի, և ես ՚ի բանս քո յուսացայ :

Կանխեցին աչք իմ առաւօտու ՚ի
խօսիլ ինձ զբանս քո :

Զայնի իմում լուր տէր ըստ ողոր-
մու թեան քում, և յիրաւունս քո
կեցո զիս :

Մերձեցուցին յիս հալածիչք իմ
զանօրէնութիւն, զի յօրինաց քոց
հեռի եղեն :

Մերձ ես դու տէր, և ամենայն
պատուիրանք քո ճշմարիտ են :

Ի սկզբանէ ծանեայ 'ի վկայութեանց
քոց, զի յաւիտեան հաստատեցեր
զնոսա :

Տես զխոնարհութիւն իմ և վրրկեա
եա զիս, զի զօրէնս քո ես ոչ մոռա
ցայ :

Դատեա զդատաստանս իմ և վրրկեա
եա զիս, և ըստ բանի քում կեցո
զիս :

Հեռի է 'ի մեղաւորաց վրկութիւն,
զի զիրաւունս քո ոչ պահեցի :

Գթութիւնք քո բազում են տէր,
և ըստ իրաւանց քոց կեցո զիս :

Բազում են, որք հալածեն և նեղեն
զիս. 'ի վկայութեանց քոց ես
ոչ խոտորեցայ :

Հայէի յանագորոյնս և մաշէի, զի
զպատուիրանս քո ոչ պահեցին :

Տես՝ զի զպատուիրանս քո սիրեցի .
տէր՝ ողորմու թեամբ քո կեցո զիս :
Սկիզբն բանից քոց ճշմարտու թիւն
է . յաւիտեան են ամենայն իրա-
ւունք արդարու թեան քո :

Իշխանք հալածեցին զիս ՚ի նանիր ,
և ՚ի բանից քոց երկեալ սիրտ իմ :
Յնծայցայ ես ՚ի բանս քո որպէս
այն՝ որ գտանէ աւար բազում :

Զմեղս ատեցի և անարդեցի , և զօ-
րէնս քո սիրեցի :

Եօթն անգամ յաւուր օրհնեցից
զքեզ վասն իրաւանց և արդարու
թեան քո :

Խաղաղու թիւն բազում է այնու-
ցիկ՝ ոյք սիրեն զօրէնս քո , և ոչ
գոյ ՚ի նոսա դայթակղու թիւն :

Սպասեցի փրկու թեան քում տէր ,
և զպատուիրանս քո սիրեցի :

Պահեաց անձն իմ զվկայու թիւնս
քո , և սիրեաց զնոսա յոյժ :

Պահեցից զպատուիրանս և զվկա-
յու թիւնս քո , զի ամենայն ճա-

Նապարհք իմ առաջի քո են :
Մերձեցցին խնդրուածք իմ առա-
ջի քո տէր , ըստ բանի քում իմաս-
տուն արա զիս :

Մտցեն աղօթք իմ առաջի քո տէր ,
և բանիւ քով փրկեա զիս :

Բղխեացեն շրթունք իմ զօրհնու-
թիւնս քո , յորժամ ուսուսցես ինձ
զարդարութիւնս քո :

Խօսեցցի լեզու իմ զբանս քո , զի
ամենայն պատուիրանք քո արդա-
րութեամբ են :

Եղիցի ձեռն քո ՚ի կեցուցանել զիս ,
զի զպատուիրանս քո ընտրեցի :

Ցանկացայ փրկութեան քում տէր ,
և օրէնք քո խօսք իմ էին :

Կեցցէ անձն իմ , օրհնեացէ զքեզ
և իրաւունք քո օգնեացեն ինձ :

Մոլորեցայ ես որպէս զոչխար կո-
րուսեալ , խնդրեա զճառայս քո՝ զի
զպատուիրանս քո ես ոչ մոռացայ :

Տունք ծղ :

Կանոնս Գորղայս է : Սաղմոս ժդ : Տունք յկք :



ՕՐՀՆՈՒԹԻՒՆ ԵՍԱՅԵԱՅ ԿԱՅԾԱԿՆԱՄԱՔՈՒՐ
ՍՈՒՐԲ ՄԱՐԳԱՐԷԻՆ

Եսայեայ խբ :

Օրհնեցէք զաստուած յօրհնու-
թիւն նոր, զի իշխանութիւն նո-
րա ՚ի բարձունս փառաւորի :
Եւ անուն նորա փառաւորեալ է
՚ի ծագաց մինչեւ ՚ի ծագս երկրի :
Ոյք իջանէին ՚ի ծով նաւուք, կրող
զիք և ամենայն բնակիչք նոցա ընդ
նոսա :

Ուրախ եղիցի անապատն և ամե-
նայն բնակիչք իւր, ուրախ եղիցին
բանակք և բակք կեդարու, և
ուրախ եղիցին բնակիչք վիմին :
Ի գլխոց լերանց գոչեացեն, տացեն
զփառս աստուծոյ, և զքաջութիւն
նորա կղզիք պատմեսցեն :

Տէր աստուած զօրութեանց դիմ-
եալ գայ զարթուցանել զպատե-
րազմ, յարուցանել զնախանձ, փող

հարկանել և գոչել 'ի վերայ թըշ-
նամեաց իւրոց զօրու թեամբ բազ-
մաւ :

Ուրախ եղիցին երկինք 'ի վերուստ,
և ամպք ցօղեսցեն զարդարու թիւն:
Բղխեսցէ երկիր զողորմու թիւն և
զարդարու թիւն՝ առ հասարակ բըղ-
խեսցէ :

ԱՂՕԹՔ ՅՈՎՆԱՆՈՒ ՄԱՐԳԱՐԷԻՆ

Ի նեղու թեան խնում ես առ տէր
կարդացի, և լուաւ աստուած յան-
դրնդոց դժոխոց աղաղակի խնում:
Լուր տէր ձայնի խնում, զի ընկե-
ցեր զիս 'ի խորս ծովու, և շրջանք
գետոց պաշարեցին զիս :

Ամենայն զբօսանք քո և ակիք քո
անցին 'ի վերայ իմ, և ասացի, թէ
մերժեցայ ուրեմն յերեսաց աչաց
քոց :

Արդ՝ իցէ՞ թէ յաւելից հայիւ 'ի

տաճար սուրբ քո . զի հեղան զի-
նեւ ջուրք մինչեւ յանձն իմ, և
անդունդք անհնարինք պաշարե-
ցին զիս :


Եմուտ գլուխ իմ ընդ փապարս
լերանց . իջի ես 'ի խորս երկրի, և
տեսի զնիգս նորա, զի էին որպէս
աղխք յաւիտենից, և ելցեն յա-
պականու թենէ կեանք իմ :

Առ քեզ տէր աստուած իմ 'ի նուա-
զիլ անձին իմոյ կարդացի, և զքեզ
տէր յիշեցի . և մտցեն աղօթք իմ
'ի տաճար սուրբ քո :

Զի ոյք պահէին զունայնու թիւն
և զստու թիւն, յողորմու թենէ
իւրեանց մերթեցան :

Այլ ես 'ի ձայն օրհնու թեան խոս-
տովան եղէց քեզ, մատուցից պա-
տարագս տեառն, և կատարեցից
զուխտ իմ 'ի փրկու թեան :

Փառք հօր և որդւոյ և :




ՄԱՂԹԱՆԻ

Եկեացեն աղօթք մեր 'ի տաճար
սուրբ քո . խոնարհեացի ունկն քո
'ի խնդրուածս մեր :

Մարդասէր տէր , վասն սրբուհւոյ
անարատի մօր քո և կուսի , և վա
սըն խաչի քո պատուականի , ըն
կալ զաղաչանս մեր , և կեցո զմեզ :

զՔարողն և զաղօթս 'ի վերջն Մէ Զախանջիք կանոնին
գացես 'ի 153 երեսն :





[Աստիճակ զոգի քո եւ. ստանաւ զնոսա ,
եւ. նորոգեալ զերեսս երկրի :



ՍՍԱՄՈՍ ՃԺԹ .

Օրհնու.թիւնք աստիճանաց :

Ի նեղու.թեան իմու.մ ես առ տէր
կարդացի , և լուաւ ինձ տէր . փրկ
կեաց զանձն իմ 'ի շրթանց նենգա
ւորաց և 'ի լեզուէ չարէ :

Զի՞ տացի քեզ՝ կամ զի՞նչ յաւել
ցի , լեզու նենգաւոր :

Որպէս նետք հզօրի , զի մխեալ են
կայծակամբք կաղնւոյ :

Վայ ինձ զի ընդ երկար եղեւ պան
դրխտու.թիւն իմ . և բնակեցայ ես
'ի վրանս կեդարու :

Բազում անգամ բնակեցաւ անձն
իմ ընդ այնոսիկ , ոյք աստէ ին զողջոյն :

Ես էի խաղաղարար . յորժամ խօ
սէի , մարտնչէին ընդիս :

Տունք զ :

ՄԱՂՄՈՍ ՃԻ.

Օրհնութիւնք սասիճանաց :

Համբարձի զաչս իմ 'ի լերինս , ուս-
տի եկեսցէ ինձ օգնութիւն :
Օգնութիւն ինձ 'ի տեառնէ եկես-
ցէ , որ արար զերկինս և զերկիր :
Մի տար 'ի սասանութիւն զոտն քո ,
և մի ննջեսցէ պահապան քո :
Որպէս ոչ ննջէ և ոչ 'ի քուն եր-
թայ , պահապանն իարայելի :
Տէր պահեսցէ զքեզ , և տէր ընկալ-
ցի աջոյ ձեռամբն իւրով :
Արեգակն 'ի տուէ քեզ մի մեղիցէ ,
և մի լուսին 'ի գիշերի :
Տէր պահեսցէ զքեզ յամենայն չա-
րէ , պահեսցէ տէր զանձն քո :
Տէր պահեսցէ զմուտ և զել քո՝
յայսմհետէ մինչեւ յաւիտեան :

Տունք ը :

ՄԱՂՄՈՍ ՃԻԱ .

Օրհնութիւնք աստիճանաց :

Ուրախ եղէ ես՝ ոյք ասէին ցիս ,
'ի տուն տեառն երթիցուք մեք :
Հասեալ կային ոտք մեր առ դրունս
քո երուսաղէմ :

Զերուսաղէմ շինեալ որպէս քա-
ղաք , և բնակութիւն իւր շուրջ
զնովաւ :

Անդ ելանէին ազգք ազգք տեառն ,
'ի վկայութիւն իսրայէլի խոստովան
լինիլ անուան տեառն :

Անդ արկեալ են աթոռք դատաս-
տանի , աթոռս արկեալ են 'ի տան
դաւթի :

Հարցէք զողջունէ երուսաղէմի , և
զշինութենէ՝ ոյք սիրէք զտէր :

Եղևցի խաղաղութիւն 'ի զօրու-
թեան քում , և շինութիւն յաշ-
տարակս յամուրս քո :

Վասն եղբարց և ընկերաց իմոց խօ-
սեցայ զխաղաղութիւն . վասն քո

և վասն տան տեառն աստուծոյ մե-
րոյ խնդրեցաք զբարու թիւն 'ի քէն :
Տունք ը :

ՍԱՂՄՈՍ ՃԻԲ .

Օրհնութիւնք աստիճանաց :

Առ քեզ տէր համբարձի զաչս իմ ,
որ բնակեալդ ես 'ի յերկինս :
Որպէս աչք ծառայի 'ի ձեռն տեա-
ռն իւրոյ , և որպէս աչք աղախ-
նոյ 'ի ձեռն տիկնոջ իւրոյ :

Այնպէս են աչք մեր առ քեզ տէր
աստուած մեր , մինչեւ ողորմեսցիս
'ի վերայ մեր :

Ողորմեա մեզ տէր ողորմեա մեզ ,
զի բազում լցաք արհամարհանօք :
Եւս առաւել լցան անձինք մեր նա-
խատանօք , որք նախատէին զմեզ .
արհամարհանօք ամբարտաւանից :
Տունք ե :

ՍԱՂՄՈՍ ՃԻԳ .

Օրհնութիւնք աստիճանաց :

Եթէ ոչ տէր էր առ մեզ , ասացէ

խարայել, եթէ ոչ տէր էր առ մեզ :
Ընդ յառնել մարդկան 'ի վերայ մեր ,
կենդանւոյն կամեցան կլանել զմեզ :
Ի բարկանալ սրտմտու թեամբ նոցա
'ի վերայ մեր , ապա և ջուրք ու
րեմն ընկղմեցին զմեզ :

Ընդ ուղիս անցին անձինք մեր . ան-
ցին անձինք մեր ընդ ուղիս ան-
գաղարս :

Օրհնեալ է տէր , որ ոչ ետ զմեզ
յորս ատամանց նոցա :

Անձինք մեր ապրեցան որպէս ճրնձ
զուկք՝ յորոգայթէ որսողաց :

Որոգայթք նոցա փշրեցան , և մեք
ապրեցաք :

Օգնու թիւն է մեզ յանուանէ
տեառն , որ արար զերկինս և զեր-
կիր :

Տունք ք :

ՍԱՂՄՈՍ ՃԻԴ .

Օրհնու թիւնք աստիճանաց :

Ո յուսայ 'ի տէր , որպէս լեառն սիւ

օն , մի՛ սասանեսցի յաւիտեան՝ որ
բնակեալն է յերուսաղէմ :


Լերինք շուրջ են զնովաւ , տէր
շուրջ է զժողովրդեամբ իւրով
յայսմհետէ մինչեւ յաւիտեան :

Ոչ թողու տէր զգաւազան մեղա-
ւորաց 'ի վիճակս արդարոց , և ար-
դարք մի՛ ձգեսցեն զձեռս իւրեանց
յանօրէնու թիւն :

Բարի առնէ տէր բարեաց , և այնու-
ցիկ ոյք ուղիղ են սրտիւք :

Իսկ զթիւրեալսն 'ի յափշտակու-
թիւն , տանի զնոսա տէր ընդ այնու-
սիկ ոյք գործեն զանօրէնու թիւն ,
խաղաղու թիւն 'ի վերայ իսրայէլի :

Տունք է : Գորդայս խ :



ՍԱՂՄՈՍ ՃԻԵ .

Օրհնու թիւնք աստիճանաց :

Ի դարձուցանել տեառն զգերու-
թիւն սիօնի , և եղաք մեք միսիթար-
եալք :

Յայնժամ լցան բերանք մեր խնդու-
թեամբ և լեզուք մեր ցնծու-
թեամբ :

Յայնժամ ասացեն 'ի հեթանոսս ,
մեծ արար տէր զառնե իւր ընդ
նոսա . մեծ արար տէր զառնե իւր
ընդ մեզ . և մեք եղաք բերկրեալք :
Գարձո տէր զգերութիւնս մեր
որպէս զուղիսս 'ի հարաւոյ . ոյք
վարէին արտասուօք , ցնծութեամբ
հնձեսցեն :

Երթալով երթային և լային , ոյք
բարձեալ տանէին զսերմանիս
իւրեանց :

Գալով եկեսցեն և ցնծասցեն , ոյք
առեալ բերիցեն զորայս իւրեանց :

Տունք զ :

ՍԱՂՄՈՍ ՃԻԶ .

Օրհնութիւնք աստիճանաց :

Եթէ ոչ տէր շինէ զտունն , 'ի նա-
նիր վաստակին շինողք նորա :

Եթէ ոչ տէր պահէ զքաղաքն ,
ընդունայն տքնին պահապանք նո-
րա :

Ի նանիր է ձեզ յառնելն կանխաւ .
արդ արիք՝ մինչչեւ էք ննջեցեալք ,
ոյք ուտէք զհաց ցաւոց :

Ի ժամանակի որպէս տացի քուն
սիրելեաց իւրոց . ժառանգու թիւն
առն որդիք են , որոյ վարձք իւր
են , այն է պտուղ որովայնի իւրոյ :
Որպէս նետք ՚ի ձեռս հղօրի , այն
պէս են և որդիքն թօթափելոց :

Երանի որ ելից զցանկու թիւն իւր
՚ի նոցանէ . մի՛ ամաչեացեն յորժամ
խօսեացին թշնամիք նոցա ընդ նոսա
առ դրանն :

Տունք զ :

ՍԱՂՄՈՍ ճԻԷ .

Օրհնու թիւնք տառիճանաց :

Երանի ամենեցուն՝ ոյք երկնչին ՚ի
տեառնէ , և դնան ՚ի ճանապարհս
նորա :

Զվաստակս ձեռաց քոց կերիցես

երանի է քեզ, և բարի եղիցի :

Ահն քո որպէս այգի վայելուչ յան

կիւնս տան քո . որդիք քո որպէս

նորատունկ ձիթենւոյ շուրջ զսե

ղանով քո :

Այսպէս օրհնեսցի ամենայն մարդ ,

որ երկնչի 'ի տեառնէ . օրհնեսցէ

զքեզ տէր 'ի սիօնէ :

Եւ տեսցես դու զբարութիւն ե

րուսադէմի զամենայն աւուրս կե

նաց քոց :

Տեսցես դու զորդիս որդւոց քոց ,

խաղաղութիւն 'ի վերայ խրայելի :

Տունք ը :

ՍԱՂԾՈՍ ձԻԸ .

Օրհնութիւնք աստիճանաց :

Բազում անգամ մարտեան ընդիս

'ի մանկութենէ իմմէ , ասասցէ իս

րայել :

Բազում անգամ մարտեան ընդիս

'ի մանկութենէ իմմէ , և ինձ ոչ

յաղթեցին :

ՁԹԻԿՈՒՆԱ իմ հարին մեղաւորք ,
ընդ երկար արարին զանօրէնու
Թիւնս իւրեանց :

Տէր արդար է , և խորտակէ զուրն
մեղաւորաց :

Ամաչեացեն և յետս դարձցին ամե
նեքեան՝ ոյք ատեն զսիօն :

Եղիցին նոքա որպէս խոտ տանեաց ,
որ մինչչեւ ՚ի բուռն եկեալ չորա
ցաւ :

Ուստի ոչ ելից զբուռն իւր հըն
ձողն , և ոչ զգիրկս իւր՝ որ զորայն
Ժողովէր :

Ոչ ասացին ամենեքեան՝ ոյք ան
ցանէին առ նոքօք , թէ օրհնու
Թիւն տեառն ընդ ձեզ , և օրհնե
ցաք զձեզ յանուանէ տեառն :

Տունք ը :

ՍԱՂՄՈՍ ՃԻԹ.

Օրհնու. թիւնք աստիճանաց :

Ի խորոց կարդացի առ քեզ տէր ,
տէր լուր ձայնի իմում :

Եղիցին ականջք քո 'ի լսել զձայն
աղօթից իմոց :

Թէ զանօրէնութիւնս իմ քննես
տէր տէր, իսկ ո՞ կարէ կալ առաջի
քո, զի 'ի քէն է քաւութիւն :

Վասն անուան քո համբերի տէր,
համբեր անձն իմ բանի քում. յու
սացաւ անձն իմ 'ի տէր :

Ի պահէ առաւօտու մինչեւ յե
րեկոյ, 'ի պահէ առաւօտու յու
սացաւ իտրայէլ 'ի տէր :

Ի տեառնէ է ողորմութիւն բա
զում, 'ի նմանէ է փրկութիւն, և
նա փրկեաց զիտրայէլ յամենայն
նեղութեանց նորա :

Տունք զ :

ՍԱՂՄՈՍ ՃԼ .

Օրհնութիւնք աստիճանաց :

Տէր ոչ բարձրացաւ սիրտ իմ, և
ոչ զբօսան աչք իմ :

Ոչ գնացի ես ընդ մեծամեծս, և

ոչ ընդ այնոսիկ ոյք սքանչելի եղեն
քան զիս .

Բայց թէ խոնարհեցայ ես որպէս
մանուկ սարտուցեալ 'ի ստենէ մօր
իւրոյ , և դարձնորա անդրէն 'ինոյն :
Այլ թէ հպարտացուցի արդեօք
զանձն իմ , այսպէս եղիցի հատու-
ցումն անձին իմոյ , յուսացաւ իս-
րայել 'ի տէր յայսմհետէ մինչեւ
յաւիտեան :

Տունք դ : Գորդայս խդ :



ՍԱՂՄՈՍ ՃԼԱ .

Երգ չուոց :

Յիշեա տէր զդաւիթ , և զամե-
նայն հեզու թիւն նորա :

Արպէս երգուաւ տեառն , և ուխ-
տըս եդ աստուծոյ յակորբայ :

Թէ ոչ մտից 'ի յարկս տան իմոյ , թէ
ելից յանկողինս մահճաց իմոց :

Թէ տաց քուն աչաց իմոց , կամ
նինջ արտեւանաց իմոց , կամ հան-

գիստ իրանաց իմոց . մինչեւ գտից
զտեղի յարկի տեառն աստուծոյ
յակոբայ :

Ահա լուաք զնմանէ յեփրաթայ ,
և գտաք զնա 'ի դաշտս մայրեաց :
Մտցուք 'ի յարկս նորա , երկիրպագ-
ցուք 'ի տեղւոջ՝ ուր կացեալ են
ոտք նորա :

Արի տէր 'ի հանգիստ քո , դու և
տապանակ կտակի սրբու թեան քո :
Քահանայք քո զգեցցին զարդա-
րութիւն , և սուրբք քո ցնծալով
ցնծասցեն :

Վասն դաւթի սիրելւոյ քո , մի
դարձուցաներ զերեսս քո յօծելոյ
քումմէ :

Երդուաւ տէր դաւթի ճշմարտու-
թեամբ՝ և ոչ ստեաց նմա . 'ի պրտ-
ղոյ որովայնի նորա նստուցանել
յաթոռ նորա :

Թէ պահեսցեն որդիք քո զօրէնս
իմ , և զվկայութիւնս իմ զոր ու-
սուցից նոցա :

Որդիք նոցա նստցին յաւիտեանս
յաւիտենից յաթոռ քո :

Հաճեցաւ տէր ընդ սիօն , և ընտ-
րեաց բնակիլ 'ի նմա . ասէ՛ այս է
հանգիստ իմ յաւիտեանս յաւի-
տենից , 'ի սմա բնակեցայց՝ զի հա-
ճեցայ ընդ սա :

Զայրիս սորա օրհնելով օրհնեցից ,
և զաղքատս սորա լցուցից հացիւ :
Երիցանց սորա զգեցուցից զփրկու-
թիւն , և սուրբք սորա ցնծալով
ցնծասցեն :

Անդ ծագեցից զեղջիւր 'ի դաւիթ .
պատրաստ արարից զճրագ օծելոյ
իմոյ :

Թշնամեաց նորա զգեցուցից զա-
մօթ , այլ 'ի վերայ նորա ծաղկեա-
ցի սրբութիւն իմ :

Տունք ժէ :

ՍԱՂՄՈՍ ՃԼԲ .

Երգ չուոց :

Զի՞ բարի կամ զի՞ վայելուչ , զի
բնակին եղբարք 'ի միասին :

Որպէս իւղ զի իջանէ 'ի գլուխ և
'ի մօրուսն ահարօնի . և 'ի մօրուացն
իջանէ 'ի գրապանս զգեստու նորա :

Որպէս ցօղ զի ցօղէ 'ի հերմոնէ 'ի
վերայ լերին սիօնի :

Տէր անդ պատրաստեաց զօրհնու
թիւն և զկեանս յաւիտենից :

Տունք Դ :

ՍԱՂՄՈՍ ԺԼԳ .

Երգ շունց :

Աստ օրհնեցէք ամենայն ծառայք
տեառն զտէր . ո կայք 'ի տուն
տեառն և 'ի գաւիթս աստուծոյ
մերոյ :

Ի գիշերի համբարձէք զձեռս ձեր
'ի սրբու թիւն , և օրհնեցէք զտէր :

Օրհնեսցէ զմեզ տէր 'ի սիօնէ , որ
արար զերկինս և զերկիր :

Տունք Դ :

ՍԱՂՄՈՍ ՃԼԴ .

Աշէշուիա :

Օրհնեցէք զանուն տեառն օրհնեցէք ծառայք տեառն զտէր . ո՛ր կայք 'ի տուն տեառն . և 'ի գաւիթս աստուծոյ մերոյ :

Օրհնեցէք զտէր , զի բարի է . սաղմոս ասացէք անուան նորա , զի քաղցր է :

Զյակոբ ընտրեաց իւր տէր , և զիսրայէլ ժառանգու թիւն իւր :

Ես ծանեայ՝ զի մեծ է տէր , և տէր մեծ է քան զամենայն կուռս :

Զամենայն զոր ինչ կամեցաւ և արար տէր , յերկինս և յերկրի , 'ի ծով և յամենայն խորս :

Հանէ զամպս 'ի ծագաց երկրի , ըզփայլատակունս իւր յանձրեւս արար , և հանէ զհողմ 'ի շտեմարանաց իւրոց :

Եհար զամենայն անդրանիկս եգիպտացւոց , 'ի մարդոց մինչեւ յանասուն :

Առաքեաց զնշանս և զարուեստս
իւր 'ի մէջ քո եգիպտոս, 'ի փարա-
ւօն և յամենայն զօրս իւր :

Եհար զազգս բազումս, և սպան
զթագաւորս հզօրս :

Զսեհոն թագաւոր ամուրհացւոց,
զովզ թագաւոր բասանու, և զա-
մենայն թագաւորու թիւնս քանա-
նացւոց :

Ետ զերկիր նոցա 'ի ժառանգու-
թիւն, ժառանգու թիւն իսրայէլի
ժողովրդեան իւրոյ :

Տէր անուն քո յաւիտեան, տէր
յիշատակ քո ազգէ մինչեւ յազգ :
Դատէ տէր զժողովուրդս իւր, և
'ի ծառայս իւր մխիթարի :

Կուռք հեթանոսաց ոսկի և արծաթ
են, ձեռագործք են որդւոց մարդ-
կան :

Բերան գոյ՝ և ոչ խօսին, աչք են՝
և ոչ տեսանեն :

Ականջք են՝ և ոչ լսեն, և ոչ գոյ
շունչ 'ի բերանս նոցա :


Նման նոցա եղիցին ոյք արարին ըզ
նոսա , ամենեքեան ոյք յուսացեալ
են 'ի նոսա :

Տուն իսրայելի օրհնեցէք զտէր .
տուն ահարօնի օրհնեցէք զտէր :

Տուն զեւեայ օրհնեցէք զտէր . եր
կիւղածք տեառն օրհնեցէք զտէր :

Օրհնեալ տէր 'ի սիօնէ , որ բնակ
եալն է յերուսաղէմ :

Տունք ի : Գորդայս խղ :



ՍԱՂՄՈՍ ՃԼԵ .

Աղեղալս :

Խոստովան եղերուք տեառն , զի
բարի է զի յաւիտեան է ողորմու
թիւն նորա :

Խոստովան եղերուք աստուծոյն
աստուծոց , զի յաւիտեան է ողոր
մութիւն նորա :

Խոստովան եղերուք տեառն տէ
րանց , զի յաւիտեան է ողորմու
թիւն նորա :

Արար սքանչելիս մեծամեծս միայն ,

զի յաւիտեան է ողորմութիւն
նորա :

Ջերկինս արար իմաստութեամբ
իւրով, զի յաւիտեան է ողորմութիւն
նորա :

Հաստատեաց զերկիր 'ի վերայ
ջուրց, զի յաւիտեան է ողորմութիւն
նորա :

Արար զլուսաւորս մեծամեծս մի-
այն, զի յաւիտեան է ողորմութիւն
նորա :

Ջարեգակն արար իշխանական տու-
րնջեան, զի յաւիտեան է ողորմութիւն
նորա :

Ջլուսին և զաստեղս իշխանական
գիշերոյ, զի յաւիտեան է ողոր-
մութիւն նորա :

Եհար զերկիրն եգիպտացւոց անդ-
րանկօք իւրովք հանդերձ, զի յա-
ւիտեան է ողորմութիւն նորա :

Եւ եհան զիսրայէլ 'ի միջոյ նորա,
զի յաւիտեան է ողորմութիւն
նորա :

Ի ձեռն բարձր և ՚ի բազուկ հզօր ,
զի յաւիտեան է ողորմութիւն
նորա :

Եհերձ զծովն մեծ , և բաժանեաց
յերկուս մասունս , զի յաւիտեան
է ողորմութիւն նորա :

Եւ անցոյց զխրայէլ ընդ մէջ նո-
րա , զի յաւիտեան է ողորմութիւն
նորա :

Ընկղմեաց զփարաւօն և զզօրս իւր
՚ի ծով կարմիր , զի յաւիտեան է
ողորմութիւն նորա :

Եւ եհան զժողովուրդ իւր յանա-
պատ , զի յաւիտեան է ողորմու-
թիւն նորա :

Եհար զազգս մեծամեծս միայն , զի
յաւիտեան է ողորմութիւն նորա :

Եւ սպան զթագաւորս հզօրս , զի
յաւիտեան է ողորմութիւն նորա :

Զսեհօն թագաւոր ամուրհացւոց ,
զի յաւիտեան է ողորմութիւն
նորա :

Զովզ թագաւոր բասանու , զի

յաւիտեան է ողորմու թիւն նորա :
Ետ զերկիր նոցա 'ի ժառանգու
թիւն, զի յաւիտեան է ողորմու
թիւն նորա :

Ժառանգու թիւն իսրայէլի ծառայի
իւրոյ, զի յաւիտեան է ողորմու
թիւն նորա :

Յիշեաց զմեզ տէր 'ի խոնարհու
թեան մերում, զի յաւիտեան է
ողորմու թիւն նորա :

Եւ փրկեաց զմեզ 'ի ձեռաց թշնա
մեաց մերոց, զի յաւիտեան է ու
ղորմու թիւն նորա :

Ո՛ տայ կերակուր ամենայն կենդան
եաց, զի յաւիտեան է ողորմու
թիւն նորա :

Խոստովան եղերուք աստուծոյն
երկնաւորի, զի յաւիտեան է ողոր
մու թիւն նորա :

Տունք իզ :

ՍԱՂՄՈՍ ՃԼԶ.

Սացմոս Կաւթի, 'ի ձեռն երեմիայի, անշան յեբրայեցւոց :

Առ գետս բաբելացւոց, անդ նրա

տէաք և լայաք որպէս յիշեցաք մեք
անդ զսիօն :

Ի մէջ ուռեաց նոցա կախեցաք ըզ
կտակարանս մեր :

Անդ հարցանէին գերիւնք մեր զբա
նըս օրհնութեան , գերավարք մեր
ստիպէին զմեզ և ասէին :

Օրհնեցէք մեզ յօրհնութենէ սիօ
նի . իսկ զիմորդ օրհնեսցուք զօրհ
նութիւնս տեառն յերկիր օտար :
Թէ մոռացայց զքեզ երուսաղէմ ,
մոռացի զիս աջ իմ :

Կցեսցի լեզու իմ 'ի քիմս իմ՝ թէ
ոչ յիշեցից զքեզ , թէ ոչ նախնուա
գեցից զքեզ , երուսաղէմ , սկիզբն
ուրախութեան իմոյ :

Յիշեա տէր զորդիան եղովմայ յա
ւուրսն երուսաղէմի :

Ոյք ասէին , քակեցէք քակեցէք ,
մինչեւ 'ի հիմն հասուցէք :

Գուսար բաբելացւոց թշուառա
կան , երանի որ հատոյց զհատու
ցումն քո , զոր դու մեզ հասուցեր :

Երանի որ կալաւ զմանկունս քո ,
և եհար զքարի :

Տունք ժ :

ՍԱՂՄՈՍ ՃԼԷ .

Սացմոս դաւթի :

Խոստովան եղէց քեզ տէր բողոքով
սրտիւ իմով , առաջի հրեշտակաց
սաղմոս ասացից քեզ :

Ձի լուար զբանս բերանոյ իմոյ ,
երկիրպագից 'ի տաճար սուրբ քո ,
և խոստովան եղէց անուան քում
վասն ողորմութեան և ճշմարտու
թեան քո :

Մեծ արարեր յամենայնի զանուն
սուրբ քո , յորում աւուր կարգամ
առ քեզ վաղվաղակի լուր ինձ , և
բազում արասցես զօրութիւնս
յանձն իմ :

Խոստովան եղիցին առ քեզ ամե
նայն թագաւորք երկրի , զի լուան
զբանս բերանոյ քո , և օրհնեսցեն
զճանապարհս քո :

Մեծ են փառք տեառն, բարձր է
տէր՝ զխոնարհս տեսանէ, և զբար-
ձունս 'ի հեռաստանէ ճանաչէ :
Թէ գնացից ես 'ի մէջ նեղու թեանց,
կեցուսցես զիս 'ի բարկու թենէ
թշնամւոյն :

Զգեցեր զձեռն քո, և փրկեաց զիս
աջ քո, և տէր հատուսցէ ընդ իմ :
Տէր ողորմու թիւն քո յաւիտեան,
զգործս ձեռաց քոց մի՛ անտես առ-
ներ :

Տունք ը : Գորդայս խղ :



ՍԱՂՄՈՍ ԶԼԸ .

Ի կաթարս . Սացմոս դաւ. թի :

Տէր փորձեցեր զիս և ծանեար զիս,
դու ծանեար զնատել իմ և զյառ-
ներ իմ :

Ի միտ առեր զխորհուրդս իմ 'ի հե-
ռաստանէ, զչաւիղս իմ և զվիճակս
իմ դու քննեցեր, և զամենայն ճա-
նապարհս իմ յառաջագոյն տեսեր,

զի ոչ գոյ նենդու թիւն 'ի լեզուի
իմում :

Ահա դու տէր՝ ծանեար գյետին իմ
և զառաջին իմ, դու ստեղծեր զիս,
և եղեր զձեռն քո 'ի վերայ իմ :

Սքանչելի եղեւ գիտութի քո յինէն,
զօրացաւ և ոչ հանդարտեմ սմա :
Յո՞ երթայց ես յողոյ քումմէ,
կամ յերեսաց քոց ես յո՞ փախեայց :
Թէ ելանեմ յերկինս՝ դու անդ ես,
և թէ իջանեմ 'ի դժոխս՝ և անդ
մօտ ես :

Թէ առից զթեւս իմ ընդ առաւօ-
տրս, և բնակեցայց յեզերս ծովու :
Սակայն և անդ ձեռն քո առաջնոր-
դեսցէ ինձ, և աջ քո ընկալցի զիս :
Ասացի՝ խաւար ուրեմն արդեօք
ծածկեաց զիս, կամ գիշեր փոխա-
նակ լուսոյ փափկութեան իմոյ :
Խաւարն 'ի քեզ ոչ խաւարեսցի, և
գիշերն որպէս տիւ լուսաւոր եղի-
ցի, և խաւար նորա որպէս զլոյս
նորա :

Գու ստացար զերիկամունս իմ, և
ընկալար զիս յորովայնէ մօր իմոյ :
Խոստովան եղէց քեզ տէր, զի ահեղ
և սքանչելի ես. սքանչելի են գործք
քո և անձն իմ սիրեաց յոյժ :

Ոչ թագեալ ոսկր իմ 'ի քէն՝ զոր
արարեր 'ի ծածուկ, և կար զօրու
թեան իմոյ ընդ ստորինս երկրի :
Զանգործս իմ տեսին աչք քո, և 'ի
գիրս քո ամենեքեան գրեցան :
Ի տուէ մոլորեցան, և ոչ ոք էր որ
առաջնորդէր նոցա :

Ինձ յոյժ մեծարու եղեն բարե-
կամք քո աստուած, և յոյժ զօրա-
ցան իշխանք նոցա :

Թուեցի զնոսա, և քան զաւագ
բազմացան. զարթեայ, և արդ ընդ
քեզ եմ :

Թէ սպանանես զմեղաւորս աստ-
ուած, արք արեան 'ի բաց եղերուք
յինէն :

Ի հակառակու թիւն և 'ի նախանձ,
առցեն 'ի նանիր զքաղաքս քո :

Չատելիս քո տէր ատեցի, և 'ի վե-
րայ թշնամեաց քոց մաշեցայ:
Յատելու թիւն կատարեալ ատեցի
զնոսա, և եղեն ինձ թշնամիք:
Փորձեա զիս աստուած և ծանիր
զսիրտ իմ, քննեա զիս և ծանիր ըզ-
շաւիղս իմ. և տես թէ իցե՞ն ա-
նօրէնու թիւնք 'ի ճանապարհս իմ,
և առաջնորդեա ինձ 'ի ճանապարհս
քո յաւիտենից:

Տունք իք:

ՍԱՂՄՈՍ ԺԼԹ.

Ի կատարած • Սոցմոս գու. թի:

Ապրեցո զիս տէր 'ի մարդոց չարէ,
յառնէ անիրաւէ փրկեա զիս:
Խորհեցան զանօրէնու թիւն 'ի սիր-
տըս իւրեանց • զօր ամենայն պատ-
րաստեցան 'ի պատերազմ:
Սրեցին զլեզուս իւրեանց որպէս
զօճի, և թոյնք իժից 'ի ներքոյ շըր-
թանց նոցա:

Պահեա զիս տէր 'ի ձեռաց մեղա-
ւորի, և 'ի մարդոյ չարէ փրկեա
զիս :

Խորհեցան խափանել զգնացս իմ.
Թագուցին ամբարտաւանք որո-
գայթ ինձ :

Լարս ձգեցին որոգայթ ոտից իմոց,
շուրջ զչաւղօք իմովք եդին ինձ
զգայթակողութիւն :

Ասացի՛ տէր աստուած իմ ես դու,
ունկնդիր տէր ձայնի աղօթից իմոց :
Տէր տէր զօրութիւն փրկութեան
իմոյ, հովանի գլխոյ իմոյ յաւուր
պատերազմի :

Մի՛ մատներ զիս տէր 'ի ցանկու-
թիւն մեղաւորաց, ոյք խորհեցան
վասն իմ. մի՛ ընդ վայր հարկաներ
զիս :

Զի մի՛ երբէք բարձրացին, և խոր-
հուրդք նոցա մի՛ կատարեցին.
վախճան կատարածի նոցա վաստակ
չրթանց իւրեանց ծածկեացէ զնոսա :
Արկցես 'ի վերայ նոցա զկայծա-

կունս հրոյ, և կործանեացես զնոսա .

ի տառապանաց մի՛ կարասցեն կեալ :

Մարդոյ լեզուանւոյ մի՛ յաջողեսցի

ի վերայ երկրի . զայր մեղաւոր չա-

րիք իւր որասացեն ՚ի կորուստ :

Ծանեայ զի առնես տէր դատաս-

տան աղքատի, և իրաւունս տը-

նանկի :

Արդարք գոհասցին զանուանէ քում-

մէ, և բնակեսցին ուղիղք առաջի

երեսաց քոց :

Տունք ժգ :

ՍԱՂՄՈՍ ՃԽ .

Սացմոս դաւթի :

Տէր կարդացի առ քեզ՝ և լուր ինձ ,

նայեա ՚ի ձայն աղօթից իմոց ՚ի կար-

դալ իմում՝ առ քեզ :

Ուղիղ եղիցին աղօթք իմ որպէս

խունկ առաջի քո տէր . համբար-

ձումն ձեռաց իմոց պատարագ ե-

րեկոյի :

Դիր տէր պահապան բերանոյ իմոյ ,

և դուռն ամուր շրթանց իմոց, զի
մի խոտորեսցի սիրտ իմ բանիւ չա-
րութեան :

Ի պատճառել զպատճառս մեղաց
ընդ մարդս, ոյք գործեն զանօրէ-
նութիւն. և ոչ եղէց կցորդ ընտ-
րելոց նոցա :

Խրատեսցէ զիս արդարն ողորմու-
թեամբ և յանդիման արասցէ. իւր
մեղաւորի մի՛ օծցէ զգլուխ իմ, այլ
աղօթք իմ՝ ի կամս նորա :

Արդելան մերձ առ վիմին դատա-
ւորք նոցա. լուիցեն բանից իմոց,
և քաղցրասցին :

Որպէս թանձրութիւն հողոյ զի
սփռեալ է ՚ի վերայ երկրի. ցրուես-
ցին ոսկերք նոցա մերձ ՚ի դժոխս :
Առ քեզ տէր տէր են աչք իմ. ՚ի
քեզ յուսացայ, մի՛ հաներ զհողի
յինէն :

Պահեա զիս յորոգայթէ որ թա-
գուցաւ ինձ, ՚ի գայթակղութենէ
գործողին զանօրէնութիւն :

Անկցին 'ի ցանցս նորա մեղաւորք ,
միայն եմ ես մինչեւ անցից :

Տունք ժ :

ՍԱՂՄՈՍ ՃԻՍԱ .

Իմաստութիւն գաւթի . Ացօթք , 'ի ժամանակի' ջի էր նա
յայրի անդ :

Չայնիւ իմով ես առ տէր կարդա
ցի , ճայնիւ իմով զտէր աղաչեցի :
Սփռեցից առաջի տեառն զաղօթս
իմ , և զնեղութիւնս իմ առաջի
նորա պատմեցից :

Ինուադիլ յինէն հոգւոյ իմոյ ,
դու տէր ծանեար զչաւիղս իմ . 'ի
ճանապարհ յոր և գնայի , թա
գուցաւ ինձ որոգայթ :

Հայէի յաջմէ՝ տեսանէի , և ոչ
ոք ճանաչէր զիս . կորեաւ յինէն
փախուստ իմ , և ոչ գտաւ խընդ
րող անձին իմոյ :

Աղաղակեցի առ քեզ տէր և ասա
ցի , դու ես յոյս և բաժին իմ
յերկրին կենդանեաց :

Նայեա տէր յաղօթս իմ , զի ես

խոնարհ եղէ յոյժ . ապրեցո զիս
'ի հալածչաց իմոց , զի հզօրք եղեն
քան զիս :

Տէր հան 'ի բանտէ զանձն իմ . գո
հանամ զանուանէ քու մտէ :

Եւ քեզ սպասեն արդարք՝ մինչեւ
հատուցես ինձ :

Տունք ը : Գորդայս ծղ :



ՍԱՂՄՈՍ ՃԽԲ .

Սացմոս գաւթի . 'ի ժամանակի՝ ջի հաշածէր ջնա
արիսոցոմ որդի նորա :

Տէր լուր աղօթից իմոց , ունկրն
դիր խնդրուածաց իմոց ճշմարտու
թեամբ քով :

Լուր ինձ արդարու թեամբ քով ,
և մի՛ մտաներ 'ի դատաստան ընդ
ծառայի քում . զի ոչ արդարանայ
առաջի քո ամենայն կենդանի :

Հալածեաց թշնամին զանձն իմ ,
խոնարհ արար յերկիր զկեանս իմ .
և նստոյց զիս 'ի խաւարի որպէս
մեռեալ յաւիտենից :

Չանձրացաւ յիս հոգի իմ, և սիրտ
իմ խռովեցաւ յիս :

Յիշեցի զաւուրսն զառաջինս, խորհ
հեցայ յամենայն գործս քո. յա
րարածս ձեռաց քոց խորհեցայ, և
համբարձի առ քեզ զձեռս իմ :

Անձն իմ որպէս երկիր ծարաւի է
առ քեզ. յաղվաղակի լուր ինձ
տէր, զի նուաղեցաւ յինէն հոգի
իմ :

Մի գարձուցաներ զերեսս քո յի
նէն. նմանիցիմ այնոցիկ՝ ոյք իջա
նէն ՚ի գուբ :

Լսելի արա ինձ առաւօտու զողոր
մութիւնս քո, զի ես ՚ի քեզ տէր
յուսացայ :

Յոյց ինձ ճանապարհ յոր և գնա
ցից, զի առ քեզ տէր համբարձի
զանձն իմ :

Փրկեա զիս ՚ի թշնամեաց իմոց տէր.
զի զքեզ ապաւէն ինձ արարի :
Ուսո ինձ առնել զկամս քո, զի
գու ես աստուած իմ :

Հողի քո բարի առաջնորդեսցէ ինձ
'ի յերկիր ուղիղ :

Վասն անուան քո տէր կեցուսցես
զիս , արդարու թեամբ քով հան-
ցես 'ի նեղու թե՛նէ զանձն իմ :

Ողորմութեամբ քով սատակեա ըզ
թշնամիս իմ . և կորո զամենայն
նեղիչս անձին իմոյ , զի ես ծառայ
քո եմ :

Տունք ժդ :

ՍԱՂՄՈՍ ձԽԳ .

Սացմոս գաւթի . առ գոցիւթ :

Օրհնեալ տէր աստուած իմ , ո
ուսոյց զձեռս իմ 'ի պատերազմ ,
և զմատունս իմ 'ի ճակատամարտ :
Ողորմութիւն իմ և ապաւէն իմ , օգ-
նական իմ և փրկիչ իմ . ապաւէն
իմ , և ես յուսամ 'ի նա . ո՛հ հնազանդ
առնէ զժողովուրդս ընդ ինեւ :

Տէր՝ ո՞վ է մարդ զի յայտնեցար
դու նմա , կամ որդի մարդոյ թէ
համարիս ինչ զնա :

Մարդ նանրոյ նմանեցաւ , և ա

Լուրք նորա որպէս հովանի անցին :
Տէր խոնարհեցո զերկինս և եջ,
մերձեա ՚ի լերինս և ծխեսցին :
Փայլեա զփայլատակունս քո, և
խռովեա զնոսա, առաքեա զնետս
քո, և ցրուեա զնոսա :

Առաքեա զձեռն քո ՚ի բարձանց,
և փրկեա զիս ՚ի ջուրց բազմաց,
և ՚ի ձեռաց որդւոց օտարաց :

Որոց բերանք իւրեանց խօսեցան
զնանրու թիւն, և աջ նոցա աջ է
մեղաց :

Աստուած՝ յօրհնու թիւն նոր օրհնեցից
զքեզ, տասնաղեալ սաղմոսարանալ սաղմոս
ասացից քեզ :
Ո՛ տացէ զփրկութիւն թագաւորաց
մերոց, որ փրկելոց իցէ զդաւ
լիթ ծառայ իւր ՚ի սրոյ չարէ :

Փրկեա զիս և ապրեցո զիս ՚ի ձեռաց
որդւոց օտարաց :

Որոց բերանք իւրեանց խօսեցան
զնանրու թիւն, և աջ նոցա աջ է
մեղաց :

Որոյ ուստերք իւրեանց որպէս նո-
րատունկ հաստատուն են ՚ի ման-
կու թենէ իւրեանց. դատերք նո-
ցա զարդարեալ և պաճուճեալ ՚ի
նմանութիւն տաճարի :

Շտեմարանք նոցա լի են և բղխեն
՚ի միմեանց. խաչինք նոցա բազմա-
ծինք են, և բազմանան ՚ի գնացս
իւրեանց. և անդեայք նոցա պա-
րարտք են :

Ոչ գոյ խրամատութիւն ցանկոյ
նոցա, և ոչ աղաղակ ՚ի հրապարա-
կրս նոցա :

Արդ երանեցից ժողովրդեան, որոյ
այս այսպէս է. նա երանի ժողո-
վրդեան, որոյ տէր աստուած է
նոցա :

Տունք ժղ :

ՍԱՂՄՈՍ ՃԻԴ.

Օրհնութեանց Սոցմոս դ.աւ.թի :

Բարձր առնեմ զքեզ աստուած իմ
և թագաւոր իմ, և օրհնեմ զա-

Նուն քո յաւիտեան և յաւիտեանս յաւիտենից :

Զօր հանապազ օրհնեցից զքեզ, և գովեցից զանուն քո յաւիտեան, և յաւիտեանս յաւիտենից :

Մեծ է տէր և օրհնեալ է յոյժ, և մեծութեան նորա ոչ գոյ չափ :

Ազգք և ազգք գովեացեն զգործս քո, և զգորութիւնս քո պատմեացեն :

Զմեծվայելչութիւն փառաց սրբութեան քո խօսեացին, և զսքանչելիս քո պատմեացեն :

Զգորութիւն ահի քո ասացեն, և զմեծութիւնս քո պատմեացեն :

Զյիշատակ բազում քաղցրութեան քո բղխեացեն, և արդարութեամբ քո ցնծացեն :

Գթած ողորմած է տէր, երկայնամիտ և բազումողորմ :

Քաղցր է տէր առ ամենեւեան, և գթութիւն նորա ՚ի վերայ ամենայն արարածոց իւրոց :

Թոստովան եղիցին առ քեզ տէր ա-
մենայն գործք քո, և սուրբք քո
օրհնեսցեն դքեզ:

Զփառս արքայութեան քո ասաս-
ցեն, և զզօրութիւնս քո պատ-
մեսցեն:

Ճանաչել որդւոց մարդկան զզօ-
րութիւնս քո, և զփառս մեծվա-
յելչութեան արքայութեան քո:

Արքայութիւն քո արքայութիւն
ամենայն յաւիտենից, և տէրու-
թիւն քո ազգէ մինչեւ յազգ:
Հաւատարիմ է տէր յամենայն
բանս իւր, և արդար է յամենայն
գործս իւր:

Հաստատէ տէր զամենայն գայ-
թակղեալս, և կանգնէ զամենայն
գլորեալս:

Աչք ամենեցուն 'ի քեզ յուսան, և
դու տաս կերակուր նոցա 'ի
ժամու:

Տաս դու նոցա և կերակրին, բա-
նաս զձեռն քո, և լցուցանես զա-

մենեսեան քաղցրութեամբ կամօք
քովք :

Արդար է տէր յամենայն ճանա-
պարհս իւր, և սուրբ է յամե-
նայն գործս իւր :

Մերձ է տէր առ ամենեսեան ոյք
կարդան առ նա, առ ամենեսեան
ոյք կարդան առ նա ճշմարտու-
թեամբ :

Զկամս երկիւղածաց իւրոց առնէ
տէր, աղօթից նոցա լսէ, և կեցու-
ցանէ զնոսա :

Պահէ տէր զամենեսեան ոյք սի-
րեն զնա, և զամենայն մեղաւորս
սատակէ տէր :

Զօրհնութիւնս տեառն խօսեսցի
բերան իմ, օրհնեսցէ ամենայն կեն-
դանի զանուն սուրբ նորա յաւիտե-
ան և յաւիտեանս յաւիտենից :

Տունք իբ : Գորդայս ծբ :



ՍԱՂՄՈՍ ՃԻԵ .

Աշէշու.իա . անգեայ եւ ջութարիայ .

Օրհնեա անձն իմ զտէր , օրհնեցից զտէր 'ի կեանս իմ , սաղմոս աւասցից աստուծոյ իմոյ մինչեւ եմ ես :

Մի՛ յուսայք յիշխանս յորդիս մարդկան , զի ոչ գոյ փրկու թիւն 'ի նոսա :
Ելցէ հողի 'ի նոցանէ՝ և դարձցին անդրէն 'ի հող , և յայնմ աւուր կորիցեն ամենայն խորհուրդք նոցա :
Երանի ազգի՝ որոյ տէր աստուած յակոբայ օգնական է նմա , և յոյս նորա 'ի տէր աստուած է :

Որ արար զերկինս և զերկիր , ըզծով և զամենայն որ 'ի նոսա :

Ո պահէ զճշմարտութիւն յաւիտեան , և առնէ իրաւունս զրկելոց :

Տայ հաց քաղցելոց , և արձակէ ըզկապեալս տէր :

Տէր բանայ զաչս կուրաց , և կանգնէ զգլորեալս տէր :

Տէր սիրէ զարդարս, տէր պահէ
զպանդուխտս. զորքս և զայրիս
ընդունի տէր, և զճանապարհս
ամբարշտաց կորուսանէ:

Թագաւորեացէ տէր յաւիտեան,
աստուած քո սիօն ազգէ մինչեւ

յազգ:

Տունք ժ:

ՍԱՂՄՈՍ ՃԽԶ.

Աշէշուխո. անգեայ եւ ցարաբիայ:

Օրհնեցէք զտէր զի բարի են սաղ-
մոսք. աստուծոյ մերում քաղցր եւ
ղիցի օրհնութիւն:

Շինէ զերուսաղէմ տէր, և զցրը-
ուեալսն իսրայելի ժողովէ:

Բժշկէ զբեկեալ սիրտս, և պատէ
զամենայն վէրս նոցա:

Ո թուէ զբազմութիւն աստեղաց,
և զամենեւեան զնոսա յանուանէ
կոչէ:

Մեծ է տէր և մեծ է զօրութիւն
նորա, իմաստութեան նորա ոչ գոյ
բաւ:

Ընդունի զհեզս տէր, և խոնարհ
առնէ զամբարտաւանս մինչեւ
յերկիր :

Օրհնեցէք զաստուած խոստովա
նու թեամբ, սաղմոս ասացէք նմա
օրհնու թեամբ :

Ո զգեցոյց զերկինս ամպովք, և
պատրաստ արար զանձրեւ իւր
յերկիր :

Բուսոյց զխոտս ՚ի լերինս, և զդա
լար ՚ի ծառայու թիւն մարդկան :
Ո տայ անասնոց կերակուր, ձա
գուց ագռաւուց՝ ոյք կարդան առ
նա :

Ոչ թէ ընդ զօրու թիւնս ձիոյ կա
մեցաւ տէր, և ոչ ընդ իրանս առն
հսկայի հաճեցաւ :

Այլ հաճեցաւ տէր ընդ երկիւ
ղածս իւր, և ընդ այնոսիկ՝ ոյք
յուսան յողորմու թիւն նորա :

Տունք ժբ :



ՍԱՂՄՈՍ ՃԻԺԻ

Աշէջուիս • անգեայ եւ ջաբարիս :

Գովեա երուսաղէմ զտէր :

Եւ օրհնեա զաստուած քո սիօն :

Զի զօրացոյց զնիգս դրանց քոց , և

օրհնեաց զորդիս քո 'ի քեզ :

Ո՛ր եղ զսահմանս քո 'ի խաղաղու-

թիւն պարարտութեամբ ցորենոյ

լցոյց զքեզ :

Առաքէ զբան իւր յերկիր , վաղ-

վաղ ընթանան պատգամք նորա :

Դնէ զծիւն որպէս զասր , և զմէզ

որպէս փոշի ցանեաց :

Արկանէ զսառն որպէս պատառս ,

առաջի ցրտոյ նորա ո՞ր կարէ կեալ :

Առաքէ զբան իւր և հալէ զնոսա ,

չնջեացեն հողմք , և գնասցեն ջուրք :

Պատմէ զբան իւր յակոբայ , զարդա-

րութիւն և զիրաւունս իսրայէլի :

Ոչ այսպէս արար ամենայն ազգաց

տէր , և զդատաստանս իւր ոչ

յայտնեաց նոցա :

Տունք թ : Գորդայս լք :



ԱՂՕԹՔ ԱՄԲԱԿՈՒՄԱՅ ՄԱՐԳԱՐԷԻ

Ամբակ Դ :

Տէր, զլուր քո լուայ և երկեայ,
տէր՝ նայեցայ 'ի գործս քո և զար-
հուրեցայ :

Ի մէջ երկուց կենդանեացն ծա-
նիցիս դու, 'ի մերձենալ ամացն
յայտնեսցիս, և 'ի հասանել ժա-
մանակին երեւեսցիս :

Ի խռովել անձին իմոյ 'ի ժամանա-
կի բարկութեան, զողորմութիւն
յիշեսցես :

Աստուած 'ի հարաւոյ եկեսցէ, և
սուրբն 'ի փառան լեռնէ :

Յայտնեսցեն երկինք զվայելչութիւն
փառաց նորա, և օրհնութեամբ
նորա լցան տիեզերք :

Ճառագայթք որպէս 'ի լուսոյ հա-
տան 'ի նմանէ, և եղջիւրք 'ի ձեռին
նորա գտան, և անդ հաստատեցաւ
զօրութիւն փառաց նորա :

Յերեսաց նորա ելցեն հարուածք,
և զհետ շաւղաց նորա երթիցեն
մեծամեծք 'ի թռչնոց:

Եկաց և չափեաց զերկիր, հայե-
ցաւ և դիտեաց զհեթանոսս:

Լերինք հալեացին և անտառք վատ-
նեացին. ճանապարհք՝ որք 'ի սկըզ-
բանէն էին, կուրացցին. և 'ի նմա-
նէ դողացցի ամենայն երկիր:

Տեսի զբանակս քուշացւոց, խռովե-
ցան բնակիչք վրանացն մադիամու:

Միթէ 'ի վերայ գետոց բարկացցի՞ս
դու տէր, կամ սրտմտու թիւն քո
'ի վերայ գետոց, կամ բարկու թիւն
քո 'ի վերայ ծովու:

Ելեր դու 'ի կառս քո, հեծելու
թիւնդ քո փրկու թիւն եղել յե-
լանելն քո:

Չարթեաւ աղեղն քո, զնետս կա-
պարճից քոց արբուցեր, զգետս
ցրուեցեր, զերկիր դողացուցեր
'ի սաստկութենէ անձրեւի, որք
անցանեն ընդ սա:

Անդունդք աղաղակեցին մեծապէս,
լոյս փայլման արեգականն արդելաւ
և ծագումն լուսնի դադարեցաւ :
Որպէս 'ի նշոյլս սլաքաց քոց գնաս-
ցես, և որպէս 'ի լոյս փայլատակ-
ման սրոյքո :

Բարկութեամբ զարթիցես 'ի վե-
րայ երկրի, և դողութեամբ կաց-
ցես զհեթանոսս :

Երեւեցար 'ի փրկութիւն ժողովրդ-
դեանքո, 'ի փրկել զընտրեալս քո :
Նետաձիգ եղեր 'ի գլուխս մարդ-
կան ամբարտաւանից, մինչեւ յան-
դունդս ծովու ընկղմեցան :

Խնդրեցեր զվրէժ զօրութեամբ
քով 'ի զօրագլխացն մեղաւորաց,
որք յուսացեալ էին յանդգնու-
թիւնս իւրեանց զի կերին զաղքա-
տըն 'ի գաղտնիս :

Առաքեցեր 'ի վերայ ծովու զերիվա-
րրս քո, և խռովեցան յաղթ ջուրք
անդնդոց :

Կացի ես՝ և գելան աղիք իմ 'ի ճայ-

Նէ բերանոյ իմոյ , եմուտ գողումն
յոսկերս իմ , և ես յանձն իմ խոռ
վեցայ :

Զայս պահեսցես յաւուր նեղու
թեան , ածել 'ի վերայ ազգի ամե
նայնի՝ որք մարտնչին ընդ ժողովըր
դեան քում :

Թղենի ոչ տացէ զպտուղ իւր , և
յայգւոջ բեր մի՛ գտցի . ճիթենիք
անասցին , և երկիր մի՛ բուսուսցէ
զդալարի :

Պակասեցին հօտք 'ի ճարակաց , և
եզինք մի՛ գտցին առ մտուրս :

Ես 'ի տէր յուսացայ , ցնծացայց և
ուրախ եղէց յաստուած փրկիչ իմ :
Տէր տէր ետ ինձ զօրութիւն , և
կացոյց զոտս իմ 'ի հաստատու
թեան , 'ի վերայ պարանոցի թըշ
նամւոյն կացոյց զիս , և հանգոյց
զիս երագ երագ :

Փառք հօր և որդւոյ և :



ՄԱՂԹԱՆՔ

Լուր մեզ տէր լուր մեզ, աստուա-
ծային ողորմութեամբ և գթու-
թեամբ քո խնայեա յարարածս քո :

Մարդասէր տէր վասն սրբուհի :

Զքարողն եւ զաղօթս 'ի վերջն Ողորձեա կանոնին
գտցես 'ի 202 երեսն :



ՄԱՂՄՈՍ ՃԻԸ.

Աշխուիս անգեայ եւ ջաբարիայ :

Օրհնեցէք զտէր յերկնից, օրհնե-
ցէք զնա 'ի բարձանց :

Օրհնեցէք զնա ամենայն հրեշտակք
'նորա, օրհնեցէք զնա ամենայն զօ-
րութիւնք 'նորա :

Օրհնեցէք զնա արեգակն և լուսին,
օրհնեցէք զնա ամենայն աստեղք
և լոյսք :

Օրհնեցէք զնա երկինք երկնից, և
ջուրք որ 'ի վերոյ քան զերկինս օրհ-
նեցէք զանուն տեառն :

Ձի նա սաաց՝ և եղեն, հրամայեաց՝
և հաստատեցան :

Կացոյց զնոսա յաւիտեանս յաւի-
տենից, սահման եղ և ոչ անցանեն :
Օրհնեցէք զտէր յերկրէ վիշապք,
և ամենայն խորք :

Հուր և կարկուտ, ձիւն և սառն,
հողմ և մրրիկ՝ որք առնէք զբան
նորա :

Լերինք և ամենայն բարձուկք, ծառք
պտղաբերք և ամենայն մայրք :
Գազանք և ամենայն անասուկք,
սողուկք և ամենայն թռչուկք
թեւաւորք :

Թագաւորք երկրի և զօրք իւրեանց,
իշխանք և ամենայն դատաւորք
երկրի :

Երիտասարդք և կուսանք, ծերք և
տղայք օրհնեցէք զանուն տեառն :
Բարձրացաւ անուն նորա միայն,
խոստովանու թիւն նմա յերկինս և
յերկրի :

Բարձր առնէ տէր զեղջիւր ժողո-

վըրդեան իւրոյ, օրհնու թիւն նմա
յամենայն սրբոց նորա յորդւոցն
խորայելի ժողովոյն՝ որ մերձ է առ
տէր :

Տունք ժդ :

ՍԱՂՄՈՍ ՃԽԹ .

Աշխուիտ . անգեայ եւ ցոքարիայ օ

Օրհնեցէք զտէր յօրհնու թիւն 'ի
նոր, օրհնու թիւն նմա յեկեղեցիս
սրբոց :

Ուրախասցի իսրայել յարարիչ իւր,
որդիք սիօնի ցնծասցեն 'ի թագաւ
ւորն իւրեանց :

Օրհնեսցեն զանունն նորա օրհնու
թեամբ, սաղմոսիւք եւ օրհնու
թեամբ սաղմոս երգեսցեն նմա :
Հաճի տէր ընդ ժողովուրդ իւր
սուրբ, եւ բարձր առնէ զհեզս 'ի
փրկու թեան :

Պարծեսցին սուրբքն փառօք, եւ ցըն
ծասցեն 'ի հանգիստ իւրեանց, եւ
բարձր արասցեն զաստուած բերա
նօք իւրեանց :

Մուր երկսայրի ետ 'ի ձեռս նոցա ,
առնուլ զհատուցումն 'ի հեթանո-
սաց , 'ի յանդիմանու թիւն ամենայն
ժողովրդոց :

Ի կապել զթագաւորս նոցա կապա-
նօք , զգորավարս նոցա ձեռնակա-
պօք երկաթեօք :

Առնել նոցա դատաստանս ըստ
գրոց . և փառք այս են ամենայն
սրբոց նորա :

Տունք ը :

ՍԱՂՄՈՍ ԺԾ .

Աշխուիտ • անգեայ եւ ջաբարիայ :

Օրհնեցէք դաստուած 'ի սրբու-
թեան նորա , օրհնեցէք զնա 'ի հաս-
տատութեան 'ի զօրութեան նորա :
Օրհնեցէք զնա 'ի զօրութեան նո-
րա , օրհնեցէք զնա 'ի բազում մե-
ծութեան նորա :

Օրհնեցէք զնա 'ի ձայն օրհնու-
թեան , օրհնեցէք զնա սաղմոսիւք
և օրհնութեամբ :

Օրհնեցէք զնա ցնծու թեամբ , գո-
վեցէք զնա ուրախու թեամբ :

Օրհնեցէք զնա 'ի բանս քաղցր , գո-
վեցէք զնա 'ի բարբառ լսելի :

Օրհնեցէք զնա 'ի ձայն գոհու թեան ,
ամենայն հոգիք օրհնեցէք զտէր :

Տունք զ : Գորդայս իր :

Կանոնս յխր : Չորք կանոնս Տունք ոյխր :

Միամուռ սաղմոս՝ Գորդայս ծղ : Սաղմոս ճծ :

Տունք 'ի սմա սնկք :



Այս սաղմոս ինքնագիր Դաւթի արտաքոյ թուոց :
ի ժամանակի զի ել նա նահատակ ընդդէմ գողիադու
առաջի սաւուղայ եւ ամենայն զօրացն իսրայէլի :

Փոքր էի ես յեղբարս իմ , և կրտսեր
'ի տան հօր իմոյ , արած էի զխաշինս
հօր իմոյ :

Չեռք իմ արարին զսաղմոսարան , և
մատունք իմ կազմեցին զգործի օրհ-
նու թեան :

Իսկ արդ ո՞ն պատմեացէ զայս տեառն
իմու՛մ , ինքնին տէր ամենայնի լուի-
ցէ զամենայն :

Եւ առաքեաց տէր զհրեշտակ իւր ,
և համբարձ զիս 'ի հօտէ խաչանց
հօր իմոյ , և էօժ զիս յօծուամն իւ-
ղոյ իւրոյ :

Եղբարք իմ մեծամեծք և գեղե-
ցիկք , և ոչ հաճեցաւ ընդ նոսա
տէր :

Ելի ես ընդդէմ այլազգւոյն , և
նզովեցի զկուռս նորա :

Հանի զսուսերն 'ի նմանէ և հատի
զգլուխ նորին , և բարձի զնախա-
տինս յորդւոցն իսրայէլի :

Փառք հօր և որդւոյ և :



ՕՐՀՆՈՒԹԻՒՒՆ

ԵՐԻՑ ՄԱՆԿԱՆՑ

Դանիէլ Գ :

Օրհնեալ ես տէր աստուած հարցն մերոց , օրհ-
նեալ փառաւորեալ անուն քո յաւիտեան :
Յիրաւունս անցուցեր զայս ամենայն ընդ մեզ-
արդար ես դու տէր , և ամենայն գործք քո
ճշմարիտ են :

Ճանապարհք քո ուղիղ են , և ամենայն դատաստանք քո արդար են :

Գատաստան արդարութեան ածեր 'ի վերայ մեր ըստ ամենայնի , զոր ինչ ածեր 'ի վերայ մեր , և քաղաքի սրբոյ հարցն մերոց երուսաղեմի : Արդարութեամբ և յիրաւի ածեր զայս ամենայն 'ի վերայ մեր վասն մեղաց մերոց :

Անօրինեցաք և յանցեաք ապստամբ լինել 'ի քէն , մեղաք յամենայնի և պատուիրանաց քոց մեք ոչ անսացաք :

Ոչ պահեցաք և ոչ արարաք որպէս պատուիրեցեր դու մեզ , զի զբարիս գտցուք մեք 'ի քէն :

Արդ՝ զամենայն զոր արարեր և զոր ինչ ածեր 'ի վերայ մեր , արդար դատաստանաւ արարեր : Մատնեցեր զմեզ 'ի ձեռս թշնամեաց մերոց , անօրինաց , խտաց և ապստամբողաց :

Ի ձեռս թագաւորի անօրինի և չարի քան զամենայն երկիր , մատնեցեր զմեզ :

Եւ արգ՝ ոչ քո մեզ ժամ բանալ զբերանս մեր , զի ամօթ և նախատինք եղաք ծառայից քոց և պաշտօնէից :

Այլ մի մատներ զմեզ իսպառ վասն անուանքո , մի ցրեր զուխտս քո , և մի 'ի բացեայ առներ զողորմութիւնս քո 'ի մէնջ :

Վասն արրահամու սիրելոյ քո , իսահակայ ծառայի քո , և իսրայէլի սրբոյ քո :

Խոստացար նոցա և տացեր , բաղմացուցից

զղաւակ ձեր որպէս զաստեղս երկնից բազմու-

թեամբ, և որպէս զաւազ առ եզր ծովու :

Եւ արդ տէր՝ նուազեցաք մեք քան զամենայն
ազգս, և եմք տառապեալ յամենայն երկրի

այսօր վասն մեղաց մերոց :

Ոչ գոյ 'ի ժամանակի յայսմիկ իշխան՝ մարգա-

րէ և առաջնորդ, ոչ ողջակէզք պատարա-

գաց, ոչ խունկք օրինաց, և ոչ տեղի պատա-

րագս մատուցանելոյ առաջի քո, և զողորմու-

թիւն գտանել 'ի քէն :

Այլ անձամբք խոնարհեալ և հոգւով տառա-

պանաց ընդունելի լիցուք մեք որպէս զողջա-

կէզս խոյոց և զուարակաց, և որպէս բիւրա-

ւորս գառանց պարարտաց :

Այնպէս ընդունելի լիցին պատարագք մեր այ-

սօր առաջի քո, զի կատարեալ գտցուք զկնի

քո, և չիք ամօթ յուսացելոցս 'ի քեզ :

Եւ արդ՝ դամք զհետ քո ամենայն սրտիւք

մերովք, երկնչիմք 'ի քէն և խնդրեմք զերեսս

քո, տէր մի՛ յամօթ առներ զմեզ :

Այլ արա առ մեզ ըստ հեզութեան քում, և

ըստ բազում ողորմութեան քում, փրկեա զմեզ

վասն սքանչելեաց քոց տէր, և փառաւորեացի

անուն քո յաւիտեան :

Յամօթ լիցին ամենեքեան, որ չարչարեն զծա-

ռայս քո, ամաչեցեալ լիցին բռնութիւնք նո-

ցա, և ամենայն զօրութիւնք նոցա խորտա-

կեացին :

Եւ ծանիցեն զի դու ես տէր աստուած միայն ,
որ փառաւորեալդ ես 'ի վերայ ամենայն տիե-
զերաց :

Օրհնեալ ես դու , տէր աստուած հարցն մե-
րոց , գովեալ և առաւել բարձրացեալ յաւի-
տեան :

Եւ օրհնեալ է անուն սուրբ փառաց քոց , գով-
եալ և առաւել բարձրացեալ յաւիտեան :

Օրհնեալ ես 'ի տաճարի փառաց սրբութեան
քո , գովեալ և :

Օրհնեալ ես 'ի վերայ աթոռոյ արքայութեան
քո , գովեալ և :

Օրհնեալ ես որ նստիս 'ի քրովբէս և հայիս
յանդունդս , գովեալ և :

Օրհնեալ ես 'ի վերայ հաստատութեան երկ-
նից , գովեալ և :

Օրհնեցէք ամենայն գործք տեառն զտէր . օրհ-
նեցէք և բարձր արարէք զնա յաւիտեան :

Օրհնեցէք երկինք զտէր . օրհնեցէք և բարձր
արարէք զնա յաւիտեան :

Օրհնեցէք հրեշտակք տեառն , և ջուրք որ 'ի
վերոյ երկնից զտէր . օրհնե :

Օրհնեցէք զօրութիւնք տեառն , արեգակն և
լուսին զտէր . օրհնե :

Օրհնեցէք աստեղք երկնից , անձրեւք և ցօղք
զտէր , օրհնե :

Օրհնեցէք ամենայն հողմք հուր և ջեր զտէր .
օրհնե :

Օրհնեցէք ցուրտ և տօթ , ցօղ և ձիւնաբեր
զտէր . օրհնե :

Օրհնեցէք սառն և պարզ , եղեամն և ձիւն
զտէր . օրհնե :

Օրհնեցէք տիւք և գիշերք , լոյս և խաւար
զտէր . օրհնե :

Օրհնեցէք ամպք և փայլատակունք և երկիր
զտէր . օրհնե :

Օրհնեցէք լերինք բլուրք , և ամենայն բոյսք
երկրի զտէր . օրհնե :

Օրհնեցէք աղբիւրք ծովք և գետք զտէր .
օրհնե :

Օրհնեցէք կէտք և ամենայն կայտառք՝ որ 'ի
ջուրս , և թռչունք երկնից զտէր . օրհնե :

Օրհնեցէք դազանք և անասունք , և որդիք
մարդկան զտէր . օրհնե :

Օրհնեցէ իորայէլ զտէր . օրհնեցէ և բարձր
արասցէ զնա յաւիտեան :


Օրհնեցէք քահանայք զտէր . օրհնե :

Օրհնեցէք ծառայք տեառն զտէր . օրհնե :

Օրհնեցէք անձինք , և շունչք արդարոց զտէր .
օրհնե :

Օրհնեցէք սուրբք և խոնարհք սրտիւք զտէր .
օրհնե :

Օրհնեցէք անանիա ազարիա և միսայէլ զտէր .
օրհնեցէք և բարձր արարիք զնա յաւիտեան :



ՕՐՀՆՈՒԹԻՒՆ ՄԱՐԻԱՄՈՒ ԱՍՏՈՒԱԾԱԾՆԻՆ

Ղուկ. ա :

Մեծացուսցէ անձն իմ՝ զտէր , և ցնծասցէ հոգի իմ՝ աստուծով փրկչաւ իմով :

Այց արար ՚ի վերայ խոնարհութեան աղախնոյ իւրոյ , այսուհետեւ երանիցեն ինձ ամենայն ազգք :

Արար ընդ իս մեծամեծս հղօրն և սուրբ է անունն նորա :

Ողորմութիւն արար ազգաց յազգս երկիւղածաց իւրոց , արար զօրութիւն բազկաւ իւրով : Տրուեաց զամբարտաւանս ՚ի մտաց սրտից , եւ քակեաց զհղօրս յաթուոց :

Չխոնարհս բարձրացոյց , զկարօտս ելից բարութեամբ , և զմեծատունս արձակեաց ունայնս : Պաշտպանեաց իսրայէլի ծառայի իւրոյ , յիշելով զողորմութիւն իւր :

Որպէս խօսեցաւ առ հարսն մեր՝ ընդ աբրահամու և զաւակի նորա յաւիտեան :



ՕՐՀՆՈՒԹԻՒՆ ԶԱՔԱՐԻԱՅԻ ՀՕՐՆ

ՅՈՎՀԱՆՆՈՒ ՄԿՐՏՉԻ

Ղուկ. ա :

Օրհնեալ տէր աստուած իսրայէլի , որ յայց ել , և արար փրկութիւն ժողովրդեան իւրոյ :

Յարոյց մեզ եղջիւր փրկութեան 'ի տանէ դաւ-
թի ծառայի իւրոյ , որպէս խօսեցաւ բերանովք
սրբոցն՝ որ յաւխտենից մարդարէքն էին :

Փրկութիւն 'ի թշնամեաց մերոց , և 'ի ձեռաց
ամենայն ատելեաց մերոց :

Առնել ողորմութիւն առ հարսն մեր , և յիշել
զկտակարանս սրբութեան իւրոյ :

Երդումն զոր երդուաւ արահամաւ հօր մե-
րոյ , տալ մեզ առանց երկիւղի զփրկութիւն
'ի թշնամեաց մերոց :

Պաշտել զնա սրբութեամբ և արդարութեամբ
առաջի նորա , զամենայն աւուրս կենաց մերոց :
Եւ դու մանուկ՝ մարդարէ բարձրելոյն գոչե-
ջիր , գնացես առաջի տեառն պատրաստել
զճանապարհս նորա :

Տալ զգիտութիւն փրկութեան ժողովրդեան իւ-
րոյ , 'ի թողութիւն ամենայն մեղաց մերոց :
Վասն գթոյ ողորմութեան տեառն աստուծոյ
մերոյ , որով երեւեցաւ մեզ արեգակն 'ի բար-
ձանց , լուսաւոր առնել զխաւար մեր :

Ծագել լոյս 'ի վերայ այսոցիկ՝ որ նստէաք 'ի
խաւարի և 'ի ստուերս մահու , ուղղել զոտս
մեր 'ի ճանապարհս խաղաղութեան :

ԱՂՕԹՔ ՍԻՄԷՈՎՆԻ ԾԵՐՈՒՆՈՅՆ

Ղուկ բ .

Արդ արձակեա զժառայս քո տէր ըստ բանի
քում 'ի խաղաղութիւն . զի տեսին աչք իմ ըզ

փրկութիւն քո , զոր պատրաստեցեր առաջի
ամենայն ժողովրդոց :

Լոյս յայտնեցար հեթանոսաց , և փառք ժո-
ղովրդեան քում խորայելի :



ԱՂՕԹՔ ԱՊՍՇԽՍՐՈՒԹԵԱՆ ՄԱՆԱՍԷԻ
ԹԱԳԱԻՈՐԻՆ

Տէր ամենակալ աստուած արահամու , իսա-
հակայ , յակոբայ և զաւակի նոցա արդարոց .
ամենակալ տէր՝ թող զմեզս իմ :

Որ արարեր զերկինս և զերկիր՝ և զամենայն
զարդ նոցա , ամենակալ տէր :

Որ կապեցեր զծով բանիւ հրամանի քո , փա-
կեցեր զխորս , կնքեցեր ահաւոր և փառաւոր-
եալ անուամբ քով սրբով . ամենակալ տէր :

Որ ամենայն ինչ սարսի և դողայ յերեսաց ա-
հի զօրութեան քո . ամենակալ տէր :

Անբաւ է մեծ վայելչութիւն փառաց սրբութեան
քո , սաստիկ է բարկութիւն սպառնալեաց քոց
'ի վերայ մեղաւորաց , անչափ և անքննին են ո-
ղորմութիւնք աւետեաց քոց . ամենակալ տէր :
Դու տէր բարձրեալ , գթած , երկայնամիտ ,
բազում ողորմ , և զղջանաս 'ի վերայ չարեաց
մարդկան . ամենակալ տէր :

Դու աստուած՝ ոչ եղեր ապաշխարութիւն վասն
արդարոցն՝ արահամու , իսահակայ և յակո-
բայ , որք ոչ մեղան քեզ . ամենակալ տէր :

Այլ եղեր ապաշխարութիւն վասն իմ մեղանորիս , զի մեղայ աւելի քան զաւաղ ծովու , և բազմացան անօրէնութիւնք իմ . ամենակալ տէր :

Չեմ արժանի հայիլ և տեսանել զբարձրութիւնքս երկնից՝ ՚ի բազմութենէ անօրէնութեան իմոյ . ամենակալ տէր :

Կորացեալ եմ ես ՚ի բռնութենէ կապանաց երկաթից , և ոչ գոյ ինձ հանգիստ . ամենակալ տէր : Բարկացուցի զսրտմտութիւն , և չար առաջի քո արարի , կանգնեցի պատկեր և բազմացուցի ըզցասումս . ամենակալ տէր :

Եւ արդ տէր՝ խոնարհեցուցանեմ զծունր սրտի իմոյ , և հայցեմ ՚ի քաղցրութենէ քումմէ . ա : Մեղայ տէր մեղայ , և զանօրէնութիւնս իմ ես ինձէն գիտեմ . ամենակալ տէր :

Աղաչեմ և խնդրեմ ՚ի քէն՝ թող ինձ տէր , թող ինձ , և մի կորուսաներ զիս ըստ անօրէնութեան իմոյ . ամենակալ տէր :

Մի յաւիտեան բարկանար ինձ տէր , և մի յիշեր զչարիսն իմ , և մի պարտաւորեր զիս ընդ իջեալսն ՚ի ներքոյ երկրի չարեօք . ամենակալ տէր : Ձի դու աստուած՝ աստուած ապաշխարողաց ես , և յիս ցոյց զբարերարութիւնդ քո , որ անարժան եմ . ամենակալ տէր :

Կեցուսցես զիս ըստ բազում ողորմութեան քում . և ես օրհնեցից զքեզ զամենայն աւուրս կենաց իմոյ . ամենակալ տէր :

Չքեղ տէր օրհնեն ամենայն զուարթունք երկ-
նից . և քո են փառք յաւիտեանս . ամէն :
Փառք հօր և որդւոյ և : Այժմ և միշտ և :
Աղաչեմ և խնդրեմ 'ի քէն տէր , թող ինձ ըզ
մեղս իմ :

Բազումսողորմ տէր՝ ողորմեա ինձ :

Աստուած՝ քաւեա՛ զիս զմեղաւորս 'ի մեղաց
և կեցո :

Արարիչ իմ և յոյս աստուած՝ գթա 'ի մեղուցեալ
ծառայս , և ողորմեա ինձ քաղմամեղիս :

Ամենօրհնեալ սրբուհի և միշտ կոյս աստուածա-
ծին մարիամ , բարեխօսեա առ տէր վասն իմ
մեղաւորիս :


Ամենայն սուրբք աստուծոյ՝ բարեխօսեցէք առ
հայր 'ի յերկինս վասն մեր մեղաւորացս :

Քրիստոս որդի աստուծոյ անոխակալ՝ ընկալ
զազաչանս մեր , զի 'ի քեղ են ապաւինեալ
անձինք մեր :

Յաղթող զօրութեամբ՝ սուրբ և կենդանարար
և պատուական խաչիւ քո տէր՝ պահպանեա
զմեզ :

Առաքեա տէր զհրեշտակ խաղաղութեան քո ,
որ եկեալ պահեսցէ զմեզ անխառովս 'ի տուէ և
'ի գիշերի :

Եւ մարդասիրութեամբ քո յիշեա զմեզ տէր՝
յիշեա զմեզ յորժամ գաս արքայութեամբ
քով , և ողորմեա մեզ :



Նախադրութիւնք խրատականք յաղագս աղօթիցն
զոր արարեալ է Տեառն Ներսէսի եղբօրն Գրիգոր
իսի Հայոց կաթողիկոսի :

Աղօթք հասարակաց քրիստոնէից մեծաց և փոքունց , զոր պարտին ուսանիլ ամենեքեան՝ և ուսուցանել զմիմեանս . քահանայք՝ զժողովուրդրս , հարք՝ զօրդիս , մարք՝ զդատերս , և ընկեր՝ զընկերն իւր : Եւ աղօթեսցեն սովաւ յաւուրն հինգ անգամ՝ երկօտասան ծնրադրութեամբ ՚ի ժամուն . այսինքն՝ յառաւօտուն , ՚ի ճաշուն , ՚ի հասարակ աւուրն , յերեկոյին , և ՚ի հանդրատեան : Ապա թէ պղերդ ոք լինիցի և ծուլանայ զհինգ ժամ աղօթս կատարել , աղօթեսցէ չորս անգամ , կամ երեք անգամ , կամ երկու անգամ , կամ միանգամ յաւուրն . որ միայն ճանաչի թէ քրիստոնեայ է , և զինքն ծանիցէ թէ արարած եմ աստուծոյ և երկրպագու նորա : Եւ թէ զամենայն բանս աղօթիցն հեղգայ ուսանիլ , (որք և զսատանայական երգս բազումրս փութով ուսանին) , ուսցի զկէս սորա , կամ այլ նուազ . զի թէ տունս երիս ուսանիցին ՚ի ամանէ , և աղօթեսցեն երիս ծնրադրութեամբ ՚ի ժամուն , ընդունելի է առաջի աստուծոյ : Ապա թէ ոք ՚ի քրիստոնէիցն անփոյթ առնէ զսա յուսանելոյ և յաղօթելոյ , յանդիմանեսցի և ՚ի մո-

լար ժողովոյն այլազգեաց . որք զաղօթան զոր
ուսոյց նոցա , 'ի պատերազմունս անգամ ոչ խա-
փանեն՝ թող թէ 'ի խաղաղութեան : Իսկ մեր
ժողովուրդք արտաքոյ աղօթից տեղւոյ բնաւ
ոչ յիշեն զանունն աստուծոյ . զի ոչ ունին փոյթ
'ի կարգս աղօթից որպէս զաստուածապաշտս ,
այլ սիրեն զդատարկաբանութիւն քան զաղօթս :
Եւ թէ երբեմն գան ոմանք յաղօթել առ քա-
հանայն , կամ փակեալ բերանով կանգնին , կամ
զրուցատրութիւնս առնեն ընդ միմեանս . զի ոչ
ինքեանք գիտեն բանս աղօթից , և ոչ քահա-
նայից միտ դնեն սաղմոսաց և պաշտամանց :
Վասն այսր պատճառի արարաք զաղօթս զայս
պարզ և յստակ բառիւ վասն տխմարաց գիւրա-
հաս լինելոյ . որ է սակաւ ըստ բանից՝ տունս
քսան և չորս , ըստ ժամուց տուրնջեան և գիշե-
րոյ , և ըստ տառից սրբոց մարգարէիցն , և զօ-
րաւոր ըստ մտաց զի զհօլովագոյն պէտս խընդ-
րուածոց մերոց որ յաստուծոյ՝ ունի յինքեան ,
և տուաք ժողովրդեան մերում յուսումն , զի
ամենայն անձն քրիստոնէի ուսցի զսա , և ուր
հանդիպեսցին 'ի ժամ աղօթիցն՝ խօսեսցին սո-
վաւ ընդ աստուծոյ , թէ յեկեղեցի՝ թէ 'ի
տան՝ թէ յանդի՝ թէ 'ի գործ ինչ՝ թէ 'ի ճանա-
պարհի : Եւ որք ուսանին զսա և աղօթեսցեն
մտադրութեամբ՝ ջերմեռանդ սրտիւ և արտասու-
ուօք , ամենայն խնդրուածք որ գրեալ են 'ի
սմա՝ կատարեսցին 'ի կենդանութեան և յետ

մահու : իսկ որք արհամարեն և ոչ ուսանին և
ոչ աղօթեացեն , ինքեանք տեսցեն զվասն ան-
ճանց իւրեանց . մեք հատաք 'ի մէնջ զպատճա-
ռն՝ առնելով զաղօթս զայս . զի մի այլ եւս
պատճառեսցեն թէ ոչ գիտեմք բանս աղօթից ,
վասն այնորիկ ոչ կամք յաղօթս : Բայց ծանիցեն
այնպիսիքն , թէ սատանայ ոչ այնչափ ջանայ
զայլ բարեգործութիւնս մեր խափանել որչափ
զաղօթս . զի գիտէ որ յաղօթիցն միայն ինքն
հալածի 'ի մէնջ , և աստուած բնակէ 'ի մեզ :
Արդ՝ մեք աղաչեսցուք զբարերարն աստուած
բանալ զաչս մտաց ձերոց , յօժարութեամբ ու-
սանիլ զսա և աղօթել , և աստուծոյ սիրելի լի-
նել : Եւ յաղօթելն՝ զԳրիգորիս կաթուղիկոս հա-
յոց , և զեղբայրն նորին զՆերսէս զաղօթիցս յօ-
րինողն յիշեցէք 'ի քրիստոս : Եւ որք ընդ օրի-
նակէք 'ի գիրս զաղօթս , գրեցէք և զխրատա-
կան բանս զայսոսիկ . և որք գրեն զսա՝ գրես-
ցին 'ի գպրութիւն կենացն յաւիտենից : Եւ որ
որք ուսանին և աղօթեսցեն , ողորմութիւն ըն-
կալցին 'ի քրիստոսէ , և որք ուսուցանիցեն զըն-
կերս , վարձս առցեն յաստուծոյ : Եւ որք գրենն ,
մի առաւել քան զօրինակս՝ բան կամ գիր խառ-
նեսցեն . և մի նուազ գրեսցեն , զի մի այլ և
այլ լինիցին բանքն , այլ հաւասար լիցին ամե-
նեքեան ուր և գրեսցին : Եւ տխմարքն 'ի գիրս՝
ուղիղ գրողացն տացեն գրել . և քրիստոսի
փառք յաւիտեանս , ամէն :

ԱՂՕԹՔ ԻԻՐԱՔԱՆՉԻԻՐ ԱՆՉԻՆ ՀԱԻԱՏԱՑԵԼՈՑ
Ի ՔՐԻՍՏՈՍ

Ձոր արարեալ է սրբոյ տեառն Ներսէսի
հայոց կաթուղիկոսի :

Հաւատով խոստովանիմ, և երկիրպագանեմ
քեզ՝ հայր և որդի և սուրբ հոգի, անեղ և ան-
մահ բնութիւն, արարիչ հրեշտակաց և մարդ-
կան և ամենայն եղելոց. ողորմեա քո արարա-
ծոց և ինձ բաղմամեղիս :

Հաւատով խոստովանիմ, և երկիրպագանեմ
քեզ՝ անբաժանելի լոյս, միասնական սուրբ եր-
րորդութիւն և մի աստուածութիւն, արարիչ
լուսոյ և հալածիչ խաւարի. հալածեա՛ի հոգւոյ
իմմէ զխաւար մեղաց և անդիտութեան, և լու-
սաւորեա զմիտս իմ՝ ի ժամուս յայսմիկ աղօթել
քեզ ՚ի հաճոյս, և ընդունել ՚ի քէն զխնդր-
ուածս իմ. և ողորմեա քո արարածոց և ինձ
բաղմամեղիս :

Հայր երկնաւոր աստուած ճշմարիտ՝ որ առա-
քեցեր զորդիդ քո սիրելի ՚ի խնդիր մոլորեալ
ոչխարին, մեղայ յերկինս և առաջի քո. ընկալ
դիս որպէս զանառակ որդին, և զգեցո ինձ ըզ
պատմութեանն զառաջին՝ զոր մերկացայ մեղօք.
և ողորմեա քո արարածոց և :

Որդի աստուծոյ աստուած ճշմարիտ՝ որ խոնար-

հեցար 'ի հայրական ծոցոյ' և առեր մարմին 'ի սրբոյ կուսէն մարիամայ վասն մերոյ փրկութեան խաչեցար, թաղեցար և յարեար 'ի մեռելոց' և համբարձար փառօք առ հայր, մեղայ յերկինս և առաջի քո. յիշեա զիս որպէս զաւաղակն՝ յորժամ գաս արքայութեամբ քով և ողորմեա քո :

Հոգի աստուծոյ աստուած ճշմարիտ՝ որ իջեր 'ի յորդանան և 'ի վերնաստունն, և լուսաւորեցեր զիս մկրտութեամբ սուրբ աւաղանին, մեղայ յերկինս և առաջի քո. մաքրեա զիս վերատին աստուածային հրով քով որպէս հրեղէն լեզուօք սուրբ զառաքեալն. և ողոր : Անեղ բնութիւն՝ մեղայ քեզ մտօք իմովք, հոգւով և մարմնով իմով մի յիշեր զմեզս իմ զառաջինս՝ վասն անուանդ քում սրբոյ. և ո : Տեսող ամենայնի՝ մեղայ քեզ խորհրդով բանիւ և գործով. ջնջեա զձեռագիր յանցանաց իմոց, և գրեա զանուն իմ 'ի գալրութեան կենաց. և ողորմեա :

Քննող գաղտնեաց՝ մեղայ քեզ կամաւ և ակամայ, գիտութեամբ և անգիտութեամբ. թողութիւն շնորհեա մեղաւորիս, զի 'ի ծննդենէ սուրբ աւաղանին մինչեւ ցայսօր մեղուցեալ եմ առաջի աստուածութեանդ քո զգայարանօք իմովք, և ամենայն անդամօք մարմնոյս. և ո : Ամենախնամ տէր՝ դիր պահապան աչաց իմոց զերկիւղ քո սուրբ ոչ եւս հայիլ յարատ. և ա :

կանջաց իմոյ՝ ոչ ախորժել լսել զբանս չարութեան . և բերանոյ իմոյ՝ ոչ խօսիլ զստութիւն . և սրտի իմոյ՝ ոչ խորհիլ զչարութիւն . և ձեռաց իմոյ՝ ոչ գործել զանիրաւութիւն . և ոտից իմոյ՝ ոչ գնալ 'ի ճանապարհս անօրէնութեան . այլ ուղղեա զչարժումս սոցա լինել միշտ ըստ պատուիրանաց քոց յամենայնի . և ողոր :
Հուր կենդանի քրիստոս՝ զհուր սիրոյ քո՝ զոր արկեր յերկիր , բորբոքեա յանձն իմ՝ զի այրեացէ զախտ հոգւոյ իմոյ , և սրբեացէ զխիղճ մտաց իմոյ , և մաքրեացէ զմեղս մարմնոյ իմոյ , և վառեացէ զլոյս գիտութեան քո 'ի սրտի իմում . և ողորմեա :

Իմաստութիւն հօր՝ յիսուս՝ տուր ինձ իմաստութիւն , զբարիա խորհիլ և խօսիլ և գործել առաջի քո յամենայն ժամ . 'ի չար խորհրդոց՝ 'ի բանից և 'ի գործոց փրկեա զիս . և ողորմեա :
Կամեցող բարեաց տէր կամարար՝ մի թողուր զիս 'ի կամս անձին իմոյ գնալ . այլ առաջնորդեա ինձ լինել միշտ ըստ կամաց քոց բարեսիրաց . և ողորմեա :

Արքայ երկնաւոր՝ տուր ինձ զարքայութիւն քո . զոր խոստացար սիրելեաց քոց՝ և զօրացո զօիրտ իմ ատել զմեղս , և սիրել զքեզ միայն , և առնել զկամս քո . և ողորմեա :

Խնամող արարածոց՝ պահեա նշանաւ խաչի քո զհոգի և զմարմին իմ՝ 'ի պատրանաց մեղաց , 'ի փորձութեանց դիւաց , և 'ի մարդոց անի-

րաւաց . և յամենայն վտանգից հոգւոյ և մարմնոյ . և ողորմեա :

Պահապան ամենայնի քրիստոս՝ աջ քո հովանի լիցի 'ի վերայ իմ՝ 'ի տուէ և 'ի գիշերի , 'ի նրատիլ 'ի տան , 'ի դնալ 'ի ճանապարհ , 'ի ննջել և 'ի յառնել՝ զի մի՛ երբէք սասանեցայց . և ո :
Աստուած իմ՝ որ բանաս զձեռն քո , և շնուս զամենայն արարածս ողորմութեամբ քով , քեզ յանձն առնեմ՝ զանձն իմ . դու հոգա և պատրաստեա զսէտս հոգւոյ և մարմնոյ իմոյ յայսմ հետէ մինչեւ յաւիտեան . և ողորմեա :

Դարձուցիչ մոլորելոց՝ դարձո զիս 'ի շար սովորութեանց իմոց 'ի բարի սովորութիւն՝ և բեւեռեա 'ի հոգի իմ զսոսկալի օր մահուն , և զերկիւղ գեհենին , և զսէր արքայութեանն , զի զղջայայց 'ի մեղաց՝ և դործեցից զարդարութիւն . և ողորմեա :

Աղբիւր անմահութեան՝ աղբերացո 'ի սրտէ իմ՝ մէ զարտասուս ասլաշխարութեան որսէս պոռնրկին . զի լուացից զմեզս անձին իմոյ յառաջ քան զելանելն իմ՝ յաշխարհէս . և ողորմեա :

Պարգեւիչ ողորմութեան՝ պարգեւեա ինձ ուղղափառ հաւատով , և բարի գործով , և սուրբ մարմնոյ և արեան քո հաղորդութեամբ դալ առ քեզ . և ողորմեա :

Բարերար տէր՝ հրեշտակի բարւոյ յանձն արացեա զիս՝ քաղցրութեամբ աւանդել զհոգի իմ , և անխռով անցուցանել ընդ շարութիւնս

այսոյն՝ որ են ՚ի ներքոյ երկնից . և ողորմեա :
Լոյս ճշմարիտ քրիստոս՝ արժանաւորեա զհոգի
իմ ուրախութեամբ տեսանել զլոյս փառաց
քոց ՚ի կոչման աւուրն , և հանդիլ յուսով բա-
րեաց յօթեւանս արդարոց մինչեւ յօր մեծի
գալստեան քո . և ողորմեա :

Գատաւոր արդար՝ յորժամ գաս փառօք հօր
դատել զկենդանիս և զմեռեալս , մի մտաներ
՚ի դատաստան ընդ ծառայի քում , այլ փրկեա
զիս ՚ի յաւիտենական հրոյն , և լսելի արա ինձ
զերանաւէտ կոչումն արդարոց յերկնից ար-
քայութիւնդ . և ողորմեա :

Ամենողորմ տէր՝ ողորմեա ամենայն հաւատա-
ցելոց ՚ի քեզ , իմաց և օտարաց . ծանօթից և
անծանօթից , կենդանեաց և մեռելոց . շնորհ-
եա և թշնամեաց իմոց և ատելեաց զթողու-
թիւն որ առ իս յանցանաց , և դարձօ զնոսա
՚ի չարեացն զոր ունին վասն իմ , զի ողորմու-
թեանդ քում արժանի եղիցին . և ողորմեա :
Փառաւորեալ տէր՝ ընկալ զաղաչանս ծառայիս
քո , և կատարեա ՚ի բարի զխնդրուածս իմ՝
բարեխօսութեամբ սրբուհւոյ աստուածածնին
և յովհաննու մկրտչին , և սրբոյն ստեփաննոսի
նախավկային , և սրբոյն գրիգորի մերոյ լու-
սաւորչին , և սրբոց առաքելոց՝ մարգարէից՝
վարդապետաց՝ մարտիրոսաց՝ հայրապետաց՝
ճգնաւորաց՝ կուսանաց , և ամենայն սրբոց քոց
երկնաւորաց և երկրաւորաց : Եւ քեզ փառք և

Երկրպագութիւն անբաժանելի սուրբ Երրորդութեանդ յաւիտեանս յաւիտենից . ամէն :

ՄԱՂԹԱՆՔ ԶՕՐԱԻՈՐՔ ՍՐՀԱԻՐԱՅ ԳԻՇԵՐԱՅՆՈՅ

Սրբոյն Գրիգորի Նարեկացւոյ ասացեալ :

Բան ժբ :

Ընկալ քաղցրութեամբ , տէր աստուած հզօր ,
զդառնացողիս զաղաչանս . մատիր դժութեամբ
առ պատկառեալս դիմօք , փարատեա ամե-
նասպարդեւ , զամօթական տխրութիւնս . բարձ-
րինէն ողորմած , զանբերելի ծանրութիւնս .
անջրպետեա հնարաւոր , զմահացու կրթու-
թիւնս . աւարեա միշտ յաղթող , զխաբողին
հաճութիւնս . բացադրեա վերնային , զմոլե-
լոյն մառախուղ . կնքեա կեցուցիչ , զկորուս-
չին ընթացմունս . ցրուեա ծածկատես , զբմ-
բրունողին չար գտմունս . խորտակեա անքրն-
նին , զմարտողին դիմեցմունս : Տեառնադրեա
քո անուամբդ , զլուսանցոյց երդ յարկիս . պար-
փակեա քո ձեռամբդ , զառաստաղ տաճարիս .
զծագրեա քո արեամբդ , զմուտ սեմոց սենե-
կիս . կերպացո զքո նշանդ , 'ի հետս ելից մաղ-
թողիս . ամրացո քո աջովդ , զհանգստեանս խըշ-
տի . մաքրեացես 'ի հաղբից , զծածկարան ան-
կողնոյս . պահեացես քո կամօքդ զտառապեալ
անձն ոգւոյս . անխարդախ արասցես զքո շնորհ-
եալ շունչ մարմնոյս . կացուսցես շրջափակ զպար

զօրուդ երկնայնոյ . կարգեացես 'ի դ-լովի ընդ-
 դէմ դիւացն դասու : Տուր հանգիստ բերկրու-
 թեան մահահանգոյնս նիրհման 'ի խորութեան
 գիշերիս . բարեխօսութեամբ հայցուածոց սրբ-
 բոյ աստուածածնիդ և ամենայն ընտրելոց : Ամ-
 փոփեալ պարուրեա զպատուհան տեսութեանց
 զգայարանացս իմաստից անզարհուրելի զեսեղ-
 մամբ 'ի ծփական խռովութեանց , կենցաղական
 գրադմանց , անըջական երազոց , խողականաց
 ցնորից , յիշատակաւ քո յուսոյդ անմլասելի
 պաշտպանեալ : Եւ սթափեալ վերստին 'ի ննջմա-
 նէ ծանրութեան ամենազգաստ արթնութեամբ ,
 հոգենորոգ զուարթութեամբ 'ի քեզ արձանաց-
 եալ զայս ձայն մաղթանաց բուրմամբ հաւա-
 սոց քեզ՝ ամենօրհնեալ թագաւոր փառաց ան-
 ճառից փառաբանողաց երկնագումար խմբից
 երգակցեալ յերկինս առաքել : Ձի դու փառա-
 ւորեալ ես յամենայն արարածոց յաւիտեանս
 յաւիտենից . ամէն :



ԱՂՕԹՔ ԵՐԵԿՈՅԵԱՆ

Նորին Արքայն Գրիգորի .

Բան զդ .

Աստուած յաւիտենական , բարերար և ամե-
 նակալ . ստեղծիչ լուսոյ . և յօրինիչ գիշերոյ .
 կեանք 'ի մահու , և լոյս 'ի խաւարի . յոյս ակն

ունողաց , և երկայնամտութիւն տարակուսելոց :
Որ ամենարուեստ իմաստութեամբ քո՝ դար-
ձուցանես յայդ զստուերս մահու , աննուազ ծա-
գումն և անմուտ արեգակն . քանզի ոչ դորէ
ծածկել զփառս տէրութեան քո խաւար գիշե-
րոյ : Որում կրկնի ծունր երկրպագութեան ա-
մենայն եղելոց՝ երկնաւորաց և երկրաւորաց ,
և սանդարամետականաց . որ լսես զհեծութիւն
կապելոց , և հայիս յաղօթս խոնարհաց , և ըն-
դունիս զխնդրուածս նոցա . աստուած իմ և
թագաւոր իմ . կեանք իմ և ապաւէն իմ . յոյս
իմ և վատահութիւն իմ . յիսուս քրիստոս աստ-
ուածդ ամենայնի . սուրբդ հանդուցեալ՝ ի հո-
գիս սրբոց , մխիթարութիւն վշտաց՝ և քաւա-
րան մեղուցելոց , որ դիտես զամենայն յառաջ
քան զլինել նոցա . առաքեա զպահպանողա-
կան զօրութիւն աջոյ քո , և փրկեա զիս յեր-
կիւղէ գիշերի և ՚ի դիւէ չարէ : Որպէս զի զյի-
շատակ սոսկալի և սուրբ քո անուանդ՝ միշտ
համբուրեալ շրթամբք հոգւոյ՝ ըղձութեան շրն-
չոյ , կեցից պահպանեալ ընդ այնոսիկ՝ որ կար-
դան զքեզ ՚ի բոլոր սրտէ : Եւ ՚ի դրօշմէ խաչի
քոյոյ նշանիդ , զոր աստուածային արեամբդ
քո ներկեալ նորոգեցեր , և ՚ի նոյն շնորհ որ-
դեգրութեան զմեզ մկրտեցեր , և ՚ի փառս
պատկերի քո նկարեալ՝ յօրինեցեր . այսու պար-
գեւօք աստուածականօք՝ ամաչեսցէ սատանայ .
քակտեսցին մեքենայքն . բարձցին որոգայթ-

քրն . պարտեացին մարտուցեալքն . պակասեացին զէնքն սայրասուրք . մերժեացի մէզն . փարատեացի խաւարն . մեկնեացի մառախուղն : Բազուկ քո հովանացի , և աջ քո կնքեացէ . վասն զի գթած ես և ողորմած , և անուն քո կոչեցեալ է 'ի վերայ ծառայից քոց : Եւ քեզ ընդ հօր՝ հողւովդ սրբով՝ փառք իշխանութիւն յաւիտեանս յաւիտենից . ամէն :



ԱՂՕԹԻ ԶՕՐԱԻՈՐ

Նորին Արքայն Գրիգորի :

Բան խա :

Արդի աստուծոյ կենդանւոյ օրհնեալ ամենայնի . հօրդ ահաւորի անքննին ծնունդ , որ տրկարանայ առ 'ի քէն և ոչ ինչ . որ 'ի ծագել անըստուեր նշուլից ողորմութեան քո փառաց , հալին մեղք , հալածին դեւք , ջնջին յանցանք , խղին կապանք , խորտակին շղթայք , կենդանածնին մահացեալք , բժշկին հարուածք , ողջանան վէրք , բառնին ապականութիւնք , տեղի տան տխրութիւնք , նահանջին հեծութիւնք , փախնու խաւարն , մեկնի մէզն , մերժի մառախուղն , փարատի մռայլն , սպառի աղջամուղջն , վերանայ մութն , գնայ գիշերն , տարագրի տաղնասլն , չքանան չարիքն , հալածին յուսահատութիւնքն , և թագաւորէ ձեռն քո ամենակար , քաւիչդ ամենայնի : Որ ոչ եկիր

կորուսանել զմարդկան ոգիս , այլ կեցուցանել .
 թող ինձ զանթիւ չարիան իմ բազում ողորմու-
 թեամբդ , զի դու միայն ես յերկնի անճառ ,
 և յերկրի անզննին , 'ի տարր գոյի , և յեզրս
 ծագաց աշխարհի , սկիզբն ամենայնի և յամե-
 նայնի ամենայն լրամար , օրհնեալ 'ի բարձունս ,
 և քեզ ընդ հօր և հոգւոյդ սրբոյ փառք յա-
 ւիտեանս , ամէն :



ՀՐԱԺՍՐՈՒՄՆ

Հրաժարիմք 'ի սատանայէ և ամենայն խա-
 բէութենէ նորա , 'ի պատրանաց նորա , 'ի խոր-
 հրրդոց նորա , 'ի գնացից նորա , 'ի չար կամաց
 նորա , 'ի չար հրեշտակաց նորա , 'ի չար պաշ-
 տօնէից նորա , 'ի չար կամարարաց նորա , և
 յամենայն զօրութենէ նորա՝ հրաժարելով հր-
 րաժարիմք :

Ձայս երիցս կրկնեա՝ երեւ 'ի յարեւմուտս և ձեռս 'ի կոր ունելով .
 և ապա դառնաց յարեւելս , և սկսանի զդաւանութիւնն ուղղա-
 փառ հաւատոյ , բացագլուխ և ձեռնամաճ կերպիւ , և առէ :

Խոստովանիմք և հաւատամք ամենակատար
 սրտիւ զհայրն աստուած՝ անեղ , անձին , և ան-
 սկիզբն . այլ և ծնող որդւայ և բղխող հոգւոյն
 սրբոյ : Հաւատամք դրանն աստուած՝ անեղ ,
 ծնեալ , և սկսեալ 'ի հօրէ նախ քան զյաւիտեա-
 նրս . ոչ յետոյ և ոչ կրտսեր , այլ որքան հայրն
 հայր՝ ընդ նմին և որդին որդի : Հաւատամք ըղ

սուրբ հոգին աստուած անեղ, անժամանակ,
ոչ ծնեալ՝ այլ բղխեալ 'ի հօրէ. էակից հօր և
փառակից որդւոյ: Հաւատամք զերրորդու-
թիւնն սուրբ՝ մի բնութիւն, մի աստուածու-
թիւն. ոչ երեք աստուածք, այլ մի աստուած.
մի կամք, մի թագաւորութիւն, մի իշխանու-
թիւն. արարիչ երեւելեաց և աներեւութից:
Հաւատամք յեկեղեցի սուրբ՝ զթողութիւն մե-
ղաց՝ հաղորդութեամբ սրբոց: Հաւատամք զմին
յերից անձանց դրանն աստուած՝ ծնեալ 'ի հօրէ
նախ քան զյաւիտեանս. 'ի ժամանակի իջեալ
յաստուածածին կոյսն Մարիամ, առեալ յարե-
նէ նորա՝ միաւորեաց ընդ իւրում աստուածու-
թեանն. իննամսեայ ժուժկալեալ յարգանդի
անարատ կուսին, և եղև աստուածն կատար-
եալ՝ մարդ կատարեալ, հոգւով և մտօք և
մարմնով. մի անձն, մի դէմ, և միաւորեալ մի
բնութիւն: Աստուածն մարդացեալ առանց փո-
փոխման և առանց այլայլութեան. անսերմն յը-
ղութիւն և անապական ծնունդ. որպէս ոչ է
սկիզբն աստուածութեան նորա՝ և ոչ վախճան
մարդկութեան նորա: (Ձի Յիսուս Քրիստոս ե-
րէկ և այսօր՝ նոյն և յաւիտեան): Հաւատամք
զատէրն մեր Յիսուս Քրիստոս շրջեալ 'ի վերայ
երկրի. յետ երեսուն ամաց եկեալ 'ի մկրտու-
թիւն: Հայր 'ի վերուստ վկայեալ՝ դա՛ է որդի
իմ սիրելի. և հոգին սուրբ աղաւնակերպ իջ-
եալ 'ի վերայ նորա: Փորձեալ 'ի սատանայէ և

յաղթեալ նմա : Քարողեալ մարդկան զփրկու-
թիւն : Աշխատեալ մարմնով , վաստակեալ քաղց-
եալ և ծարաւեալ : Յետոյ եկեալ կամաւ 'ի չար-
չարանս . խաչեալ և մեռեալ մարմնովս , և կեն-
դանի աստուածութեամբն : Մարմինն եղեալ
'ի գերեզմանի՝ միաւորեալ աստուածութեամբն ,
և հողւովս իջեալ 'ի դժոխս՝ անբաժանելի աստ-
ուածութեամբն : Քարողեալ հողւոցն՝ աւերեալ
զդժոխս՝ և ազատեալ զհողիս : Յետ երկոց ա-
ւուրոց յարուցեալ 'ի մեռելոց և երեւեալ աշա-
կերտացն : Հաւատամք զտէրն մեր Յիսուս Քրի-
ստոս՝ նովին մարմնովս համբարձեալ յերկինս
և նստեալ ընդ աջմէ հօր : Այլ և գալոց է նովին
մարմնովս և փառօք հօր՝ 'ի դատել զկենդանիս
և զմեռեալս . որ և յարութիւն ամենայն մարդ-
կան : Հաւատամք և զհաստուցումն գործոց ,
արդարոցն կեանք յաւիտենական , և մեղաւո-
րացն տանջանք յաւիտենական :

ԶԼԶՈՒՄՆ

Մեղայ ամենասուրբ Երրորդութեանն՝ Հօր և
Որդւոյ և հողւոյն սրբոյ : Մեղուցեալ եմ Աս-
տուծոյ : Խոստովանիմ առաջի Աստուծոյ՝ և սրբ-
բուհւոյ Աստուածածնին , և առաջի քո հայր
սուրբ՝ զամենայն մեղս զոր գործեալ եմ : Քան-
զի մեղայ խորհրդով բանիւ և գործով , կամայ
և ակամայ , գիտութեամբ և անգիտութեամբ ,
մեղայ Աստուծոյ : Մեղայ հողւովս և զօրու-

Թեամբ սորա , մտօքս և շարժմամբ սորա , մարմնովս և զգայութեամբ սորա : Մեղայ դօրութեամբ հոգւոյս , խորամանկութեամբ , անըզամութեամբ , հանդգնութեամբ և երկչոտութեամբ , շռայլութեամբ և ժլատութեամբ , զեղխութեամբ և անիրաւութեամբ , չարահաւանութեամբ , յուսահատութեամբ և թերամբտութեամբ , մեղայ Աստուծոյ :

Մեղայ չար խորհրդով մտացս . նենգութեամբ , ատելութեամբ , խեթիւ , մախանօք , յաչախանօք , թուլութեամբ , պոռնկական խորհրդով , արուական , իգական , անասնական , գրաստական , դազանական , 'ի գիշերի և 'ի տուրնջեան , երազական գիճութեամբ , և անըջական գարշադտեղութեամբ , մեղայ Աստուծոյ :

Մեղայ ցանկութեամբ մարմնոյս . հեշտութեամբ , պղերդութեամբ , յօրանչմամբ քնոյ , շարժութեամբ մարմնոյս , զաղրագործութեամբ 'ի պէս պէս ախտս , հեշտալրութեամբ լսելեացրս , արատութեամբ աչացս , ցանկութեամբ սրտիս , իգութեամբ ունգացս , պագշոտութեամբ բերանոյս , անժուժկալութեամբ , շռայտութեամբ , և արբեցութեամբ . մեղայ Աստուծոյ :

Մեղայ չարաքանութեամբ լեղուիս . ստախօսութեամբ , սուտ երդմամբ , երդմնազանցութեամբ , հակառակութեամբ , վիճաբանութեամբ , բանսարկութեամբ , շոգմոգութեամբ , քսու , դա-

տարկարանութեամբ և ծաղու զրախօսութեամբ , հերձախօսութեամբ և անիծարանութեամբ , տրանջելով , դժգոհելով , բամբասելով , և հայհոյելով . մեղայ Աստուծոյ :

Մեղայ գողութեամբ ձեռացս . ագահելով , զրկելով , հարկանելով , սպանանելով , և ընդ գարշս ածելով , մեղայ Աստուծոյ :

Մեղայ ամենայն յօդուածովք շինուածոյս և ամենայն անդամօք մարմնոյս , հնգեակ զգայարանօքս , և վեցեկի շարժմամբս . վերամբարձոտնահարութեամբ , և վայրագարշ մեղկութեամբ , յաջ և յահեակ խոտորելով , զառաջնոցն մեղանշելով , և վերջնոցն շար նշաւակ գողով . մեղայ Աստուծոյ :

Այլ և մեղայ եօթնիցս յանցանօք՝ մահացու մեղօք . հպարտութեամբ՝ և մասամբք նորին . նախանձու՝ և մասամբք նորին . բարկութեամբ՝ և մասամբք նորին . ծուլութեամբ՝ և մասամբք նորին . ագահութեամբ՝ և մասամբք նորին . որկրամուլութեամբ՝ և մասամբք նորին . բղջախոհութեամբ՝ և մասամբք նորին . մեղայ Աստուծոյ :

Այլ և մեղայ ամենայն պատուիրանացն աստուծոյ , յանձնառելեացն և հրաժարելեացն . զի ոչ զյանձնարականսն կատարեցի , և ոչ ՚ի հրաժարելեացն հեռացայ : Զօրէնս առի՝ և յօրինացն հեղգացայ , ՚ի կարգս քրիստոնէութեան հրաւիրեցայ , և գործովս անարժան գտայ . գիտե-

լով զչարն կամաւ կորացայ, և ՚ի բարեաց գործոց ես ինձէն հեռացայ. վայ ինձ, վայ ինձ, վայ ինձ:

Զո՞րն ասեմ, կամ զո՞րն խոստովանիմ. զի անթիւ են յանցանք իմ, անասելի են անօրէնութիւնք իմ, աններելի են ցաւք իմ. և անբըժըշկելի են վէրք իմ. մեղայ Աստուծոյ:



Հայր սուրբ՝ զքեզ ունիմ միջնորդ հաշտութեան և բարեխօս առ միածին Որդին Աստուծոյ. զի իշխանութեամբդ որ տուեալ է քեզ, արձակեսցես զիս ՚ի կապից մեղաց իմոց, աղաչեմ զքեզ:

ԱՐՁԱԿՈՒՄՆ

Ողորմեսցի քեզ մարդասէրն Աստուած, և թողութիւն շնորհեսցէ ամենայն յանցանաց քոց, խոստովանացելոցդ և մոռացելոց: Եւ ես կարգաւս քահանայական իշխանութեան, և հրամանաւն Աստուածային՝ « թէ՛ Զոր արձակիցէք յերկրի՝ եղիցի արձակեալ յերկինս»: Նովին բանիւն արձակեմ զքեզ յամենայն մասնակցութենէ մեղաց քոց. ՚ի խորհրդոց՝ ՚ի բանից՝ և ՚ի գործոց. յանուն Հօր և Որդւոյ և Հոգւոյն սրբոյ: Եւ դարձեալ՝ տամ զքեզ ՚ի խորհուրդս սուրբ եկեղեցւոյ. զի զոր ինչ գործիցես բարիս, եղի-

ցի քեզ 'ի բարեգործութիւնս և 'ի փառս հան-
դերձեալ կենայն . ամէն :

Օրհնեալ Տէր մեր Յիսուս Քրիստոս ամէն :
Հայր մեր որ յերկինս :

ՀՍ.ՆԳՍ.ՆԱԿ ՆԻԿԻԱԿԱՆ

Հաւատամք 'ի մի Աստուած 'ի Հայրն ամենա-
կալ յարարիչն երկնի և երկրի, երեւելեաց և
աներեւութից : Եւ 'ի մի Տէր Յիսուս Քրիստոս
Որդին Աստուծոյ՝ ծնեալն յԱստուծոյ Հօրէ՛ մի-
ածին , այսինքն յէութենէ Հօր : Աստուած յԱս-
տուծոյ , լոյս 'ի լուսոյ , Աստուած ճշմարիտ ,
յԱստուծոյ ճշմարտէ՛ ծնունդ և ոչ արարած :
Նոյն ինքն 'ի բնութենէ Հօր , որով ամենայն
ինչ եղեւ յերկինս և 'ի վերայ երկրի , երեւելիք
և աներեւոյթք : Որ յաղագս մեր մարդկան և
վասն մերոյ փրկութեան իջեալ 'ի յերկնից՝
մարմնացաւ , մարդացաւ , ծնաւ կատարելա-
պէս 'ի Մարիամայ սրբոյ կուսէն Հոգւովն Սրբ-
բով : Որով էառ զմարմին զհօգի և զմիտ , և
զամենայն որ ինչ է 'ի մարդ , ճշմարտապէս և
ոչ կարծեօք : Չարչարեալ , խաչեալ , թաղեալ ,
յերրորդ աւուր յարուցեալ , ելեալ 'ի յերկինս
նովին մարմնովն՝ նստաւ ընդ աջմէ Հօր : Գալոյ
է նովին մարմնովն և փառօք Հօր՝ 'ի դատել

ղկենդանիս և զմեռեալս , որոյ թագաւորու-
 թեանն ոչ գոյ վախճան : Հաւատամք և 'ի Սուրբ
 Հոգին՝ յանեղն և 'ի կատարեալն , որ խօսեցաւ
 յօրէնս և 'ի մարգարէս և յաւետարանս : Որ է-
 ջրն 'ի Յորդանան , քարոզեաց զառաքեալսն , և
 բնակեցաւ 'ի սուրբսն : Հաւատամք և 'ի մի մի-
 այն ընդհանրական և յառաքելական եկեղեցի ,
 'ի մի մկրտութիւն , յապաշխարութիւն , 'ի քա-
 ւութիւն և 'ի թողութիւն մեղաց : Ի յարու-
 թիւնն մեռելոց , 'ի դատաստանն յաւիտենից
 հոգւոց և մարմնոց , յարքայութիւնն երկնից
 և 'ի կեանան յաւիտենականս :

Մինչեւ ցաստ են հաւատոյ բանք :

Իսկ որք ասեն՝ էր երբեմն , յորժամ ոչ էր Որ-
 դի . կամ էր երբեմն , յորժամ ոչ էր Սուրբ Հո-
 գի , կամ թէ՛ յոչէից եղեն . կամ յայլմէ էու-
 թենէ ասեն լինիլ զՈրդին Աստուծոյ և կամ
 զՍուրբ Հոգին . և թէ՛ փոխոխելիք են կամ այ-
 լայլելիք , զայնպիսիսն նզովէ կաթուղիկէ և
 առաքելական սուրբ եկեղեցի :




ՓՍՈՍԲՍՆՈՒԹԻՒՆ

Փառք 'ի բարձունս Աստուծոյ . և յերկիր խա-
 զաղութիւն 'ի մարդիկ հաճութիւն : Եւ օրհ-

նութիւն քեզ 'ի բարձունս օրհնեալ ես Տէր
Աստուած մեր . օրհնեմք զքեզ և գովեմք ըզ
քեզ : Խոստովանիմք Տէր զքեզ և երկիրպագա-
նեմք քեզ . փառաւորեմք զքեզ . գոհանամք
Տէր զքէն վասն մեծի փառաց քոց : Տէր թա-
գաւոր Սուրբդ երկնային . Աստուած և Հայր
ամենակալ : Տէր և Որդի Հօր միածին Յիսուս
Քրիստոս և Սուրբ Որդի : Տէր Աստուած գա-
ռըն Աստուծոյ և Որդի Հօր . որ առեր զմերս 'ի
կուսէն : Ողորմեցար , բարձեր զմեզս աշխարհի .
և արդ ընկալ զաղաչանս մեր : Սուրբդ որ նըս-
տիս ընդ աջմէ Հօր՝ ողորմեաց մեզ : Զի դու մի-
այն սուրբ , դու միայն բարձրեալ ես՝ դու մի-
այն Տէր մեր Յիսուս Քրիստոս : Տէր և Հոգիդ
Սուրբ որ 'ի փառս Աստուած ընդ Հօր . ամէն :
Եւ յամենայն ժամ օրհնեմք զքեզ , Տէր և գո-
վեմք զանուն Սուրբ քո յաւիտեան և յաւիտե-
անս յաւիտենից : Արժանի արա տէր զօրս
զայս խաղաղութեամբ , և առանց մեղաց պահ-
եա զմեզ : Օրհնեալ ես Տէր Աստուած հարցն
մերոց , գովեալ և փառաւորեալ է անուն Սուրբ
քո յաւիտեանս ամէն : Օրհնեալ Տէր ուստ ինձ
զարդարութիւնս քո : Օրհնեալ Տէր ուստ ինձ
զարդարութիւնս քո : Օրհնեալ Տէր ուստ ինձ
զարդարութիւնս քո : Տէր ապաւէն եղեր մեր
յազգէ յազգ : Ես աղաչեմ Տէր ողորմեա ինձ ,
և բժշկեա զանձն իմ , ես մեղայ քեզ : Յոյց մեզ
Տէր զողորմութիւնս քո և զփրկութիւնս քո

տուր մեզ տէր ողորմութիւն քո յաւիտեան ,
 զգործս ձեռաց քոց մի անտես առներ : Տէր
 իմ զքեզ ապաւէն ինձ արարի , ուստ ինձ առ-
 նել զկամս քո զի դու ես աստուած իմ : Ի քէն
 է տէր աղբիւր կենդանութեան , և լուսով ե-
 րեսաց քոց տեսանեմք զլոյս : Ծագեա զողոր-
 մութիւնս քո՝ որք ճանաչեն զքեզ Տէր :



Մոզման Զմոզման Բանկ ինչ

Հարգանքներ և խնդիրներ Ար - ՄԻ

Զմոզման Զմոզման Զմոզման Զմոզման

Զմոզման 1905 թվական. Մոզման

Զմոզման Զմոզման Զմոզման Զմոզման

Զմոզման Զմոզման Զմոզման Զմոզման
 1914 թվական

ՅԱՆԿ ՄԱՂՄՈՍԱՑ

Ըստ կարգի այբուբենից :

- Աղաղակեցէք առ աստուած ամենայն երկիր . կե :
- Աղաղակեցէք առ տէր ամենայն երկիր . . . ղթ :
- Ապրեցո զիս տէր , զի նուազեաց սուրբ . . . ժա :
- Ապրեցո զիս տէր 'ի մարդոյ չարէ . . . ճլթ :
- Առ գետս բարեւոյցուոց . անդ նստէաք . . . ճլղ :
- Առ քեզ տէր կարգացի աստուած իմ , մի' . . . իէ :
- Առ քեզ տէր համբարձի զանձն իմ . . . իող :
- Առ քեզ տէր համբարձի զաչս իմ , որ . . . ճիբ :
- Ասաց անգգամն 'ի սրտի իւրում . թէ ոչ . . . ժգ :
- Ասաց անգգամն 'ի սրտի իւրում . թէ ոչ . . . ծբ :
- Ասաց տէր ցտէր իմ , նիստ ընդ աջմէ իմմէ . ճթ :
- Ասացի թէ պահեցից զճանապարհս իմ . . . լը :
- Ասէ անօրէնն 'ի մեղանչել ընդ միտս . . . լե :
- Աստուած՝ ականջօք մերովք լուաք զոր հարբն . խղ :
- Աստուած աստուած իմ , ես առ քեզ առաւօտ . կբ :
- Աստուած աստուած իմ նայեաց առ իս . . . իա :
- Աստուած աստուածոց տէր խօսեցաւ և կոչեաց . խթ :
- Աստուած եկաց 'ի ժողովս աստուածոց . . . ձա :
- Աստուած զիրաւունս քո արքայի տուր . . . հա :
- Աստուած մեր ապաւէն և զօրութիւն . . . խե :
- Աստուած մերժեցեր և աւերեցեր զմեզ . . . ծթ :
- Աստուած մտին հեթանոսք 'ի ժառանգու . . . հը :
- Աստուած յանուն քում կեցո զՔս , և 'ի զօ . . . ժգ :
- Աստուած յօգնել ինձ նայեաց . և տէր . . . կթ :
- Աստուած ողորմեա մեզ և օրհնեա զմեզ . . . կղ :
- Աստուած ո՞ քեզ նմանիցի . մի' լուեր և . . . ձբ :
- Աստուած վրէժ ինդ իր . տէր աստուած . . . զղ :

Աստուած օրհնութեան խմոյ մի՛ լուեր . զի . . .	ճը :
Աստ օրհնեցիք ամենայն ծառայք տեառն . . .	ճլգ :
Բազում անգամ մարտեան ընդիս	ճլը :
Բայց միայն աստուծոյ հնազանդ լեր անձն . .	կա :
Բանից խմոց ունկն դիր տէր , և 'ի միտ առ . .	ե :
Բարի է խոստովան լինիլ տեառն , և սաղմոս . .	դա :
Բարձր առնեմ զքեզ աստուած իմ և թա . . .	ճխդ :
Բարձր առնեմ զքեզ տէր , զի ընկալար	լթ :
Բղխեսցէ սիրտ իմ զգատգամս քո բարի . . .	խդ :
Գոհացայց զքէն տէր բոլորով սրտիւ	թ :
Գովեա երուսաղէմ զտէր	ճխէ :
Դատ արա ինձ աստուած , և իրաւ արա . . .	խբ :
Դատ արա ինձ տէր զի ես յամբժութեան . . .	իե :
Դատեա տէր զայնոսիկ ոյք դատեն	լդ :
Եթէ ոչ տէր էր առ մեզ , ասացէ	ճլգ :
Եթէ ոչ տէր չլնէ զտուենն , 'ի նանիր	ճլգ :
Եկայք ցնծացուք 'ի տէր , աղաղակեսցուք . .	զդ :
Երանեալ են անբիծք 'ի ճանապարհի	ճժը :
Երանեալ է այր որ երկնչի 'ի տեառնէ	ճժա :
Երանեալ է այր որ ոչ գնաց 'ի խորհուրդս . . .	տ :
Երանի ամենեցուն՝ ոյք երկնչին 'ի տեառնէ . .	ճլէ :
Երանի որ խորհի զաղքատն և զտնանկն	խ :
Երանի՛ , ում թողութիւն եղեւ մեզաց	լա :
Երկինք պատմեն զփառս աստուծոյ և	ժը :
Ձի՞ բարի կամ զի՞ վայելուչ , զի՞ բնակին . . .	ճլբ :
Ձի՞ պարծի 'ի չարութեան հզօր	ծա :
Ձողորմութիւնս քո տէր յաւիտեան օրհ	ճը :
Ընդէ՞ր խռովեցան հեթանոսք և ժողո	բ :
Ընդէր մերժեցեր աստուած իսպառ	հդ :
Թէ արդարեւ զարդարութիւն խօսէիք	ծէ :

Իբրեւ զի բարի է իսրայէլի աստուած	հր :
Ի դարձուցանել տեառն զգերութիւն	ճիե :
Ի խորոց կարդացի առ քեզ տէր , տէր	ճիթ :
Ի կարդալ իմում լուար ինձ աստուած	զ :
Ի նեղութեան իմում ես առ քեզ տէր կարդացի .	ճթթ :
Ի տէր յուսացայ . որպէս ասիցէք ցանձն	ժ :
Ի քեզ տէր յուսացայ , մի՛ ամաչեցից յաւիտ . . .	լ :
Ի քեզ տէր յուսացայ , մի՛ ամաչեցից յաւիտ . . .	հ :
Լուարուք զայս ամենայն աղղք . ունկնդիր . . .	խը :
Լուիցէ քեզ տէր յաւուր անձկութեան	ժթ :
Լուր աստուած աղօթից իմոց յաղաչել ինձ . . .	կդ :
Լուր աստուած աղօթից իմոց , և նայեայ տէր . . .	կ :
Լուր տէր արդարութեան , և նայեա	ժզ :
Խոնարհեցո տէր զունկն քո՝ և լուր ինձ	ձե :
Խոստովան եղերուք տեառն՝ և կարդա	ճդ :
Խոստովան եղերուք տեառն՝ զի բարի է	ճթէ :
Խոստովան եղերուք տեառն՝ զի բարի է	ճլե :
Խոստովան եղերուք տեառն՝ զի քաղցր է	ճե :
Խոստովան եղերուք տեառն՝ զի քաղցր է	ճզ :
Խոստովան եղէց քեզ տէր՝ բոլորով սրտիւ . . .	ճլէ :
Խոստովան եղէց քեզ տէր՝ բոլորով սրտիւ . . .	ճթ :
Խոստովան եղիցուք առ քեզ աստուած	հզ :
Մալիս հարէք ամենայն հեթանոսք	խղ :
Կեցո զիս աստուած , զի հասին ջուրք	կը :
Հաճեցար տէր ընդ երկիր քո , և դարձու . . .	ճդ :
Համբարձի զաչս իմ՝ ի լերինս , ուստի եկես .	ճի :
Համբերելով համբերի տեառն , և նայեցաւ .	լթ :
Հաւատացի զոր և խօսեցայ , և ես խո	ճթե :
Հիմունք նորա՝ ի լեառն սուրբ նորա	ճդ :
Չայնիւ իմով ես առ տէր կարդացի	հզ :

Չայնիւ խմով ես առ տէր կարողացի	ճիսա :
Մատուցէք տեառն՝ որդիք աստուծոյ	իլ :
Մեծ է տէր . և օրհնեալ է յոյժ	խէ :
Մի՛ նախանձիր ընդ չարս , և մի՛ ընդ այնո	լղ :
Մինչեւ յե՞րբ տէր՝ մոռանաս զիս	ժբ :
Յայտնի է ՚ի հրէաստանի աստուած և հե	հե :
Յարիցէ աստուած՝ և ցրուեսցին ամենայն	կէ :
Յելանելն իսրայէլի յ՛եզիպտոսէ	ճժդ :
Յիշեա տէր գդաւիթ , և զամենայն հեղու	ճլա :
Յողորմութիւն և յիրաւունս օրհնե	ճ :
Նայեցարուք ժողովուրդք յօրէնս իմ	հէ :
Ողորմեա ինձ աստուած , զի կոխեաց	ժե :
Ողորմեա ինձ աստուած՝ ողորմեա ինձ	ժզ :
Ողորմեա ինձ աստուած ըստ մեծի ողոր	ժ :
Ո յուսայ ՚ի տէր , որպէս լեառն սիօն	ճիդ :
Որ բնակեալն է յօգնութիւն բարձ	զ :
Որ հովուեսդ իսրայէլի՝ նայեաց , որ	հթ :
Որպէս սիրելիք են յարկք քո տէր զօրու	ճզ :
Որպէս փափաքի եղջերու յաղբերս	խա :
Ունկնդիր աստուած աղօթից իմոց . և	ժդ :
Ուրախ եղէ ես՝ ոյք ասէին ցիս	ճիա :
Պահեա զիս աստուած իմ , զի ես ՚ի քեզ	ժե :
Պատրաստ է սիրտ իմ աստուած , սլատ	ճէ :
Սիրեցի՝ զի լուիցէ տէր զձայն	ճժդ :
Սիրեցից զքեզ տէր զօրութիւն իմ	ժէ :
Տեառն է երկիր Լիւ իւրով	իզ :
Տէր ապաւէն եղեր մեր ազգէ	ճթ :
Տէր աստուած իմ՝ ՚ի քեզ յուսացայ . փլըր	է :
Տէր աստուած փրկութեան իմոյ , ՚ի տուէ	ճէ :
Տէր զի բազում եղեն նեղիչք իմ	ճ :

Տէր թագաւորեաց, բարկացան ժողո	զը :
Տէր թագաւորեաց՝ վայելչութիւն զգեցաւ	զբ :
Տէր թագաւորեաց՝ ցնծացէ երկիր	զզ :
Տէր ՚ի զօրութեան քում ուրախ եղիցի	ի :
Տէր լոյս իմ և կեանք իմ ես յուսմէ	իզ :
Տէր լուր աղօթից իմոց, ունկնդիր	ճխբ :
Տէր լուր աղօթից իմոց, աղաղակ	ճա :
Տէր կարգացի առ քեզ և լուր ինձ	ճխ :
Տէր հովուեսցէ զիս և ինձ ինչ ոչ	իբ :
Տէր մի՛ սրտմտութեամբ քով յանդիմա	զ :
Տէր մի՛ սրտմտութեամբ քով յանդիմա	լէ :
Տէր ոչ բարձրացաւ սիրտ իմ, և ոչ	ճլ :
Տէր ո՞վ կացցէ ՚ի խորանի քում	ժդ :
Տէր տէր մեր, զի՞ սքանչելի է անուն	ը :
Տէր փորձեցեր զիս և ծանեար	ճլը :
Յնծացէք առ աստուած օղնական է	ձ :
Յնծացէք արդարք ՚ի տէր, ուղղոց	լբ :
Փրկեա զիս ի թշնամեաց իմոց աստուած	ծը :
Քեզ վայելէ օրհնութիւն աստուած ՚ի սիօն	կդ :
Օրհնեա անձն իմ զտէր, տէր աստուած	ճգ :
Օրհնեա անձն իմ զտէր, և ամենայն	ճբ :
Օրհնեա անձն իմ զտէր, օրհնեցից զտէր	ճխե :
Օրհնեալ տէր աստուած իմ, որ ուսոյց	ճխդ :
Օրհնեցէք զանուն տեառն, օրհնե	ճլդ :
Օրհնեցէք զաստուած ՚ի սրբութեան նորա	ճծ :
Օրհնեցէք զտէր ամենայն աղինք գովե	ճթգ :
Օրհնեցէք զտէր՝ զի բարի է սաղ	ճխգ :
Օրհնեցէք զտէր յերկնից, օրհնե	ճխը :
Օրհնեցէք զտէր յօրհնութիւն նոր, զի	զէ :
Օրհնեցէք զտէր յօրհնութիւն նոր, օրհն	զե :

Օրհնեցէք զտէր յօրհնութիւնն 'ի նոր ճխթ :

Օրհնեցէք մանկունք զտէր՝ և ճժբ :

Օրհնեցից զտէր յամենայն ժամ, յամե լղ :

ՕՐՀՆՈՒԹԻՒՆԻՔ

Արդ արձակեա զծառայս քո տէր 419

Ես ասացի 'ի վերանալ յինէն աւուրց 304

Ձի հուր բորբոքեցաւ 'ի բարկութենէ 147

Ի գիշերաց կանխէ հոգի իմ՝ առաւօտ առ 265

Ի նեղութեան իմում ես առ տէր կարդացի 339

Հաստատեցաւ սիրտ իմ 'ի տէր, և 199

Մեծացուցէ անձն իմ զտէր 417

Նայեցարուք երկինք և խօսեցայց 91

Տէր զլուր քո լուայ և երկեայ 404

Տէր ամենակալ աստուած արբահամու 419

Փոքր էի ես յեղբարս իմ. և կրտսեր 412

Օրհնեալ ես տէր աստուած հարցն մերոց 413

Օրհնեալ ես տէր աստուած իսրայէլի որ յայց . 418

Օրհնեսցուք զտէր զի փառօք է փառա 40

Օրհնեցէք զաստուած յօրհնութիւնն նոր 334

Եօթն Սաղմոսք ասպաշխարութեան

Տէր մի՛ սրտմտութեամբ քով յանդի ղ :

Երանի՛ ում թողութիւն եղեւ մեզաց լա :

Տէր մի՛ սրտմտութեամբ քով յանդի լէ :

Աղորմեա ինձ աստուած ըստ մեծի ողոր ծ :

Տէր լուր աղօթից իմոց, աղաղակ ճա :

Ի խորոց կարդացի առ քեզ տէր, տէր ճիթ :

Տէր լուր աղօթից իմոց, ունկնդիր խըն ճխբ :



ՀՀ Ազգային գրադարան



NL0029571

1911

